



UNED





K 000014 13/50
F.A 171



UNED

QUINCTI CURTII

R U F I

DE REBUS GESTIS

ALEXANDRI MAGNI

HISTORIARUM LIBRI X.



MATRITI:

APUD VIDUAM ET FILIUM PETRI MARIN.

ANNO M.DCC.XCVII.

GUINCIUS CIRRI

RUEI

DE RAYA EATIS

ALEXANDRI MAGNI

HISTORIARUM LIBRA X.

1650
1651

MATTHEI

EDWARDI MURRAY ET MATTHIEU GUNCIUS

EX LIBRIS OF THE LIBRARY OF THE UNIVERSITY OF TORONTO

DE ÆTATE

Qua floruit

QUINCTUS CURTIUS.

DISSERTATIUNCULA,

*Sive potius narratio , excerpta ex binis IOH.
ISACIPONTANI bac de re epistolis ad V. C.
GER. VOSSIUM.*

AD Curtium quod attinet , hoc præter ea , quæ allata sunt , videor dicturus , eum scilicet clariss. olim viro Barnabæ Brissonio lib. 1. de Regno Persarum , haberi , atque æstimari Curtium illum Rufum , qui inde à Tiberii temporibus Rempub. attigit , & cui , dum Africæ Proconsuli velut comes , & sectator adhæret , spectrum illud se obtulit memoratum à Plinio lib. 8. epist. 27. nec alium intellectum Suetonio , qui Rhetorum clarorum albo eumdem sub Rusi cognomine ascripserit , quomodo etiam nominasse eum videtur Annal. xi. Tacitus. Et ideo ad Claudiū Imp. referenda sunt , quæ Historiæ suæ lib. x. de rebus Alexandri , in hæc verba ipsæ prescrīpsit. *Proinde jure , meritoque , Populus Romanus salutem se Principi suo debere profitetur , cui nocētis , quam pānē supremam habuimus , novum sidus illuxit. Hujus herculē , non solis ortus , lucem caliganti reddidit mundo ; cum sine suo capite dis-*

*cordia membra trepidarent. Quot ille tum extinxit faces? quot condidit gladios? quantum tempes-
tatem subita serenitate discussit? Non ergo revi-
rescit solum, sed etiam floret imperium. Absit mo-
do invidia, excipiet hujus saeculi tempora ejusdem
domus, utinam perpetua, certe diurna posteri-
tas.* Eaque Curtiana verba haud alia interpretatione
egere, subjicit Brissonius idem, quam Suetonii cap.
x. & xi. in Claudii, & Josephi lib. xix. Antiq. cap.
2. & 3. ubi scilicet post cædem Caji, per biduum
de mutando Reipub. statu, asserendaque communi
libertate hæsitatum innuitur, ac tandem Rectore
uno, ac nominatim constituto Claudio, Imperium
stabilitum, firmatumque est. Quæ sanè haud alia
sunt, quam annotata jam olim Cl. V. *Justo Lipsio*
ad lib. xi. Annal. Taciti memorantis originem Cur-
tii Rufi. Interim hæsitare se idem Lipsius profitetur,
& facile manum daturum, si quis afferat verisimí-
liora. Qua occasione tentasse aliud postea reperio
virum ampliss. ac multa eruditione præstantem *Ja-
num Rutgersium* in illis suis rerum selectarum, ac
variarum lectionibus: ubi Brissoni opinionem, qui
ad Claudii ævum referendum volebat, paucis, &
accuratè confutans, ostendit, post Caji cædem, Ro-
manum imperium, neque à pluribus expeditum, neque
civilibus bellis, ut Macedonicum illud, cuius oc-
casione superiora ista de Romana Repub. interse-
ruit Curtius, fuisse laceratum. Quod tamen esset, si
hic locus eò trahendus foret. Itaque Rutgersius ipse
à Brissonio hac parte, ac jure decedens, ævum
Curtii ad Vespasianum potius referendum credidit.
Nec ego valdè abnuerim, nisi verba illa Curtii su-
perius posita, non ergo revirescit solum, sed etiam

fio-

florebat Imperium, alio me quasi traherent. Ecce re-
virescere Imperium, inquit quod dici haud potuit,
imò nec dicitur, nisi de sèculo insequenti, & præ-
sertim Trajani principatu, ut habet dissertè prolo-
gus ille Flori, qui, postquam juventam Imperii
retulisset ad usque ætatem Augusti Cæsaris, ab
eo paulatim ad usque Trajanum, qui anni fuerint
CC. consenuisse idem, ait, atque inde sub eodem
vicissim movisse lacertos, ac præter spem omnium,
quasi deposito senio, ac resumpta juventute, revi-
rescere cœpisse. Nec aliter de suo quoque ævo
Prudentius, ubi introducens Romam loquentem
ita canit.

O clari salvete Duces, generosa propago
Principis invicti, sub quo senium omne renascens
Deposuit, vidique meam flavescere rursus Canitiem.

Ultra, quod addam, magistropere non est, nisi atten-
dere etiam obiter libeat, quām aptè verbis Curtii,
superius recitatis Trajani respondeat Imperium
Imperiique initium. De quo omnia, quæ velim &
fusé ad hanc rem, in illustri illo suo ad hunc Prin-
cipem Panegyrico refert Plinius junior: & idem
quoque, sed paucis agens, clarè tamen, disertèque
Aure. Victor in vita ipsius Trajani: ubi inquit: Quæ
omnia eo videbantur majora, quoniam per multos,
atque atroces Tyrannos perditos, atque prostrato
statu Romano, in remedium tantorum malorum
divinitus credebatur opportunè datus Trajanus,
usque eò, ut adveniens Imperium ejus pleraque
mirifica denuntiaverint, in queis præcipuum cor-
nix è fastigio Capitolii, Atticis sermonibus, ef-

fata (grecè.) Quod Suetonius Tranquillus sub finem Domitiani latinè redens ita expressit.

*Nuper, Tarpejo quæ sedet culmine, cornix,
Est, bene non potuit dicere, dixit, erit.*

Qui & addit continuò istud epiphonema : *ipsum etiam Domitianum ferunt somniasse, gibam sibi pone cervicem auream enatam, pro certoque habuisse, heatiorem post se latioremque portendi statum Reipublicæ. Sicut sanè brevi evenit; abstinentia, & moderatione insequentium principum.* Quorum principum præcipuus, ac Coriphæus fuit, post brevissimum Nervæ principatum, Trajanus, de quo dictum : Qui longo, moderatoque imperio pulsa temporum antecedentium nocte, *novum*, illud, quod innuit Curtius, *sidus* exinde illuxit, ac veluti *Sol ortus lucem caliganti reddit mundo, faces extinxit, gladios condidit, suaque, ac subita serenitate tempestates circumquaque Romani Imperii feliciter discussit.* Unde & iterum idem Curtius lib. 3. de Tyro loquens, agnoscit haud immerito *longam in imperio pacem cuncta refoventem*, post scilicet Domitianum, & alios principes; *beneficio præsertim, ac moderatione ut verba fuerunt Suetonii, insequentium Imperatorum, in quibus familiam duxit Trajanus præcipue.* Ut omittam, postremis illis ejusdem superius Curtii verbis, quæ votum continent pro nova ad principatum evecta domo, haud aliud intelligendum innui, quam Trajanum, qui post Nervam, à quo est adoptatus, primus habetur Principum externorum. Fuit enim ex urbe Tudertina, Hispanus. Nam de novo Princi-
pe,

pe , & à prioribus , qui Romani omnes fuere , pro-
sapia , & gente diverso , loqui Curtium ostendunt
itidem , quæ superius proxime sequuntur , ubi pos-
teritatem quidem ejusdem domus , si non perpe-
tuam , saltem diuturnam fore auguratur. Quod ad
principum priorum aliquem , qui ante Nervam , &
Trajanum fuere , quinque tandem Romanæ gentis
floruerunt , & ab Ænea , aut primis Regibus origi-
nem deducebant , quomodo referetur ? Habis , Vos-
si humanissime , quæ sit nostra de florentissimo
scriptore . deque tempore , quo claruit , sententia.
Tu eam qualemcumque æquis facies , ac simul mo-
ram tesponsionis nostræ.

EX ALTERA AD EUMDEM

EPISTOLA.

DE Curtio , quod præsens nupèr , sed festinus
volebam , innuisse magis , quām dixisse puto. Nam
quod existimabas de *domo eadēm* , quod Curtius ait ,
ad Vespasianum quoque posse referri , cum Æneas-
dum prosapia in prioribus ante cum Cæsaribus , &
præsertim in Nerone , finem habuerit , etiamsi con-
cederetur , hærebis nihilominus æque in illis verbis:
*Adsit invidia , excipiet hujus sæculi tempora ejus-
dem domus , utinam perpetua , certè diuturna pos-
teritas , quod Vespasiani posteritas diuturna non*

fuerit, & filius ejus Titus annos tantum duos, frater vero Titi Domitianus quindecim in imperio transegerit, eosque tales, quibus haud quaquam ascribi possit, *Bonum Fatum*, aut illad Curtianum elogium. Non ergo revirescit solum, sed etiam floret imperium. Ipse autem Vespasianus vix ultra decennium rerum potitus, quomodo longae pacis laude cuncta resoventes, quam suis iterum lib. 3. temporibus sub Romana mansuetudine tribuit Curtius, celebrari poterit? Adeò ut iterum, iterumque fateri habeam ejus noctis, quam ait Curtius Romanos penè habuisse supremam, haud aliud illuxisse sidus novum, quam Trajanum, ejusque non solis ortum, ut idem porrò addit, conditis gladiis, licet caliganti reddidisse mundo, idque tum præcipue, cum in Nervam conjuratio Calpurnii, Crassi, Ælianique, & aliorum inita detegeretur. Nam statim exinde, ascenso Capitolio, M. Ulpium Trajanum adoptavit, ac successorem sibi Nerva declaravit. Cui etiam continuò post defuncto succedens Trajanus, imperium diu, feliciterque tenuit, ut & Adrianus, qui eum exceptit, *eiusdem*, ut habent verba Curtii, *domus*, ac prosapiæ Imperator.

Jam quod ad stylum Curtii attinet, cum anterioris fere sæculi videri, movere id possit, nisi omnibus sub Trajano auctoribus concisum ut plurimum dicendi genus placuisse videam, nec tamen omnes pari id modo, aut laude assecutos. Nam Florus, licet verba ei stricta, sententiæque argutæ sint, flosculis tamen Thetorum orationem subinde pingit: contraria Taciti est oratio, & multo vicissim alia Suetonii, aliaque Plinii, qui tamen omnes Trajani sæculo claruerunt. Et adde his Asinium

Pollinem, æqualem propèmodum Ciceronis, quem tamen à nitore, & jucunditate Ciceronis ita longè absuisse, Fabius fassus esset, ut videri potuisset sæculo prior. Et denique Eginhardum quis sæculo barbaro eam Caroli Magni vitam contexuisse dicat, nisi hoc adstruat auctoritas Adami Bremensis, qui eum prolixè citat, sæculo æque barbaro utpotè sequentibus statim temporibus, sub Caroli filiis, aut nepotibus florens? Et Curtius ipse, de quo dicere cæperamus, etiam si dictio ejus tersa multum, elegansque sit, nonne ea habet, quæ ad sæculum inclinans, deteriusque referri debeant? Sanè *Ducatus* vox, quæ apud eum occurrit, nescio, an apud alios, nisi eos, qui sub Trajano, & illis temporibus floruerunt, ut Suetonius, reperiatur: ne & alia addam, de quibus dicitur opportuniùs aliàs.

Sed pluribus fortasse apud te hæc agere videar, mi Vossi. At tu, qui tuus est veri cognoscendi amor, & studium, in se præsertim tam intrincata, quæque tot egregios viros *Brissonium*, *Bongarsium*, *Mondium*, *Picheum*, *Lipsium*, aliasque & nuper quoque virum amplissimum, nostrumque utrique amicissimum, *Rutgersium* (ut *Accidalium*, *Popinam*, *Locceniumque* nunc mittam) exercuit, hanc, ut spero, parrhisiam nostram æqui facies. Age itaque iterato nunc ipsa Curtii verba paulo fusiùs posita inspiciamus, conferamusque cum singulorum sententiis propriis. Ait lib. x.

Sed jam fatis admovebantur Macedonum genti bella civilia. Nam & insociabile est Regnum, & à pluribus expetebatur. Quodque Imperium sub uno stare potuisset, dum à pluribus sustineretur, ruit. Proinde jure, meritoque *Populus Romanus*

nus salutem sē Principi suo debere profitetur, cui noctis, quam penē supremam habuimus, novum sidus illuxit. Hujus herculē, non solis ortus lucem calanti reddidit mundo, cum sine suo capite discordia membra trepidarent. Quot ille tum extinxit faces? quot condidit gladios? quantam tempestatem subita serenitate discussit? Non ergo revirescit solum, sed etiam floret Imperium. Absit modo invidia, excipiet hujus saeculi tempora ejusdem domus uitinam perpetua, certè diuturna posteritas.

Quibus ex Curtii verbis liquet, occasione Macedonici Imperii, quod jam à pluribus, extincto Alexandro, expectebatur, ista de rei Romanæ statu interseri, ad demonstrari, jure, meritoque Populum Romanum salutem Principi suo debere profitetur, cui noctis, quam pñè supremam habuerat, novum sidus illuxerit. Quod sanè nec ad Augustum referri potest cui vivo, & ad Imperium promoto nullum novum sidus, aut successor auxiliaris illuxerit: nec ad Claudio, quia post cædem Caji, neque Imperium à pluribus expetebatur, neque motibus intestinis agitabatur, ut Mecedonicum; nec ad Vespasianum, qui ipse sibi Imperium post necem, & occisionem Vitelli adscivit. At Nervæ, in quem præter Calphurnium Crassum, Ælianus, aliique Imperio imminentes conjuraverant, adoptatus Trajanus novum, ac salutare hoc sidus verè fuit, qui & eam seditiōnum, ac temporum noctem die subito serenavit. Ita enim noctis vocabulum accipiendum ibi, quæ est in voce sidus, metaphoram, puto ostendere. Propriè autem de prælio, quod inter copias Vespasiani, & Vitelli est noctu certatum velle exponere, quasi ea

noc-

nocte Vespasianus , Vitellio profligato , novum sidus illuxisset , negant Curtii verba , qui ait , noctis ejus novum sidus ipsi principi illuxisse. At Vespasianus Principi Vitellio non salutaris , aut *novum sidus illuxit* , sed jam ante eam pugnam ē Syria cum legionibus adventans ei minabantur exitium , atque internacionis quoque causa postremo fuit , Exortus igitur accipiens hic Trajani , qui Nervæ jam seni , & contempto accurrens , ipsi mundo , id est Imperio universi caliganti , & veluti *trepidanti* *sine suo capite lucem reddidit* , *faces extinxit* , *gladios condidit* , Calphurni puta , & Æliani , in quos , ut capita , & faces conjurationis , cum primum Imperium capessit ; animadverti etiam fecit , atque ita subita serenitate , ut deinceps auctor loquitur , tantam tempestatem discussit. Quod iterum nec ad Augustum referas , qui initio Imperii sui cum monstris illis Antonio , Pompejo , Lepido tandem est colluctatus ; nec ad Vespasianum , qui solo sublato Vitellio , securus egit , ac brevi exinde , decennio circiter exacto , Imperium siniit.

Quibus hoc pacto expositis , aptè jam , quemadmodum , & Florus , aliquique de ejusdem Trajani sæculo *revirescere non solum* , *sed etiam florere inquit Imperium*. Et tandem epiphonemare , ac bono quasi omne claudens , *excepturam addit istius sæculi tempora domus ejusdem* , *utinam perpetuum* , certè *diuturnam posteritatem*. Quod similiter neque de Augusto aut Claudio , ac multò minus de Vespasiano potest accipi ; cùm , ut dixi , biennium tantum filius ejus Titus , & quindecim annos Domitianus Titi frater imperavit , idque , ut constat truculentissimè. Estque notandum , cùm *domus ejus-*

ejusdem posteritatem dicat minimè ad Vespasianum hoc referendum , cui filii successere , sed optimè quadrare in Trajanum, qui ex sua domo, ac familia Hadrianum successorem sortitus est. Quorum etiam uterque expertus est, quam innuit alibi idem Curtius , sui temporis longam sub tutela Romanæ mansuetudinis pacem , cuncta refoventem Suetoniūs , sub finem Domitiani id factum dixit beneficio, ac moderatione insequentium Principum , in quibus eminuit , ac princeps fuit , de quo jam , iterumque dictum , Trajanus.

Hæc , eruditissime Vossi , super Curtio breviter , & veluti corollarii vice occasione familiaris nostri sermonis adjicienda prioribus putavi. Cujus inquam Curii fatum idem esse video, quod Manili Poetæ , de quo quam varia doctorum similiter judicia sint , non ignorare te existimo , &c.

SU-

SUPPLEMENTUM

IN

QUINCTUM CURTIUM

DE REBUS GESTIS

ALEXANDRI MAGNI,

LIBER PRIMUS

CONTINE N S.

PHILIPPUS MACEDO, qui primus omnium Regum ejus gentis, Macedoniae Regnum, subacta tota Græcia, ad summam potentiam evexit, Amyntæ, viri prudentissimi, omnibusque imperatoriis virtutibus instructi, filius fuit. Is Amyntas ex Eurydice uxore tres filios suscepserat. Alexandrum, Perdiccam, & Philippum Alexandri Magni patrem, atque filium Euryonem. Insidiis autem Eurydices uxor, quæ nuptias generi, mariti morte pacta, occidendum virum, Regnumque adultero tradendum suscepserat, oppressus fuisse set, ni filia pellicatum matris, & sceleris consilia prodiisset. Post mortem Amyntæ, Alexander major natu filius, Regno potitus est. Qui inter initia Regni, cogente sane durissimo necessitatis zello, bellum ab Illyriis pacta mercede, datoque Philippo fratre obside, redemit. Interjecto quoque tempore, per eundem obsidem, cum Thebanis gratiam pacis reconciliat. Quæ res Philippo ad ma-

maxima ægregiae indolis incrementa profuit. Si quidem tota custodiendi pueri cura, Epaminondæ, strenuissimo Thebanorum Duci, atque Philosopho præstantissimo, hac conditione demandata est, ut commissum sibi puerum diligenter servaret, & summo studio in id juxta incumberet, ut moribus Principe dignis, atque honestis disciplinis quam optimè imbueretur. Fovebat ea tempestate laudatissimus Princeps domi suo Epaminondæ Præceptorem Pythagoricum, sub quo Philippus multum profecit. Interēa temporis Alexander, insidiis matris Eurydices appetitus occubuit: cui tamen anted Amyntas, in scelere deprehensæ, propter communes liberos ignarus, iisdem quandōque exitiosam fore, pepercera. Frater quoque ejus Perdiccas, simili insidiatus fraude, relicto parvulo filio, decipitur. Sub idem tempus Philippus commodum è custodia elapsus, diu se non Regem, sed tutorem pupilli egit. At, ubi graviora bella imminabant, serumque auxilium in expectatione infantis erat, compulsus à populo, Regnum Macedonicum male affectum, cùm bellicis viribus, tūm Philosoo phiae præceptis præmunitus, apprehendit, anno CCC. ab Urbe condita, Olympiade V. Circa prima itaque Regni primordia, rerum infinita multitudine in diversas trahente partes, finitimis undique in Macedonia irruentibus populis bellisque veluti conspiratione quadam, ad opprimendum Macedoniam, multarum genium ex diversis locis uno tempore onfluentibus, Rex Philippus cautius omnino agendum esse considerans (omnibus enim par esse non poterat) alia interposita pactione composuit, alia redemit, facillimis aggressis, ut militum strepidos firmaret
ani-

animos, & sibi hostium contemptum demeret. Primum illi cum Atheniensibus certamen fuit, quibus per insidias victis, metu gravioris belli, cum interficere posset, omnes incolumes sine pertio dimisit; quæ res illi magnum, & gratiam, & auctoritatem conciliavit. Captis deinde Pœonibus, Bellum im Illyrio transtulit. Ibi multis hostium milibus cæsis, Larissæam urbem nobilissimam cœpit.

Hinc Thessalos, non cupiditate prædæ sed quod exercitui suo robur Thessalorum equitum adjungere gestiebat, nihil minus, quam bellum metuentes, adoritur. Quibus ex impreviso præoccupatis, atque in potestatem redactis jungendo equitum, penditumque fortissimas turmas, & copias, invictissimum fecit exercitum. Quibus rebus feliciter gestis, Olympiada, Neoptolemei Regis Molossorum filiam, uxorem dicit, conciliante nuptias altore virginis Arisba, Rege Molossorum, qui sororem Olympiadis Trôadæ in matrimonio habebat. Quod causa illi exilii, malorumque omnium fuit. Nam, dum Regni incrementa affinitate Philippi se acquisitum sperat, proprio Regno, ab eodem privatus, in exilio consenuit. Post nuptias autem Philippus per quietem visus est conjugis albo insignem affixisse bullam, cuius sculptura, quemadmodum is existimat, leonis haberet imaginem. Quod Vates ita sunt interpretati: Ipsam quidem esse gravidam, animosum quoque, & leonis natura præditum infante parituram. Deinde, cum Philippus urbem Methonem expugnaret, jactu sagitæ dextrum amisit oculum. Nihilominus tamen pacem deprecantibus dedit, mitisque etiam adversus victos fuit. Pagas etiam capiens imperio suo adjecit. Triballorum quoque gentem,

tem, & quidquid præterea terrarum in proximo erat, invadens, omnia uno velut impetu devicit. Debellatis finitimis, atque confirmato jam Macedoniæ Regno, cùm domum reddidisset, natus est ipsi Alexander filius ex Olympiade uxore, VIII. Idus Aprilis, dicit Plutharcus; ab eo autem, qui illum in Latinum convertit, scribitur, circa idus Augusti. Quod sane, cuius sit error, dubium est. Porro Philippus, veluti è specula quadam, libertati omnium insidias, Græcorum civitates, quæ dominandi libidine singulæ imperare cogitaverant, omnes in suam rededit potestatem. Inferioribus enim contra superiores suadens certamina; omnibus ad invicem callide incitatis, à Thebanis etiam, qui tamen antea eum, tanquam hostem, repellere conabantur, contra Laedemonios, & Phocenses, qui templo Apollinis spoliato, milites conduxerant, necessitate urgente, dux electus, oppressis sacrilegiis, magnamque in se apud omnes nationes gloriam adeptus, omnium ad ultimum efficitur dominus, ac princeps, & viatos pariter, atque victores sirvitutem subire coegit. Inde in Capadociam trajiciens, captis, & occisis finitimis Regibus, universam Provinciam Imperio Macedoniæ adjecit. Olyntho quoque expugnata, Thraciam invasit. Nam cùm eum fratres duo Thraciæ Reges, de terminis Regni ambigentes, disceptationum suarum judicem eligerent, Philippus ad judicium, velut ad bellum, inopinantibus fratribus, instruclio exercitu venit, & utrumque Regno, de quo disceptabant, spoliavit. Omnes sane Principes docens, concordiam, maximum ad conservanda imperia, atque principatus stabiliendos, adminiculum esse.

Alexander autem factus annorum duodecim, rebus

bus bellicis admodum delectari, & excelsæ indolis manifestissima proferre indicia cœpit. Cumque ex equalibus nonnulli ex eo percontarentur, ad Olympicum numquid stadium libens decertaret (plurimum enim pedum celeritate pollebat.) Libens equidem, inquit, si decertaturos mecum Rege sim habituros. Olim cùm forte, absente Philippo, Legati à Persarum Rege venissent, eos cùm hospitio, tum consuetudine captos, jucundissima sibi familiaritate coniunxit: admirantes, quod is nihil, aut humile, aut puerile scis, citaretur. Nam aut viarum longitudinem, aut superiorum itinerum modos perquirerat: multa super Rege, qualis in hoste esset, nunc super Persis, quæ vires, aut quæ esset potentia, rogitabat. Quas res admirati Legati, latè diffusam Philippi gravitatem nihil præ hujus pueri indole, & majore, quam ætas pateretur, animi magnitudine, duxerunt. Quoties à Philippo, aut noble quoddam captum oppidum, aut memorabili prælio parta victoria nuntiabatur, haud magnopere lætabatur. Cæterum ad suos ajebat æquales: Omnia, ò pueri, genitor occupavit, ita ut ne vobiscum grande illum, ac insigne facinus ostentare mihi sit reliquum. Non enim ipsum ulla illecebrarum, aut pecuniæ, sed sola virtutis, ac gloriæ cupidio tenebat, quoque maiores à patre facultates acciperet, eò se minora gerere posse existimabat. Quocirca crescente dominio, gerendis præclaris rebus materiam magna ex parte exhaustum iri ratus, non opes, non deliciarum usus, verum certamina, & pugnas ardebat, & principatum, unde sibi, ob virtutem, gloriam, nominisque immortalitatem (quæ spes nec Alexandrum, nec quemquam alium bonum unquam

fefellit), compararet, affectabat. Quamobrem ipsius cura compluribus (uti par erat) nutritoribus, pædagogis, ac præceptoribus est demandata, in primis tamen Aristoteli, ex cuius disciplina decem ferme annis informatus est. Eodem ferè tempore Philippus Delphos misit, consulens de successore; responsumque tale accepisse ferunt: Is demùm tuo imperio, omnique orbe potietur, quemcumque Bucephalus sessorem passus fuerit. Erat autem Bucephalus equus forma spectabilis, atque ferocissimus, quem Philonicus Thessalus Philippo XIII. talentis emerat. Hunc diu Philippus sub claustris præferratis asservari jussit. Mansit tamen ita ferus, ut planè nullus eum ne tangere quidem ausus fuerit. Quare factum est, ut cum Philippus removeri, atque abjici jusscerit, Alexander vero cum forte adesset. Qualem, inquit, isti equum perdum, dum eo per imperium, ac molliiem uii nesciunt? Cumque mira arte sine verberibus tractasset equum, tandemque consensem ad cursum admisisset, tum calcibus usus est, ac molliter flexit habenis, cum equum reduxisset, descendantis caput exorculatus pater, emissis lacrymis. Aliud, inquit, ò fili, tibi par Regnum quære, quando te jam Macedonia non capit. Præsagit vir prudens, tam excelsa indoli non suffectoram paternam ditionem. Post hæc Philippus toti Græciæ bellum inferre statuit. Ad quod percommodum ratus, si Byzantium nobilem, & maritimam urbem in potestatem redegisset, eudem sibi resistentem obsidione cinxit. relicto domi ad regni curam filio Alexandro, tum XVI. annos nato. Hæc urbs à Pausania Spartanorum Rege condita, à Constantino postmodum gloria, opibusque aucta, atque reno-

va-

vata, & à nomine suo Constantinopolis dicta, circiter MCXI. annos sacratissimi Imperii sedes, totiusque Orientis caput fuit. Nunc tamen (prob dolor!) fædissimæ atque impiissimæ Turcarum gentis Imperio subjacet. Sed ut ad Philippum redeam, exhaustis in obsidione opibus, piraticam aggreditur, cunctumque septuaginta navium spolia rapuit, atque militibus suis distribuit. Ne autem in unius urbis obsidione tantus exercitus teneretur, profectus cum fortissimis, multas Chersonesi urbes expugnavit. Filium deinde Alexandrum XVIII. annos natum, virtutis, & promptitudinis in rebus agendis manifestissimè, ut sub patris militia tyrocinii rudimenta posseret, ad se accersivit. Cum quo in Scythiam prædandi causa, more negotiantum, impensas belli alio bello refecturus, est profectus. Eaque expugnata, viginti millia puerorum, ac fœminarum capti, pecoris magna vis, auri, argenteique nihil, XX. millia nobilium equarum ad genus faciendum in Macedoniā missa sunt. Sed revertenti à Scythia Philippo Triballi occurrunt, negantes, se transitum datus, ni portionem accipiant prædæ. Hinc jurgium, mox & prælium; in quo ita in femore vulneratus est Philippus, ut per corpus equus interficeretur. Cum omnes occissum putarent, prædæ amissa est. Quamprimum ex vulnere convaluit, diu dissimulatum bellum Atheniensibus infert. Cujus causa Thebani se junxit, metuentes, ne viclis Atheniensibus, veluti vicinum belli incendium, ad se transiret. Initæ societate inter civitates paulò ante infestissimas, legionibus totam fatigant Græciam, communem hostiem communibus viribus summovendum putantes. Quædam civitates motæ Atheniensibus sese jungunt;

quasdam autem belli metus ad Philippum traxit. In hac pugna Philippus Alexandrum filium alteri cornu præfecit. Ubi laudatissimi Herðis virtus clarissimè emicuit. Talem enim in eadem pugnasse præstítit, ut non inferior patre, immo etiam nulli secundus extiterit; postea quoque eam victoriam sibi invidia, ac fraude patris præreptam fuisse conquestus sit. Commisso itaque apud Cheroneam prælio, etsi Athenienses numero militum longè præstarent, à Macedonibus tamen, continuo, ac diuturno bellandi usu exercitatissimis, vincuntur. Non autem immemores pristine gloriae cecidere. Hic dies universæ Græciæ, gloriam dominationis, & vetustissimam libertatem finit. Cæterum, cum Philippus semper erga Alexandrum optimè affectus fuisset, tandem ex Cleopatra noverca, Olympiati superinducta discordia orta est. Causam adhibuit Attalus avunculus Cleopatræ, qui cum in nuptiis Macedones exhortaretur, Deos orarent, ut ad Regni successionem legitimus ex Philippo, & Cleopatra crearetur hæres, excandescens Alexander, O improbum caput, inquit, nos verò tibi nothi videmur? simulque in eum conjecit poculum. Insurgens inde pater contra Alexandrum, stricto eum petiit ferro. Ictus tamen, inclinatione corporis ab Alexander evitatus, inanis excidit. Tunc Alexander convitiis patrem abortus, receptam Olympiadem matrem secum in Epirum duxit. Eum tamen Philippus, exprobrata sibi à Demarato Corinthio haec eorum discordia, paulò post multis precibus ægre revocavit. Inter hæc nuptias Cleopatræ filie., & Alexandri fratris Olympiadis, quem, pulso Arisba, Regem Epiri fecerat, Philippus celebrat.

Dies

Dies erat pro magnificencia duorum Regum , & collocantis filiam , & uxorem ducentis , insignis . Sed nec ludorum celebritas deerat , ad quorum spectaculum Philippus , cum sine custodibus medius inser duos Alexandros , filium , generumque procederet , Pausanias , nobilis ex Macedonibus , nemini suspectus , adolescens , occupatum angustiis Philippum , in transitu obtruncavit , diemque laetitiae destinatum , fædum luciu funeris fecit . Hic puer strupum per injuriam passus ab Attalo fuerat , qui eum ebrius postea , tanquam ville scorrum , libidine convivarum subjicit . De quo Philippo conquestus est , qui multum quidem ex reeturpitudine est motus , sed Attalo , ob magnam familiaritatem , & quod ejus opera tunc uteatur , ut noceret , induci haud potuit . Erat etiam Attalus , ob Cleopatram proximè à Rege in matrimonium acceptam , arctissima ei junctus cognatione , compiarumque in Asiam prænissarum Dux fuerat delectus , vir in rebus bellicis egregiæ fortitudinis . Idcirco Rex potius , ut Pausaniæ animum justissimo dolore incensum mulceret , est conatus ; datisque ei magnis muneribus , loco insuper honestiore , inter corporis sui custodes honoravit . Sed ille implacabili ardens ira , decrevit non tantum de eo , qui sibi injuriam intulisset , sed & qui ulcisci illam nolluisset , pœnam sumere . Vixit Philippus annos XLVII. regnavit XXV. Macedonum Rex XXIII. cui maxima spes erant instrumenta bellorum , divitiarum questu , quam custodia solertia . Itaque inter quotidianas rapinas semper inops erat , misericordiam in eo , & perfidia pari jure dilecta . Nulla apud eum turpis ratio vincendi ; blan-

dus pariter , & insidiosus alloquio ; qui pluræ
promitteret , quam præstaret , intseria , & jocos
artifex : amicitias utilitate non fide colebat , gra-
tiam fingere in odio , instruere inter concordantes
odia , apud utrumque gratiam querere , solemnis
illi consuetudo. Inter hæc , eloquentia , & insignis
oratio , acuminis , & solertiæ plena , ut nec orna-
tui facilitas , nec facilitates , inventionum deesser
ornatus.

SUPPLEMENTUM
 IN
 QUINCTUM CURTIUM
 DE REBUS GESTIS
 ALEXANDRI MAGNI
 LIBER SECUNDUS
 C O N T I N E N S.

*A*NNO ad urbe condita CCCCXXVI. mortuo
 Philippo, Alexander filius, ob magnitudinem re-
 rum gestarum Magnus appellatus, vicesimo ætatis
 anno, plenum invidia, & gravissimis odiis, ac
 periculis undique circumseptum assequutus est im-
 perium. Nec enim vicinæ barbarorum provinciæ, &
 nationes modestè servitutem ferebant; avita verò
 dominia, patriosque principatus affectabant. Pri-
 mò omnium autem, quotquot paternæ cœdis cau-
 sa fuerant, gravibus affectit pœnis. Deinde se-
 pulturæ ejusdem maximam impedit curam. Prin-
 cipatum verò multò melius, quam quisquam exis-
 timasset, confirmavit. Juvenis enim, atque ob æta-
 tem adhuc teneram, ab aliquibus contemptui ha-
 bitus, vulgus ipsum humanissimis sermonibus ita
 in sui benevolentiam traxit, ut & spem maximam
 omnibus, faceret, & metum simul, atque con-
 temptum sui universis demeret. Macedonibus im-
 munitatem cunctarum rerum, præter militiæ vaca-

tionem , dedit. Quo facto tantum sibi conciliavit favorem , ut alii corpus , non virtutem , alii vero nomen Regis solum immutatum esse , dicerent. Et , cum initio tumultus undique contra ipsum exorti essent , audacia , & animi constantia incredibili , citissime motus omnes compressit. Profectus deinde Corinthium in Peloponesum , generali totius Græciæ consilio , contra Persas , quorum erat eo tempore summum in terris imperium , qui que Græciam sœpè multis cladibus afflixerant , Imperator est designatus. Siquidem pater ejus idem bellum inchoaverat , morte tamen præventus , consummare haud potuerat. In hujus belli apparatu nuntiatur , Athenienses , Thebanos , & Lacedæmonios ab eo ad Persas defecisse , auctoremque ejus defectionis , magno auri pondere à Persis corruptum , Demostenem Oratorem extitisse. Quibus motibus occursum , tanta celeritate instruō , paratoque exercitu Græciam oppressit , ut , quem venire non senserant , videre se vix crederent. In transitu hortatus Thessalos , beneficiorum patris commonefaciens , commemorata etiam veteri cognatione , quæ sibi cum illis per Herculem esset , sermonibusque humanissimis , ut magna à se sperarent , persuasos induxit , ut , communī totius Thessaliæ decreto , universæ gentis Dux crearetur , omniaque vestigalia , atque redditus , suos ei traderent. Tanta autem in juventine celeritas , tamque afficax in rebus agendis diligentia omnes , qui per contemptum ab ea erant alienati , perterrefecit. Athenienses itaque sicuti primi defecerunt , ita etiam primi pœnitere cœperunt , pueritiam Alexandri antea spretam supra virtutem veterum ducum extollentes , missisque lega-

gatis, bellum deprecabantur. Quibus auditis, & graviter increpatis, bellum remisit. In ea legatione Demosthenem quoque fuisse ferunt, sed cum ceteris ad Alexandrum non pervenit. Siquidem à Cytherone Athenas reversus est, sive correptus timore, quod frequenter Philippum cum suis vituperasset, atque in sua Republica contra Macedones verba fecisset: sive ut Regi Persarum, à quo magnam auri summam, ut Macedonum causam oppugnaret, accepisse dicebatur, omnem de se suspicionem eximeret. Hoc quoque ipsi ab Æschine exprobratum ajunt, qui in oratione quadam de acceptis muneribus ita dicit: In præsens sanè Regium aurum sumptus huic suppeditat. Sed hoc deinceps haud sufficient, cum nullæ opes moribus improbis satis esse possint. Alexander, sedatis motibus, qui in Græciâ erant exorti, antequam in Asiam cum exercitu trajiceret, per Thraciam iter faciens, Pœones, Triballos, Illyrios, aliosque finitimos, petere instituit, quos novis rebus studere acceperat. Nam, quod Regno ejus tum finitimi, tum maximè infidi erant, minimè negligendos censuit præser-tim cum in tam longinas à domo regiones cum exercitu profecturus esset. Ex Amphipoli igitur cum copiis profectus in Thracias, quos Græci Antonomos vocant, nullius imperio, nullius legibus obnoxios, decem dierum itinere ad Æmum montem pervenit. Ibi, circa aditus angustias, negotiatorum, atque Thracum ingentem manum collectam obviam habuit. Insederant montis verticem, curribusque pro vallo, qua patebat additus, utebantur: inde pugnaturi, si necessitas postulasset. Sin autem ex adversa montis parte paterentur, currus in

Ale-

Alexandri phalangem magnis impetu erant immis-
suri ; quod & fecerunt. Sed milites ab Alexandro
edicti , alii laxatis ordinibus , alii corpora humi-
strata scutis contegentes , periculum omne devita-
runt. Hinc alacriores facti , ingenti clamore in hos-
tes feruntur , eosque uno impetu superavere. Ale-
xander protinus , superato jugo , per Aemum mon-
tem in Triballos ad flumen Lygium profectus est.
Syrmus Triballorum Rex erat : is , cognito Alexan-
dri adventu , uxores , ac pueros cæteramque imbe-
llem turbam , ad Danubium in insulam Peucam
confestim misit , quo & Thraces Triballis finitimis
se receperant. Nec multò post & ipse Syrmus eodem
fugit. Reliqua Triballorum multitudo ad alteram
insulam se contulerat , eo in loco , ex quo pridie
Alexander moverat , sitam. Alexander Triballos re-
petens hostes , ex sylvis in aperta provocatos , supe-
rat , tribus millibus cæsis , reliquis in fugam con-
jectis , paucisque captis. Post hanc pugnam Ale-
xander ad Danubium profectus , ad insulam , in
quam Triballi , ac Thraces confugerent , contendit.
Cui tamen barbari summa vi resistiterunt , quod erat
iis facilius quoniam , & naves paucæ erant , & in-
sulæ maxima pars prærupta , ac præceps , & flu-
minis cursus , ut potè in augusto conclusus , conci-
tatiōr. Quapropter Alexander , abductis inde navi-
bus , træcto noctu flumine , MD. equitibus , peditibus
que IV. millibus , Getas , quorum circiter IV. millia
equitum , peditumque supra X. millia prohibendi
animo in adversa ripa armatos viderat , petiit. Quo
facto territi Gætæ ne primum quidem impetum susti-
nuere. Rex prorsus ingentis audacie iis visa Alexan-
drum tam facile unica nocte Danubium omnium

Eu-

Europæ fluminum amplissimum, atque altissimum,
 nullo ponte injecto, transisse. Confugientibus igitur
 illis in sylvarum solitudines, atque latebras,
 Rex urbem vacum natus, cœpit, soloque aquavit.
 Huc loci venere Legati à cæteris Danubii ac-
 colis, à Syrma Triballorum Rege, atque Germanis,
 ad Alexandrum, ut cum eo amicitiæ fœdus inirent.
 Quibus in fidem, & amicitiam acceptis, è Germanis
 quæsivit. Quidnam in humanis rebus præ cæteris
 extimescerent? ratus nominis sui magnitudinem an-
 te omnia ipsis formidolosam videri illi hoc in se in
 primis timere responderunt. Ne fortè in sese aliquan-
 do cœlum rueret. Alexander nihil motus responsi su-
 perbia, tantum adjecit, Germanos superbos esse;
 eosque domum remissit. Inde in Agrianos, & Paonas
 iter persequenti nuntiatum est, Clytum Bardyles ab
 eo defecisse, Glaucianque Taulantiorum Regem se ei
 conjunxisse. Erant & qui nuntiarent, fore, ut Au-
 tariatæ ipsum in itinere adorirentur. Proinde nego-
 tio de Autariatis Legaro Agrianorum Regi, qui pa-
 tri Philippo admodum charus, Alexandro quoque per-
 quam familiaris erat, commisso, insuper Cyna sorore,
 ubi Pellam revertisset, ultro in uxorem promissa,
 ipse ad Clytum, Glauciamque magna celeritate con-
 tendit, eosque vario prælio vicit, atque prostravit.
 Haec agenti superveniunt nuntii, multos in Græcia
 res novas moliri, civitatesque non paucas, & in
 primis Thebanos, ab eo defecisse. Quare motus
 Alexander in Macedoniam est reversus, ut factum
 in Græcia tumultum reprimeret. Thebanis autem
 conantibus præsidium Macedonicum ex arce The-
 bana, quam Cadmeam vocant, depellere ipsamquæ
 præaltis forsitan, & munitissimo vallo cinctam obsti-
 den-

dentibus, Rex cum exercitu magnis itineribus profectus, non longè à Thebis cum omnibus copiis insedit. Itaque Thebanorum duces, quoniam Alexander præter spem omnium advenerat, ac incertum erat, utrum auxilia, sicuti à nonnullis civitatibus petierant, illis adventura esset, de belli ratione consultare cœperunt. Omnibus tandem consentientibus, belli discrimen subire constituerunt. Sed Rex suos continuo, illis spatium pœnitendi, mutandique consilii, exhibens, nullo pacto futurum existimans, ut una civitas contra tantas copias esset pugnatoria. Habebat enim ultra XXX. millia peditum, equitumque ad III. millia, omnes laboribus bellicis exercitatissimos, quorum virtuti confisus, Persicum bellum suscepereat: Sanè si Thebani temporum fortunæ cedentes, pacem petissent, Rex eorum postulatis libentissimè annuisset. Nam tum mirifico studio ad Persas in Asiam transire properabat. Cùm tamen armis, non precibus uti decrevissent, Alexander Macedones ad prælium instruxit. A Thebanis contra hostes numero longè superiores summus viribus, atque impigre decertatum est. Interim Macedonibus; qui custodiæ Cadmeæ arcis præerant, à tergo invadentibus, circumventi Thebani, in ipsa pugna ceciderunt. Capta civitas, & direpta, urbs eversa funditus est. Qua quidem in re ea spes, idque consilium extitit Alexandro, ut hujusmodi casu, ac terrore compressi Græci, quietius, dum abesset, agerent, cùm alioqui incusant, ut Thebanus sociis Phocensibus, ac Platæensibus, morem gerere, gratificarique concupisceret. Plures sex millibus oppetiere. Triginta millia vendidit, ex quibus quadrigentorum quadraginta talentorum

gr-

argentī summam coegit. Pindari vatis tamen stirpi pepertit, summum indoctos favorem manifestissimo exemplo testatus. Non omittendum, videtur, quod hic rerum gestarum Alexandri scriptores de Timoclea referunt; quam insignem Thebanum fæminam Thracius quidam dux construpasse dicitur: cùmque post id eam posceret pecuniam, solus à muliere ad puteum seductus fuisse, in quo diceret pretiosiora rerum suarum occultari. Ducebat igitur super os putei, spectandi causa inclinatum, illa in profundum detrusit, superneque injectis lapidibus, oppressit. Ob id facinus adductam ad se in vinculis fæminam percutitus est Alexander, quænam esset? Ea imperterrita, Theagenis, inquit, sum soror, qui contra Philippum electus Imperator fortiter pugnans pro Græciæ libertate occubuit. Magnanimitatem mulieris, & constantiam admiratus Rex, liberam eam cum filiis dimisit. Athenienses Thebarum casum molestè, & summa commiseratione ferentes, profugis portas contra Regis edictum aperuerunt. Quam rem ita graviter tulit Alexander, ut secunda legatione denuo bellum, deprecantibus ita demum remiserit, ut oratores & duces, quorum fiducia toties rebellent, sive de-dantur. Eò tamen demùm, res est deducta, ut retentis oratoribus, duces in exilium agerentur, qui confestim ad Darium Regem Persarum profecti sunt. Cæterū coactis in Isthmo Græcis, & expeditionem in Persas decernetibus, Alexandro plures Philosophi, & Oratores occurrunt, præter Diogenem Cynicum, qui tum versabatur Cerinthiis & Alexandrum parvisaciens, in Cranio habitabat

mi-

miratus Alexander ad eum in sole apricantem venit, rogans, rei ne cujuspiam indigeat? At ille, ut paululum, inquit, à sole discedas? Quo responso Alexandrum adeò delectatum ferunt, ut ad suos conversus dixerit: Se Diogenem esse velle, si Alexander non esset.

Rebus Græciæ compositis, adventante vere ipsaque Græciæ cum Macedonia Antipatro, cui ex amicis maximè fidebat, commissis, ad Hellespontum cum exercitu profectus, in Asiam incredibili ardore mentis accensus, trajecit. Cum autem delati in continentem essent, primus Alexander jactum, velut in hostilem terram, conjectit, armatusque de navi tripudianti similis, prosiluit. Atque ita hostias cœdit, præcatus, ne se Regem illæ terræ invitæ accipient. Inde hostem petens, milites à populatione Asiae prohibuit, pascendum suis rebus præfatus, nec perdenda ea, quæ possessuri venerint. In exercitu ejus fuerunt XXXII. millia peditum, non supra V. millia equitum, nauesque CLXXX. Hac tam parva manu universum terrarum orbem, utrum sit admirabilius, quod viicerit, an quod agredi ausus fuerit, incertum est: cum ad tam pericolosum bellum, non juvenes robustos, nec primo ætatis flore, sed veteranos, plerosque etiam emeritæ militiæ, qui cum patre, patriosque militaverant, elegerit, ut non tam milites, quam militiæ magistros lectos putares. Ordines quoque nemo nisi sexagenarius duxit, ut, si principia castrorum cerneret, Senatum te alicujus priscae Republicæ videre diceret: Itaque nemo in prælio fugam, sed omnes victoriam animis conceperant, nee in pedibus cuiquam spes, sed in la-

laeertis fuit. Alexander deinde passim peraditis sa-
crafiiciis, maximè apud Trojam, ad Achillis tu-
mulum, in quem genus suum ex materna linea
refrebat, eum ob id felicissimum adolescentem
prædicans, quod suarum virtutum præconem Ho-
merum invenisset, ad interiora Darii Regis Per-
sarum contendit. Hunc Darium Arsani filium, qui
decimus quartus à Cyro totius Orientis monarchiam
tenebat, hac potissimum causa aggredi voluit,
quod à patre suo Philippo tributum requisierat.
Darius autem, missa priùs superba, contumelio-
sa, atque imperiosissima legatione, se Regem Re-
gum, ac consanguineum Deorum, Alexandrum ve-
rò famulum suum appellans, Satrapis suis id ne-
gotii dederat, ut insanientem istum Philippi ado-
lescentulun (sic enim eum per contemptum appel-
labat) verberibus, pueribus graviter cæsum, in-
dutumque post veste purpurea, sibi vultum tra-
derent, navibusque una cum nautis submersis,
omnes ejus milites ad ulteriora maris Rubri trans-
portarent. Qui mandatum Regis exequi volentes,
ad Granicum amnem, qui Troadem à Propontide
disterminat, magna manu, videlicet, viginti
millibus peditum, & pari equitum numero, con-
fluxerunt, & prærumpta fluminis ripam, qua Ale-
xandro omnino trajiciendum erat, obsiderunt. Ale-
xander etiamsi præsentissimum periculum instare
cernere, quippe cum suis ex inferiore, atque ins-
tabili loco (erat enim cùm uodus, tūm cæno lubri-
cus, ut pote ex flumine adversus hostes in emi-
nenti ripa stantes dimicandum foret, sua tamen
fortuna, ac virtute, simulque fortitudine militum
confisus, amnem trajecit. Et primo quidem non
sper-

spernenda difficultate pressus, tamen hostes, non tam sua arte, quam virtute Macedonum vicit, utque postravit. In eo conflictu Persarum viginti millia peditum. & CCL equites cæsi, Macedonum non plus XXXIX interfecti sunt. Ea pugnam magnum ad res Alexandri momentum peperit. Sardis enim maritimi barbarorum Imperii propugnaculum cœpit, iisque, ac cæteris Lydiæ populis, ut legibus uterentur suis, concessit. Ephesum, quarto post pugnam die, elapso inde præ metu præsidio, occupavit. Interim ex Magnesia, & Trallibus Legati venerunt, urbium suarum deditioñem pollicentes. Ad quas in fidem recipiendas Parmenionem cum duobus millibus & quingentis mercenariis, parique Macedonum numero, equitibus ex amicis circiter ducentis, misit. Miletum deinde sibi resistentem oppugnavit: eaque potitus, versus Halicarnassum iter ingreditur. Omnibus interjacentibus oppidis primo impetu captis Halicarnassum urbem permunitam obsedit, eamque non sine labore expugnatam, solo æquavit. Ingressus Cariam, Ad Cariæ Regina, quæ Regno ab Orontobate, quem Darius miserat, pulsa nihil quicquam in tota Caria, præter Alinda, ejus provinciæ urbem munitissimam tenebat. Alexandro obviam profecta, Alindis urbe tradita, eum in filium adoptavit. Rex nec liberalitatem fæmine, nec filii nomen aspernatus, urbem eidem custodiendam reliquit. Tota deinde Caria subacta, memor accepti beneficii, eam universam Adæ Imperio subjecit. Hinc in Lyciam, & Pamphiliam tendit, eo consilio, ut ora maritima ad Phœniciam, & Ciliciam usque in potestatem redacta, novales copias hostibus inutiles redderet, devictisque rebellibus Pisidiæ populis, summo mentis ar-

ardore , nec minore alacritate adversus Darium ,
quem cum multis militantium milibus adventare
constabat , contendens , Phrygiam , per quam exer-
citus traducendus erat , est ingressus .

QUINCTI CURTII
DE REBUS GESTIS
ALEXANDRI MAGNI,
LIBER TERTIUS.

SYNOPSIS.

Alexander, vicit ad Granicam ducibus Dariis & Lycia, Pamphiliaque in provinciarum formam redactis, Cælenas cum arce occupat, ubi Marsyas amnis describitur. Inde per Phrygiam venit Gordium; nemusque Gordium gladio abrumpit potius, quam solvit. Darius interea recenset copias; petit Ciliciam. Alexander invadit Paplagonium, Cappadociam, Ciliaciam; vincis Darium ad Issum; & per Parmenionem cum thesauris recipit Damascum.

C A P U T I.

Cleander ad conducendum militem mittitur, Marsyas, fabulis celebratus, laudatur. Alexander Cælenas occupat.

(1) *Inter hæc Alexander, ad conducendum ex Peloponneso militem, Cleandro cum pecunia mis-*
80;

so; Lyciae, Pamphyliaque rebus compositis, ad urbem Cælenas exercitum admovit. Media illa tempestatem mænia interfluebat Marsyas, amnis fabulosis Græcorum carminibus inclytus. Fons ejus ex summo montis cacumine excurrens, in subiectam petram magno strepitu aquarum cadit: inde diffusus circumjectos rigat campos, liquidus, & suas dumtaxat undas trahens. Itaque color ejus placido mari similis locum Poetarum mendacio fecit. Quippe traditum est, Nymphas amore amnis retentas, in illa rupe considere. Cæterum quandiu intra muros fluit, nomen suum retinet. At, cum extra munimenta se evolvit, majore vi, ac mole agentem undas, Lycum appellant. Alexander quidem urbem destitutam à suis intrat. Arcem verò, in quam confugerant, oppugnare adortus caduceatorem præmisit, qui denuntiaret, ni dederent, ipsos ultima esse passuros. Illi caduceatorum in turrim, & situ, & opere multum editam, perductum, quanta esset altitudo, intueri jubent, ac nuntiare Alexandro, non eadem ipsum, & incolas aestimatione munimenta metiri: se scire inexpugnabiles esse; ad ultimum pro fide morituros. Cæterum ut circumside ri arcem, & omnia sibi in dies arctiora vide runt esse: sexaginta dierum inducias pacti, ut, nisi intra eos auxilium Darius ipsis misisset, dederent urbem; postquam nihil inde præsidii mittebatur, ad præstitutam diem permisere se Regi.

C A P U T . II.

*Legatis Atheniensium respondet ; copias adversus
Darium contrahit ; Phrygiam ingreditur ; Gor-
dium nolum explicat.*

SUperveniant deinde legati Atheniensium, petentes, ut capti apud Granicum amnem redderentur sibi. Illi non hos modò, sed etiam cæteros Græcos restituit suis jussu*rum* respondit, finito Perico bello. Cæterū Dario immiaens, quem nondum Euphratem superasse cognoverat, undique omnes copias costrahit, totis viibus tanti belli discrimin aditūrus. Phrygia erat, per quam ducebatur exercitus, pluribus viciis, quam urbibus frequens. Tunc habebat quondam nobilem Midæ regiam, Gordium nomen est urbi, quam Sangarius amnis interfluit, pari intervallo Pontico, & Cilicio mari distantem. Inter hæc maria angustissimum Asiæ spatium esse compemimus, utrōque in arctas fauces compellente terram. Quæ, quia continentii adhæret, sed magna ex parte cingitur fluctibus, speciem insule præbet: ac, nisi tenue discrimin objiceret, maria, quæ nunc dividit, committeret. Alexander, urbe in suam ditionem redacta, Jovis templum intrat. Vehiculum, quo Gordium Midæ patrem vectum esse constabat, aspexit, cultu haud sanè à vilioribus vulgatisque usu abhorrens. Notabile erat vinculum astrictum, compluribus nodis in semetipsos implicatis, & cælantibus nexus. Incolis deinde affirmantibus, editam esse oraculo sortem, Asiæ potitum, qui inexplicabile vinculum solvisset; cupidō incessit animo sortis ejus explendæ. Circa Regem

erat

erst , & Phrygum turba , & Macedonum : illa explicatione suspensa , hæc sollicita ex temeraria Regis fiducia : quippe series vinculorum erat ita adstricta , ut , unde nexus inciperent , quæ se condiderent , nec ratione , nec visu præcipi posset . Solvere aggressus , injecerat curam , ne in omem verteretur irritum inceptum . Ille nequicquam diu luctatus cum latentibus nodis : *Nihil* , inquit , *interest* , *quomodo solvantur* : gladioque raptis omnibus loris , oraculi sortem , vel elusit , vel implevit .

C A P U T III.

Alexander *Ducibus Hellespontum committit* , *Antipatro Græciam* ; *ipse Aneyram petit* ; *eopias lustrat* ; *Paphlagoniam occupat* , *cui Calas præfetus est* ; & *Cappadociam invadit* .

CUM deinde Darium , ubicumque esset , occupare statuisset : ut à tergo tuta relinquenter , Amphoretum classi ad oram Hellesponti , eopias autem præfeci Hegelochum , Lesbum , & Chium , & Cœm præsidii hostium liberaturos . His talenta ad belli usum quæ ingenta attributa . Ad Antipatrum , & eum , qui Græcas urbes tuebantur , sexcenta missa . Ex fœdere naves sociis imperat , quæ Hellesponto præsiderent . Nondum enim Memnonem vita excessisse cognoverat , in quæ omnes intenderat curas : satis gnarus cuncta in expedito fore , si nihil ab eo moveretur . Jamque ad urbem Aneyram ventum erat , ubi numero copiarum inito , Paphlagoniam intrat . Hinc juncti erant Eneti , unde quidam Venetos trahere originem credunt ; omnisque hæc regio paruit Regis ; datusque obsidibus , tributum , quod ne Persis qui-

dem tulissent, p̄endere ne cog erentur, impetraverunt. Calas huic regioni præpositus est. Ipse assumptis, qui ex Macedonia nuper advenerant, Cappadociam petiit.

C A P U T I V.

Mors Memnonis nuntiatur. Darius ipse educit copias; castra ad Babylonem ponit; copiarum numerum init, peditum quadringenta viginti duo millia, equitum unum supra sexaginta millia, summa, 483000.

(2.) **A**T Darius, nuntiata Memnonis morte, haud secūs, quām par erat, morus: omissa, omnia spe, statuit ipse decernere. Quippe quæ per Duces suos acta erant, cuncta damnabat ratus; pluribus curam, omnibus abfuisse fortunam. Igitur castris ad Babylonem positis, quo majore animo capesserent bellum, universas vires in conspectum dedit. Et circumdato vallo, quod decem millium armatorum multitudinem caperet, Xerxis exemplo, numerum copiarum init. Orto sole, ad noctem agmina, sicuti descripta erant, intravere vallum: inde emissa occupaverunt Mesopotamiæ campos, equitum, peditumque propemodùm innumerabilis turba, majorem quām pro numero speciem gerens. Persarum erant centum millia, in quaeis eques triginta millia implebat. Medi decem equitum, quinquaginta millia peditum habebant. Barcanorum equitum duo millia fuere, armati bipennibus, levibusque scutis, cetræ maximæ speciem reddentibus, peditum decem millia pari armatura sequebantur. Armenii quadraginta millia mis-

misserant peditum , additis septem millibus equitum. Hyrcani egregii , ut inter illas gentes , sex millia expleverant , equis militatūra. Derbices quadraginta millia peditum armaverant. Pluribus hærebant ferro præfixæ hastæ , quidam lignum igni duraverant : hos quoque duo millia equitum ex eadem gente comitata sunt. A Caspio mari octō milium pedester exercitus venerat , ducenti equites. Cum his erant ignobiles Asiæ gentes duo millia peditum , equitum duplicem paraverant numerum. His copiis triginta millia Græcorum mercede conducta egregiæ juventutis adjecta sunt. Nam Bac-trianos , & Sogdianos , & Indos , cæterosque Rubri maris accolas , ignota etiam ipsi gentium nomina , festinatio prohibebat acciri.

C A P U T V.

Charidemus Athenienses rogatus à Dario , quomo-do placeret exercitus Persarum , respondit : com-positionis utriusque Regis copiis , plures esse Per-sarum , firmiores Macedonum , pares paribus op-ponendas : quam ob dicendi libertatem interfici-tur , cuius cœdis mox pœnitet Darium.

NEC quidquam illi minis , quam multitudo mi-litum , defuit , cuius tum universæ aspectu admo-dum lætus , purpuratis solita vanitate spem ejus inflantibus , conversus ad Charidemum Athenien-sem , belli peritum , & ob exilium infestum Ale-xandro , quippe Athenis , jubente eo , fuerat ex-pulsus , percuntari cœpit : *Satis ne ei videretur ins-tructus ad obterendum hostem ? At ille , & suæ sortis , & regiæ superbiæ oblitus , Verum , inquit,*

& tu forsan audire nolis, & ego nisi nunc dixer-
 o, alias nequidquam confitebor. Hic tanti appa-
 ratus exercitus, haec tot gentium, & totius Orien-
 tis excita sedibus suis moles, finitimus potest es-
 se terribilis: nitet purpura, auroque fulget, ar-
 mis, & opulentia, quantam qui oculis non subji-
 cere, animis concipere non possunt. Sed Macedo-
 num acies, torva sanè, & inulta, clypeis, has-
 tisque immobiles cuneos, & conserta robora viro-
 rum tegit. Ipsi phalangem vocant peditum stabi-
 le agmen, Vir viro, armis arma conserta sunt.
 Ad nutum monentis intenti, sequi signa, ordines
 serva didicere. Quod imperatur, omnes exau-
 diunt. Obsistere, circumire, discurrere in cornu,
 mutare pugnam, non duces magis, quam milites
 callent. Et, ne auri, argenteique studio teneri pu-
 tes, adhuc illa disciplina, paupertate magistra
 stetit. Fatigatis humus cubile est: cibus, quem
 occupant, satiat: tempora somni arctiora; quam
 noctis sunt. Jam Thesali equites, Acarnanes, Æto-
 lique, invicta bello manus, fundis, credo, &
 hastis igne duratis, repellentur: pari robore opus
 est. In illa terra, quæ hos genuit, auxilia quæ-
 renda sunt. Argentum istud, atque aurum ad con-
 duendum militem, mitte. Erat Dario mite, ac
 tractabile ingenium, nisi suam naturam plerum-
 que fortuna corrumperet. Itaque veritatis impa-
 tiens, hospitem, ac supplicem, tunc maximè utilia
 suadentem, abstrahi jussit ad capitale suppli-
 cium. Ille, ne tum quidem libertatis oblitus, Habeo
 inquit, paratum mortis meæ ultorem. Expetet pœnas
 mei consilii spreti ipse, contra quem tibi suasi. Tu qui-
 dem licentia Regni subito mutatus, documentum
 eris

eris posteris, homines, cùm se permissere fortunæ, etiam naturam dediscere. Hæc vociferantem, quibus erat imperatum, jugulant. Sera deinde poenitentia subiit Regem; ac vera dixisse confessus, eum sepeliri jussit.

C A P U T V I.

Darius Thymodem conducto Græcorum militi præficit; Pharnabazum Memnonis sufficit. Explorantum somnia, & omnia Darii.

(3.) **T**Hyodes erat Mentoris filius, impiger juvenis, cui præceptum est à Rege, ut omnes peregrinos milites, in queis plurimum habebat, spei, à Pharnabazo acciperet, opera eorum usutus in bello. Ipsi Pharnabazo tradit imperium, quod antè Memnoni dederat. Anxium de instantibus curis agitabant etiam per somnum species imminentium rerum, sive illas ægritudo, sive divinatio animi præsagientis accersit. Castra Alexandri magno ignis fulgore collucere ei visa sunt, & paulò post Alexander adduci ad ipsum in eo vestis habitu, quo ipse fuisse, cum appellatus esset Rex; equo deinde per Babylonem vectus, subito cum ipso equo oculis esse subductus. Ad hæc vates varia interpretatione curam distrinxerant. Alii lætum id Regi somnium esse dicebant, quod castra hostium arsissent, quod Alexandrum, deposita regia veste, in Persico, & vulgari habitu perductum esse vidisset. Quidam non ita augurabantur, quippe illustria Macedonum castra visa, fulgorem Alexandro portendere, quem Regnum Asiæ occupaturum esse haud ambigerent, quoniam in eodem habitu Darius fuisset, cùm appellatus est Rex. Vetera quoque omnia, ut sit, soli-

, ci-

citudo revocaverat. Recensebant Darium enim in principio imperii vaginam acinacis Persicam jussisse mutari in eam formam, qua Græci uterentur; protinusque Chaldaeos interpretatos, imperium Persarum ad eos transiturum, quorum arma esset imitatus. Ceterum ipse, & Vatum responso, quod edebatur in vulgus, & specie, quæ persomnum oblatæ erat, admodum lætus, castra ad Euphratem moveri jubet.

C A P U T VII.

Describit ordinem agminis, quo processit Darius ad Euphratrem. Confertur acies Macedonum cum acie Persarum; contemnitur hæc, laudatur illa.

Patrio more Persarum traditum est, orto Sole, demum procedere. Die jam illustri signum è tabernaculo Regis buccina dabatur: super tabernaculum, unde ab omnibus conspici posset, imago Solis cristallo inclusa fulgebat. Ordo autem agminis erat talis. Ignis, quem ipsi sacrum, & æternum vocabant argenteis altaribus præferebatur. Magi proximi patrium carmen canebant. Magos trecenti & sexaginta quinque juvenes sequebantur; puniceis amiculis velati, diebus totius anni pares numero: quippe Persis quoque in totidem dies descriptus est annus. Currum deinde Jovi sacratum albentes vebhebat equi. Hos eximiae magnitudinis equus, quem Solis appellabant, sequebatur. Aureæ virgæ, & albae vestes, regentes equos adornabant. Haud procul erant vehicula decem, multo auro, argentoque cælata. Sequebatur hæc æquitatus duodecim gentium, variis armis, & moribus. Proximi ibant, quos Persæ

sæ Immortales vocant, ad decem millia. Cultus
 opulentiae barbaræ non alios magis honestabat.
 Ille aureos torques, illi vestem auro distinctam ha-
 bebant, manicatasque tunicas, gemmis etiam ador-
 natas. Exiguo intervallo, quos Cognatos Regis ap-
 pellant, decem, & quinque millia hominum. Hæc
 verò turba muliebriter propemodùm culta, luxu
 magis, quam decoris armis conspicua erat, Do-
 ryphori vocabantur. Proximum his agmen, soliti
 vestem excipere regalem. Hi currum Regis an-
 teibant, quo ipse eminens vehebatur. Utrumque
 curtus latus Deorum simulacra ex auro, argento-
 que expressa decorabant. Distinguebant interni-
 tentes gemmæ jugum, ex quo eminebant duo aurea
 simulacra cubitalia, quorum alterum pacis, alte-
 rum belli gerebat effigiem. Inter hæc auream aqui-
 lam, pinnae extendentí similem, sacraverant. Cul-
 tus Regis, inter omnia, luxuria notabatur. Purpu-
 reæ tunicae medium album intextum erat; pallam
 auro distinctam aurei accipitres, velut rostris inter-
 se corruerent, adornabant; & zona aurea mulie-
 briter cinctus, acinacem suspenderat, cui ex
 gemma erat vagina. Cydārim Persæ regium capi-
 tis vocabant insigne: hoc cœrulea fascia albo dis-
 tincta circuibat. Currum decem millia hastatorum
 sequebantur: hastas argento exornatas, spicula au-
 ro præfixa gestabant. Dextera, lævaque Regem du-
 centi fermè nobilissimi propinquorum comitaban-
 tur. Horum agmen claudebatur triginta millibus
 peditum, quos equi Regis quadringenti sequeban-
 tur. Intervallo deinde unius stadii, matrem Darii
 Syrsigabin currus vehebat, & in alio erat conjux.
 Turba fœminarum Reginas comitantium equis vec-

ta-

tabatur. Quindecim inde , quas Armamaxas appellant , sequebantur. In his erant liberi Regis , & qui educabant eos , spadonumque ḡrex , haud sanè illis gentibus vilis. Tum regiæ pellices trecentæ sexaginta vehebantur , & ipsæ Regali cultu , ornataque. Post quas pecuniam Regis sexcenti muli , & trecenti cameli vehebant , præsidio sagittariorum prosequente. Propinquorum , amicorumque coniuges huic agmini proximæ , lixarumque : & column greges vehebantur. Ultimi erant cum suis quisque ducibus , qui cogerent agmen , leviter armati. Contrà , siquis aciem Macedonum intueretur , dispar acies erat , equis , virisque non aureo , non discolori veste , sed ferro , atque ære fulgentibus. Agmen , & stare paratum & sequi , nec turba , nec sarcinis prægrave , intentum ad Ducis non signum modò , sed etiam nutum. Et castris locus , & exercitui commeatus suppeditabant. Ergo Alexander in acie miles non defuit. (4) Darius autem tantæ multitudinis Rex , loci , in quo pugnavit , angustiis redactus est ad paucitatem , quam in hoste contempserat.

C A P U T V I I I .

Alexander ad castra Cyri venit. Arsanes stulto consilio Ciliciam , cui præerat , vastat. Portas inde Cilicias per Taurum adeundas describit Curtius; & miratur angustias aditus à Persis desertas. Tum ipsam Ciliciam calamo adumbrat , & antiqua monumenta eruit. Cydnum amnem laudat.

Intra Alexander , Abistamene Cappadociæ præposito , Ciliciam petens , cùm omnibus copiis in regio-

gionem , quæ castra Cyri appellatur , pervenerat .
Stativa illic habuerat Cyrus , cum adversus Crœsum in Lydiam exercitum duceret . Aberat ea re-
gio quinquaginta stadia ab aditu , quo Ciliciam in-
tramus : Pylas incolæ dicunt arctissimas fauces ,
munita , quæ manu ponimus , naturali situ imi-
tante . Igitur Arsanes , qui Ciliciæ præerat , repu-
tans , quid in initio belli Memnon suassisset , quon-
dam salubre consilium serò exequi statuit . Igne ,
ferroque Ciliciam vastat , ut hosti solitudinem fa-
ciat : quicquid usui esse potest , corruptit , sterile ,
ac nudum solum , quod tueri nequibat , relicturus .
Sed longè utilius fuit angustias aditus , qui Cili-
ciam aperit , valido occupare præsidio , jugumque
opportunè itineri imminens obtinere , undè inultus
subeuntem hostem , aut prohibere , aut opprimere
potuisset . Tunc paucis , qui callibus præsiderent ,
relictis , retro ipse concessit , populator terræ , quam
à populationibus vindicare debuerat . Ergo qui re-
licti erant , proditos se rati , ne conspectum quidem
hostis sustinere voluerunt , cùm vel pauciores lo-
cum obtinere potuissent . Namque perpetuo jugo
montis asperi , ac prærupti Cilicia includitur ; quod
cùm à mari surgat , velut sinu quodam , flexuque
curvatum , rursus altero cornu in diversum littus
excurrit . Per hoc dorsum , qua maximè introrsum
mari cedit , asperi tres aditus , & perangusti sunt ,
quorum uno Cilicia intranda est : campestris ea-
dem , qua vergit ad mare , planitiem ejus crebris
distinguenteris rivis . Pyramus , & Cydnus incliti
amnes fluunt . Cydnus non spatio aquarum , sed li-
quore memorabilis : quippe leni tractu à fontibus la-
bens ; puro solu e xcipitur . Nec torrentes incurruunt
qui ,

qui placidè manantis alveum turbent. Itaque incorruptus, idemque frigidissimus, quippè multa riparum amoenitate inumbratus, ubique fontibus suis similis in mare evadit. Multa in ea regione monumenta vulgata carminibus vetustas exederat. Mostrabantur urbium sedes Lyrnesi, & Thebes; Typhonis quoque specus, & Corycium nemus, ubi crocum signitur, cæteraque, in quibus nihil præter famam duraverat.

C A P U T I X.

Alexander ingressus fauces Ciciliæ miratur stultitiam hostis locum relinquenter; Exploratores armatos præmittit; Tarsum incensam ab hoste servat, & ingreditur.

Alexander fauces jugi, quæ Pylæ appellantur, intravit. Contemplatus locorum situm, non alijs magis dicitur admiratus esse felicitatem suam. Obrui potuisse vel saxis confitebatur, si fuissent, qui in subeuntes propellerent. Iter vix quaternos capiebat armatos. Dorsum montis imminebat viæ, non angustæ modò, sed plerumque præruptæ, crebris oberrantibus rivis, qui ex radicibus montium manant. Thracas tamen leviter armatos præcedere jussérat, scrutarique calles, ne occultus hostis in subeuntes erumperet. Sagittariorum quoque manus occupaverat jugum. Intentos arcus habebant, moniti, non iter ipsos inire, sed prælium. Hoc modo agmen pervenit ad urbem Tarson, cui tum maximè Perse subjiciebant ignem, ne opulentum oppidum hostis invaderet. At ille, Parmenione ad inhibendum incendium cum expedita manu ptæmisso, posteaquam Barbaros adventu suorum fugatos esse cognovit, urbem à se conservatam intrat.

CA-

C A P U T X.

*Alexander , dum sudore perfusum corpus Cydnos
tingit , ultimum vitæ discrimin adit. Luget exer-
citus , queritur de iniqua fortuna. Philippus
Acarnan medicus Regem salutari poione , quam-
vis suspectus à Parmenione factus , curat.*

(5.) **M**Ediam Cydnus amnis , de quo paulò antè dictum e.t , interfluit. Et tunc æstas erat , cuius calo no i aliam magis , quam Ciliciæ oram vapore Solis accedit , & diei fervidissimum tempus cœperat. Pulvere ac sudore simul perfusum Regem invitavit liquor fluminis , ut calidum adhuc corpus ablueret. Itaque veste deposita , in conspectu agminis , decorum quoque futurum ratus , si ostendisset suis , levi , ac parabili cultu corporis se esse contentum , descendit in flumen. Vixque ingressi subito horrore artus rigere cœperunt : pallor deinde suffusus est , & totum propemodùm corpus vitalis calor reliquit. Expiranti similem ministri manu excipiunt , nec sati compotem mentis in tabernaculum deferunt. Ingens solicitude , & pœnè jam luctus in castri erat. Flentes querebantur , in tanto imperu , cursuque rerum , omnis ætatis , ac memorie clarissimum Regem , non in acie saltē , nec ab hoste dejectum , sed abluentem aqua corpus erectum esse , & extintam : instare Darium victorem , antequam vidisses hostem : sibi easdem terras , quas victores peragrassent , repetendas : omnia , aut ipsos , aut hostes populatos ; per vastas solitudines , etiamsi nemo insequi velit , euntes , fame , atque inopia debellari posse. Quem signum daturum fugientibus ?

Quem

Quem ausurum Alexandro succedere? Jam ut ad Hellespontum fuga penetrarent, clasem, qua transant, quem præparaturum? Rursus in ipsum Regem misericordia versa, illum florem juventæ, illam vim animi, eundem Regem, & commilitonem divelli à se, & abripi, imemores suit querebantur. Inter hæc liberiūs meare spiritus cœperat; allevabat Rex oculos, & paullatim redeunte animo, circumstantes amicos agnoverat; laxataque vis morbi ad hoc solum videbatur, quia magnitudinem mali sentiebat. Animum autem ægritudo corporis urgebat: quippe Darium quinto die in Ciliaciam fore numiabatur. Victum ergo se tradi, & tantam victoriam eripi sibi è manibus obscuraque, & ignobili morte in tabernaculo extingui se querebatur. Admissisque amicis, pariter & medicis, *In quo me, inquit, articulo rerum mearum fortuna deprehenderit, cernitis. Strepitum hostilium armorum exaudire mihi videor; & qui ultro insuli bellum, jam provocor. Darius ergo, cum tam superbas litteras scriberet, fortunam meam in consilio habuit: sed nequicquam, si mihi arbitrio meo curari licet. Lenta remedia, & segnes medicos non expetunt tempora mea. Vel mori strenue, quam tardè convalescere, mihi melius est. Proinde, si quid opis, si quid artis in medicis est, sciam, me non tam mortis, quam belli remedium quererere. Ingente omnibus incusserat curam tam præceps temeritas ejus. Ergo pro se quisque precari cœpere, ne festinatione periculum augeret, sed esset in petestate medentium. Inexperta remedia haud injuria ipsis esse suspecta, cum ad perniciem ejus etiam à latere ipsis pecunia solicitaret hostis:*

quip-

quippe Darius mille talenta intersectori Alexandri daturum se pronuntiari jusserset. Itaque ne ausum quidem quemquam arbitrabantur experiri remedium, quod propter novitatem posset esse suspectum. (6) Erat inter Nobiles medicus e Macedonia Regem sequutus, Philippus natione Acarnan, fidus admodum Regi, puero comes, & custos salutis datus, qui non ut Regem modo, sed etiam ut alumnum, eximia charitate diligebat. Is non præceps se, sed strenuum remedium afferre, tantamque vim mœbi potionē medicata levaturum esse promisit. Nulli promissum ejus placebat, præter ipsum, cujus periculo pollicebatur. Omnia quippe facilius, quam moram perpeti poterat. Arma, & acies in oculis erant; & victoriam in eo positam esse arbitrabatur, si tantum ante signa stare potuisse: id ipsum, quod post diem tertium medicamentum sumpturus esset (ita enim medicus prædixerat) ægrè ferens. Inter hæc à Parmenione fiddissimo Purpuratorum litteras accipit: quibus ei denunciabat, ne salutem suam Philippo committeret; mille talentis à Dario, & spe nuptiarum sororis ejus esse corruptum. Ingentem animo solitudinem litteræ incusserant, & quidquid in utramque partem, aut metus, aut spes subjecerat, secreta aestimatione pensabat. Bibere perseverarem? ut, si venenum datum fuerit, ne immerito quidem, quidquid acciderit, evenisse videatur? Damnem medici fidem? in tabernaculo ergo me opprimi patiar? At satius est, alieno me mori scelere, quam metu nostro. Diu animo in diversa versato, nulli, quid scriptum esset, enuntiat; epistolamque sigillo annuli sui impresso, pulvino, cui incumbebat, subjicit. In-

ter has cogitationes, biduo assumpto, illuxit à medico destinatus dies. Et ille cum poculo, in quo medicamentum diluerat, intravit. Quo viso, Alexander, levato corpore in cubitum, epistolam à Parmenione missam sinistra manu tenens, accipit poculum, & aurit interitus. Tum epistolam Philippum legere jubet: nec à vultu legentis movit oculos, ratus aliquas conscientiæ notas in ipso ore posse deprehendere. Ille epistola perfecta, plus indignationis, quam pavoris ostendit; projectisque amiculò, & litteris ante lectum, *Rex*, inquit, *semper quidem spiritus meus ex te peperdit: sed nunc verè arbitror, sacro, & venerabili ore trabitur.* Crimen parricidii, quod mihi objectum est, sua salus diluet. Servatus à me vitam mihi viseris, oro, quæsoque, omisso metu, patere medicamentum concipi venis. Laxa paulisper animum, quem solicitudine intempestiva amici sanè fideles, sed molestè seduli, turbant. Non securum modò hæc vox, sed etiam lætum Regem, ac plenum bonæ spei fecit. Itaque, *Si Dii*, inquit, *Philippe, tibi permisissent, quo maxime modo animum belles experiri meum, alio profecto voluisses, sed certiore, quam expertus est, ne optasses quidam.* Hac epistola accepta, tamen, quod dilueras, bibi. Et nunc credo, te non minus pro tua fide, quam pro mea salute esse sollicitum. Hæc eloquutus, dexteram Philippo offert. Cæterum tanta vix medicaminis fuit, ut, quæ sequuta sunt, criminacionem Parmenionis adjuverint. Interclusus spiritui arctè meabat. Nec Philippus quidquam inexpertum omisit. Ille fomenta corpori admovit; ille torpem nunc cibi, nunc vini odore exciliavit. Atque, ut pri-

anum

mùm mentis compotem esse sensit, modò matris, sororumque, modò tantæ victoriæ appropinquantis admonere non destitit. Ut verò medicamentum se diffudit in venas, & sensim toto corpore salubritas percipi potuit; primò animus vigorem suum, deinde corpus quoque expectatione maturius recuperavit. Quippe post tertium diem, quām in hoc statu fuerat, in conspectum militum venit. Nec avidius ipsum Regem, quām Philippum intuebatur exercitus. Pro se quisque dexteram ejus amplexi, grates habebant, velut præsentí Deo. Namque haud facile dictu est, præter ingenia illi genti erga Reges suos venerationem, quantum hujus quoque Regis vel admirationi dediti fuerint, vel charitate flagraverint. Jam primum nihil nisi Divina ope aggredi videbatur. Nam, cum esset præstò ubique fortuna, temeritas in gloriam cesserat: ætas quoque vix tantis matura rebus, sed abundè sufficiens, omnia etiam ejus opera honestabat. Et, quæ leviora haberí solent, plerumque in re militari gratiora vulgò sunt, exercitatio corporis inter ipsos, cultus, habitusque paullulùm à privato abhorrens, militaris vigor; queis ille vel ingenii dotibus, vel animi artibus, ut pariter charus, ac venerandus esset, effecerat.

C A P U T XI.

Darius properat in Ciliciam. Alexander Solos recipit; ludos celebrat; lœtum nuntium de Myndiis, Cauniisque accipit, Mallon, Castabalum, Isson capit; atque Darium expectat.

(7.) **A**T Darius, nuntio de adversa valetudine ejus accepto, celeritate, quanta poterat tam grave

agmen, ad Euphratēm contendit; junctoque eo pontibus, quinque tamen diebus trajecit exercitum, Ciliciam occuparet festinans. Jamque Alexander, viribus corporis receptis, ad urbem Solos pervenierat, cuius potitus, ducentis talentis nomine multæ exactis, arci præsidium militum imposuit. Vota deinde pro salute suscepta per ludum, atque otium reddens, ostendit, quanta fiducia Barbaros experneret. Quippè Æsculapio, & Minervæ ludos celebravit. Spectanti nuntius latus affertur ex Halicarnasso, Persas acie à suis esse superatos: Mindios quoque, & Caunios, & pleraque tractus ejus, suæ facta dictioris. Igitur edito spectaculo ludicro, eastrisque motis, & Pyramo amne ponte juncto, ad urbem Mallon pervenit: inde alteris castris ad oppidum Castabulum. Ibi Parmenio Regi occurrit, quem præmiserat ad explorandum iter saltus, per quem ad urbem, Isson nomine, penetrandum erat. Atque ille, angustiis ejus occupatis, & præsidio medico reicto, Isson quoque desertam à Barbaris cuperat. Inde progressus, deturbatis, qui interiora montium obsidebant, præsidiis cuncta firmavit: occupatoque itinere; sicut paulò ante dictum est, idem, & auctor, & nuntius venit. Isson deinde Rex copias admovit: ubi consilio habito, utrum ne ultrà progrediendum foret, an ibi opperiendi essent novi milites, quos ex Macedonia adventare constabat, Parmenio non alium locum prælio aptiorem esse censebat: quippe illic utriusque Regis copias numero futuras pares, cum angustiæ multitudinem non caperent: planitiem ipsis, camposque esse vitandos, ubi circumiri, ubi ancipiti acie optimi possent. Timere, ne non virtute hostium,

sed

sed lassitudine sua vincerentur. Persas recentes subinde successuros, si laxius stare potuissent. Facile ratio tam salubris consiliū accepta est. Itaque inter angustias saltus hostem operari statuit.

C A P U T X I I.

Sisenes perfuga , propter litteras Narbarzonis falsa suspicione oppressus , jussu Regis occiditur.

ERAT in exercitu Regis, Sisenes Perses, quondam à Prætore Ægypti missus ad Philippum, donisque, & omni honore cultus, exilium patria sede mutaverat: sequutus deinde in Asiam Alexandrum, inter fideles socios habebatur. Huic epistolam Cretensis miles obsignatam annulo, cuius signum haud sane notum erat, tradidit. Nabarzanes Prætor Darii miserat eam, hortabaturque Sisenem, ut dignum aliquid nobilitate, ac moribus suis ederet: magno id ei apud Regem honoris fore. Has litteras Sisenes, utpote innoxius, ad Alexandrum sæpè deferre tentavit. Sed, cùm tot curis, apparatuque belli Regem videret urgeri, aptius subinde tempus expectans, suspicionem initì scelesti consiliū præbuit. Namque epistola, priusquam ei redderetur, in manus Alexandri pervenerat; lectamque eam, ignoti annuli sigillo impresso, Siseni dari jusserat, ad æstimandam fidem Barbari. Qui quia per complures dies non adierat Regem, scelesto consilio eam visus est supressisse, & in agmine à Cretensibus haud dubie jussu Regis occissus est.

CAPUT XIII.

Thymodes peregrini militis ductor suadet Dario , ut retrò habeat in Mesopotamiam ; quod consilium illi, copiisque Græcias prope exitio fuit, dum à Satrapis proditor judicatur. A Dario servatur. Consilium tamen ejus cur ipse non sequatur rationem affert. Impedimenta Damascum mittit; ipse Ciliciam petit.

(8.) **J**Amque Græci milites , quos Thymodes à Pharnabazo acceperat , præcipua spes , & propemodum unica , ad Darium prevenerant. Hi magnopere suadebant , ut retro abiret , spatiuosque Mesopotamiæ campos repeteret. Si id consilium damnaret , at ille divideret saltem copias innumerabiles , neu sub unum fortunæ ictum totas vires Regni cedere pateretur. Minus hoc consilium Regi , quam purpuratis ejus displicebat. Ancipitem fidem ; & mercede venalem proditionem imminui , & dividi non ob aliud copias velle ,quam ut ipsi in diversa dgressi , si quid commissum esset , traderent Alexandro. Nihil tutius fore , quam circumdatos eos exercitu toto obrui telis , documentum non multæ perfidiæ futuros. At Darius , ut erat sanctus , & militis , se verò tantum facinus negat esse facturum , ut suam sequitos fidem suos milites jubeat trucidari. Quam diende amplius nationum exterarum salutem suam crediturum sibi , si tot militum sanguine imbuisset manus? Neminem stolidum consilium capite luere debere. Defuturos eos , qui suaderent , si suasisse periculum esset. Denique ipsos quotidie ad se vocari in consilium , variasque sen-

sententias dicerē nec tamen melioris fidei haberi, qui prudentius suaserint. Itaque Græcis nuntiari jubet, ipsum quidem benevolentiae illorum gratiæ agere, cæterum si retrò ire perget, haud dubiè Regnum hostibus traditurum. Fama bella stare, & eum, qui recedat, fugere credi. Trahendi verò belli vix ullam esse rationem. Tantæ enim multitudinē, utique cùm iam hyems instaret, in regione vasta, & invicem à suis, atque hoste vexata, non sufficiunt alimenta. Ne dividi quidem copias posse, servato more majorum, qui universas vires semper discrimini bellorum obtulerant. Et herculè terribilem ante Regem, & absentia sua ad vanam fiduciam elatum, posteaquam adventare se senserit, cautum pro temerario factum, delituisse inter angustias saltus, rito ignobilium ferarum, quæ, strepitu prætereuntium auditu, sylvarum latebris se occuluerunt. Jam etiam valetudinis simulatione frustrati suos milites, sed non amplius se esse passurum ipsum detrectare certamen. In illo specu, in quem pavidí recessissent, oppressurum esse cunctantes. Hæc magnificentiùs jactata, quam verius. Cæterum pecunia omni, rebusque pretiosissimis Damascum Syriæ cum modico præsidio militum missis, reliquas copias in Ciliciam duxit, insequentibus more patrio agmen conjugé, & matre. Virgines quoque cum parvo filio commitabantur patrem.

CAPUT XIV.

Alexander ad Syriæ portas , Darius eadem nocte ad Pylas Amanicas pervenit , ille ut exiret , hic ut intraret Ciliciam : qui Isson occupat , deprehensos ibi Macedones crudeliter , aut truncat , aut trucidat ; tergisque fugientium hæret , Alexandrum quasi fugientem assequuturus , qui simul ac cognovit , Darium adesse , converso itinere constitit , paratusque Dario occurrit.

Fortè eadem nocte , Alexander ad fauces , quibus Syria aditur , & Darius ad eum locum , quem Amanicas Pylas vocant , pervenit. Nec dubitavere Persæ , quin Isson relicta , quam ceperant , Macedones fugerent. Nam etiam saucii quidam , & invalidi , qui agmen non poterant persequi , excepti erant. Quos omnes , instinctu Purpuratorum barbara feritate servientium , præcisis , adustisque manibus circumduci , ut copias suas noscerent , satisque omnibus spectatis , nuntiare , quæ vidissent , Regi suo jussit. Motis ergo castris , superat Pyramum amnem , in tergis , ut credebat , fugientium hæsurus. At illi , quorum amputaverat manus , ad castra Macedonum penetrant , Darium , quām maximo cursu posset , sequi nuntiantes. Vix fide habebatur. Itaque speculatores in maritimas regiones præmissos Alexander explorare jubet , ipsene adesset , an Præfectorum aliquis speciem præbuisset universi venientis exercitus. Sed , cum speculatores reverterentur , procul ingens multitudo conspecta est. Ignes deinde totis campis collucere coeperunt , omniaque velut continen-

nenti incendio ardere visa, cùm incondita multitudine, maximè propter jumenta, laxius tenderet. Itaque eo ipso loco metari suos castra jusserat, lætus, quod omni expetiverat voto, in illis potissimum angustiis decernendum esse,

C A P U T X V.

Æstuat curis Alexander : nocte , quæ prælium antecessit, sacrificat : mane , instructo milite , in hostem pergit ; aciemque ad prælium disponit.

CÆterum, ut solet fieri, cùm ultimi discriminis tempus adventat, in solicitudinem versa fiducia est. Illam ipsam fortunam, qua aspirante, res tam prospèrè gesserat: verebatur: nec injuria, ex his, quæ tribuissest sibi, quam mutabilis esset, reputabat. Unam superesse noctem, quæ tanti discriminis moraretur eventum. Rursus occurrebant majora periculis præmia: & sicut dubium esset, an vinceret, ita illud utique certum esse, honestè, & cum magna laude moriturum. Itaque corpora milites curare jussit, ac deinde tertia vigilia instructos, & armatos esse. Ipse in jugum editi montis ascendit, multisque collucentibus facibus, patrio more sacrificium Diis præsidibus loci fecit. Jamque tertium, sicut præceptum erat, signum tuba miles acceperat, itineri simul paratus, & prælio. Strenueque ussi procedere, oriente luce, pervenerunt ad angustias, quas occupare decreverant. Darium triginta inde stadia abesse præmissi indicabant. Tunc consistere agmen jubet, armisque ipse sumpjis aciem ordinat,

CA-

C A P U T X V I .

*Trepidatio in exercitu Darii, & tumultuatio ortas
audito adesse Alexandrum. Darius conatus cir-
cumvenire Alexandrum; multa simul imperat; ne-
mo imperata, vel audit, vel exequitur.*

Dario adventum hostium pavidè agrestes nuntia-
verunt, vix credenti, occurrere etiam, quos ut fu-
gientes sequebatur. Ergo non mediocris omnium
animos formido incesserat: quippe itineri, quam
prælio aptiores erant, raptimque arma capiebant.
Sed ipsa festinatio discurrentium, suosque ad arma
vocantium, majorem metum incussit. Alii in jugum
montis evaserant, ut hostium agmen inde prospic-
cerent: equos plerique frenabant. Discors exerci-
tus, nec ad unum intentus imperium, vario tu-
multu cuncta turbaverat. Darius initio montis ju-
gum cum parte copiarum occupare statuit, & à
fronte, & à tergo circumitus hostem, à mari
quoque, quo dextrum ejus cornu tegebatur, alios
objecturus, ut undique urgeret. Præter hæc viginti
millia præmissa cum sagittariorum manu, Py-
ramum amnem, qui duo agmina interfluebat, tran-
sire, & obficere sese Macedonum copiis, jussera-
si id præstare non possent, retrocedere in montes,
& occultè circumire ultimos hostium. Cæterum des-
tinata salubriter omni ratione potentior fortuna dis-
cussit. Quippe alii præ metu imperium exequi non
audebant, alii frustra exequabantur; quia ubi par-
tes labant, summa turbatur.

C A P U T XVII.

Darius aciem ad pugnam instruit.

(9.) **A**ries autem hoc modo stetit. Nabarzanes equitatu dextrum cornu tuebatur, additis funditorum, sagittariorumque viginti fermè millibus. In eodem Thymodes erat, Græcis peditibus mercede conductis triginta milibus præpositus. Hoc erat haud dubium robur exercitus, par Macedonicæ phalangi acies. In lævo cornu Aristomedes Thessalus viginti millia barbarorum peditum habebat. In subsidiis pugnacissimas locaverat gentes. Ipsum Regem in eodem cornu dimicaturum tria millia defectorum equitum, assueta corporis custodia, & pedestris acies quadraginta millia sequebantur. Hycani deinde, Medique equites. His proximi cæterarum gentium equites dextra, lævaque dispositi. Hoc agmen, sicut dictum est, instructum, sex milia jaculatorum, funditorumque antecedebant. Quidquid in illis angustiis adiri poterat, impleverant copiæ: cornuaque hinc à jugo, illinc à mari stabant. Uxorem, matremque Regis, & alium fœminarum gregem in medium agmen acceperant.

C A P U T XVIII.

Alexander ita miles collocavit, ut nulla ratione posset circumiri, aut includi.

Alexander phalangem, qua nihil apud Macedones validius erat, in fronte constituit. Dexterum cornu Nicænor Parmenionis filius tuebatur: huic pro-

proximi stabant Cænos , & Perdiccas , & Meleager , & Ptolomæus , & Amyntas , suis quisque agminis duces. In lævo , quod ad mare pertinebat , Craterus , & Parmenio erant ; sed Craterus Parmenioni parere jussus. Equites ab introque cornu locati , dexterum Macedones Thessalîs adjunctis , lævum Peloponnenses tuebantur. Ante hanc aciem posuerat funditorum manum , sagittariis admixtis . Thraces quoque , & Cretenes ante agmen ibant , & ipsi leviter armati. At iis , qui præmissi à Dario jugum montis insederant , Agrianos opposuit , ex Græcia nuper advectos. Parmenioni autem præceperat , ut , quantum posset , agmen ad mare extenderet , quod longius abasset à montibus , quos occupaverant barbari. At illi neque obstarere venientibus , nec circumire prætergressos ausi , funditorum maximè aspectu territi , profugerant. Eaque res tutum Alexandro agminis latus , quod ne superne incesseretur , timuerat , præstitit. Triginta , & duo armatorum ordines ibant. Neque enim latius extendi aciem patiebantur angustiæ. Paullatim deinde se laxare , sinus montium , & majus spatum aperire cœperant , ita , ut non pedites solum pluribus ordinibus incedere , sed etiam à lateribus circunfundi posset equitatus.

C A P U T X I X.

Clamor tollitur ingens ab utraque parte. Alexander suos hortatur ad prælium.

(10.) **J**am in conspectu , sed extrâ teli jactum , utraque acies erat , cùm priores Persæ inconditum , & tru-

trucem sustulere clamorem. Redditur & à Macedonibus major, exercitus impar numero, sed jugis montium, vastisque saltibus repercussus. Quippe semper circumiecta nemora, petræque, quantamcumque accepere vocem, multiplicato sono referunt. Alexander ante prima signa ibat, identidem manu suos inhibens, ne impensiùs ob nimiam festinationem concitato spiritu capesserent prælium. Cùmque agmen obequitaret, varia oratione, ut cujusque animis aptum erat, milites alloquebatur. Macedones tot bellorum in Europa victores, ad subigendam Asiam; atque ultima Orientis, non ipsius magis, quam suo ductu profecti, inveteratæ virtutis admonebat. Elos terrarum orbis liberatores, emensosque olim Herculis, & Liberi patris terminos, non Persis modo, sed etiam omnibus gentibus imposituros jugum: Macedonum Bætra, & Indos fore. Minima esse, quæ nunc intueretur; sed omnia victoria parari. Non in præruptis petris Illyricorum, & Thraciæ saxis sterilem laborem fore: spolia totius Orientis offerri: Vix gladio futurum opus: Totam aciem suo pavore fluetuantem umbonibus posse propelli. Victor ad hæc Atheniensium Philippus pater invocabatur, domitaque nuper Bæotiacæ, & urbis in ea nobilissimæ ad solum dirutæ species representabatur animis: jam Granicum annem: jam tot urbes, aut expugnatas, aut in fidem acceptas, omniaque, quæ post tergum erant, strata, & pedibus ipsorum subjecta, memorabat. Cùm adierat Græcos, admonebat, ab iis gentibus illata Græciæ bella: Darii prius, deinde Xerxis insolentia, aquam ipsam, terramque populantium, ut neque fontium haustum, nec solitos cibos relinquerent: dein Diis templæ ruinis, & igni-

nibus esse deleta: urbes eorum expugnatas, fœderis humani, Divinique juris violata, referebat. Illyricos verò, & Tracas, rapto vivere assuetos, aciem hostium auro, purpuraque fulgentem, intueri jubebat, prædam, non arma gestantem: irent, & in bellibus fæminis aurum viri eriperent: aspera montium suorum juga, nudosque colles; & perpetuo rigentes gelu, ditibus Persarum campis, agrisque mutarent.

C A P U T X X.

Prælium patratur; utrinque summa ope certatur.

(ii.) Jam ad teli jactum pervenerant, cùm Persarum equites ferociter in lævum cornu hostium inveciti sunt: quippe Darius equestri prælio decernere optabat, phalangem Macedonici exercitus robur esse conjectans. Jamque etiam dextrum Alexandri cornu circuibatur. Quod ubi Makedo conspexit, duabus aliis equitum ad jugum montis jussis subsistere, cæteros in medium belli discriminem strenuè transfert. Subductis deinde ex acie Thessalis equitibus, Præfectum eorum occulte circuire tergum suorum jubet, Parmenionique conjungi, &c, quod is imperasset, impigrè exequi. Jamque ipse in medium Persarum undique circunfusi, egregiè se tuebatur. Sed conferti, & quasi coherentes, tela vibrare non poterant. Simul ut erant emissa, in eosdem concurrentia implicabantur, levique, & vano ictu pauca in hostem, plura in humum innoxia cadebant. Ergo cominùs pugnam coacti conserere, gladios impigrè stringunt. Tum verò multum sanguinis fusum est. Duæ quippe acies ita cohærebant, ut ar-

mis arma pulsarent, mucrones in ora dirigerent: non timido, non ignavo cessare tum licuit. Collato pede, quasi singuli inter se dimicarent, in eodem vestigio stabant, donec vincendo locum sibi facerent. Tum demum ergo promovebant gradum, cum hostem postraverant. At illos novus excipiebat adversarius fatigatos, nec vulnerati (ut alias solent) acie poterant excedere, cum hostis instaret a fronte, & a tergo sui urgerent.

C A P U T X X I.

Alexander urget Darium; illisque jugulo imminet, quem frater defendit. Ingens circa Darii currum fit cædes. Darius primus omnium fugit, quem strenue sequitur miles; Thessalis tamen laborant, quorum ala una fusa, altera circumacta vindicta. Itaque vicitor ubique evadit Alexander.

Alexander, non ducis magis, quam militis munera exequebatur, optimum decus, cæso Rege, expetens: quippe Darius curru sublimis eminebat, & suis ad se tuendum, & hostibus ad incessendum, ingens incitamentum. Ergo frater ejus Oxa-thres, cum Alexandrum instare ei cerneret, equites, quibus præerat, ante ipsum currum Regis objecit, armis, & robore corporis multum super cæteros eminens, animo verò, & pietate in paucissimis. Illo utique prælio clarus, alios improvidè instantes prostravit, alios in fugam avevit. At Macedones, ut circa Rēgem erant, mutua adhortatione firmati, cum ipso in equitum agmen irrumpunt. Tam verò similis ruinæ strages erat. Circa currum

Da-

Darii jacebant nobilissimi Duces, ante oculos Regis egregia morte defuncti, omnes in ora proni, sicut dimicantes procubuerant, adverso corpore vulneribus acceptis. Inter hos Aticies, & Rheomites, & Sabaces Prætor Ægypti, magnorum exercituum Præfecti, noscitabantur. Circa eos cumulata erat, peditum, equitumque obscurior turba. Macedonum quoque, non quidem multi, sed promptissimi tamen, cæsi sunt. Inter quos Alexandri dextrum femur leviter mucrone perstrictum est. Jamque, qui Darium vehebant, equi confossi hastis, & dolore efferati, jugum quatere, & Regem curru excutere cœperant; cum ille veritus, ne vivus veniret in hostium potestatem, desilit, & in æquum, quid ad hoc ipsum sequebatur, imponitur, insignibus quoque imperii, ne fugam proderent, indecorè abjectis. Tum verò cæteri dissipantur metu; & quæ cuique patebat ad fugam, via erumpunt, arma jacientes, quæ paulò ante ad tutelam corporum sumperserat. Adeo pavor etiam auxilia formidabat. Instabat fugientibus eques à Parmenione missus, & forte in id cornu omnes fuga abstulerat. At in dextro Persæ Thessalos equites vehementer urgebant. Jamque una ala ipso impetu proculcata erat, cum Thessali strenuè circumactis equis dilapsi, rursus in prælium redeunt, sparsos, incompositosque victoriæ fiducia barbaros ingenti cæde prosternunt. Equi pariter equitesque Persarum, serie laminarum graves, agmen, quod celeritate maximè constat, ægre moliebantur. Quippe in circumagendis equis suis Thessali multos occupaverant.

CAPUT XXII.

Alexander persequitur fugientes. Græci soli sensim se subduxere à Persis, ex quibus alii cœsi, alii Darium secuti, quatuor millia cum Amynta evasere. Castra inde hostium ab Alexandri milite occupata. Capti filius, mater, uxor filiæ Darii. Toto prælio cœci Persarum centum millia pedilum, decem millia equitum: Macedonum duo, & triginta pedites, centum quinquaginta equites, non amplius, desiderati.

Hac tam prospera pugna nuntiata, Alexander non antè ausus persequi Barbaros, utrumque jam victor instare fugientibus cœpit. Haud amplius Regem, quam mille equites sequebantur, cum ingens multitudo hostium caderet. Sed quis, aut in victoria, aut in fuga copias numerat? Agebantur ergo à tam paucis, pecorum modo: & idem metus, qui cogebat fuge-re, fugientes morabatur. At Græci, qui in Darii partibus steterant, Amynta duce, (Prætor hic Alexandri fuit, nunc transfuga) abrupti à cæteris haud sane fugientibus similes evaserant. Barbari longè diversam fugam intenderunt, alii, quæ rectum iter in Persidem ducebant: quidam circuitus, rupes, saltusque montium occultos petivere, pauci castra Darii. Sed jam illa quoque hostis victor intraverat, omni quidem opulentia ditia. Ingens auri, argenteique pondus, non belli, sed luxuriæ apparatum, diripuerant milites. Cùmque plus raperent, passim strata erant itinera vilioribus sarcinis, quas in comparatione meliorum avaritia contempserat. Jamque ad fœminas per-

ventum erat, quibus, quo chariora ornamenta sunt, violentius detrahebantur. Nec corporibus quidem vis, ac libido parcebat. Omnia planctu, tumultuque, prout cuique fortuna erat, castra repleverant. Nec ulla facies mali deerat, cum per omnes ordines, ætatesque victoris crudelitas, ac licentia vagaretur. Tunc verò impotentis fortunæ species conspici potuit, cum ii, qui tum Dario tabernaculum exornaverant, omni luxu, & opulentia instructum, eadem illa Alexander, quasi veteri domino, reservabant. Namque id solùm intactum comiserant milites, ita tradito à more, ut victorem vici Regis tabernaculo exciperent. Sed omnium oculos, animosque in semet converterant captivæ mater, conjuxque Darii; illa non majestate solùm, sed etiam ætate venerabilis; hæc formæ pulcritudine: nec illa quidem sorte corrupta, acceperat in sinum filium, nondum sextum ætatis annum egredsum, in spem tantæ fortunæ, quantam paulò antè pater ejus amiserat, genitum. At in gremio anus aviæ jacebant adultæ duæ virgines, non suo tantum, sed illius mœrore etiam confectæ. Ingens circa eam nobilium fœminarum turba constiterat, laceratis crinibus, abscissaque veste, pristini decoris immemores. Reginas, Dominasque, veris quondam, tunc alienis nominibus vocantes. Illæ suæ calamitatis oblitæ, utrò cornu, Darius stetisset, quæ fortuna discriminis fuisse, requirebant. Negabant, se captas, si viveret Rex: Sed illum equos subinde mutantem, longius fuga abstulerat. In acie autem cæsa sunt Persarum peditum centum millia, decem verò millia imperfecta equitum. At ex parte Alexandri quatuor, & quingeniti saucii fuere, triginta omnino & duo ex peditibus desiderati sunt, equitum centum quinquaginta inter-

terfecti. Tantulo impendio ingens victoria stetit.
 (12.) Rex , qui diu Darium persequendo fatigatus erat , posteaquam & nox appetebat , & eum asse- quendi spes non erat , in castra paulò anteā suis capta pervenit.

C A P U T X X I I .

Alexander , desperans capi posse Darium , reversus in castra Darii , convivium celebrat , Leonnatus mittitur ad consolandas captivas.

INvitari deinde amicos , quibus maximè assueverat , jussit : quippè summa duntaxat cutis in se- more perstricta non prohibebat interesse convivio. Cum repente è proximo tabernaculo lugubris clamor , barbaro ululato , planctuque permixtus , epulantes conterruit. Cohors quoque , quæ excubabat ad tabernaculum Regis , verita , ne majoris motus principium esset , armare se cœperat. Causa subiti pavoris fuit , quod mater , uxorque Darii , cum captivis mulieribus nobilibus Regem , quem interfec- tum esse credebant , ingenti gemitu , ejulatuque de- flebant. Unus namque è captivis spadonibus , qui forte ante ipsarum tabernaculum steterat , amiculum , quod Darius (sicut paulò antè dictum est) ne cultu proderetur , abjecerat , in manibus ejus , qui reper- tum ferebat , agnovit , ratusque , imperfecto detractum esse , falsum nuntium mortis ejus attulerat. Hoc mu- lierum errore comperto , Alexander fortunæ Darii , & pietati earum lacrymasse fertur. Ac primò Mi- threnem , qui Sardes prodiderat , peritum Persicæ linguæ , ire ad consolandas eas jusserset. Veritus de- inde , ne preditor captivarum iram , doloremque gra- varet , Leonnatum ex purpuratis suis misit , jussum

indicare, falsò lamentari eas, Darium vivum. Ille cum paucis armigeris in tabernaculum, in quo captivæ erant, pervenit, missumque se à Rege, nuntiare jubet. At ii, qui in vestibulo erant, ut armatos conspexere, rati actum esse de dominis, in tabernaculum currunt, vociferantes, adesse supremam horam, missosque, qui occiderent captas. Itaque, ut quæ nec prohibere possent, nec admitere auderent, nullo responso dato, tacitè opperiebantur victoris arbitrium. Leonnatus, expectato diū, qui se introduceret, posteaquam nemo procedere audebat, relictis in vestibulo satellitibus, intrat in tabernaculum. Ea ipsa res turbaverat foeminas, quod irrupisse non admissus videbatur. Itaque mater, & conjux provocatae ad pedes orare cœperunt, ut, priusquam interficerentur, Darii corpus ipsis patrio more sepelire permitteret, functas supremo in Regem officio se impigre morituras. Leonnatus & vivere Darium, & ipsas non incolumes modò, sed etiam apparatu pristinæ fortunæ Reginas fore. Tum demum mater Darii allevari se passa est.

C A P U T X X I V .

Alexander visitat captivas; colloquitur cum Sysigambre Darii matre, quæ optimè præcatur hosti ob clementiam. Qui Regiam omnium fortunam conservat, pudorem singularum singulari cura tuetur. Laudatur à Curtio Alexander ob continentiam, quam omnibus ejus operibus merito anteponit,

Alexander postero die, cùm curam sepeliendis militibus impenderet, quorum corpora invenerat,

Per-

Persarum quoque nobilissimis eumdem honorem haberi jubet ; matrique Darii permittit , quos vellet , patrio more sepeliret. Illa paucos arcta propinquitate conjunctos pro habitu præsentis fortunæ humari jussit , apparatum funerum , quo Persæ supraea officia celebrarent, invidiosum fore existimans, cùm victores haud pretiosè cremarentur. Jamque justis defunctorum corporibus solutis, præmittit ad captivas, qui nuntiarent, ipsum venire. Inhibeta que comitantium turba , tabernaculum cum Hephaestione intrat. Is longè omnium amicorum charissimus erat Regi; cum ipso pariter educatus, secretrum omnium arbiter. Libertatis quoque in admonendo eo non alias jus habebat ; quod tamen ita usurpabat , ut magis à Rege permissum , quam vindicatum ab eo videretur. Et sicut ætate par erat Regi, ita corporis habitu præstabat. Ergo Reginæ illum Regem esse ratæ, suo more veneratae sunt. Inde ex spadonibus captivis , quis Alexander esset , monstrantibus Sysigambis advoluta est pedibus ejus, ignorationem numquam anteà visi Regis excusans. Quam manu allevans Rex, *Non errasti inquit, mater, nam & hic Alexander est.* Evidem , si hac continentia animi ad ultimum vitæ perseverare potuisset, felicior rem fuisse crederem, quam visus est esse, cùm Liberi Patris imitaretur triumphum, ab Hellesponto usque ad Oceanum omnes gentes victoria emensus: si vicisset profecto superbiam, atque iram, mala invicta : si abstinuisset inter epulas cædibus amicorum; egregiosque bello viros , & tot gentium secum domitores indicta causa veritus esset occidere. Sed nondum fortuna se animo ejus superfuderat. Itaque orientem eam moderatè, & prudenter tulit ; ad ul-

timum magnitudinem eius non cepit. Tum quidem ita se gessit, ut omnes ante eum Regem, & continentia, & clementia vincerentur. Virgines Regias excellētis formae tam sancte habuit, quam si eodem, quo ipse, parente genitae forent. Conjugem ejusdem, quam nulla ætatis suæ pulcritudine corporis vicit, adeò ipse non violavit, ut summam adhibuerit curam, ne quis captivo corpori illuderet. Omnem cultum reddi fœminis jussit, nec quicquam ex pristinæ fortunæ magnificencia captivis, præter fiduciam, defuit. Itaque Sysigambis. Rex, inquit, mereris, ut ea præcemur tibi, quæ Dario nostro quondam præcatæ sumus: & (ut video) dignus es, qui tantum Regem non felicitate solum, sed etiam æquitate superaveris. Tu quidem matrem me, & Reginam vocas, sed ego me tuam famulam esse confiteor. Et præteritæ fortunæ fastigium capio, & præsentis jugum pati possum. Tuæ interest, quantum in nos licuerit, si id potius clementia, quam sævitia, vis esse testatum. Rex bonum animum habere eas jussit. Darii deinde filium collo suo admovit. Atque nil ille conspectu tunc primum à se visi conterritus, cervicem ejus manibus amplectitur. Motus ergo Rex constantia pueri, Hephaestionem intuens, *Quam vellem, inquit, Darius aliquid ex hac indole hausisset*

C A P U T X X V.

Alexander, aris pugnæ monumento (nam trophyæ Macedones, non fixere,) positis, Syriam petit. Parmenio Damascum proditione cum thesauro Regio, & gynæceis capit. Proditoris cæsi caput ad Darium fertur.

TUM tabernaculo egressus, tribus aris in ripa Pyram amnis, Jovi, atque Herculi, Minervæque sacratis, Syriam petit, Damascum, (ubi Regis gaza erat) Parmenione præmisso. (13.) Atque is, cùm præcessisse Darii satrapam comperisset, ve-
ritus, ne paucitas suorum sperneretur, accersere majorem manum statuit. Sed forte in exploratores ab eo præmissos incidit nomine Mardus, qui ad Parmenionem perductus, litteras ad Alexandrum à Præfecto Damasci missas tradit ei : nec dubitare eum, quin omnem Regiam supellectilem cum pecunia traderet, adjecit. Parmenio, asservari eo jusso, litteras aperit, in queis erat scriptum, ut maturè Alexander aliquem ex ducibus suis mitteret cum manu exigua. Itaque, re cognita, Mardum datis comitibus ad proditorem remittit. Ille è manibus custodientium lapsus, Damascum ante lucem intrat. Turbaverat ea res Parmenionis animum insidias timentis, & ignotum iter sine duce non audebat ingredi. Felicitati tamen Regis sui confisus, agrestes qui duces itineris essent, excipi jussit. Quibus celesteriter repertis, quarto die ad urbem pervenit, jam metuente Præfecto, ne sibi fides habita non esset. Igitur, quasi parùm munimentis oppidi fidens, ante Solis ortum pecuniam Regiam (quam gazam Persæ

vocant) cum preciosissimis rerum efferri jubet, fugam simulans, revera ut prædam hostis offerret. Multa millia virorum, fœminarumque excedentem opido sequebantur; omnibus miserabilis turba, præter eum, cuius fidei commissa fuerat. Quippe quod major proditoris merces foret, objiceret hosti parabat gratiorem omni pecunia prædam, nobiles viros, Prætorum Darii conjuges, liberosque; præter hos urbium Græcarum legatos, quos Darius, velut in arce tutissima, in proditoris reliquerat manibus. Gangabas Persæ vocant humeris onerat portantes. Hi, cum frigus tolerare non possent, quippe & procella subito nivem effuderat, & humus rigebat gelu, tum adstrictas vestes, quas cum pecunia portabant, auro, & purpura insignes, induunt, nullo prohibere auso, cum fortuna Regis etiam humillimis in ipsum licentiam faceret. Præbuere ergo Parmenion non spernendi agminis speciem, qui interiore cura suos quasi ad justum prælium paucis adhortatus, equis calcaria subdere jubet, & acri impetu in hostem inveni. At illi, qui sub oneribus erant, omissis illis, per metum capessunt fugam. Armati quoque, qui eos persequebantur, eodem metu arma jactare, ac nota diverticula petere cœperunt. Præfectus quasi & ipse conterritus, simulans, cuncta pavore compleverat. Jacebant totis campis opes regiae: illa pecunia stipendio ingenti militum præparata, ille cultos tot nobilium virorum, tot illustrium fœminarum, aurea vasa, aurei fræni, tabernacula Regali magnificèntia ornata, vehicula quoque à suis desituta ingenti opulentia plena, facies etiam prædantibus tristis, si qua res avaritiam moraretur. Quippe tot annorum incredibili, & fidem excedente fortuna

cu-

cumulata, tunc alia stirpibus dilacerata, alia in cœnum demersa eruebantur. Non sufficiebant prædantium manus prædæ. Jamque etiam ad eos, qui primi fugerant, ventum erat. Fœminæ pleræque parvos trahentes liberos ibant, iter quas tres fuere virgines, Ochi (qui ante Darium regnaverat) filiæ, olim quidem ex fastigio paterno rerum mutatione detractæ, sed tum sortem earum crudeliùs aggravante fortuna. In eodem grege uxor quoque ejusdem Ochi fuit, Oxathrisque (frater hic erat Darii) filia, & conjux Artabazi principis purpuratorum, & filius, cui Ilione fuit nomen. Pharnabazi quoque, cui summum imperium maritimæ oræ Rex dederat, uxor cum filio excepta est; Mentoris filiæ tres, ac nobilissime ducis Memnonis conjux, & filius. Vixque ulla domus purpurati fuit tantæ cladis expers. Lacedæmonii quoque, & Athenienses, societatis fide violata, Persas sequuti. Aristogiton, Dropides, & Eleutherius, inter Athenienses genere, famaque longe clarissimi: Lacedæmonii, Perisippus, & Onomastorides, cum Omajo, & Callicratide, ii quoque domi Nobiles. Summa pecuniæ signata fuit talentorum duo millia, & sexaginta: facti argenti pondus quingenta æquabat. Præterea triginta millia hominum, cum septem millibus jumentorum, dorso onera portantium, capta sunt. Cæterum Dii tantæ fortunæ proditorem sepulturæ celeriter debita pœne persecuti sunt. Namque unus è consciis ejus, credo, Regis vicem etiam in illa sorte reveritus, imperfecti proditoris caput ad Darium tulit, opportunum solatum prodito: quippe & ultus inimicum erat, & nondum in omnium animis memoriam majestatis suæ exolevisse cernebat.

LIBER IV.

SYNOPSIS.

Alexander respondet litteris Darii: Celesyriam, & Phœniciam invadit: Abdolonymum Sydonis, exactorato Stratone, novum Regem dat: Tyrum septem mensibus ob sessam continentis jungi, & expugnat: Gazam cœpit: Ægyptum recipit: Ad Hammonis templum penetrat: Deus salutatur: Condit Alexandriam. Luna hebescit. Darius iterum, ac tertio frustra conditiones pacis fert Alexandro, latas Alexandro respuit. Decernitur prælio ad Gauga elata haud procul Arbellis. Darius vicitus more suo auxilium à pedibus querit.

CAPUT I.

Darii fugam exequitur Curtius. Alexander, Parmenione Syria Præfetto, Naradum insulam cum Rege Stratone in deditonem accipit: Ad Marathon urbem castra movet, ubi litteras à Dario superbè scriptas accipit; parique stylo, & atrocius etiam respondet.

Darius tanti modò exercitus Rex, qui triumphantis magis, quam dimicantis more, curru sublimis inierat prælium per loca, quæ propè immensis agminibus compleverat, jam inania, & ingenti solitudine vasta, fugiebat. Pauci Regem sequebantur. Nam nec eodem omnes fugam intenderant, & deficientibus equis, cursum eorum, quos Rex sub-

in-

inde mutabant, æquare non poterant. Uncas inde pervenit, ubi excepere eum Græcorum quatuor milia, cum quibus ad Euphratem contendit, id demum credens fore ipsius, quod celeritate præripe-re potuisset. At Alexander Parmenionem, per quem apud Damascum recepta erat præda, jussum eam ipsam, & captivos diligenti asservare custodia, Syriæ, quam Cœlen vocant, præfecit. Novum impe-rium Syri, nondum belli cladibus satis domiti aspernabantur: Sed celeriter subacti, obedienter impe-rata fecerunt. Naradus quoque insula deditur Regi. Maritimam tamen oram, & pleraque longius etiam à mari recedentia, Rex ejus insulæ Strato posside-bat. Quo in fidem accepto, castra movit ad urbem Marathon. Ibi illi litteræ à Dario redduntur, quibus ut superbè scriptis, vehementer offensus est. Præcipue eum movit, quod Darius sibi Regis titulum, nec eumdem Alexandri nomini ascripserat. Postulabat autem magis, quam petebat, ut accepta, pecunia, quantamcumque tota Macedonia caperet, matrem sibi, ac conjugem, liberosque restitueret. De regno, æquo, si vellet, Mater contenderet. Si saniora consilia tandem pati potuisset, contentus patrio, ce-deret alieni imperii finibus, socius, amicusque es-set; in ea se fidem, & dare paratum, & accipere. Contra Alexander in hunc modum rescriptsit: **REX ALEXANDER DARIO:** *Ille, cuius nomen sump-sisti, Darius, Græcos, qui oram Hellesponti te-nent, coloniasque Græcorum Jonias omni clade vastavit. Cum magno deinde exercitu mare tra-jecit, illato Macedoniæ, & Græciæ bello. Rursus Rex Xerxes gentis ejusdem, ad oppugnandos nos cum immanium Barbarorum copiis venit: qui*

na-

navali prælio vicitus Mardonium tamen reliquit in Græcia, ut absens quoque popularetur urbes, agros ureret. Philippum verò parentem meum quis ignorat ab his interfictum esse, quos ingentis pecuniæ spe solicitaverant vesiri? Impia enim bella suscipitis, & cùm habeatis arma, licitamini hostium capita, sicut tu proximè talentis mille, tanti exercitus Rex, percusserem in me emere voluisti. Repello igitur bellum, non infero. Et Diis quoque pro meliore stantibus causa, magnam partem Asiæ in ditionem redegi meam: te ipsum acie vici: Quem etsi nihil à me impetrare oportebat, quod petieras, ut pote qui me belli quidem in me jura servaveris: tamen, si veneris supplex, & matrem, & conjugem, & liberos sine pretio recepturum te esse promitto. Et vincere, & consulere vicitis scio. Quod si te nobis committere times, dabimus fidem impunè venturum. De cætero, cùm mihi scribes, memento non solùm Regi te, sed etiam tuo scribere. Ad hanc perferendam Thersippus missus.

C A P U T I I.

Alexander in Phœnicia Biblon, & Sidonem deditas servat; Stratonem Regem abdicat. Abdolonymum Regia stirpe ortum in Regium fastigium extollit.

Ipse in Phœnicem deinde descendit. & oppidum Byblon traditum recepit. Inde ad Sidona ventum est, urbem vetustate; famaque conditorum inclitam. Regnabat in ea Strato, Darii opibus adjutus, sed quia ditionem magis popularium, quam sua

spon-

sponte fecerat , Regno visus indignus : Hephaestionique permissum , ut quem eo fastigio Sidones dignissimum arbitrarentur , constitueret Regem. Erant Hephaestioni hospites , clari inter suos juvenes , qui facta ipsis potestate regnandi , negaverunt quemquam patrio more in id fastigium recipi , nisi regia stirpe ortum. Admiratus Hephaestion magnitudinem animi spernentis , quod alii per ignes , ferrumque peterent. *Vos quidem macti virtute , inquit , estote , qui primi intellectistis , quanto majus esset Regnum fastidire , quam accipere. Ceterum date aliquem Regiae stirpis , qui meminerit , à vobis acceptum habere se Regnum.* At illi , cùm multos imminere tantæ spei cernerent , singulis amicorum Alexandri ob nimiam regni cupiditatem adulantes , statuunt , neminem esse potorem , quam Abdolonymum quemdam , longa quidem cognitione stirpi Regiae annexum , sed ob inopiam suburbanum hortum exigua colentem stirpe. Causa ei paupertatis , sicut plerisque , probitas erat. Intentusque operi diurno , strepitum armorum , qui totam Asiam concusserat , non exaudiebat. Subito deinde , de quibus antè dictum est , cum Regiae vestis insignibus hortum intrant , quem fortè steriles herbas eligens , Abdolonymus repurgabat. Tunc Rege eo salutato , alter ex his , *habitus* , inquit , *hic , quem cernis in meis manibus , cum isto squalore permutandus tibi est. Ablue corpus illuvie , externis quo sordibus squalidum. Cape Regis animum , & in eam fortunam , qua dignus es , istam continentiam profer . Et , cùm in Regali solio residebis , vitæ , necisque omnium civium dominus , cave , obliviscaris hujus status , in quo accipis Regnum , imo hercule , propter quem .*

Som-

Somniosimilis res Abdolonymo videbatur. Interdum, satis ne sani essent, qui tam protervè sibi illudarent, percuntabantur. Sed ut cunctanti squalor ablutus est, & injecta vestis purpura, auroque distincta, & fides à jurantibus facta seriò, jam Rex iisdem comitibus in regiam pervenit. Fama, ut solet, strenuè totas urbes discurrit. Aliorum studium, aliorum indignatio eminebat. Ditissimus quisque humilitatem, inopiamque ejus apud amicos Alexandri criminabatur. Admiti eum Rex protinus jussit, diuque contemplatus. *Corporis, inquit, habitus famæ generis non repugnat.* Sed libet scire, inopiam, qua patientia tuleris. Tum ille, Utinam, inquit, eodem animo Regnum pati possim. Hæ manus suffecere desiderio meo, nihil habenti, nihil defuit, Magnæ indolis specimen ex hoc sermone Abdolonymi cœpit. Itaque non Stratonis modò Regiam supellectilem attribui ei jussit, sed pleraque etiam ex Persica præda: regionem quoque urbi appositam ditioni ejus adjecit.

C A P U T III.

Perfidus Amyntas, & transfuga cum suis quatuor millibus primùm Tripolim venit, inde Cyprum, deinde Ægyptum; quam conatus occpare, ad Memphin primum victor, mox vicitus cum suis deletur.

Intrat Amyntas, quem ad Persas ab Alexandro transfugisse diximus, cum quatuor millibus Græcorum, ipsum ex acie persequutis, fuga Tripolim pervenit. Inde in naves militibus impositis, Cyprum transmisit. Et cum in illo statu rerum id quemque,

que , quod occupasset , habiturum arbitratetur , velut certo jure possessum , Ægyptum petere decrevit. Utrique Regi hostis , & semper ex ancipiti mutatione temporum pendes. Hortatusque milites ad spem tantæ rei , docet , Sabacem Prætorem Ægypti cecidisse in acie : Persarum præsidium , & sine duce esse , & invalidum : Ægyptios semper Prætoribus eorum infenos , pro sociis ipsos , non pro hostibus æstimatueros. Omnia experiri necessitas cogebat : quippe , cum primas spes fortuna destituit , futura præsentibus videntur esse potiora. Igitur clamant , duceret , quò videretur. Atque ille utendum animis , dum spe calerent , ratus ad Pelusii ostium penetrat , simulans à Dario se esse præmissum. Potitus ergo Pelusii , Memphin copias promovit , ad cuius famam Ægyptii , vana gens , & novandis , quām gerendis aptior rebus , ex suis quiske vicis , urbibusque ad hoc ipsum concurrunt , ad delenda præsidia Persarum ; qui territi , tamen spem obtinendi Ægyptum non amiserunt. Sed eos Amyntas prælio superatos in urbem compellit ; castrisque positis , victores ad populandos agros eduxit , ac velut in medio positis omnibus , hostium cuncta agebantur. Itaque Mazeces , quamquam infelici prælio suorum animos territos esse cognoverat ; tamen palantes , & victoriæ fiducia incautos ostentans , perpulit , ne dubitarent ex urbe erumpere , & res amissas recuperare. Id consilium non ratione prudentius , quām eventu felicius fuit. Ad unum omnes cum ipso duce occisi sunt. Has poenas Amyntas utriusque Regi dedit , nihilò magis ei , ad quem transfugerat , fidus , quām illi , quem deseruerat.

C A P U T I V.

Darii Prætores ex acie Issica superstites, recuperare Lydiam tentantes, fundit Antigonus. Describuntur dein varia bella inter Duces Darii, & Alexandri gesta Agis quoque Rex Lacedæmoniorum Antipatro bellum fecit.

Darii Prætores, qui prælio apud Isson superfuerant, cum omni manu, quæ fugientes sequuta erat, assumpta etiam Cappadocum, & Paphlagonum juventute, Lydiam recuperare tentabant. Antigonus Prætor Alexandri Lydiæ præerat, qui quamquam plerosque militum ex præsidiis ad Regem dimiserat, tamen Barbaris spretis in aciem suos eduxit; eadem illic quoque fortuna partium fuit. Tribus prælis alia, atque alia regione comissis, Persæ funduntur. Eodem tempore classis Macedonum ex Græcia accita, Aristomenem, qui ad Hellesponti oram recuperandam à Dario erat missus, captis ejus, aut demersis navibus, superat. A Milesiis deinde Pharnabazus Præfектus Persicæ classis, pecunia exacta, & præsilio in urbem Chium introducto; centum navibus Andrum, & inde Syphnum, petiit. Has quoque insulas præsidiis occupat, pecunia multat. Magnitudo belli, quod ab opulentissimis Europæ, Asiæque Regibus in spem totius orbis occupandi gerebatur, Græciæ quoque & Cretæ arma commoverat. Agis Lacedæmoniorum Rex, octo millibus Græcorum, qui ex Cilicia profugi domos repetierant, contractis, bellum Antipatro Macedoniæ Præfecto moliebatur. Cretenses, has, aut illas partes sequuti, nunc Spartanorum, nunc Macedonum præsidiis oc-

cu-

eupabantur. Sed leviora inter illos fuere discriminas: unum certamen, ex quo cætera pendebant, intuente fortuna.

C A P U T V.

*Tyri laus. Donum Tyriorum Alexandro missum Alex-
andro prohibetur urbis aditus. Descriptio maris
Tyri, & urbis.*

(2.) **J**AM tota Syria, jam Phœnicia quoque, excepta Tyro, Macedonum erant. Habebatque Rex castra in continenti, à quo urbem angustum fretum dirimit. Tyrus, & claritate, & magnitudine ante omnes urbes Syriæ, Phœnicesque memorabilis, facilius societatem Alexandri acceptura videbatur, quām imperium. Coronam igitur auream legati donum afferebant, commeatusque largè, & hospitaliter ex oppido adduxerant. Ille dona, ut ab amicis, accipi jussit, benignèque legatos allocutus, Herculi (quem præcipue Tyrii colerent) sacrificare velle se dixit. Macedonum Reges credere; ab illo Deo ipsos genus ducere, se verò, ut id faceret, etiam Oraculo monitum. Legati respondent esse templum Herculis extra urbem, in ea sede quam Palætyron ipsi vocant. Ibi Regem Deo sacrum ritè facturum. Non tenuit iram Alexander, cujus alioquin potens non erat. Itaque, *Vos quidem*, inquit, *fiducia loci, quod insulam incolitis, pedestrem hunc exercitum spernitis: sed brevi ostendam, in continenti vos esse. Proinde sciatis licet, aut intraturum me urbem, aut oppugnaturum.* Cum hoc responso dimisso, monere amici coeperunt, ut Regem, quem Syria, quem Phœnici receperisset, ipsi quoque urbem intrare paterentur. At illi, loco sati: fisi, obsidionem

ferre decreverunt. Namque urbem à continentí quatuor stadiorum fretum dividit, Africo maximè objectum, crebros ex alto, fluctus in littus evolvens. Nec accipiendo opere, quo Macedones continentí insulam jungere parabant, quidquam magis, quam ille ventus obstabat. Quippe vix leni, tranquillo mari moles agi possunt. Africus verò prima quæque congesta pulsu illisa mari subruit. Nec ulla tam firma moles est, quam non exedant undæ per nexus operum manantes, &, ubi acrior fatus extitit, summi operis fastigio superfusæ. Præter hanc difficultatem, haud minor alia erat. Muros, turresque urbis præaltum mare ambiebat. Non tormenta, nisi è navibus procul excusa, emitti: non scalæ mænibus applicari poterant. Præceps in saltum murus pedestre interceperat iter. Naves nec habebat Rex, &, si admovisset, pendentes, & instabiles missilibus arceri poterant.

C A P U T V I.

Carthaginensium Legati firmant Tyrios contrâ Alexandrum. Prodigia urbi exitium portendentia.

Intr quæ haud parva dictu res Tyriorum fiduciam accedit. Carthaginensium Legati ad celebrandum anniversarium sacrum more patrío tunc venerant. Quippe Carthaginem Tyrii condiderunt, semper parentum loco culti. Hortari ergo Pœni cœperunt, ut obsidionem forti animo paterentur, brevi Carthagine auxilia ventura. Namque ea tempestate magna ex parte Punicis classibus maria obsidebantur. Igitur bello decreto, per muros, turresque

que tormenta disponunt, arma junioribus dividunt, opificesque, quorum copia urbis abundabat, in officinas distribunt. Omnia belli apparatu strepunt. Ferreæ quoque manus, (harpagonas vocant) quas operibus hostium injicerent, corvique, & alia tuendis urbibus excogitata, præparabantur. Sed, cùm fornacibus ferrum, quod excudi oportebat, impo- situm esset, admotisque follibus ignem flatu accen- derent, sanguinis rivi sub ipsis flammis extitisse dicuntur. Idque omen in Macedonum metum verte- runt Tyrii. Apud Macedonas quoque, cum fortè panem quidam militum frangeret, manantis san- guinis guttas notaverunt: territoque Rege, Aris- tander peritissimus Vatum respondit, si extrinse- cùs crux fluxisset, Macedonibus id triste futurum; contrà, cum ab interiore parte manaverit, urbi, quam obsidere destinassent, exitium portendere.

C A P U T . V I I .

Tyrii Alexandri legatos de pace missos occidunt. Dif- ficultas obsidionis, desperatio militis, Alexandri hortatio.

Alexander cùm & classem procul haberet, & longam obsidionem magno sibi ad cætera impe- dimento videret fore, caduceatores, qui ad pacem eos compellerent, missit; quos Tyrii contra jus gen- tium occisos præcipitaverunt in altum. Atque ille suorum tam indigna nece commotus, urbem obside- re statuit. Sed ante jacienda moles erat, quæ urbem continentem committeret. Ingens ergo animos mili- tum desperatio incessit, cernentium profundum mare, quod vix Divina ope posset impleri. Quæ

saxa tam vasta , quas tam proceras arbores posse reperiri? Exhauriendas esse regiones , ut illud spatium aggeraretur , & exæstuare semper fretum , quoque arctius volvereatur inter insulam , & continentem , hoc acrius furere. At ille haudquaquam rudis tractandi militares animos , *speciem sibi Herculis in somno oblatam esse* pronuntiat , *dexteram porrigentis;* *illo Duce , illo apperiente , in urbem intrare se visum.* *Inter hæc caduceatores imperfectos , gentium jura violata referebat. Unam esse urbem , quæ cursum victoris morari ausa esset.* Ducibus deinde negotium datur , ut suos quisque castiget. Satisque omnibus stimulatis , opus orsus est.

CAPUT VIII.

Incipit aggerem jacere per mare. Tyrii obnituntur. Expeditio interim in Arabes.

Magna vis saxorum ad manum erat , Tyro vetere præbente. Materies ex Libano monte ratibus & turribus faciendis vehebatur. Jamque à fundo maris in altitudinem montis opus excreverat. Nondum tamen aquæ fastigium æquabat. Et , quo longius moles agebatur à littore , hoc magis , quicquid ingrebatur , præaltum absorbebat mare , cum Tyrii , parvis navigiis admotis , perludibrium exprobrabant , illos ; armis inclytos , dorso , sicut jumenta , onera gestare. Interrogabant etiam , num major Neptuno esset Alexander? Hæc ipsa insectatio alacritatem militum accendit. Jamque paululum moles aquam eminebat , & simul aggeris latitudo crescebat , urbique admovebatur ; tum Tyrii , magnitudine molis , cuius incrementum eos ante fefellerat , conspecta , levibus

na-

navigiis nondum commissum opus circuire cœperunt, missilibus eos quoque, qui pro opere stabant, incessere. Multis ergo impunè vulneratis, cum, & removere, & appellere scaphas in expedito non esset, ad curam semetipsos tuendi ab opere converterant. Igitur ex jumentis coria, veloque jussit obtendi, ut extra telli jactus essent; duasque turres ex capite molis erexit, à quibus in subeuntes scaphas tela ingeri possent. Contra Tyrii navigia procul à conspectu hostium littori appellunt, expositisque militibus, eos, qui saxa gestabant, obtruncant. In Libano quoque Arabum agrestes, incompositos Macedonas adorti, triginta ferè interficiunt, paucioribus captis. (3.) Ea res Alexandrum dividere copias coegit. Et, ne segniter assidere uni urbi videretur, operi Perdiccam, Craterumque præfecit. Ipse cum expedita manu Arabium petit.

C A P U T I X.

Stratagema Tyriorum, clades Macedonum, operis eversio, restitutio aggeris, variae Tyriorum artes.

Intra hæc Tyrii navem magnitudine eximia, saxis arenaque à puppi oneratam, ita ut multum prora emineret, bitumine, ac sulphure illitam, remis concitaverunt, & cum magnam vim venti vela quoque concepissent, celeriter ad molem successit. Tunc prora ejus accensa, remiges desillere in scaphas, quæ ad hoc ipsum præparatæ sequebantur. Navis autem, igne concepto, latius fundere incendium cœpit, quod priusquam posset occurri, turres, & cætera opera in capite molis posita compre-

hendit. At qui desilierant in parva navigia , faces,
& quidquid alendo igni aptum erat, in eadem ope-
ra ingerunt. Jamque non modò Macedonum tur-
res , sed etiam summa tabulata conceperant ignem;
cùm ii , qui in turribus erant, partim haurirentur
incendio , partim armis omissis in mare semetip-
si immitterent. At Tyrii , qui capere eos , quam
interficere maluerunt, natantium manus stipitibus,
saxisque lacerabant, donec debilitati impunè navi-
giis excipi possent : nec incendio solùm opera con-
sumpta , sed fortè eodem die vehementior ventus
motum ex profundo mare illissit in molem , cre-
brisque fluctibus compages operis verberatæ se la-
xavere ; saxaque interfluens unda medium opus ru-
pit. Proruptis igitur lapidum cumulis, quibus injec-
ta terra sustinebatur , præceps in profundum ruit;
tantæque molis vix ulla vestigia invenit ab Arabia
rediens Alexander. Hic (quod in adversis rebus
solet fieri) alias in alium culpam referebat, cùm
omnes verius de sævitia maris queri possent. Rex
novi operis molem orsus , in adversum ventum,
non latere , sed recta fronte direxit , quod cæteræ
opera velut sub ipso latentia tuebatur. Latitudinem
quoque aggeri adjecit , ut turres in medio erectæ,
procul telli jactu abesser. Totas autem arbores cum
ingentibus ramis in altum jaciebant, deinde saxis
onerabant, rursusque cumulo eorum alias arbores in-
ficiabant: tum humus aggerebatur; super quam alia
strue saxorum arborumque cumulata, velut quodam
nexu continens opus junixerant. Nec Tyrii , quid-
quid ad impediendam molem excogitati poterat,
signiter exequabantur. Præcipuum auxilium erat,
qui procul hostium conspectu subibant aquam , oc-
cul-

cultoque lapsu ad molem usque penetrabant, falci-
bus palmites arborum eminentium ad se trahentes,
quæ ubi sequutæ erant, pleraque secum in profun-
dum dabant: tum levatos onere stipites, truncos-
que arborum haud ægrè moliebantur, deinde totum
opus, quod stipitibus fuerat innixum, fundamen-
to lapso, sequebatur.

C A P U T X.

*Classis Alexandri ad Tyrum oppugnandam compara-
tam quam tempestas vexat.*

Agro animi Alexandro, &c, utrùm persevera-
ret, an abiret, satis incerto, classis Cypro advenit:
eodemque tempore Cleander, cum Græcis militi-
bus in Asiam nuper advectus, centum, & nonagin-
ta navium classem in duo dividit cornua. Lævum
Pythagoras, Rex Cypriorum cum Cratero tueba-
tur: Alexandrum in dextero quinqueremis regia
vehebat. Nec Tyrii, quamquam classem habebant,
ausi navale inire certamen, triremes omnes ante ip-
sa mœnia opposuerunt, quibus Rex invictus, ipsas
demersit. Postera die, classe ad mœnia admota,
undique tormentis, & maximè arietum pulsu, mu-
ros quatit, quos Tyrii, raptim obstructis saxis refe-
cerunt, interiorem quoque murum, ut, si prior fe-
fellisset, illo se tuerentur, undique orsi. Sed undi-
que vis mali urgebat. Moles intra teli jactum era:
classis mœnia circuibat; terrestri simul, navalique
clade obruebantur. Quippè binas quadriremes Ma-
cedones inter se ita junxerant, ut proræ cohære-
rent; puppes intervallo, quantum capere poterant,
distarent. Hoc puppium intervallum, antennis,

asseribusque validis deligatis, superque eos pontibus stratis, qui militem sustinerent, impleverant. Sic instructas quadriremes ad urbem agebant: inde missilia in propugnantes ingerebantur tutò, quia prioris miles tegebatur. Media nox erat, cùm classem (sicuti dictum est) paratam circuire urbem juvet. Jamque naves urbi undique admovebantur, & Tyrii desperatione torpebant; cùm subitò spissæ nubes intendere se cœlo, & quidquid lucis interñebat, effusa caligine, extinctum est. Tum inhorescens mare paulatim levari, deinde acriori vento concitatum fluctus ciere, & inter se navigia collidere. Jamque scindi cœperant vincula, quibus conneçæ quadriremes erant, ruere tabulata, & cum ingenti fragore in profundum secum milites trahere. Neque enim conserta navigia ulla ope in turbido regi poterant. Miles ministeria nautarum, remex militis officia turbabat, & quod in hujusmodi casu accidit, periti ignaris parebant; quippè gubernatores aliàs imperare soliti, tum metu mortis jussa exequabantur. Tandem remis pertinaciùs everberatum mare, veluti eripientibus navigia classis cessit, appulsaque sunt littori lacerata pleraque.

CAPUT XI.

Legati Carthaginem negant parentibus auxilium.

Tyrii imbellem turbam Carthaginem mittunt. Prodigium Apollinis aperitur: Legati suadent, ut sacram hominis hostia fiat; Tyrii sacrilegium horrent.

IIsdem diebus forte Cartaginem legati triginta superveniunt, magis obsessis solatium, quam au-

auxilium allaturi : quippe domestico bello Pænos
impediri , nec de imperio , sed pro salute dimicare
nuntiabant. Siracusani tunc Africam urgebant , &
haud procul Carthaginis muris locaverant castra.
Non tamen defecere animis Tyrii , quamquam ab
ingenti spe destituti erant , sed conjuges , liberosque
devehendos Carthaginem tradiderunt , fortius , quid-
quid accideret , laturi , si charissimam sui partem ex-
tra communis periculi sortem habuissent. Cùmque
unus è civibus concioni indicasset , oblatam esse
per somnium sibi speciem Apollinis , quem eximia
religiōne colerent , urbem deserentis , molemque à
Macedonibus in salo jactam in sylvestrem saltum
esse mutatam : quamquam author levis erat , tamen
ad deteriora credenda proni , metu aurea catena
devinxere simulacrum , aræque Herculis , cuius nu-
mini urbem dicaverant , inseruere vinculum , quasi
illo Deo Apollinem retenturi. Syracusis id simula-
crum devexerant Pœni , & in majore locaverant
patria , multisque aliis spoliis urbium à semet cap-
tarum , non Carthaginem magis , quam Tyrum or-
naverant. Sacrum quoque , quod quidem Diis mi-
nimè cordi esse crediderim , multis sæculis inter-
missum , repetendi authores quidam erant , ut inge-
nuus puer Saturno immolaretur : quod sacrilegium
verius , quam sacrum , Carthaginenses , à condito-
ribus traditum , usque ad excidium urbis suæ fecisse
dicuntur. Ac , nisi seniores obstitissent , quorum
consilio cuncta agebantur , humanitatem dira su-
persticio vicisset.

CAPUT XII.

Tyrit tam acriter oppugnationem defendunt, ut Rex desperabundus de solvenda obsidione iterum delibera-

ret, à qua fama sinistra deterretur.

Cæterum efficacior omni arte imminentis necessitas, non usitata modo præsidia, sed quædam etiam nova admovit. Namque ad implicanda navigia, quæ muros subibant, validis asseribus corvos, & ferreas manus cum uncis, ac falcibus alligaverant, ut, cùm tormento asseres promovissent, subito laxatis funibus injicerent. Unci quoque, & falces ex iisdem asseribus dependentes, aut propugnatores, aut ipsa navigia lacerabant. Clypeos verò æneos multo igne torrebat, quos repletos fervida arena, cœnoque decocto, è muris subito devolvebant. Nec ulla pestis magis timebatur. Quippe ubi loricam, corpusque fervens arena penetraverat, nec ulla vi excuti poterat, & quidquid attigerat, perurebat. Jacentesque arma, laceratis omnibus, queis protegi poterant, vulneribus inulti patebant. Corvi verò, & ferræ manus tormentis emissæ, plerosque rapiebant. (4) Hic Rex fatigatus, statuerat, soluta obsidiones, Ægyptum petere. Quippe cùm Asiam ingenti celeritate percurrisset, circa muros unius urbis hærebat, tot maximarum rerum opportunitate dimissa. Cæterum tam discedere irritum, quam morari, pudebat. Famam quoque, qua plura, quam armis, everterat, ratus leviorem fore, si Tyrum, quasi testem, se posse vinci, reliquisset. Igitur nequid inexpertum omitteret, plures naves admoveri jubet, delectosque militum imponi.

CA-

CAPUT XIII.

Prodigium à visa bellua, quod utrius in suam salutem interpretatur.

ET fortè bellua inusitatæ magnitudinis super ipsos fluctus dorso eminens ad molem, quam Macedones jecerant, ingens corpus applicuit, diverberatisque fluctibus allevans semet, uriinque conspecta est: deinde à capite molis rursùs alto se immersit; ac modò super undas eminens magna sui parte, modò superfusis fluctibus condita, haud procul munimentis urbis emersit. Utrisque latus fuit belluæ aspectus. Macedones iter faciendo operi monstrasse eam augurabantur. Tyrii, Neptunum occupati maris vindicem ab ripuisse belluam, ad molem brevi profectò ruitram: lætique omne eo, ad epulas dilapsi, oneravere se vino: quo graves, orto sole navigia concidunt, redimita coronis floribusque. Adeò victoriæ non omen modò, sed etiam gratulationem præceperant.

CAPUT XIV.

Māumachia committitur, Alexandro viatore.

FORTÈ Rex classem in diversam partem agi jusserrat, triginta minoribus navigiis relictis in littore; è quibus Tyrii duobus captis, cætera ingenti terruerant metu: donec suorum clamore auditò, Alexander classem littori, à quo fremitus acciderat, admovit. Prima è Macedonum navibus quinquarémis, velocitate inter cæteras eminens, occurrit, quam ut conspexere Tyrii, duæ è diverso in latera ejus in-

invectæ sunt ; in quarum alteram quiqueremis eadem concitata , & ipsa rostro icta est , & illam invicem tenuit. Jamque ea , quæ non cohærebat , libero impetu invecta , in aliud quinqueremis latus invehebatur , cùm opportunitate mira triremis è classe Alexandri , in eam ipsam , quæ quinqueremi imminebat , tanta vi impulsa est , ut Tyrius gubernator in mare excuteretur è puppi. Plures deinde Macedonum naves superveniunt ; & Rex quoque aderat , cum Tyrii inhibentes remos , egrè evellerent navem quæ hærebat , portumque omnia simul navigia repetunt. Confestim Rex in sequutus , portum quidem intrare non potuit , cùm procul è muris missilibus submoveretur : naves autem omnes ferè , aut demersit , aut cepit.

C A P U T X V.

Tyrus vi capit ; excinditur : paueis parcitur. Elogium Tyri.

BIduo deinde ad quietem dato militibus , jussisse & classem , & machinas pariter admovere , & undique territis instare : ipse in altissimam turrim , ascendit , ingenti animo , periculo majore. Quippe Regio insigni & armis fulgentibus conspicuus , unus preciupè telis petebatur. Et digna prorssus spectaculo edidit : multos è muris propugnantes hasta transfixit : quosdam etiam cominns gladio , clypeoque impulsos p̄cipitavit. Quippe turris , ex qua dimicabat , muris hostium propemodū co-hærebat. Jamque crebris arietibus saxorum compage laxata munimenta defecerant , & classis intraverat portum , & quidam Macedonum in turre

hos-

hostium desertas evaserant, cùm Tyrii, tot simul
 malis vieti, alii supplices in templo confugiunt,
 alii foribus ædium obseratis occupant liberum mor-
 tis arbitrium, nonnulli ruunt in hostem, haud
 inulti tamen perituri. Magna pars summa tectorum
 obtinebat, saxa, & quidquid manibus sors dederat,
 ingerentes subeuntibus. Alexander, exceptis qui
 in templo confugerant, omnes interfeci, ignemque
 tectis injici jubet. His per præcones pronuntiatis,
 nemo tamen armatus opem à Diis petere sustinuit.
 Pueri virginesque templo compleverant: viri in
 vestibulo suarum quisque ædium stabant, parata
 sævientibus turba. Multis tamen saluti fuere Sido-
 ni, qui intra Macedonum præsidia erant. Hi urbem
 quidem inter viatores intraverant, sed cognationis
 cum Tyriis memores (quippè utramque urbem Age-
 norum condidisse credebant) multos Tyriorum
 etiam protegentes ad sua perduxere navigia; quibus
 occultatis, Sidona devecti sunt. Quindecim millia
 hoc furto subducta sævitiae sunt. Quantumque san-
 guinis fusum sit, vel ex hoc existimari potest,
 quod intra munitamenta urbis, sex millia armatorum
 trucidati sunt. Triste deinde spectaculum victori-
 bus ira præbuit Regis. Duo millia, in quibus occi-
 dendis defecerat rabies, crucibus affixa per ingens
 littoris spatium pependerunt. Carthaginem Legatis
 pepercit, addita denunciatione belli, quod præ-
 sentium rerum necessitas moraretur. Tyrus septi-
 mo mense, quam oppugnari coepta erat, capta est.
 Urbs & vetustate originis, & crebra fortunæ varie-
 tate ad memoriam posteritatis insignis, condita ab
 Agenore, diu mare, non vicinum modò, sed quo-
 cumque classes ejus adierunt, ditionis suæ fecit. Et,

si

si famæ libet credere , hæc gens litteras prima aut docuit , aut didicit. Coloniæ certè ejus penè toto orbe diffusæ sunt. Carthago in Africa , in Bæotia Thebœ , Gades ad Oceanum. Credo , libero commeantes mari , sæpiùsque adeundo cæteris incognitas terras , elegisse sedes juventuti , qua tunc abundabant : seu quia crebris motibus terræ (nam hoc quoque traditur) cultores ejus fatigati , nova , & externa domicilia armis sibimet quærere cogebantur. Multis ergo casibus defuncta , & post excidium renata , nunc tamen longa pace cuncta refovente , sub tutela Romanæ mansuetudinis acquiescit.

C A P U T X V I .

Litteræ Darii ad Alexandrum , & hujus responsum , de filia ducenda , & dote.

(5.) **I**isdem fermè diebus Darii litteræ allatæ sunt , tandem ut Regi scriptæ. Petebat , *uti filiam suam (Sapientiae erat nomen) nuptiis Alexander sibi adjungeret. Dotem fore omnem regionem inter Hellesponsum , & Halyn amnem sitam: inde Orientem spectantibus terris contentum se fore. Si forte dubitaret , quod offerretur , accipere , nunquam diu eodem vestigio stare fortunam , semperque homines , quantamcumque felicitatem habeant , invidiam tamen sentire majorem. Vereri se , ne avium modo , quas naturalis levitas ageret ad sidera , inani ac puerili mentos affectu afferret. Nihil difficilius esse , quam in illa ætate tantam capere fortunam. Multas se adhuc reliquias habere , nec semper in angustiis posse deprehendi. Transeundum esse Alexandro Euphratem , Tigrimque , & Araxem,*

53

Hydaspen, magna munimenta Regni sui. Venendum in campos ubi paucitate suorum erubescendum sit. Mediam, Hyrcaniam, Bactra, & Indos, Oceani accolas, quanto aditum? vel Sogdianos, & Arascostes, nomine tantum notos, ceterasque gentes, ad Caucasum & Tansim perinentes? Senescendum fore tantum terrarum vel sine prælio obeunti. Se verò ad ipsum vocare desineret: namque illius exitio esse venturum. Alexander his, qui litteras attulerant, respondit: Darium sibi aliena promittere; quod totum amiserit, velle partiri. Doti sibi dari Lydiam, Joniam, Æolidem, Hellesponti oram, victoriæ sue præmia: leges autem à victoribus dici, accipi à victis. In utro statu ambo essent, si solus ignoraret, quam primum Marte decerneret. Se quoque, cum transisset mare, non Ciliciam, aut Lydiam ignorare; quippe tanti belli exiguum hanc esse mercedem, sed Persepolim, caput Regni ejus, Bactra deinde, Ecbatana, ultimique Orientis oram imperio suo destinasse. Quocumque ille fugere potuisset, ipsum sequi posse. Desine terre fluminibus, quem sciret maria transisse. Reges quidem invicem hæc scripserant.

CAPUT XVIII.

Alexander Gazam obsidet. Græci coronam mittunt vitori. Prætores Alexandri rem bene gerunt.

SED Rhodii urbem suam, portusque dedebant Alexandro. Ille Ciliciam Socrati tradiderat, Philota regioni circa Tyrum jusso præsidere: Syriam, quæ Cœle appellatur, Andromacho Parmenio tradiderat, bello, quod supererat, interfuturus. Rex, He-

Hephæstione Phœnicis oram classe prætervehi jussi, ad urbem Gazam cum omnibus copiis venit. Iisdem ferè diebus solemne erat Iudicrum Isthmiorum, quod conventu totius Græciæ celebratur. In eo concilio, ut sunt Græcorum temporaria ingenia, decernunt, ut duodecim legarentur ad Regem, qui ob res pro salute Græciæ ac libertate gestas, coronam auream donum victoriæ ferrent. Idem paulò antè incertæ famæ captaverant auram, ut quocumque pendentes animos tulisset fortuna, sequerentur. Cæterū non ipse modò Rex obibat urbes, imperii jugum adhuc recusantes; sed Prætores quoque ipsius egregii duces, pleraque invaserant. Calas Paphlagoniam, Antigonus Lycaoniam, Balacrus, Idame Prætore Darii superato, Miletum cepit: Amphoterus, & Hegilochus, centum saxaginta navium classe, insulas inter Achajam, atque Asiam in ditionem Alexandri redegerunt: Tenedos quoque recepta, incolis ultrò vocantibus. Statuerant & Chium occupare, sed Pharnabazus Darii Prætor, comprehensis, qui res ad Macedonas trahebant, rursùs Apollonidi & Athenagoræ, suarum partium viris, urbem cum modico præsidio militum tradit. Præfecti Alexandri in obsidione urbis perseverabant, non tam suis viribus, quam ipsorum, qui obsidebantur, voluntate. Nec fefellit opinio. Namque inter Apollonidem, & duces militum, orta sedīcio, irrumpendi in urbem occasionem dedit. Cumque porta effracta cohors Macedonum intrasset, oppidam, olim consilio prodigionis agitato, aggregant se Amphoteru, & Hegilocho, Persarumque præsidio cæso, Pharnabazus cum Apollonide, & Athenagora, vinciti triduntur; duodecim triremes cum suo milite, ac remige;

ge; præter eas triginta naves, & piratici lembi. Græcorumque tria millia à Persis mercede conducta, His in supplementum copiarum suarum distributis, piratisque supplicio affectis, captivos remiges adjecere classi suæ. Fortè Aristonicus Methymneorum Tyrannus, cum piraticis navibus, ignatus omnium quæ ad Chium acta erant, prima vigilia ad portus claustra successit: interrogatusque à custibus, quis esset; Aristonicum ad Pharnabazum venire respondit. Illi, Pharnabazum quidem jam quiescere, & non posse tum adiri; cæterū patere socio, atque hospiti porū, & postero die Pharnabazi copiam fore, affirmant. Nec dubitavit Aristonicus primus intrare. Sequuti sunt ducem piratici lembi, ac dum applicant navigia crepidini portus, objicitur à vigilibus claustrum, & qui proximi excubabant, ab iisdem excitantur; nulloque ex his auso repugnare, omnibus catenæ injectæ sunt. Amphoterò deinde, Hegiliochoque traduntur. Hinc Macedones transiere Mitylenem, quam Charles Atheniensis nuper occupatum duorum millium Persarum præsidio tenebat. Sed cùm obsidionem tolerare non posset, urbe tradita, pactus est, ut incolmis abire liceret. Imbrum petit: deditis Macedones pepercerunt.

C A P U T X V I I I .

*Bellum reparat Darius; Bactrianos evocat cum Besso
non gratis suspecto.*

(6.) **D**arius desperata pace, quam per litteras, legatosque impetrari posse crediderat, ad reparandas vires, bellumque impigrè renovandum intendit. Duces ergo copiarum Babyloniam convenire, Bessum quoque Bactrianorum ducem perquam maximo posset exercitu coacto, descendere ad se jubet. Sunt autem Bactriani inter illas gentes promptissimi, horridis ingeniis, multumque à Persarum luxu abhorrentibus, siti haud procul à Scytharum bellicosissima gente, & rapto vivere assueta; semperque in armis errant. Sed Bessus suspecta perfidia, haud sanè æquo animo in secundo se continens gradu, Regem terrebat. Nam, cùm regnum affectaret, proditio, qua sola id assequi poterat, timebatur.

C A P U T X I X .

Gaza duobus mensibus obsessa, tandem cum magno periculo Regis expugnatur. Betis Praetores supplicium.

Cæterum Alexander, quam regionem Darius petisset, omni cura vestigans, tamen explorare non poterat; more quodam Persarum, arcana Regum mira celantium fide. Non metus, non spes elicit vocem, qua prodantur occulta: vetus disciplina Regum silentium vitæ periculo sanxerat. Lingua gravius castigatur, quam ullum prebrum. Nec magnam tem magis sustineri posse credunt ab eo, cui tace-

re grave sit, quod homini facillimum voluerit esse natura. Ob hanc causam Alexander omnium, quæ apud hostem gererentur, ignarus, urbem Gazam obsidebat. Præterat, ei Betis eximiæ in Regem suum fidei modicoquè præsidio muros ingentis operis tuebatur. Alexander, æstimato locorum situ agi cuniculos jussit, facili, ac levi humo acceptante occultum opus: quippe multam arenam vicinum mare evomit, nec saxa, cotesque, quæ interpellent specus, obstabant. Igitur ab ea parte, quam oppidani conspicere non possent, opus orsus, ut à sensu ejus averteret, turres muris admoveri jubet. Sed eadem humus admovendis inutilis turribus, desidente sabulo, agilitatem rotarum morabatur, & tabulata turrim perfringebat; multique vulnerabantur impunè, cùm idem recipiendis, qui admovendis turribus, labor eos fatigaret. Ergo receptui signo dato, postero die muros corona circumdari jussit: ortoque sole, priùsquam admoveret exercitum, opem Deum exposcens, sacrum patrum more faciebat. Fortè prætervolans corvus, glebam, quam unguibus ferebat, subito amisit; quæ cùm Regis capiti incidisset, resoluta defluxit. Ipsa autem avis in proxima turre consedit. Illita erat turris bitumine, ac sulphure, in qua alis hærentibus frustra se allevare conatus, à circunstantibus capitur. Digna res visa, de qua Vates consulerentur. Et erat Rex non intactus ea superstitione mentis. Ergo Aristander, cui maxima fides habebatur, urbis quidem excidium augurio illo portendi, cæterum periculum esse, inquit, ne Rex vulnus acciperet. Itaque monuit, ne quid eo die inciperet. Ille quamquam unam urbem sibi, quò mi-

nus securus Ægyptum intraret, obstare ægrè ferebat; tamen paruit Vati, signumque receptui dedit. Hinc animus crevit obsessis; egressique porta recedentibus inferunt signa, cunctationem hostium fore suam occasionem rati. Sed acutius, quam constantius prælium inierunt: quippe, ut Macedonum signa circumagi videre, repente sistunt gradum. Jamque ad Regem præliantium clamor pervenerat, cum denuntiati periculi haud sanè memor, loricam tamen, quam raro in duebat, amicis orantibus, sumpsit, & ad prima signa pervenit. Quo conspecto, Arabs quidam Darii miles, majus fortuna sua facinus ausus, clypeo gladium tegens, quasi transfuga, genibus Regis advolvitur. Ille assurgere supplicem, recipique inter suos jussit. At gladio Barbarus strenue in dexteram translato, cervicem appetit Regis, qui exigua corporis declinatione eyitato ictu, in vanum manum Barbari lapsam amputat gladio, denuntiato in illum diem periculo (ut arbitrabatur ipse) defunctus. Sed: ut opinor, inevitabile est fatum: quippe, dum inter primores promptius dimicat, sagitta ictus est, quam per loricam adactam, stantem in humero, medicus ejus Philippus evellit. Plurimus deinde sanguis manare cœpit, omnibus territis, quia numquam tam altè penetrasset telum, lorica obstante, cognoverat. Ipse nec oris quidem colore mutato, suppressi sanguinem, & vulnus obligari jussit. Diu ante ipsa signa, vel dissimulatio, vel victo dolore, persisterat, cum suppressus paulò ante sanguis medicamento, quo retentus erat, manare latius cœpit, & vulnus, quod recens adhuc dolorem non moverat, frigente sanguine, intumuit. Linqui deinde animo, & subniti genu cœpit; quem pro-

proximi exceptum in castra receperunt. Et Betis interfectum ratus, urbem ovans victoria repetit. At Alexander, nondum percurato vulnere, aggerem, quo moenium altitudinem æquaret, extruxit, & pluribus cuniculis muros subrui jussit. Oppidani ad pristinum fastigium murorum, novum extruxere munimentum. Sed ne id quidem turres aggeri impositas æquare poterat. Itaque interiora quoque urbis infesta telis erant. Ultima pestis urbis fuit, cuniculo subrutus murus, per cujus ruinas hostis intrabit. Ducebat ipse Rex antesignanos; &, dum incautiū subit, saxo crux ejus affligitur. Innixus tamen telo, nondum prioris vulnēis obducta cicatrice, inter primores dimicat, ira quoque accensus, quod duo in obsidionem urbis ejus acceperat vulnera. Betim, egregia edita pugna, multisque vulneribus confectum, deseruerant sui. Nec temen segnius prælium capessebat, lubricis armis, suo pariter, atque hostium sanguine: cum undique telis circumdato Alexander, insolenti gaudio juvenis elatus, alijs virtutem etiam in hoste miratus. Non, ut voluisti, inquit, morieris, Beti, sed quidquid tormentorum in captivum inveniri potest, passum esse te cogita. Ille non interrito modò, sed contumaci quoque vultu intuens Regem, nullam ad minas ejus reddit vocem. Tum Alexander, videtisne obstinatum ad tacendum? inquit: num genu possuit? num supplicem vocem misit? Vincam tamen silentium, &, si nihil aliud, certe gemitu interpolabo. Iram deinde vertit in rabiem, jam tum peregrinos ritus nova subeunte fortuna. Pet talos enim spirantis lora trajecta sunt, religatumque ad currum traxere circa urbem equi glorian-

te Rege, Achillem, à quo genus ipse deduceret, imitatum se esse pœna in hostem capienda. Cecidere Persarum, Arabumque circa decem millia: Nec Macedonibus incruenta victoria fuit. Obsidio certè non tam claritate urbis nobilitata est, quām geminato periculo Regis, qui Ægyptum adire festinans, Amyntam cum decem triremibus in Mace- doniam ad inquisitionem novorum militum misit. Namque præliis etiam secundis atterebantur copiæ, devictarumque gentium militi minor, quam doméstico fides habebatur.

CAPUT X.

Ægypto expugnata, Hammonis Jovis sedem cum magno periculo adit: ejusdem loci descriptio.

(7.) **Æ**gyptii olim Persarum opibus infensi, quippe avarè, & superbè imperitatum sibi esse credebant, ad spem adventus ejus erexerant animos, utpote qui Amyntam quoque transfugam, & cum precario imperio venientem, læti recepissent. Igitur ingens multitudo Pelusium, qua intratus Rex videbatur, convenerat. Atque ille septimo die, posteaquām à Gaza copias moverat, in regionem Ægypti, quam nunc castra Alexandri vocant, pervenit. Deinde pedestribus copiis Pelusium petere jussis, ipse cum expedita delectorum manu Nilo amne vectus est. Nec sustinuere adventum ejus Persæ, defectione quoque perterriti. Jamque haud procul Memphi erat, in cuius presidio Mazaces Prætor Darii relictus, Oxio amne superato, octingenta talenta Alexandro, omnemque Regiam suppellectilem tradidit. A Memphi, eodem flumine

vec-

vectus, ad interiora Ægypti penetrat; compositisque rebus, ita ut nihil ex patrio Ægyptiorum more mutaret, adire Jovis Hammonis Oraculum statuit. Iter expeditis quoque, & paucis vix tolerabile ingrediendum erat. Terra, cœloque aquarum penuria est: steriles arenæ jacent, quas ubi vapor solis accedit, fervido solo exurente vestigia, intolerabilis æstus existit: luctandumque est non tantum cum ardore, & siccitate regionis, sed etiam cum tenacissimo sabulo, quod præaltum, & vestigio cedens, ægrè moliuntur pedes. Hæc Ægyptii vero majora ja&t;abant. Sed ingens cupidus animus stimulabat adeundi Jovem, quem generis sui auctorem, haud contentus mortali fastigio, aut credebat esse, aut credi volebat. Ego cum iis, quos ducere secum statuerat, secundo amne descendit ad Mareotim paludem. Eò Legati Cyrenensium dona attulere, pacem, & ut adiret urbes suas, pententes. Ille, donis acceptis, amicitiaque conjuncta, destinata exequi pergit. Ac primo quidem, & sequenti die tolerabilis labor visus, nondum tam vastis, nudisque solitudinibus aditis, jam tamen sterili, & emoriente terra. Sed, ut aperuere se campi alto obruti sabulo, aut secus, quam profundum æquor ingressi, terram oculis requirebant. Nulla arbor, nullum culti soli occurrebat vestigium. Aqua etiam defecerat, quam utribus camelii devexerant, & in arido solo, ac fervido sabulo nulla erat. Ad hæc Sol omnia incenderat, siccaque, & adusta erant omnia; cùm repente sive illud Deorum munus, sive casus fuit, obductæ cœlo nubes condidere Solēm, ingens æstu fatigatis, etiamsi aqua deficeret, auxilium. **Enim** verò, ut largum quoque imbrex ex-

curserunt procellæ , pro se quisque excipere eum: quidam ob sitim impotentes sui ore quoque hianti captare cœperunt. Quatriduum per vastas solitudines absumptum est. Jamque haud procul Oraculi sede aberant, cum complures corvi agmini occurserunt, modico volatu prima signa antecedentes : & modò humi residebant, cum lentiùs agmen incederet, modò se pennis levabant, antecedentium, iterque monstrantium ritu. Tandem ad sedem consecratam Deo ventum est. Incredibili dictu , inter vastas solitudines, ita undique ambientibus ramis, vix in densam umbram cadente Sole , contecta est : multique fontes, dulcibus aquis passim manantibus, alunt sylvas. Cœli quoque mira tempestries , verno tempori maximè similis , omnes anni partes pari salubritate percurrit. Accolæ sedis sunt ab Oriente proximi Æthiopum: Meridiem versus Arabes , Trogloditis cognomen est. Horum regio usque ad Rubrum mare excurrit : at quâ vergit ad Occidentem, alii Æthiopes colunt, quos Scenitas vocant: à Septentrione Nasamones sunt, gens Syria, navigiorum spoliis quæstuosa : quippe obsident littora, & æstu destituta navigia notis sibi vadis occupant. Incolæ nemoris , quos Hammonios vocant, dispersis tuguriis habitant: medium nemus pro arce habent triplici muro circumdatum. Prima munitione Tyrannorum veterem Regiam clausit: in proxima conjuges eorum cum liberis, & pellicibus, habitant. Hic quoque Dei Oraculum est: ultima munimenta, satellitum , armigerorumque sedes erant. Est etiam aliud Hammonis nemus; in medio habet fontem, aquam Solis vocant: sub lucis ortum tepida manat ; medio die , cum vehementissimus est

ca-

calor, frigida eadem fluit; inclinato in vesperam, calescit: media nocte, fervida exæstuat, quoque propriùs nos vergit ad lucem, multum ex nocturno calore decrescit, donec sub ipsum diei ortum assueto tempore languescat. Id, quod pro Deo colitur, non eamdem effigiem habet, quam vulgò Diis artifices accommodaverunt. Umbilico tenus arieti similis est habitus, smaragdo, & gemmis coagmentatus. Hunc, cùm responsum petitur, navigio aurato gestant Sacerdotes, multis argenteis pateris ab utroque navigii latere pendentibus: sequuntur matronæ, virginesque patrio more inconditum quoddam carmen canentes, quo propitiari Jovem credunt, ut certum edat Oraculum. At tum quidem Regem, propriùs adeuntem, maximus natu è Sacerdotibus filium appellat, hoc nomen illi parentem Jovem reddere affirmans. Ille verò, & accipere se, ait, & agnoscere, humanæ sortis oblitus. Consuluit deinde, an totius orbis imperium satis sibi destinareret pater. Vates æquè in adulationem compositus, terrarum omnium rectorem fore ostendit. Post hæc institit quærere, an omnes parentis sui interfectores pœnas dedissent. Sacerdos parentem ejus negat ullius scelere posse violari; Philippi autem omnes interfectores luisse supplicia: Adjecit, invictum fore, donec excederet ad Deos. Sacrificio deinde facto, dona, & Sacerdotibus, & Deo data sunt, permisumque amicis, ut ipsi quoque consulerent Jovem. Nihil amplius quæsiverunt quam in auctor esset sibi Divinis honoribus colendi suum Regem. Hoc quoque acceptum fore Jovi Vates respondit, ut ipsi victorem Regem Divino honore colerent. Verè, & salubriter æstimanti fidem Oraculi, vana profec-

fecto responsa videri potuissent. Sed fortuna quos uni sibi credere coegerit, magna ex parte avidos gloriae magis, quam capaces facit. Jovis igitur filium se non solùm appellari passus est, sed etiam jussit; rerumque gestarum famam dum augere vult, tali appellatione corrumpit. Et Macedones assueti quidem Regio imperio, sed majore libertatis umbra, quam ceterae gentes, immortalitatem affectantem contumatius, quam aut ipsis expediebat, aut Regi aversati sunt. Sed haec suo quaque tempori reser- ventur; nunc cetera exequi pergam.

CAPUT XXI.

Alexandria non sine prodigiis conditur. Ægyptus Præ- feditis regenda traditur. Hector Parmenionis filius Nilo perit. Ustulatus Andromachus præses Samariæ. Tyrannorum supplicia. Legationes Græcorum. Cyprii Reges donis culti. Amphoterus contra pira- tas mittitur. Herculi Tyrio Alexander operatur.

(8.) **A**lexander ab Hammone rediens, ut ad Mareotim paludem haud procul insula Pharo sitam venit, contemplatus loci naturam, primùm in ipsa insula statuerat urbem novam condere. Inde, ut apparuit, magnæ sedis insulam haud capacem, elegit urbi locum, ubi nunc est Alexandria, appella- tionem trahens ex nomine auctoris. Complexus, quid- quid loci est inter paludem, & mare, octoginta sta- diorum muris ambitum destinat. Et, qui ædifican- dæ urbi præsenter, relictis, Memphis petit. Cu- pido haud injusta quidem, ceterum intempestiva incesserat, non inferiora modò Ægypti, sed etiam

Æthio-

Æthiopiam invisere. Memnonis, Thitonique celebrata Regia cognoscendæ vetustatis avidum trahebat penè extra terminos Solis. Sed imminens bellum, cuius multò major supererat moles, otiosæ peregrinationi tempora exemerat. Itaque Ægypto præfecit Æschylum, Rhodium, & Peucestem Macedonem, quatuor millibus militum in præsidium regionis ejus datis. Claustra Nili fluminis Polymenem tueri jubet, triginta ad hoc triremes datæ. Africæ deinde, quæ Ægypto juncta est, præpositus Apollonius vectigalibus ejusdem Africæ, Ægyptique Cleomenes. Ex finitimis urbibus commigrare Alexandriam jussit, novam urbem magna multitudine implevit. Fama est, cùm Rex urbis futuræ muris polentam, ut Macedonum mos est, destinasset, avium greges advo-lasse, & polenta esse pastas; cùmque id omen pro tristi à plerisque esset acceptum, respondisse Vates, magnam illam urbem advenarum frequentiam culturam, multisque eam terris alimenta præbituram. Regem, cùm secundo amne deflueret, assequi cupiens Hector Parmenionis filius, eximio ætatis flore in paucis Alexandro charus, parvum navigium concendit, pluribus, quam capere posset, impositis. Itaque mersa navis omnes destituit. Hector diu flu-mi obluctatus, cùm madens vestis, & astricti crepidis pedes narrare prohiberent, in ripam tamen semianimis evasis, & ut primùm fatigatus spiritum laxavit, quem metus, & periculum intenderant, nullo adjuvante (quippe in diversum evaserant alii) exanimatus est. Rex amissi ejus desiderio vehemen-ter afflictus est; repertumque corpus magnifico extulit funere. Oneravit hunc dolorem nuntius mor-tis Andromachi, quem præfecerat Syriae: vivum Sa-

maritæ cremaverant; ad cujus interitum vindicandum, quanta maxima celeritate potuit, contendit. Advenientique sunt tradi tanti sceleris autores. Andromacho deinde Memnona substituit, affectis supplicio, qui Praetorem interemerant. Tyrannos inter eos Methymnæorum Aristonicum, Chrysolaum popularibus suis tradidit; quos illi è muris ob injurias tortos necaverunt. Atheniensium deinde, Rhodiorumque, & Chiorum Legatos audit. Athenenses victoriam gratulabantur, &, ut captivi Græcorum suis restituerentur, orabant. Rhodii, & Chii de praesidio quærebantur: Omnes ea, quæ desiderare visi, impetraverunt. Mitylenæis quoque ob egi-
giam in partes suas fidem, & pecuniam, quam in bellum impenderant, obsides reddidit, & magnam regionem finibus eorum adjecit. Cypriorum quoque Regibus, qui & à Dario defecerant ad ipsum, & oppugnanti Tyrum misserant classem, pro merito honos habitus est. Amphoterus deinde classis Praefectus ad liberandam Cretam missus, (namque & Persarum, & piratarum armis pleræque ejus insulæ obsidebantur) ante omnia mare à piraticis classibus vindicare jussus: quippe obnoxium prædonibus erat, in bellum utroque Rege converso. His compo-
sitis, Herculi Tyrio ex auro crateram cum triginta pateris dicavit; imminensque Dario iter ad Eu-
phratem pronuntiari jussit.

CAPUT XXII.

Darius Babylone collectas copias, & instructas mouet ad Tigrim, quem cum Lyco traxit, & castra ad Bumadum ponit. Mazæus regionem vastat.

(9.) **A**T Darius, cùm ab Ægypto divertisse in Africam hostem comperisset, dubitaverat, utrumne circa Mesopotamiam subsisteret, an interiora Regni sui peteret, haud dubie posterior auctor præsens futurus ultimis gentibus impigrè bellum capessendi, quas ægrè per Præfectos suos moliebatur. Sed ut idoneis auctoribus fama vulgavit, Alexandrum cum omnibus copiis, quamcumque ipse adiisset regionem, petitum, haud ignarus, quām cùm strenuo res esset, omnia longinuarum gentium auxilia Babylonem contrahi jussit. Bactriani, Scythæque, & Indi convenerant. Nam, & cæterarum gentium copiæ partibus simul affuerunt. Cæterū, cùm dimidio fermè major esset exercitus, quām in Cilia fuerat, multis arma deerant, quæ summa cura comparabantur. Equitibus, equisque tegumenta erant ex ferreis laminis, serie inter se connexis. Quæs anteà præter jacula nihil dederat, scuta, gladiique adjiciebantur. Equorum domandi greges petitibus distributi sunt, ut major pristino esset equitatus, ingensque (ut crediderat) terror hostium, ducentæ falcatae quadrigæ, unicum illarum gentium auxilium, sequutæ sunt. Ex summo temone hastæ præfixæ ferro eminebant. Utrumque à jugo ternos direxerant gladios; & inter radios rotarum plura spicula eminebant in adversum. Aliæ deinde falces sum-

summis rotarum orbib^{as} hærebant, & aliæ in ter-
 ram dimissæ, quidquid obvium concitatis equis
 fuisset, amputaturæ. Hoc modo instructo exercitu,
 ac perarmato, Babylone copias movit. A parte dex-
 tra erat Tigris, nobilis fluvius: lævam tegebat
 Euphrates. Agmen Mesopotamiæ campos impleve-
 rat. Tigri deinde superato, cùm audisset haud pro-
 cul abesse hostem, Satropacem Equitum Præfectum
 cum mille delectis præmissit. Mazæo Prætori sex
 millia data, quibus hostem transitu amnes arceret:
 eidem mandatum, ut regionem, quam Alexander
 esset aditus, popularetur, atque ureret: quippe
 credebat, inopia debellari posse, nihil habentem,
 nisi quod rapiendo occupasset. Ipsi autem commea-
 tus, alii terra, alii Tigri amne subvehabantur.
 Jam pervenerat ad Arbellam vicum, nobilem sua
 clade facturus. Hic commeatum, sarcinarumque
 major parte deposita, Lycum amnem ponte junxit,
 & per dies quinque, sicut ante Euphratem, trajecit
 exercitum. Inde octoginta ferè stadia progressus ad
 alterum amnem (Bumado nomen est) castra posuit.
 Opportuna explicandis copiis regio erat, equitabi-
 lis, & vasta planities. Ne stirpes quidem, & bre-
 via virgulta operiunt solum; liberque prospectus
 eorum, etiam quæ procul recessere, permittitur.
 Itaque, si qua campi eminebant; jussit æquari, to-
 tumque fastigium extendi.

CAPUT XXIII.

Profectio Alexandri ad Euphratem, & Tigrim. Cædes Satropacis.

Alexandro, qui numerum copiarum ejus, quantum procul conjectari poterat, æstimabant, vix fecerunt fidem, tot millibus cæsis majores copias esse reparatas. Cæterum omnis periculi, & maximè multitudinis contemptor, undecimis castris pervenit ad Euphratem, quo pontibus juncto, equites primos ire, phalangem sequi jubet. Mazæo, qui ad inhibendum transitum ejus cum sex millibus equitum occurrerat, non auso periculum sui facere. Paucis deinde non ad quietem, sed ad reparandos animos diebus datis militi, strenuè hostem insequi cœpit, metuens, ne interiora Regni sui peteret, sequendusque esset per loca omni solitudine, atque inopia vasta: igitur quarto die præter Arbellam penetrat ad Tigrim. Tota regio ultra amnem recenti fumabat incendio: quippe Mazæus, quæcumque adierat, haud secus, quam hostis urebat. Ac primo caligine, quam fumus effuderat, obscurante lucem, insidiarum metu substitit. Deinde, ut speculatores præmissi tuta omnia nuntiaverunt, paucos equitum ad tentandum vadum fluminis præmissit, cuius altitudo primò summa equorum pectora, mox, ut in medium alveum ventum est, cervices quoque æquabat. Nec sanè aliis ad Orientis plagam tam violentus invehitur, multorum torrentium non aquas solum, sed etiam saxa secum trahens. Itaque à celeritate, qua defluit, Tigris nomen est inditum, quia Persica lingua Tigrim

sa -

sagittam appellant. Igitur pedes, velut divisus in cornua, circumdato equitatu, levatis super capita armis, haud ægrè ad ipsum alveum penetrat. Primus inter pedites Rex egressus in ripam, vadum militibus manu, quando vox exaudiri non poterat, ostendit. Sed gradum firmare vix poterant, cum modò saxa lubrica vestigium fallerent, modò rapidior unda subduceret. Præcipue erat labor eorum, qui humeris onera portabant: quippe, cum semetipsos regere non possent, in rapidos gurgites incommodo onere auferebantur. Et, dum sua quisque spolia consequi studet, major inter ipsos, quam cum amne orta luctatio est: cumulique sarcinarum passim fluctuantes, plerosque perculerant. Rex monere, ut satis haberent, arma retinere, cætera se redditurum. Sed neque consilium, neque imperium accipi poterat. Obstrepebat hinc metus, præter hunc, invicem nantantium mutus clamor. Tandem, qua leniore tractu amnis aperit vadum, emersere. Nec quidquam præter paucas sarcinas desideratum est. Deleri potuit exercitus, si quis ausus esse vincere. Sed perpetua fortuna Regis avertit inde hostem. Sic Granicum, tot millibus equitum, peditumque in ulteriore stantibus ripa, superavit: sic angustis in Ciliciæ callibus tantam multitudinem hostium. Audaciæ quoque, qua maximè viguit, ratio minui potest; quia numquam in discrimen venit, an temere fecisset Mazæus, si transeuntibus flumen supervenisset, haud dubiè oppressurus fuisse incompositos in ripa; demum etiam per armatos adequitare cœpit. Mille admodùm equites præmisserat, quorum paucitate Alexander explorata, deinde contempta, præfectum Pæonum equitum Aristona laxatis habenis in-
ve-

vehī jussit. Insignis eo die pugna equitum, & prae-
cipue Aristonis fuit. Præfectum equitatus Persarum
Satropacem, directa in gutture hasta, transfixit, fu-
gientemque per medios hostes consequutus, ex æquo
præ ipitavit, & obluctanti caput gladio dempsit;
quod relatum magna cum laude ante Regis pedes
posuit. (10.) Biduo ibi Rex stativa habuit; in pro-
ximum deinde iter pronuntiari jussit.

C A P U T . XXIV.

*Defectio Lunæ describitur. Inde trepidatio exercitus,
& mutatio, ac propè seditio; ratio Defectionis ex-
plicata; fausta portenta. Profectio: ignis extinctio:
copia frumenti reperta; exploratores capti, vel cæsi.*

Sed prima ferè vigilia, Luna deficiens primum
niorem sideris sui condidit: deinde sanguinis co-
lore sufluxo lumen omne födavit: solicitisque sub-
ipsum tanti dicriminis casum ingens religio, &
ex ea formido quædam incussa es. Diis invitis in
ultimas terras trahi se querebantur. Jam nec flu-
mina posse adiri, nec sidera pristinum præstare
fulgorem. Vastas terras, deserta omnia occurrere.
In unius hominis iactationem tot millium sanguinem
impendi. Fastidio esse patriam, abdicari Philip-
pum patrem, cœlum vanis cogitationibus petit. Jam
pro seditione res erat, cum ad omnia interri-
tus, duces, principesque militum frequentes
adesse Prætorio; Ægyptiosque Vates, quos cœ-
li, ac siderum peritissimos esse credebat, quid
sentirent, expromere jubet. At illi, qui satis
scirent, temporum orbes implere destinatas vi-

ces, Lunamque deficere, cùm aut terram subiret, aut Sole premeretur, rationem quidem ipsis perceptam non edocent vulgus; cæterum affirmant, Solem Græcorum, Lunam esse Persarum, quoties illa deficiat, ruinam, stragemque illis gentibus portendit. Veteraque exempla recenset Persidis Regum, quos adversis Diis pugnasse Lunæ ostendisset defectio. Nulla res efficacius multitudinem regit, quam superstitio: alioqui impotens, sæva mutabilis, ubi vana religione capta est, melius Vatibus, quam ducibus suis paret. Igitur edita in vulgus Ægyptiorum responsa, rursus ad spem, & fiduciam erexere torpentes. Rex impetu animorum utendum ratus, secunda vigilia castra movit. Dextra Tigrim habebat, læva montes, quos Gordyæos vocant. Hoc ingresso iter, speculatores, qui præmissi erant, sub lucis ortum, Darium adventare nuntiaverunt. Instructo igitur milite, & composito agmine, antecedebat. Sed Persarum exploratores erant mille ferme, qui speciem magni agminis fecerant: quippe, ubi explorari vera non possunt, falsa per metum augurantur. His cognitis, Rex cum paucis suorum asequutus agmen refugientium ad suos, alios cecidit, alios cepit, equitesque præmisit simul speculatum, simul ut ignem, quo barbari cremaverant vicos, extinguerent: quippe fugientes raptim tectis, acervisque frumenti injecerant flammas, quæ cum in summo hæsisserent, ad inferiora nondum penetravabant. Extincto igitur igne, plurimum frumenti repertum est. Copia aliarum quoque rerum abundare cœperunt. Ea res ipsa militi ad persecendum hostem animum incendit: quippe urente, & populante eo terram festinandum erat, ne incendio cunc-

ta præriperet, In rationem ergo necessitas versa: quippe Mazæus , qui antea per otium vicos incen- derat , jam fugere contentus , pleraque inviola- ta hosti reliquit, Alexander haud longius centum quinquaginta stadiis Darium abesse compererat. Itaque ad satietatem quoque copia commeatum instructus , quadriduo in eodem loco subsistit.

C A P U T X X V.

Darii insidiatrices litteræ deprehensæ. Mors uxoris Darii; & nuntius dæ ea ad Darium. Darii lacrymæ, & precatio pro Alexandro casto, & regio Juvene.

Interceptæ deinde Darii litteræ sunt, quibus Græci milites solicitabantur , ut Regem interficerent, aut proderent. Dubitavitque , an eas pro concione recitaret , satis confisus Græcorum quoque erga se benevolentia: ac fidei. Sed Parmenio deterruit, non esse talibus promissis imbuendas aures militum, patere vel unius insidiis Regem , nihil nefas esse avaritiæ. Sequutus consilii auctorem , castra movit. Iter facienti , Spado unus ex captivis , qui Darii uxorem comitabantur , deficere eam nuntiat, & vix spiritum ducere. Itineris continui labore , animique ægritudine fatigata , inter socrus , & virginum filiarum matutus , collapsa erat , deinde & extincta. Id ipsum nuntians aliis supervenit. Et Rex haud secus quam si parentis suæ mors nuntiata esset, crebros edidit gemitus. Lacrymisque obortis, qua- les Darius profudisset , in tabernaculum in quo mater erat Darii , defuncto assidens corpori , venit. Hic verò renevatus est mœror , ut postramat humili-

vidit: Recenti malo priorum quoque admonita, re-
ceperat in gremium adultas virgines, magna qui-
dem mutui doloris solatia, sed quibus ipsa debe-
ret esse solatio. In conspectu erant nepos parvulus
ob id ipsum miserabilis, quod nondum sentiebat
calamitatem maxima ex parte ad ipsum redundantem. Crederes, Alexandrum inter suas necessitudi-
nes, flere, & solatia non adhibere, sed quærere.
Cibo certè abstinuit: omnemque honorem funeri
patrio Persarum more servavit, dignus herculè,
qui nunc quoque tantum mansuetudinis, & conti-
nentiae ferat fructum. Semel omnino eam viderat,
quo die capta est, nec ut ipsam, sed ut Darii ma-
trem viderat; eximiamque pulchritudinem formæ
ejus, non libidinis habuerat incitamentum, sed
gloriae. E Spadonibus, qui circa Reginam erant,
Tyriotes inter trepidationem lugentium elapsus, per
eam portam, quæ quia ab hoste aversa erat, levius
custodiebatur, ad Darii castra pervenit. Exceptus-
que à vigilibus, in tabernaculum Regis perduci-
tur gemens, & veste lacerata. Quem ut conspexit
Darius, multiplici doloris expectatione commotus,
& qui potissimum timeret, incertus, *Vultus tuus,*
inquit, *nescio quod ingens malum præfert, sed cave,*
miseri hominis auribus parcas. Dicidi enim esse infe-
lix. Et sœpè calamitatis solarium est, nosse sortem
suam. Num, quod maximè suspicor, & loqui timeo,
ludibria meorum nuntiaturus es mihi, & (ut credo)
ipsis quoque omni tristiora suplicio? Ad hæc Tyrio-
*tes, Istud quidem procul abest, inquit, Quantuscum-
que enim Reginis honor ab is, qui parent, haberi*
potes, tuis à victore servatus est: sed uxor tua paulò
ante excessit è vita. Tum verò non gemitus modò,
sed

sed etiam ejulatus totis cestris exaudiebantur. Nec dubitavit Darius , quin intersecta esset , quia ne quisset contumeliam pati. Exclamatque amens dolore : *Quod ego tantum nefas commisi , Alexander quem tuorum propinquorum necavi, ut hac vicem sævitiae mee reddas ? O disti me , non quidem provocatus: sed finge, justum intulisse te bellum, cum fæminis ergo agere debueras ?* Tyriotes affirmare per Deos patrios , nihil in eam gravius esse consultum : ingemuisse etiam Alexandrum morti , & non partius fleuisse , quam ipse lacrymaretur. Ob hæc ipse amantis animus in solicitudinem , suspicionemque revolutus est, desiderium captivæ profecto à consuetudine stupri ortum esse , conjectans. Submotis igitur arbitris , uno dumtaxat. Tyriote retento jam non flens , sed suspirans. *Videsne in te , Tyriote , locum mendacio non esse ? Tormenta jam hic erunt. Sed ne expectaveris per Deos, si quid tui tibi Regis reverentiae est. Num , quod & scire expecto , & quærere pudet ; ausus est & dominus , & juvenis ? Ille quæstioni corpus offerre , Deos testes invocare , castè, sanctèque habitam esse Reginam.* Tandem , ut fides facta est, vera esse , quæ affirmaret Spado , capite velato diu flevit. Manantibusque adhuc lacrymis , veste ab ore rejecta, ad cœlum manus tendens , *Dii patri , inquit , primùm mihi stabilitate Regnum: deinde. si de me jam transactum est, precor , ne quæsi Asiae Rex, sit quam iste jam justus hostis, tam misericors viator.*

CAPUT XX.

Ultima Darii legatio ad Alexandrum de pace. Parmenionis consilium ad pacem inclinans propter aurum. Alexandri regia responsio se non esse mercatorem. Questus de insidiis, Dario indicit bellum.

(11.) Taque, quamquam pace frustra bis petita, omnia in bellum consilia converterat, vixius tamen continentia hostis, ad notas pacis conditio-nes ferendas, decem Legatos, cognitorum principes misit, quos Alexander, consilio advocato, introduci jussit. E quibus maximus natu, *Darium*, inquit, ut pacem à te jam tertio peteret, nulla vis subegit, sed justitia, & continentia tua expressit. Matrem, conjugem, liberosque ejus, nisi quod sine illo sunt, captos esse non sensit. Pudicitiae earum, quae superstunt, curam, haud secus, quam parens, agens, Reginas appellat, speciem pristinæ fortunæ retinere patet. Vultum tuum video, qualis Darii fuit, cum dimitteremur ab eo: & illo tamen uxorem, tu hostem luges. Nam in acie stares, nisi cura te sepulture ejus moraretur. Et quid mirum est, si tam ab amico animo pacem petit? Quid opus est armis, inter quos odia sublata sunt? Antea imperio tuo finem destinabat. Halym amnem, qui Lydiam terminat: nunc, quidquid inter Hellespontum, & Euphratem est, in dotem filie offert, quam tibi tradit. Ochum filium, quem habes, pacis, & fidei obsidem retine, matrem, & duas virgines filias redde. Pro tribus corporibus triginta millia talenta auri, precatur accipias. Nisi modera-

tio-

tionem animi tui notam haberem, non dicerem, hoc esse tempus, quo pacem non dare solum, sed etiam occupare deberes. Respice, quantum post te reliqueris, intuere, quantum petas. Periculorum est prægrave imperium: difficile est continere, quod capere non possis. Videsne, ut navigia, quæ modum excedunt regi nequeant? Nescio an Darius ideo tam multa amiserit, quia nimis opes magnæ jacturæ locum faciunt. Facilius est quædam vincere, quam tueri. Quanto herculè expeditus manus nostræ rapiunt, quam continent: ipsa mors uxoris Darii te admonere potest, minus jam misericordiæ tuæ licere, quam licuit. Alexander Legatis excedere tabernaculo jussis, quid placeret ad consilium refert. Diu nemo, quid sentiret, ausus est dicere, incerta Regis voluntate. Tandem Parmenio, Ante suasisset, ait, ut captivos apud Damascum redimentibus redderes, ingentem pecuniam potuisse redigi ex iis, qui multi vinclati virorum fortium occupaverant manus. Et nunc magnopere censem, ut unam anum, & duas puellas, itinerum, agminumque impedimenta, triginta millibus talentis aurii permutes. Opimum Regnum occupari posse conditione, non bello. Nec quemquam alium inter Istrum, & Euphratrem possedisse terras, ingenti spatio, intervalloque discretas. Macedoniam quoque potius respiceres, quam Bactra, & Indos intuereris. Ingrata oratio Regi fuit. Itaque, ut finem dicendi fecit, Et ego, inquit, pecuniam, quam gloriam mallem, si Parmenio essem. Nunc Alexander, de paupertate, securus sum, & me non mercatorem memini esse sed Regem. Nihil quidem habeo venale: sed fortunam meam utique non vendo. Captivos, si placet, reddi, honestius dono dabimus, quam pretio remittemus. In-

tractis deinde Legatis ad hunc modum respondit:
Nuntiate Dario gratarum actionem apud hostem su-
pervacaneam esse, & me, quæ fecerim clementer, &
liberaliter, non amicitiæ ejus tribuisse, sed naturæ
meæ; nec adversus calamitates, sed adversus hostium
vires contendere Bellum cum captivis, & fœminis
gerere non soleo; armatus sis oportet, quem oderim.
Quod si saltem pacem bona fide peteret, deliberarem
forsitam, an darem. Verum enim verò, cùm modo mi-
lies meos litteris ad proditionem, modo amicos ad per-
niciem meam pecunia solicitet, ad internacionem mihi
persequendus est, non ut justus hostis, sed ut percus-
sor veneficus. Conditiones verò pacis, quas feris, si
accépero, victorem eum faciunt. Quæ post Euphratēm
sunt, liberalitatem donat. Ubi igitur me offan ini? nem-
pè ultra Euphratēm sum. Summum ergo notis, quām
promittit, terminum castra mea transeunt. Hinc me
depellite, ut sciam vestrum esse, quod ceditis. Ea-
dem liberaritate dat mihi filiam suam; nempe quam
scio alicui servorum ejus nupturam. Muliū verò mi-
hi præstat, si me Mazæo genero præponit. Ite, nun-
tiate Regi vestro, & quæ adhuc habet, præmia esse
belli. Hoc repente utriusque terminos regni, id quem-
que habiturum, quod proxime lucis assignatura for-
tuna est. Et me in Asiam non venisse, ut aliis accipe-
rem, sed ut aliis darem. Si secundus, & non par mi-
hi veller haberi, facerem forsitam, quæ petit. Cæte-
rum nec mundus duobus solibus potest regi, nec duo
summa Regna salvo statu terrarum potest habere.
Proinde, aut deditonem hodie, aut in carstinum bel-
lum paret. Nec aliam sibi, quam expertus est, polli-
ceatur fortunam. Legati respondent, cum bellum in
animo sit facere eum simpliciter, quod spe pacis

non frustraretur , ipsos petere ; quām primū dimittantur ad Regem , eum quoque bellum parare debere . (12.) Dismissi nunciant , adesse certamen . Ille quidem confestim Mazæum cum tribus millibus equitum , ad itinera , quæ hostis petiturus erat , occupanda , præmisit .

C A P U T X X V I I .

Alexander , composito agmine , pergit ad hostem Mazæus iter explorat . Durii copiæ recensentur .

Alexandri corpori uxoris ejus justis persolutis , omnique graviore comitatu intrâ eadem munimenta cum medico præsidio relicto ad hostem contendit . In duo cornua diviserat peditem , in utrumque latus equite circumdato . Impedimenta sequebantur agmen præmissum . Deinde cum Scythis equitibus Menidam jubet explorare , ubi Darius esset . At ille , cum Mazæus haud procul consedisset , non ausus ultra procedere , nihil aliud , quām siematum hominum , hinnitumque equorum exaudisse nuntiat . Mazæus quoque , conspectis procul , explorantibus , in castra se recipit , adventus hostium nuntius . Igitur Darius , qui in patentibus campis decernere optabat , armari militem jubet , aciemque disponit . In lævo cornu Bactriani ibant equites , mille aoomodum . Dacæ totidem , & Arachosii , Susiique quatuor millia explebant . Hos centum falcati currus sequebantur . Proximus quadrigis erat Bessus , cum octo millibus equitum , item Bactrianis . Massagetae ii. millibus agmen ejus cladebant : pedites his plu-

plurium gentium non mixtas , sed suæ quisque na-
tionis junxerant copias. Persas deinde cum Maedis,
Sogdianisque Ariobarzanes , & Orobates ducebant.
Illi partibus copiarum Orsines præerat , à septem
Persis oriundus , ad Cyrum quoque nobilissimum
Regem originem sui referens. Hos aliae gentes , ne
sociis quidem satis notæ , sequebantur , post quas
quinquaginta quadrigas. Phradates magno Caspia-
norum agmine antecedebat. Indi , cæterique Rubri
maris accolæ , nomina verius , quam auxilia , post
currus erant. Claudebatur hoc agmen aliis falcatis
curribus quinquaginta , queis peregrinum militem
adjunxerat. Hunc Armenii , quos Minores vocant,
Armenios Babylonii , utrosque Belitæ , & qui mon-
tes Cossæorum incolebant , sequebantur. Post hos
ibant Gortuæ , gentes quidem Euboicæ , Medos
quondam sequuti , sed jam degeneres , & patrii mo-
ris ignari. Applicuerat his Phrygas , & Cataonas Par-
torum deinde gens , incolentium terras , quas nunc
Parthi Scythia profecti tenent , claudebant agmen.
Hæc sinistri cornu acies fuit. Dextrum tenebat na-
tio majoris Armeniæ , Cadusiique , & Cappadoces,
& Syri , & Medii. His quoque falcati currus erant
quinquaginta. Summa totius exercitus , equites cen-
tum quadraginta quinque millia ; pedestris acies
sexcenta millia expleverat. Hoc modo instructi , de-
cem stadia procedunt , jussique subsistere , armati
hostem expectabant.

C A P U T X X V I I I .

Panicus timor militem Alexandri ex vana specie cœli invadit, quem sua prudentia Rex excussit.

Alexandri exercitum pavor, cuius causa non suberat, invasit: quippe lymphati trepidare cœperunt, omnium pectora occulto metu percurrente. Cœli fulgor tempore æstivo ardenti similis internitens, ignis præbuit speciem, flamasque ex Datii castris splendere, velut illatas temerè præsidiis, credebant. Quod si perculis Mazæus, qui præsidebat itineri, supervenisset, ingens clades accipi potuit. Ille segnis in eo, quem accupaverat, tumulo sedet, contentus non lacessit. Alexander, cognito pavore exercitus, signum, ut consisterent, dari, ipsos arma deponere, ac levare corpora jubet, admones, nullam subiti causam esse timoris, hostem procul stare. Tandem compotes sui pariter arma, & animos recepere. Nec quidquam ex præsentibus tutius visum est, quam eodem loco castra munire.

C A P U T X X I X .

Mazæus cum Persis collem duxerit, quem Macedo occupat; ibidemque castra ponit, unde & aciem hostium prospicit. Fluctuat animo. De pugnæ ratione deliberat. Unus contra omnes aperto campo, claro Sole non noctu more latronum in tenebris pugnandum statuit.

Postero die Mazæus, qui cum delectis equitum in edito colle, ex quo Macedonum prospicabantur castra, considerat, sive metu, sive quia spe-
cu-

culari modò jussus erat , ad Darium redit. Macedones eum ipsum collem, quem deseruerat, occupaverunt. Nam & tuior planicie erat , & inde acies hostium , quæ in campo explicabatur , conspicere poterat. Sed caligo , quam circa humidi effuderant montes, universam quidem rei faciem non abstulit; cæterum agminum discrimina , atque ordinem prohibuit perspici. Multitudo inundaverat campos ; fremitusque tot millium , etiam procul stantium aures impleverat. Fluctuati animo Rex , & modo suum, modò Parmenonis consilium sera æstimatione expendere: quippe eò ventum erat, undè recipi exercitus , nisi vicit , aut sine clade non posset. Movebat etiam eum multitudo hostium, respectu paucitatis suæ gentis : sed interdum reputabat , quantas res cum hac gente gessisset , quantosque populos fudisser. Itaque . cùm spes metum vinceret, periculosis bellum differre ratus , ne desperatio suis cresceret , dissimulato eo , mercenarium equitem ex Pœonia præcedere jubet. Ipse phalangem , sicut antea dictum est, in duo cornua extenderat. Utrumque cornu equites tegebant. Jamque nitidior lux, discusa caligine , aciem hostium ostenderat : & Macedones sive alacritate , sive tædio expectationis , ingentem , pugnantium more , edidere clamorem. Redditus & à Persis , nemora , vallesque circumjectas terribili sono impleverat. Nec jam contineri Macedones poterant , quia in cursu quoque ad hostem contenderent. Melius adhuc ratus Alexander in eodem tumulo castra munire , vallum jaci jussit ; strenuèque opere perfecto , in tabernaculum , ex quo tota acies hostium conspiciebatur, secessit. (13.) Tum verò universa futuri discriminis

nis facies in oculis erat. Armis insignibus equi, vi-
 tique splendebant. Et omnia intentiore cura præ-
 parari, solicitude Prætorum agmina sua interequi-
 tantium ostendebat: ac pleraque inania, sicut fre-
 mitus hominum, equorum hinnitus, armorum inter-
 nitentium fulgor, solicitam expectatione mentem
 turbaverant. Igitur, sive dubius animi, sive ut suos
 experiretur, consilium adhibet, quid optimum fac-
 tum esset, exquirens. Parmenio peritissimus inter-
 duces artium belli, furto, non prælio opus esse
 censebat: *intempesta nocte opprimenti posse hostes, dis-*
cordes moribus, linguis. Ad hæc somno, & impro-
viso periculo territos, quando in nocturna trepidatio-
ne coituros? At interdiu primùm terribiles occursuras
facies Scytarum, Baetrianorumque: hirta illis ora,
& intensas comas esse, præterea eximiam vastorum
magnitudinem corporum, Vanis, & inanibus militem
magis, qudm justis formidinis causis moveri. Deinde
tantam multitudinem circumfundi paucioribus pos-
se. Non in Cilicie angustis, & in viis callibus, sed
in aperta, & lata planicie dimicandum fore. Omnes
 ferme Parmenioni assentiebantur: Polypercon haud
 dubiè in eo consilio positam victoriam arbitrabatur.
 Quem intuens Rex (namque Parmenionem nuper
 acrius, quam vellet, increpitum, rursus castigare
 non sustinebat) *Latrunculorum, inquit, & furum*
ista solertia est quum præcipitis mihi: quippe illo-
rum votum unicum est fellere. Meæ vero gloriæ sem-
per; aut absentiam Darii, aut angustias Incorum,
aut furtum noctis obstarre non patiar. Palam luce ag-
gredi certum est. Malo me fortunæ pœnitentia, quam
victoriæ pudeat. Ad hæc illud quoque accedit: vigi-
lias agere Barbaros, & in armis stare, ut ne decipi-
qui-

quidem possint, compertum habeo. Itaque ad prælium vos parate. Sic incitatos ad corpora curanda dimisit.

C A P U T XXX.

Utriusque Regis supremæ noctis, quæ pugnam præcessit, solicitude explicatur.

Darius illud, quod Parmenio suaserat, hostem facturum esse conjectans, frænatos equos stare, magnamque exercitus partem in armis esse, ac vigilia s intentiore cura servari jusserat. Ergo ignibus tota ejus castra fulgebant. Ipse cum ducibus, propinquisque agmina in armis stantium circumibat, Solem, Martem, sacrumque, & æternum invocans ignem, ut illis dignam vetere gloria, majorumque monumentis, fortitudinem inspirarent: & profecto si qua Divinæ opis auguria humana mente concipi possent, Deos stare secum; illos nuper Macedonum animis subitam incusisse formidinem, adhuc lymphatos ferri, agique, arma jacientes. Expetere præsidies Persarum Imperii Deos devitas à vecordibus pœnas; nec ipsum Ducem saniorem esse: quippe ritu ferarum prædam modò, quam expeteret, intuentem in perniciem, quæ ante prædam posita esset, incurrere. Similis apud Macedones quoque solicitude erat: noctemque, velut in eam certationi edicto, metu egerunt. Alexander non alias magis territus, ad vota, & preces Aristandrum vocari jubet. Ille in candida veste verbenas manus præferens, capite velato, præibat preces Regis, Jovem, Minervam, Victoriamque propitiantis. Tunc qui-

quidem sacrificio ritè perpetrato, reliquum noctis acquieturus in tabernaculum rediit. Sed nec somnum capere, nec quietem pati poterat. Modò è jugo montis aciem in dexterum Persarum cornu demittere agitabat : modo recta fronte concurrere hosti, interdum hæsitare, an potius in lævum torqueret agmen. Tandem gravatum animi anxietate corpus altior somnus oppressit.

C A P U T X X X I.

Alexander alto somno mersus, & à Parmenione excitatus, causas tam securæ quietis reddit: signum dari ad pugnam jubet. Duces ad sua munia obeunda dimittit.

Jamque luce orta, duces ad accipienda imperia convenerat, insolito circa Prætorium silentio attoniti : quippe alias accersere ipsos, & interdum morantes castigare assueverat : tunc ne ultimo quidem rerum discrimine excitatum esse mirabantur, & non somno quiescere, sed pavore marcere credebant. Non tamen quisquam è custodibus corporis intrare tabernaculum audebat. Et jam tempus instabat ; nec miles injussu ducis, aut arma capere poterat, aut in ordines ire. Diu Parmenio cunctatus, cibum ut caperent, ipse prouuntiat. Jamque exire, necesse erat. Tunc demum intrat tabernaculum, sæpiùsque nomine compellatum, cùm voce non posset, tactu excitavit. *Multa lux, inquit, est. Instructam aciem hostis admovit: tuus miles adhuc inernis expectat imperium. Ubi est vigor ille animi tui? nempe excitare vigiles soles.* Ad hæc Alexander, *Credisne, me priùs somnum capere potuisse,* quam

*quam exonerarem animum solicitudinem, quæ quietem morabatur? Signumque pugnæ tuba dari jussit. Et, cùm in eadem admiratione Parmenio perseveraret, quod securus somnum cepisset, Minimi, iuquit, mirum est. Ego enim cum Darius terras ureret, vi-
cos excinderet, alimenta corrumperet, potens mei non erant. Nunc verò quid metuum, cùm acie decernere parei? Hercule votum meum implevit; sed hujus quo-
que consilii ratio posteà reddetur. Vos ite ad copias,
quibus quisque præest. Ego jam adero, & quid fieri velim, exponam. Rarò admodum admonitu amico-
rum, cùm metus discriminis aderat, uti solebat.
Tunc quoque munimento corporis sumpto, pro-
cessit ad milites.*

C A P U T XXXII.

*Alexander sola vulnus hilaritate militem excitat ad spem victoriæ. Copias in duo cornua dispergit sin-
gulis Dices præficit; aliis equitum latera firmat;
subsidia opportunè collocat; aciem versatiliem facit;
impedimenta in colle seponit. Ipse dextro, Parme-
nio sinistro cornu præest.*

Hanc alias tam alacrem viderant Regem, & vultu ejus interrito, certam spem victoriæ agura-
bantur. Atque ille prorupto vallo exire copias ju-
bet, aciemque disponit. In dextro cornu locati
sunt equites, quos agema appellant. Præerat his
Clytus, qui junxit Philotæ turmas, cæterosque Præ-
fectos equitum lateri ejus applicuit. Ultima Mele-
agri ala stabat, quam phalanx sequebantur. Post
pha-

phalangem Argyraspides erant. His Nicanor Parmenonis filius præterat, in subsidiis cum manu sua Cœno. Post eum Orestes, Lyncestesque. Post illos Polypércon, dux peregrini militis. Hujus agminis Amyntas princeps erat. Philagos Balacros regebat, in societatem nuper adscitos: Hæc dextri cornu facies erat. In lævo Craterus Peloponnesium equites habebat, Achæorumque, & Locrensum, & Maleon turmis sibi adjunctis. Hos Thessali equites cludebant, Philippo duce. Peditum acies equitatu tegebatur: Frons lævi cornu hæc erat. Sed ne, circumiri posset à multitudine, ultimum agmén valida manu cinxerat. Cornua quoque subsidiis firmavit, non recta fronte, sed à latere positis, ut, si hostis circumvenire aciem tentasset, parata pugnæ forent. Hinc Agriani erant, quibus Attalus præterat, adjunctis sagittariis Cretensibus. Ultimos ordines avertit à fronte, ut totam aciem orbe munitret. Illyrii hic erant, adjuncto milite mercede conducto. Thracas quoque simul objecerat leviter armatos: adeoque aciem versatilem posuit, ut qui ultimi stabant, ne circuirentur, veri tamen, & in frontem circumagi possent. Itaque non prima, quam latera, non latera munitiora fuere, quam terga. His ita ordinatis, præcipit, ut si falcatos currus cum fremitu Barbari emitterent, ipsi laxatis ordinibus impetum occurrentium silentio exciperent, haud dubius, sine noxa transcursuros, si nemo se opponeret, sin autem sine fremitu immisissent, eos ipsi clamore terrorerent, pavidosque equos telis utrinque suffoderent. Qui cornibus præterant, extendere ea jussit, ita ut nec circumvenientur, si arctius starent, nec tamen medium

aciem exinanirent. Impedimenta cum captivis, inter quos mater, liberique Darii custodiebantur, haud procul ab acie in edito colle constituit, modico praesidio relicto. Lævum cornu, sicut alias, Parmenioni tuendum datum: ipse in dextro stabat.

CAPUT XXXIII.

Ante prælium Bion transfuga nunciat Alexandre, tribulos ab hoste esse humi defossos contra equitatum. Alexander interequitat ordines, & singulos hortatur ad prælium.

Nondum ad telli jactum pervenerant, cum Bion quidam transfuga, quanto maximo cursu poterat, ad Regem pervenit, nuntians, murices ferreos in terram defodisse Darium, qua hostem equites emisurum esse credebant, notatumque certo signo locum, ut fraus evitari a suis posset. Asservati transfuga jusso, duces convocat; expositoque, quod nuntiatum erat, monet, ut regionem monstratam declinent, equitemque periculum adoceant. Ceterum hoc tantus exercitus exaudire non poterat, usum aurium interpiciente fremitu duorum agminum: sed in conspectu omnium, duces, & proximum quemque interequitans alloquebatur. (14.) *Emensis tot terras in spem victoriae, de qua dimicandum foret, hoc unum superesse discriminem. Granicum hic amnem, Ciliciæque montes, & Syriam, Ægyptumque prætereuntem raptas, ingentia spei, gloriæque incitamenta referebat. Reversos ex fuga Persas pugnaturos, quia fugere non possent, tertium diem jam metu exangues, armis suis eneratos, in eodem*

vestigio hærere. Nullum desperationis illorum majus
indictum esse, quam quod urbes, quod agros suos ure-
rent, quidquid non corrupisset, hortium esse confessi.
Nomina modò vana gentium ignoratum ne extimesce-
rent. Neque enim ad belli discriminem pertinere, qui ab
his Scythæ, quive Cadusii appellantur. Ob id ipsum,
quod ignoti essent, ignobiles essent. Numquam igno-
rari viros fortes: at imbelles ex latebris suis erutos,
nihil praeter nomina afferre. Macedones virtute asse-
quutos, ne quis toto orbe locus esset, qui tales viros
ignoraret. Intuerentur Barbarorum inconditum ag-
men, alium nihil praeter jaculum habere, alium funda
saxa librare, paucis juxta arma esse. Itaque illinc
plures stare, hinc plures dimicaturos. Nec postulare,
se, ut fortiter capesserent prælium, in ipse cœte-
ris fortitudinis fuisse exemplum. Se ante prima sig-
na dimicaturum spondere pro se, quot cicatrices, to-
tidem corporis decora. Scire ipsos unum pæne se præ-
dæ communis exortem in illis colendis, ornandisque
usurpare victoriæ præmia. Hæc se fortibus viris di-
cere. Si quis dissimiles eorum essent, illa fuisse dic-
turum, pervenisse eò, unde fugere non possent: tot
terrarum spacia emensis, tot amnibus, montibusque
post tergum objectis, iter in patriam, & Penates
manu esse faciendum. Sic Duces, sic proximi mili-
tum instincti sunt.

CAPUT XXXIV.

Darius sublimis curru, prolixa oratione hortatur suos ad prælrium. Contemnit paucitatem hostis, omnia sibi favere, locum, equitatum, copias instructissimas. Fugæ quoque hosti, non sibi præclusos aditus. Rogat postremò Indigetes Deos, ut adesse prælianibus velint, & Persarum Regnum tueri.

Darius in lævo cornu erat, magno suorum agmine, delectis equitum, peditumque stipatus: contempseratque paucitatem hostis, vanam aciem esse extensis cornibus ratus. Cæterum, sicut curru eminebat, dextera, lævaque ad circumstantium agmina oculos, manusque circumferens: *Terrarum, inquit, quas Oceanus hinc alluit, illinc claudit Hellespontus, paullo antè domini, jam non de gloria, sed de salute, &, quod saluti præponitis, de libertate pugnandum est. Hic dies imperium, quo nullum amplius vidit ætas, aut constituet, aut finiet.* Apud Granicum minima virium parte cum hoste certavimus. In Cilicia viatos Syria poterat excipere. Magna munimenta Regni Tigris, atque Euphrates erant. Ventum est eò, unde pulsis ne fugæ quidem locus est. Omnia tam diutino bello exhausta post tergum sunt. Non incolas suos urbes, non cultores habent terræ. Conjuges quoque, & liberi sequuntur hanc aciem, parata hostibus præda, nisi pro charrissimis pignoribus corpora opponimus. Quod mearum fuit partium, exercitum, quem pœnè immensa planiæ vix caperet, comparavi, equos, arma distribui, commeatus, ne tantæ multitudini deessent, pro-

vidi, locum, in quo acies explicari posset, elegi.
 Cœtera in vestra potestate sunt. Audete modò vincere,
 famamque infirmissimum adversus fortis viros telum,
 contemnite. Temeritas est, quam adhuc pro virtute
 timuistis; quæ ubi primum impetum effudit, velut,
 quædam animalia, amissæ aculeo, torpet. Hi verò
 campi deprehendere paucitatem, quæm Cilicie montes
 absconderant: Videtis ordines raroꝝ, cornua extenta,
 medium aciem vanam, & exhaustam. Nam ultimi,
 quos locavit aversos, terga jam præbent. Obteri me
 herculè equorum ungulis possunt, etiamsi nil præter
 falcatos currus emisero: Et bello vicerimus, si vin-
 cimus prælio. Nam ne illis quidem ad fugam locus est.
 Hinc Euphrates, illinc Tigris prohibet inclusos: Et
 quæ antea pro illis erant, in contrarium conversa
 sunt. Nostrum nobile, & expeditum agmen est, illud
 præda grave. Implicatos ergo spoliis nostris trucidabi-
 mus; eademque res, & causa victoriæ erit, & fruc-
 tus. Quod si quem è vobis nomen gentis movet, co-
 gitet, Macedonum illic arma esse, non corpora.
 Multum enim sanguinis invicem hausimus, & sem-
 per gravior in paucitate jactura est. Nam Alexander
 quantuscumque ignavis, & timidis videri potest,
 unum animal est, & si quid mibi creditis, temera-
 rum, & vecors, adhuc nostro pavore, quæm sua
 virtute, felicius. Nihil autem potest esse diurnum,
 cui non subest ratio. Licet felicitas aspirare videatur,
 tamen ad ultimum temeritati non sufficit. Præterea
 breves, & mutabiles vices rerum sunt, & fortuna
 nunquam simpliciter indulget. Forsitan ira Deorum
 fata ordinaverunt, ut Persarum Imperium, quod se-
 cundo cursu per CCXXX. annos ad summum fastigium
 evexerant, magno motu concuterent magis, quæm

effigerent; admonerentque nos fragilitatis humanæ, cuius nimia in prosperis rebus oblivio est. Modò Græcis ultrò bellum inferebamus: nunc in sedibus nostris propulsamus illatum. Factamur invicem varietate fortunæ. Videlicet Imperium, quod mutuo affectamus, una gens non capit. Cæterū etiamsi spes non subesset, necessitas tamen stimulare deberet: Ad extrema perventum est. Matrem meam, duas filias, Ochum in spem hujus Imperii genitum, illos Principes, illam sobolem Regiæ stirpis, duces vestros, Regum instar, victos habet; nisi, quod in vobis est, ipse ego majore parte captivus sunt. Eripite viscera mea ex vinculis, restituite mibi pignora, pro quibus ipse mori non recuso. Parentem, liberos (nam conjugem in illo carcere amisi) credite nunc omnes tendere ad vos manus, implorare patrios Deos, opem vestram, misericordiam, fidem spongescere, ut servitute, ut compedibus, ut præcario victu ipsos liberetis. An creditis æquo animo iis, servire quorum Reges esse fastidium? Video ad moveri hostium aciem: sed quo prius discriminem accedo, hoc minus his, quæ dixi, possum esse contentus. Precor vos per Deos patrios, æternumque ignem, qui præfertus altaribus, fulgorumque Solis intra fines Regni mei orientis, per æternam memoriam Cyri, qui ademptum Medis, Lydisque imperium primus in Presidem intulit, vindicare ab ultimo dedecore nomen, gentemque Persarum. Ite alacres, & spe pleni, ut, quam gloriam accepistis à majoribus vestris, posteris relinquatis. In dextris vestris jam libertatem, opem, spem futuri temporis geritis. Effugit mortem, quisquis contempserit; timidissimum quemque consequitur. Ipse non patro more solùm, sed etiam, ut conspici possim, curru vehore:

nec

ne recuso, quominus imitemini me, sive fortitudinis exemplum, sive ignaviae fvero.

CAPUT XXXV.

Alexander in Darium, hic in Alexandrum dicit agmen, in quem simul, & falcatos currus non sine strage imittit. Mazæus Persa Alexandri impedimenta invadit, quæ negligenda Alexander in præsens edicit. Prudentia Sysigambis laudatur.

(15.) **I**nterim Alexander, ut est demonstratum à transfuga, cum insidiarum locum circumiret, & Dario, qui lævum cornu tuebatur, occurreret, agmen obliquum incederet jubet. Darius quoque eodem suum obvertit, Besso admonito, ut Massagetes equites in lævum Alexandri cornu invehi juberet. Ipse ante se falcatos currus habebat, quos signo dato universos in hostem effudit. Ruebant, laxatis habenis, aurigæ, quo plures, nondum satis proviso impetu, obtererent. Alios ergo hastæ multum ultra temonem eminentes, alias ab utroque latere demissæ falces laceravere. Nec sensim Macedones cedebant, sed effusa fuga turbaverant ordines. Mazæus quoque perculsis metum incusit, mille equitibus ad diripienda hostis impedimenta circumvehi jussis, ratus, captivos quoque, qui simul asservabantur, rupturos vincula, cùm suos appropinquantes vidissent. Non fefellerat Parmenionem, qui in lævo cornu erat. Properè igitur Polydamante mittit ad Regem, qui, & periculum ostenderet, & quid fieri juberet, consuleret. Il-

le, auditō Polydamante, *Abi, nuntia,* inquit, *Parmenioni, si acie vicerimus, non nostra solum nos recuperaturos, sed omnia, quæ hostium sunt, occupaturos.* Proinde non est, quod quidquam virium subducat ex acie; sed, ut me, & Philippo patre dignum est, contempto sarcinarum damno, fortiter dimicet. Interim Barbari impedimenta turbaverant, cæsisque plerisque custodum captivi, vinculis ruptis, quidquid obvium erat, quo armari possent, rapiunt, & aggregati, suorum equitibus, Macedonas ancipiti circumventos malo invadunt: lætique circa Sysigambim, vlcisse Darium, ingenti cæde prostratos hostes, ad ultimum etiam impedimentis exutos esse nunciant. Quippe eamdem fortunam ubique esse credebant, & victores Persas ad prædam discurrisse. Sysigambis, hortantibus captivis, ut animum à mœrore allevarent, in eodem, quo anteā fuit, perseveravit. Non vox ulla excidit ei, non oris color, multusve mutatus est, sed sedit immobilis, credo præcoce gaudio verita fortunam irritare, adeò, ut, quid mallet, intuentibus eam fuerit incertum.

CAPUT XXXVI.

Ad impedimenta Alexandri ingens certamen est. Amyntas à Scythis fugatur, cui Aretes succurrunt. Falcati currus cum aurigis præter paucos superati, ultimam tamen aciem Alexandri lacerant. Aretes à Bactrianis in fugam vertitur, qui triumphum ante victoriam canunt. Alexander dexterum cornu Darii invadit. Prope circumventus defenditur ab Agrianis. Pugnatur utrinque summa ope, summis viribus. Alexandro felix omen aquilæ objicitur. Auriga Darii occiditur. Lævo ejus cornu in fugam verso, & ipse deliberat de fuga, aut nece sibi inferenda; quam imminente Alejandro fuge postponit. Quem persequitur Macedo, nec assequitur.

Intra hæc Amyntas, Præfctus equitum Alexandri, cum paucis turmis opem impedimentis latrus advenerat, incertum, suo ne consilio, an Regis imperio: sed non sustinuit Cadusiorum, Scytharumque impetum: quippe vix tentato certamine, effugit ad Regem, amissorum impedimentorum testis magis, quam vindex. Jam consilium Alexandri vicerat dolor; & ne cura recuperandi sua militem à prælio averteret, non immerito verebatur. Itaque Aretem, ducem hastatorum (Sarissophoros vocabant) adversus Scythes mittit. Inter hæc currus, qui circa prima signa turbaverant aciem, in phalangem inventi erant. Macedones confirmatis animis in medium agmen accipiunt. Vallo similis acies erat. Junxerant hastas, & ab utroque latere temerè incurrentium illa suffodiebant. Circuire de-

in-

inde curris , & propugnatores præcipitare coepi-
runt. Ingens ruina equorum , aurigarumque aciem
compleverat. Hi territos regere non poterant. Equi
crebra jactatione cervicum , non jugum modò excus-
serant, sed etiam currus everterant: vulnerati inter-
fectos trahebant. Nec consistere territi , nec progre-
di debiles poterant. Paucæ tamen avasere quadrigæ
in ultimam aciem , iis , quibus inciderunt , misera-
bili morte consumptis: quippe amputata virorum
membra humi jacebant; & quia callidis adhuc vul-
neribus aberat dolor , trunci quoque , & debiles
arma tamen non omittebant , donec multo sanguine
effuso , exanimati procumberent. Interim Are-
tes , Scytharum , qui impedimenta diripiebant , Du-
ce occiso , graviùs territis instabat. Supervenere
deinde missi à Dario Bactriani , pugnæque vertere
fortunam. Multi ergo Macedonum primò impetu
obtriti sunt: plures ad Alexandrum refugerunt.
Tum Persæ clamore sublato , qualem victores so-
lent edere , ferociter in hostem quasi ubique profli-
gatum incurront. Alexander territos castigare , ad-
hortari , prælium , quod jam elanguerat , solus ac-
cendere ; confirmatisque tandem animis iri in hos-
tem jubet. Rarior acies erat in destro cornu Per-
sarum. Namque inde Bactriani decesserant ad op-
primenda impedimenta. Itaque Alexander laxatos
ordines invadit , & multa cede hostium invehitur.
At qui in lævo cornu erant Persæ , spe posse eum
includi , agmen suum à tergo dimicantis opponunt:
ingensque periculum in medio hærens adisset , ni
equites Agriani , calcaribus subditis circumfusos
Regi Barbaros adorti essent , aversosque cædendo,
in se obverti coegissent. Turbata erat utraque
acies:

acies: Alexander & à fronte, & à tergo hostem habebat: qui averso ei instabant; ab Agrianis milibus præmebantur Bactriani, impedimentis hostium direptis, reversi ordines suos recuperare non poterant. Plura simul abrupta à cæteris agmina, ubicumque alium aliis sors miscuerat, dimicabant. Duo Reges junctis propè agminibus prælium accendebant. Plures Persæ cadebant: par fermè utrinque numerus vulnerabatur. Curru Darius, Alexander equo vehebatur. Utrumque delecti tuebantur, sui immemores: quippe amisso Rege, nec volebant salvi esse, nec poterant. Nam ante oculos sui quisque Regis mortem occumbere ducebat egregium. Maximum tamen periculum adibat, qui maximè tuebatur: quippe sibi quisque cæsi Regis expetebat decus. Cæterum, sive ludibrium oculorum, sive verà species fuit, qui circa Alexandrum erant, vidisse se crediderunt paullulùm super caput Regis placidè volantem aquilam, non sonitu armorum, non gemitu morientium territam, diuque circa equum Alexandri, pendenti magis, quàm volanti simillis apparuit. Certè vates Aristander alba veste indutus, & dextra præferens lauream, militibus in pugnam intentis avem monstravit, haud dubium victoriæ auspicium. Ingens ergo alacritas, ac fiducia paulò antè territos accendit ad pugnam, utique pestaquam auriga Darii, qui ante ipsum sedens equos regebat, hasta transfixus est. Nec aut Persæ aut Macedones dubitavere, quin ipse Rex esset occisus. Lugubri ergo ululatu, & incondito clamore, gemituque totam férè aciem adhuc æquo Marte pugnantium turbavere. Cognati Darii, & armigeri, lævumque tuentes cornu, in fugam effusi destitue-

tuerant currum, quem à dextra parte stipati in medium agmen receperunt. Dicitur acinace stricto, Darius dubitasse, an fugæ dedecus honesta morte vitaret. Sed eminens curru, nondum omnem suorum aciem prælio excedentem destituere erubescerat, dumque inter spem, & desperationem hæsitat, sensim Persæ credebant, & laxaverant ordinis. Alexander, mutato æque, (quippe plures fatigaverat) resistentium ora fodiebat, fugientium terga. Jamque non pugna, sed cædes erat, cum Darius quoque currum suum in fugam vertit. Hærebat in tergis fugientium vîctor, se prospectum oculorum nubes pulveris, quæ ad cœlum ferebatur, abstulerat. Ergo haud secus, quam in tenebris errabant, ad sonum notæ vocis ut signum subinde coeuntes. Exaudiens tamen strepitus habenarum, quibus equi currum vehentes identidem verberabantur. Hæc sola fugientis vestigia excepta sunt.

CAPUT XXXVII.

Parmenionis lœvum cornu à Mazæo adeo urgetur, ut fugam jam circumspicit. Petit auxilium ab Alexandro, qui Darium fugientem persequebatur. Sistit agmen indignabundus: Mazæus, intellecto, Darium fugere, mittit pugnam; & ipse perculsus metu, tergum vertit. Darius media nocte Arbellam pervenit. Describitur inde clades, & strages cadentium, fugientium, persequantium, & immensa hostium sitis.

(16.) **A**T in lœvo Macedonum cornu, quod Parmenio, sicut ante dictum est, tuebatur longè alia for-

fortuna utriusque partis res gerebatur. Mazæus cum omni suorum equitatu vehementer in vectus urgebat Macedonum alas. Jamque abundans multitudo aciem circumvehi cœperat: cum Parmenio equites nuntiâre jubet Alexandro, in quo discrimine ipsi essent: nisi mature subveniretur, non posse sisti fugam. Jam multum viæ processerat Rex imminens fugientium tergis, cum à Parmenione tristis nuntius venit. Refrenare equos jussit, qui vebabantur, agmenque constitit: frendente Alexandro, eripi sibi victoriam è manibus, & Darium feliciùs fugere, quām sequi se. Interim ad Mazæum superati Regis fama pervenerat. Itaque quamquām validior erat, fortuna tamen partium territus, perculsis languidiūs instabat. Parmenio ignorabar quidem causam sua sponte pugnæ remissæ, se occasione vincendi strenuè est usus. Thessalos equites ad se vocari jubet: *Ecquid, inquit, videtis istos, qui ferociter modo instabant, pedem referre subito pavore perterritos?* Nimirum nobis quoque Regis nostra fortuna vicit, omnia Persarum cælestata sunt. *Quid cessatis? an ne fugientibus quidem pares estis?* Vera dicere videbatur, & spes languentes, quoque erexerat. Subditis calcaribus proruere in hostem. Et illi jam non sensim, sed citato gradu recedebant: nec quidquam fugæ, nisi quod terga nondum verterant, dèerat. Parmenio tamen ignarus, quænam in dextro cornu fortuna Regis esset, repressit suos. Mazæus, dato fugæ spatio, non recto itinere, sed majore, & ob id tutiore circuitu, Tigrim superat, & Babylonem cum reliquis devicti exercitus intrat. Darius paucis fugæ comitibus ad Lycum amnem contenderat. Quo tra-

trajecto dubitavit, an solveret pontem: quippe hostem jam affore nuntiabatur. Sed tot millia suorum, quæ nondum ad amnem pervenerat, ponte reciso, prædam hostis fore videbat. Abeuntem, cùm intactum sineret pontem, dixisse constat, *Malle insequentibus iter dare, quam auferre fugientibus.* Ipse ingens spatium fuga emensus, media ferè nocte Arbellam pervenit. Quis tot ludibria fortunæ, ducum, agminumque cædem multiplicem, devictorum fugam; clades nunc singulorum, nunc universorum, aut animo assequi queat, aut oratione complecti? propemodum sæculi res in unum illum diem fortuna cumulavit. Alii qua brevissimum patet iter, alii diversos saltus, & ignotos sequentibus calles petebant. Eques, pedesque contusi sine duce, armatis inermes, integris debiles implicabantur. Deinde misericordia in metum versa, qui sequi non poterant, inter mutuos getitus deserebantur. Sitis præcipue fatigatos, & saucios exurebat. Passimque omnibus rivis prostraverant corpora, præterfluentem aquam hianti ore captantes. Quam cum diù avidè turbidam hausissent, tendebantur ex templo præcordia premente limo; resolutisque, & torpentibus membris, cùm supervenisset hostis, novis vulneribus excitabantur. Quidam, occupatis proximis rivis, diverterant longius, ut quidquid occulti humoris usquam manaret, exciperent. Nec ulla adeò avia, & sicca lacuna erat, quæ vestigantium sitim falleret. Et proximis verò itineri vicis senum ululatus, fœminarumque exaudiebantur, barbaro ritu Darium adhuc Regem clamantium.

C A P U T XXXVIII.

*Persæ per fugam Lyco mersi, tantum aquæ hause-
runt, ut plerique nunquam amplius sitirent. Ale-
xander suos cohibet, porrò insequi volentes, par-
cerent ferro, servarent vires meliori fortunæ. Ver-
titque aciem ad Parmenionem, quem laborare ac-
seperat. Ipse in ipso reditu ultimum incurrit peri-
culum, quod sola virtute, fusis hostibus, qui se-
se conglobaverat, evasit. Parmenio interim & ip-
se vicit. Numerantur utrique cæsi. Laudatur Ale-
xander, & soli propè victoriæ tribuitur. Nec ta-
centur præcipui Duces, Ephestio, Cœnon, Per-
dicas, Menides. Additur Epiphomæ. Regem dig-
num tali milite, & militum tali Rege.*

Alexander, ut supra dictum est, inhibito suo-
rum cursu, ad Lycum amnem pervenerat. Ubi in-
gens multitudo fugientium oneraverat pontem, &
plerique, cum hostis urgeret, in flumen se præ-i-
pitaverant, gravesque armis, & prælio, ac fuga
defatigati, gurgitibus hauriebantur. Jamque non
pons modò fugientes, sed ne amnis quidem capie-
bat, agmina sua improvide subinde cumulantes,
quippe, ubi intravit animos pavor, id solùm me-
tunt, quod primum formidare cœperunt. Alexan-
der instantibus suis, abeuntem hostem sequi per-
mitteret, hebetia tela esse, & manus fatigatas, tan-
toque cursu corpora exhausta, & præceps in noctem
diei tempus causatus est. Revera de lævo cornu,
quod adhuc in acie stare credebat, sollicitus reverti
ad ferendam opem suis statuit. Jamque signa con-
ver-

verterat, cùm equites à Parmenione missi, illius quoque partis victoriam nuntiant. Sed nullum eo die majus periculum adiit, quam dum copias reducit in castra. Pauci eum, incompositi sequebantur ovantes victoria, quippe omnes hostes, aut in fugam effusos, aut in acie cecidisse credebant: cum repente ex adverso apparuit agmen equitum, qui primo inhibuere cursum, deinde Macedonum paucitate conspecta, turmas in obvios concitaverunt. Ante signa Rex ibat, dissimulato magi periculo, quām spreto. Nec defuit ei perpetua in dubiis rebus felicitas. Namque Praefectum equitatus, avidum certaminis, & ob id ipsum incatiūs in seruentem, hasta transfixit. Quod ex equo lapso, proximum, ac deinde plures eodem telo confudit. Invasere turbatos amici quoque. Nec Persæ inulti cadebant, quippe non universæ acies, quam hæ tumultuariae manus, vehementius iniere certamen. Tandem Barbari, cùm obscura luce fuga tutior videretur esse, quam pugna, diversis agminibus abidere. Rex extraordinatio periculo defunctus, incolumes suos reduxit in castra. Cecidere Persarum, quorum numerum victores finiri potuerunt, millia XL. Macedonum minus, quam CCC. desiderati sunt. Cæterum hanc victoriam Rex majore ex parte viruti, quām fortunæ suæ debuit. Animo, non (ut anteā) loco vicit. Nam, & aciem peritissimè instruxit, & promptissimè ipse pugnavit, & magno consilio jacturam sarcinarum, impedimentorumque contempsit, cùm in ipsa acie summum rei videret esse discrimin. Dubioque adhuc pugnæ eventu, pro victore se gessit. Perculsos deinde hostis fudit: fugientes, quod in illo ardore animi

vix

vix credi potest , prudentiis , quam avidius perse-
quutus est . Nam , si parte exercitus adhuc in acie
stante instare cedentibus perseverasset , aut sua
culpa vicitus esset , aut aliena virtute vicisset . Jam
si multitudinem equitum occurrentium extimuisset ,
victori aut fœdè fugiendum , aut miserabiliter ca-
dendum fuit . Ne Duces quidem copiarum sua lau-
de fraudandi sunt . Quippe vulnera , quæ quisque
excepit , indicia virtutis sunt . Hephestionis bra-
chium hasta ictum est : Perdiccas , ac Cœno , & Me-
nides sagittis propè occissi . Et , si verè æstimare
Macedonas , qui tunc erant , volumus , fatebimur ,
& Regem talibus ministris , & illos tanto Rege
fuisse dignissimos .



LIBER V.

SYNOPSIS.

Darius in Medium cum suis profugit . Alexan-
der Arbello potitur : Babylonem a Mazæo deditam
cum Mazæo in fidem accipit , urbemque cum trium-
pho ingreditur . Babylon , & civium mores descri-
buntur . Amyntas Andromenis supplementum mili-
tum ex Græcia adducit . Rex ludos militares com-
mittit . Susa deducuntur , ubi thesaurus Darii ex-
haustus , tricies milles centena millia Philipporum ,
ut Barbari vocant , triginta millones talemorum .
Rex Sisigambem solatur , & illius deprecatu vic-
tis Uxiis parcit , Persidem intrare conatus , ab

Ariobarzane Satrapa repellitur , ubi Alexandri deprehensa hæsit fælicitas. Duce tandem Lycio per invia, & avia penetrat. Araxem amnem superat ; supplices Græcos , & captivos liberat ; captum Persepolim exhaustit. Septuagies bis millies centena millia aureorum in ærarium redigit ; quibus ex Persagadis tricies sexies centena millia addit. Inde Mardos subit reddit Persepolim , urbemque cum Regia , suas Thaidis , incendio delet. Hinc Medianum accepto supplemento intrat. Darius Echatanis pugnæ se rursum accingit , ad quam suos hortatur. Nabarzanes , & Besus in Darii exitium conjurant. Græcus miles Regem tueri conatur. Capitur Rex vulneratur , destituitur a suis , a Macedone spirans , reperitur , extinguitur ; quod in Curtio delectum est.

CAPUT I.

Dilata rerum in Europa gestarum narratione , fugam , & consilia Darii explicat.

QUÆ interim ductu , imperioque Alexandri , vel in Græcia , vel Illyriis , ac Thracia , gesta sunt : si quæque suis temporibus reddere voluero , interrumpendæ sunt res Asiæ , quas utique ad fugam , mortemque Darii universas in conspectu dari , & sicut inter se cohærent , ita opere ipso conjungi , haud paulò aptius videri potest. Igitur , quæ prælio apud Arbellam conjuncta sunt , ordinar dicere. Darius media ferè nocte Arbellam pervenit , eodemque magnæ partis amicorum ejus , ac militum fugam fortuna compulerat. Quibus convocatis , exponit ; haud dubitare se , quin Alexander celebre-
ri-

rimas urbes, agrosque omni copia rerum abundantes, petiturus esset; prædam optimam, paratamque ipsum, & milites ejus spectare. Id suis rebus tali in statu saluti fore, quippe se deserta cùm expedita manu petiturum. Ultima Regni adhuc intacta esse: inde bello vires haud ægrè reparaturum. Occuparet sane Gazam avidissima gens, & ex longa fame satiaret se auro, mox futuræ prædæ sibi. Didicisse usu, pretiosam supelleciliem, pellicesque, & spadonum agmina, nihil aliud fuisse, quam onera, & impedimenta. Eadem trahentem Alexandrum, quibus antea vicisset, inferiorem fore. Plena omnibus desperationis videbatur oratio: quippe Babylonem urbem opulentissimam dedi cernentibus, jam Susa, jam cætera ornamenti Regni, causamque belli, victorem occupatum. At ille docere pergit, non speciosa dicta, sed usu necessaria in rebus adversis sequenda esse. Ferro geri bella, non auro: viris, non urbium tectis: omnia sequi armatos. Sic majores suos percusso in principio rerum, celeriter pristinam reparasse fortunam. Igitur sive confirmatis eorum animis, sive imperium magis, quam consilium sequentibus, Mediæ fines ingressus est.

CAPUT II.

Prædæ bello captæ, & Tygris, & Euphratis fluminum descriptio.

PAULÒ post Alexandro Arbella traditur, regia supellectili, ditique gaza repleta. Quatuor millia talentorum fuere: præterea pretiosæ vestes, totius (ut supra dictum est) exercitus opibus in illam se-

dem congestis. Ingruentibus deinde morbis, quos odor cadaverum totis jacentium campis vulgaverat, maturius castra movit. Euntibus aperit se à parte leva Arabia odorum fertilitate nobilis regio, campestre iter est. Inter Tygrim, & Euphratem jacentia tam uberi, & pingui solo, ut à pastu repellere pecora dicantur, ne satietas perimat. Causa fertilitatis est humor, qui ex utroque amne manat, toto ferè solo propter venas aquarum resudante. Ipsa amnes ex Armeniæ montibus produunt, ac magno deinde aquarum divortio iter, quod cœpere, percurrunt. Duo millia & quingenta stadia emensis sunt, qui amplissimum intervallum circa Armeniæ montes notaverunt. Idem cum Mediæ, & Gordianorum terras sectare cœperunt, paullatim in arcu coeunt: &, quo longius manant, hoc angustius inter se spatium terræ relinquunt. Vicini maximè sunt in his campis, quos incolæ Mesopotamiam appellant: Medium namque ab utroque latere concludunt. Idem per Babyloniorum fines in Rubrum mare irrumunt. Alexander quartis castris ad Menin urbem pervenit. Caverna ibi est, ex qua fons ingentem vim bituminis effundit: adeò ut satis constet, Babylonios muros ingentis operis hujus fontis bitumine interlitos fuisse.

C A P U T I I I.

*Alexander Babylonem ultro se dedentem ingreditur,
& à tota civitate effusa latus excipitur.*

CÆterum Babylonem procedenti Alexandro, Mazæus, qui ex acie in urbem eam confugerat, cum adultis liberis supplex occurrit, urbem, seque de-

dedens. Gratus adventus ejus Regi fuit: quippe magni operis futura erat obsidio tam munitæ urbis. Ad hoc vir illustris, & manu promptus, famaque etiam proximo prælio celebris, & cæteros ad deditonem, sui incitaturus exemplo videbatur. Igitur hunc quidem benignè cum liberis excepit. Cæterum quadrato agmine, quod ipse ducebat, velut in aciem irent, ingredi suos jubet. Magna pars Babyloniorum constiterat in muris, avida cognoscendi novum Regem. Plures obviam egressi sunt; inter quos Bagophanes arcis, & Regiæ pecuniæ custos, ne studio à Mazæo vinceretur, totum iter floribus, coronisque constraverat, argenteis altaribus utroque latere dispositis, quæ non thure modò, sed omnibus odoribus cumulaverat. Eum dona sequebantur, greges pecorum, equorumque, leones quoque, & pardales caveis præferebantur. Magi deinde suo more patrium carmen canentes: post hos Chaldæi, Babyloniorumque non vates modò, sed etiam artifices, cum fidibus sui generis ibant; laudes ii regum canere soliti. Chaldei siderum motus, & statas temporum vices ostendere. Equites deinde Babylonii, suo, atque equorum cultu, ad luxuriam magis, quam ad magnificentiam exacto, ultimi ibant. Rex armatis stipatus, oppidanorum turbam post ultimos pedites ire jussit. Ipse cum curru urbem, ac deinde Regiam intravit. Postero die supellectilem Darii, & omnem pecuniam recognovit.

CAPUT IV.

Babylonis descriptio.

CÆterum ipsius urbis pulchritudo, ac venustas, non Regis modò, sed etiam omnium oculos in se met hau immerito convertit. Semiramis eam considerat, vel (ut plerique credidere) Belus, cuius Regia ostenditur. Murus instructus laterculo coctili, bitumine interlitus, spatium xxx. & duorum pedum latitudinem complectitur. Quadrigæ inter se occurrentes sine periculo commeare dicuntur. Altitudo muri C. cubitorum eminet spatio. Turres denis pedibus, quam murus, altiores sunt. Totius operis ambitus ccclxiii. stadia complectitur. Singulorum stadiorum structuram singulis diebus perfectam esse, memoriæ proditum est. Ædificia non sunt admota muris, sed fere spatium unius jugeris absunt. Ac ne totam quidem urbem tectis occupaverunt; per xc. stadia habitatur. Nec omnia continua sunt, credo, quia tutius visum est pluribus locis spargi. Cætera serunt, coluntque, ut, si externa vis ingruat, obsassis alimenta ex ipsius urbis solo subministrent. Euphrates interfluit, magnæque molis crepidinibus coercetur. Sed omnium operum magnitudinem circumveniunt cavernæ ingentes, in altitudinem pressæ ad accipiendum impetum fluminis: quod ubi appositæ crepidinis fastigium excessit, urbis tecta corriperet, nisi essent specus, lacusque, qui exciperent. Coctili laterculo structi sunt; totum opus bitumine astringitur. Pons lapideus flumini impositus, jungit urbem. Hic quoque in-

inter mirabilia Orientis opera numeratus est. Quippe Euphrates altum limum vehit, quo penitus ad fundamenta jacienda egesto, vix fulciendo operi firmum reperiunt solum. Arenæ autem subinde cumulatæ, & saxis, quibus pons sustinetur, anexæ, morantur amnem, qui retentus acriùs, quam si liberò cursu mearet, illiditur. Arcem quoque ambitu viginti stadia complexam habent: triginta pedes in terram turrium fundamenta demissa sunt: ad octoginta summum muniti fastigium pervenit. Super arcem, vulgatum Græcorum fabulis miraculum, pensiles orti sunt, summam murorum altitudinem æquantes, multarumque arborum umbra, & proceritate amoeni. Saxeæ pylæ, quæ totum onus sustinent, instructæ sunt. Super pylas lapide quadrato solum stratum est, patiens terræ, quam altam injiciunt, & humoris, quo rigant: adeoque validas arborum sustinent moles, ut stipites earum octo cubitorum spatium crassitudine æquent, in quinquaginta pedum altitudinem emineant, & frugiferæ sint, æque ac si terra sua alerentur. Et cum vetustas non opera solùm manu facta, sed etiam ipsam naturam paullatim excedendo perimat; hæc moles, quæ tot arborum radicibus premitur, tantiæ nemoris pendere onerata est, inviolata durat. Quippe viginti lati parietes sustinent, undecim pedum intervallo distantes, ut procul visentibus sylvæ montibus suis imminere videantur. Syriæ Regem Babylone regnantem hoc opus esse molitum, memoriæ proditum est, amore conjugis victum, quæ desiderio nemorum, sylvarumque in campes-tribus locis virum compulit, naturæ genium amœnitate hujus operis imitari.

C A P U T V.

Mores Babyloniorum corruptissimos exponit

Dutiūs in hac urbe, quām usquam constitit Rex, nec ullus locus disciplinæ militari magis nocuit. Nihil urbis ejus corruptius moribus, nihil ad irritandas, illicendasque immodicas voluptates instructius. Liberos, conjugesque cum hospitibus stupro coire, modò pretium flagitii detur, parentes, maritique patientur. Convivales ludi tota Perside Regibus, Purpuratisque cordi sunt. Babilonii maximè in vinum & , quæ ebrietatem sequuntur, effusi sunt. Fœminarum convivia ineuntium in principio modestus est habitus; dein summa quæque amicula exuunt, paullatimque pudorem profanant. Ad ultimum (honos auribus sit) ima corporum velamenta projiciunt. Nec meretricum hoc decus est, sed matronarum, virorumque, apud quos comitas habetur vulgati corporis vilitas. Inter hæc flagitia exercitus illi domitor Asiæ per xxxiv. dies saginatus, ad ea, quæ sequebantur discrimina, haud dubie debilior futurus fuit, si hostem habuisset.

C A P U T VI.

Copias auget; Regnum Babylonis Satrapis, & Protoribus administrandum committit. Chiliarchas creat, militarem disciplinam mutat.

CÆterūm, quominus damnum sentiret, identidem incremento renovabatur. Namque Amyntas filius Andromenis ad Antipatro Macedonum peditum sex millia adduxit, ccccc. præterea ejusdem

ge-

generis equites; cùm his DC. Thracas, adjunctis peditibus suæ gentis tribus millibus & quingentis. Et ex Peloponneso mercenarius miles ad quatuor millia advenerat, cum ccclxxx. equitibus. Idem Amyntas adduxerat quinquaginta principum Macedoniæ liberos adultos, ad custodiam corporis: quippe inter epulas hi sunt Regis ministri, iidemque equos ineunti prælium admovent, venantemque comitantur, & vigiliarum vices ante cubiculi fores servant, magnorumque præfectorum, & dum cum hæc incrementa sunt, & rudimenta. Igitur atque Babylonie Rex Agathone præsidere jusso, cum septingentis Macedonum, trecentisque mercede conductis; Prætores, qui regioni Babylonie, & civitati præessent, Menetam, & Appollodorum reliquit: his duo millia peditum cum mille talentis dat. Utrique præceptum, ut in supplementum milites legerent. Mazæum transfugam Satrapia Babylonie donat. Bagophanem, qui arcem tradiderat, sequi jussit. Armenia Mithreni Sardium proditori data est. Ex pecunia deinde Babylonie Macedonibus equitibus sexcenti denarii tributi: peregrinus eques quingentos accepit; ducenis pedestrium stipendio mensum est. (2.) His ita compositis, in regionem, quæ Satrapene vocatur, pervenit. Fertilis terra, copia rerum, & omni commeatu abundans. Itaque diutiùs ibi sustinuit. Ac, ne desides otio demitterent animos, judices dedit, præmiaque proposuit de virtute militari certantibus. Octo, qui fortissimi judicati essent, singulis militum millibus præfuturi erant, Chiliarchas vocabant, tum primum in hunc numerum copiis distributis. Namque antea quinquagenariæ cohortes erant, nec fortitudi-

dinis præmia gesserant. Ingens militum turba con-
venerat, egregio intersutura certamini, testis ea-
dem cujusque factorum, & de judicibus latura sen-
tentiam: quippe verò ne, an falso honos cuique
haberetur, ignorari non poterat. Primus omnium
virtutis causa donatus est Adarchias senior, qui
omissum apud Halicarnassum à junioribus prælium,
unus maximè accenderat: proximus ei Antigenes
visus est: tertium locum Philotas Angeus obtinuit:
quartus Amyntæ datus est: post hos Antigonus, &
ab eo Lyncestes Amyntas fuit: septimum locum
Theodotus: ultimum obtinuit Hellanicus. In disci-
plina quoque militaris rei pleraque à majoribus tra-
dita, utiliter mutavit. Nam, cùm ante equites in
suam quisque gentem describerentur, seorsum à
cæteris, exempto nationum discrimine, Præfectos
non utique suarum gentium, sed delectos attribuit.
Tuba, cum castra movere vellet, signum dabat.
Cujus sonus plerumque, tumultuantum fremitu
ex oriente, haud satis exaudiebatur. Ergo perticam,
quæ undique conspici posset, supra Prætorium sta-
tuit, ex qua signum eminebat pariter omnibus
conspicuum. Observabatur ignis noctu, fumus in-
terdiu.

CAPUT VII.

Susa cum thesauro traduntur.

JAmque Susa adituro, Abulites regionis ejus
Præfectus, sive Darii jussu, ut Alexandrum præda
retineret, sive sponte, filium obviam missit, tra-
diturum se urbem promittens. Benignè juvenem
exceptit Rex, & eo duce ad Choaspem amnem per-
venit, delicatam (ut fama est) vehentem aquam.

Hic

Hic Abulites cum donis Regalis opulentiae occurrit. Dromades camelii inter dona erant, velocitatis eximiæ, duodecim elephantes à Dario ex India acciti, non jam terror (ut speraverat) Macedonum, sed auxilium, opes victi ad victorem transferente fortuna. Ut verò urbem intravit, incredibilem ex thesauris summam pecuniæ gessit, L. millia talentum argenti, non signati forma, sed rudi pondere. Multi Reges tantas opes longa ætate cumulaverant liberis, posterisque, ut arbitrabantur, quas una hora in externi Regis manus intulit. Consedit deinde in Regia sella, multo excelsiore, quam pro habitu corporis. Itaque pedes cùm imum gradum non contingerent, unus ex Regiis pueris mensam subdidit pedibus. Et, cùm spadonem, qui Darii fuerat, ingemiscentem conspexisset Rex, causam mœstiaæ requisivit. Ille indicat, Darium vesci in ea solitum, seque sacram ejus mensam ad ludibrium residentem sine lacrymis conspicere non posse. Subiit ergo Regem verecundia violandi hospitales Deos; jamque subduci jubebat, cùm Philotas: Minime verò hæc feceris, Rex, sed, omnem quoque accipe, mensam, ex qua libavit hostis epulas, tuis pedibus esse subjectam.

CAPUT VIII.

Sysigambim cum præsidio Susis relinquit, eique vestes Macedonicas cum tela donat, qua filias occuparet. Mæstam ex dono, & dicto, servitutis indece, præsens solatur.

REX, Persidis fines aditurus, Susa urbem Archelac, & præsidium trium millium tradidit. Xeno-

nophilo arcis cura mandata est : mille Macedonum ætate graves præsidere arcis custodiæ jussit , The-saurorum Calicrati tutela permissa : Satrapia re-gionis Susiæ restituta Abuliti. Matrem quoque Da-rii , & liberos in eadem urbe deponit. Ac fortè Ma-cedonicae vestes , multamque purpuram dono ex Macedonia sibi missam , cum iis , qui confecerant , tradi Sysigambi jussit. Omni namque honore eam , & filii quoque pietate prosequebatur. Admoneri-que jussit , ut , si cordi quoque vestis esset , confi-cere eam neptes suas assuefaceret , donoque doce-ret dare. Ad hanc vocem lacrymæ obortæ , prodide-re animum aspernantis id munus : quippe non aliud magis in contumeliam Persarum fœminæ ac-cipiunt , quam admovere lanæ munus. Nuntiant , qui dona tulerant , tristem esse Sysigambim. Dignaque res excusatione , & solatio visa. Ipse ergo pervenit ad eam , & , Mater , inquit , hanc vestem , qua indutus sum , sororum non solum donum , sed etiam opus vides. Nostri decepere memores. Cave , obsecro , in contumeliam accipias ignorationem meam. Quæ tui moris esse cognovi , ut spero , abundè serva-ta sunt. Scio apud vos filium in conspectu matris nefas esse considere , nisi cum illa permisit. Quoties-cumque ad te veni , donec , ut considerem , annueres , restiti. Procumbens venerari me sœpè voluisti ; inhi-bui. Dulcissimæ matri Olympiadi nomen debitum , ti-bi redo.⁽³⁾ Mitigato ejus animo , Rex quartis cas-tris pervenit ad Tigrim fluvium.

CAPUT IX.

Pasitigrum describit. Alexander Uxios subigit: Madathi Prætori uxiorum, deprecante Sysigambe, ignoscit.

PAsitigrum incolæ vocant: oritur in montibus Uxiorum, & per L. stadia sylvestribus ripis præceps inter saxa devolvitur. Accipiunt deinde eum campi, quos clementiore alveo præterit, jam navium patiens. Sexcenta stadia sunt meliores soli, per quod leni tractu aquarum Persico mari se insinuat. Alexander, amne superato, cum ix. millibus peditum, & Agrianis, atque Græcorum mercenariis, millibus 111. additis millibus Thracum, in regionem Uxiorum pervenit, Finitima Susis est, & in primam Persidem excurrit arctum inter se, & Susianos aditum relinquens. Madathes erat hujus regionis Præfectus, haud sanè temporum multorum homo, quippe ultima pro fide experiri decreveat. Sed periti locorum Alexandrum docent, occultum iter esse per calles, & aversum ad urbe: si paucos misisset leviter armatos, super capita hostium evasuros. Cum consilium placuisset, iidem itinerum fuerunt duces. Mille & quingenti mercede conducti, & Agriani ferè mille Tauroni Præfecto dati, ac post Solis occasum iter ingredi jussi. Ipsi tertia vigilia castris motis, circa lucis ortum superaverat angustias; cæsaque materia cratibus, & pluteis faciendis, ut, qui turres admoverent, extra teli jactum essent, urbem obsidere cœpit. Prærupta erant omnia saxis, & cotibus impedita. Multis ergo vulneribus depulsi, ut quibus non cum hos-

hoste solūm , sed etiam cum loco dimicandum es-
set , subibant tamen , quia Rex inter primos cons-
titerat , interrogans tot urbium victores , an erubes-
cerent hærere in obsidione castelli exigui , & igno-
bilis ? Simul jam inter hæc eminūs petebatur , cùm
testudine objecta milites , qui , ut inde discederet ,
pellere nequierant , tuebantur . Tandem Tauron
super arcem urbis se cum suo agmine ostendit ; ad
cujus conspectum , & animi hostium labare , &
Macedones acriūs prælium inire cœperunt . Anceps
oppidanos malum urgebat , nec sisti vis hostium
poterat . Paucis ad moriendum , pluribus ad fugam
animus fuit . Magna pars in arcem concessit . Inde
triginta oratoribus missis ad deprecandum , triste
responsum à Rege redditur , non esse veniæ locum .
Itaque suppliciorum metu perculti , ad Sysigambim
Darii matrem , occulto itinere , ignotoque hostibus ,
mittunt , qui peterent , ut ipsa Regem mitigaret ,
haud ignari , parentis eam loco diligī , colique . Et
Madathes sororis filiam secum matrimonio junxe-
rat , Darium propinqua cognatione contingens . Diu
Sysigambis supplicum precibus repugnavit , ab-
nuens deprecationem pro illis convenire fortunæ ,
in qua esset : adjecitque , metuere sese , ne victo-
ris indulgentiam fatigaret , sæpiusque cogitare , cap-
tivam esse se , quam Reginam fuisse . Ad ultimum
victa , litteris Alexandrum ita deprecata est , ut ip-
sam excusaret , quod deprecaretur : petere se , ut
illis quoque , si minūs , sibi ignosceret , pro neces-
sario , ac propinquuo suo , jam non hoste , sed sup-
plice , tantum vitam precari . Moderationem , cle-
mentiamque Regis , quæ tunc fuit , vel una hæc
res possit ostendere , nam Madathi modò ignovit ,
sed

sed omnes, & deditos, & captivos libertate, atque immunitate donavit; urbem reliquit intactam; agros sine tributo colere permissit. A victore Dario plura mater non impetrasset.

C A P U T X.

Persidem petit. Regredi cum clade cogitur. Alia via intrat. Persidis descriptio. Ingressus in regionem. Cædes Ariobarzanis.

Uxiorum deinde gentem subactam, Susianorum Satrapiae contribuit: divisisque cum Parmenione copiis, illum campestri itinere procedere jubet; ipse cum expedito agmine jugum montium cepit, quorum perpetuum dorsum in Persidem excurrit. Omni hac regione vastata, tertio die Persidem, quinto angustias (quas illi Susidas Pylas vocant) intrat. Ariobarzanes has cum quindecim millibus peditum occupaverat rupes, abscissas, & undique præruptas. In quarum cacuminibus extra teli jactum Barbari stabant, de industria quieti, & paventibus similes, donec in arctissimas fauces penetraret agmen. Quod ubi contemptu sui pergere vident, tum verò ingentis magnitudinis saxa per montium prona devolvunt, quæ incussa, sæpiùs subjacentibus petris, majore vi incidebant, nec singulos modo, sed agmino protrebant. Fundis quoque excussi lapides, & sagittæ ingerebantur undique. Nec id miserrimum fortibus viris erat, sed quod inulti, ferarum ritu, velut in fovea deprehensi, cæderentur. Ira igitur in rabiem versa, eminentia saxa complexi, ut ad hostem pervenirent, alius alium levantes conabantur ascendere. Ea ipsa multorum simul mani-

nibus correpta, & convulsa, in eos, qui commoverant, recidebant. Nec stare ergo, nec niti, nec testudine quidem protegi poterant, cum tantæ molis olera propellerent Barbari Regem non dolor modò, sed etiam pudor temerè in illas angustias conjecti exercitus angebat. Invictus ante eam diem fuerat, nihil frustra ausus: impunè Ciliciæ fauces intraverat: mari quoque novum iter in Pamphiliam aperuerat. Tunc hæsitabat deprehensa felicitas. Nec aliud remedium erat, quam reverti, quam venerat. Itaque signo receptui dato, densatis agminibus, scutisque super capita consertis, retro evadere Rex ex angustiis jubet. Triginta fuere stadia, quæ remessi sunt. (4) Tum castris undique aperto loco positis, non consultare modò, quid agendum esset, sed vates quoque adhibere cœpit à superstitione animi. Sed quid tunc prædicere Aristander, cui tum plurimùm credebatur ex vatibus, poterat? Itaque damnatis intempestivis sacrificiis, peritos locorum convocari jubet. Medium iter ostendebant tutum, apertumque. Sed Rex dimittere millites inseptulos erubescet, ita tradito more, ut vix ullum militiæ tan solemne esset munus, quam humandi suos. Captivos ergo, quos nuper exceperat, vocari jubet; inter quos erat quidam Græcæ, Persicæque linguae peritus, qui frustra eum in Persidem montium dorso exercitum ducere affirmat, sylvestres esse calles, vix singulis pervios, omnia contegit frondibus, implexosque arborum ramos sylvas committere. Namque Persis ab altero latere perpetuis montium jugis clauditur, quod in longitudinem MDC. stadia, in latitudinem CLXX. percurrit. Hoc dorsum à Caucaso monte ad Rubrum mare

per-

pertinet. Quaque deficit mons, aliud munimentum, fretum objectum est. Planities deinde sub radicibus montium spatiosa procumbit, fertilis terra, multisque vicis, atque urbibus frequens. Araxes amnis per os campos multorum aquas torrentium evolvit in Medium. Medus à mari, & ad meridiem versus, minor amnis eo, quem recipit, evehitur: gignendæque herbæ non aliis est aptior, quidquid alluit, floribus vestiens. Platani quoque, & populi contegunt ripas, ita ut procul visentibus continuata videantur montibus nemora riparum: quippe obumbratus amnis, presso in solum dilabitur alveo; imminentque colles, ipsi quoque frondibus læti, radices eorum humore subeunte. Regio non alia tota Asia salubrios habet; temperatum cœlum; hinc perpetuum jugum opacum, & umbrosum, quod æstus levat; illinc mare adjunctum, quod modico tempore terras fovet. His expositis, captivus interrogatus à Rege, audiu ne, an oculis cœmperta haberet, quæ diceret? pastorem se fuisse, & omnes eos calles percurrisse respondit, bis captum, semel & Persis in Lycia, iterum ab ipso. Subit animum memoria Regis oraculo editæ sortis: quippe consulenti responsum erat, ducem in Persidem ferentis viæ Lycium civem fore. Igitur promissis quanta, & præsens necessitas exigebat, & ipsius fortuna capiebat, oneratum, armari jubet Macedonum more; & quod benè verteret, monstraret iter, quamvis arduum, & præceps, evasurum se esse cum paucis: nisi fortè crederet, quò ipse pecoris causa isset, Alexandrum pro gloria, & perpetua laude ire non posse. Etiam, atque etiam docere captivus, quam difficile iter esset,

esset, maximè armatis. Tunc Rex, Prædem me, inquit, accipe, neminem eorum, qui sequuntur, recusaturum ire, quā duces. Cratero igitur ad custodiam castrorum relicto, cum peditibus, quēis assueverat, & iis copiis, quas Meleager ducebat, & sagitariis ducentis, & equitibus mille præcepit, ut castrorum specie manente, plures de industria ignes fieri imperaret, quō magis Barbari crederent, ipsum Regem in castris esse. Cæterum, si fortè Ariobarzanes cognovisset, per callium anfractus eum intrare, & ad occupandum iter suum partem copiarum tentasset opponere, Craterus in eum illato terrore. retineret ad proprius periculum consum agmen: sin autem ipse hostem fefellisset, & saltum occupasset, cùm trepidantium Barbarorum tumultum exaudisset presequentium Regem, id ipsum iter, quo pridie pulsi fuerant, ne dubitaret ingredi; quippe vacuum fore, histibus in semet aversis. Ipse tertia vigilia, silenti agmine, ac ne tuba quidem dato signo, pergit ad demonstratum iter callium. Tridui alimenta portare militem jussérat leviter armatum. Sed præter invias rupes, ac prærupta saxa, vestigium subinde fallentia, nix cumulata vento ingredientes fatigabat. Quippe velut in foveas delati hauriebantur, &, cùm à commilitonibus levarentur, trahebant magis adjuvantes, quām assequebantur. Nox quoque, & ignota regio, ac dux, incertum an satis fidus, multiplicabant metum. Si custodes fefellissent, quasi feras bestias ipsos posse deprehendi. Ex unius captivi vel fide, vel anima, pendere & Regis salutem, & suam. Tandem venere in jugum. A dextra iter ad ipsum Ariobarbanem erat. Hic Phiotam,

&

& Cœnonem cum Amynta , & Polyperconte , expeditam habentes manum , reliquit , monitos , ut , quia eques pediti erat mixtus , & quam pinguis- simum esset solum , & pabuli fertile , sensim pro- cederent . Duces erant itineris de captivis dati . Ipse cum armigeris , & ala , quām *Agema* appellant , ardua semita , sed longius à stationibus hostium remota , multa cùm vexatione processit . Medius erat dies , & fatigatis necessaria quies : quippe tan- tumdem itineris supererat , quantum emensi erant sed minūs præcipitis , atque ardui . Itaque refectis cibo somnoque militibus , secunda vigilia surgit , & cætera quidem haud ægrè præterit ; cæterūm , qua se jugum montium paullatim ad planiora di- mittit , ingens vorago concursu cavata torrentium , iter ruperat . Ad hæc arborum rami aliis alio im- plicati , & coeuntes , ut perpetuam objecerant se- pem . Desperatio igitur ingens , adeò , ut vix la- crymis abstinerent , incesserat . Præcipuè obscuri- tas terrori erat . Nam etiam si qua sidera interni- tebant , continentī fronde tectæ arbores conspicere prohibebant . Ne aurium quidem usus supererat , silvas quatiente vento , quæ concutientibus ramis majorem , quām pro flatu , sonum redebant . Tan- dem expectata lux omnia , quæ terribiliora nox fe- cerat , minuit . Circumiri brevi spatio poterat elu- vies , & sibi quisque dux itineris cæperat fieri . Eva- dunt ergo in editum verticem , ex quo hostium sta- tione conspecta , strenuè armati à tergo se ostendunt nihil tale metuentibus ; quorum pauci , qui congregdi ausi erant , cæsi sunt . Itaque hinc morien- tium gemitus , hinc ad suos recurrentium miserabi- lis facies , integros quoque , antequam discrimen-

experientur, in fugam avertit. Fremitu deinde in castra, queis Craterus præerat, illato, ad occupandas angustias, in quibus pridie hæsitarat, miles educitur. Simul & Philotas cum Polyperconte, Amyntaque, & Cœnone diversum iter ingredi jussus, alium terrorem intuit Barbaris. Ergo undique Macedonum armis fulgentibus, ancipi malo oppressi, memorabile tamen prælum edunt. Ut opinor, ignaviam quoque necessitas acuit, & sæpe desperatio spei causa est. Nudi complectabantur armatos, & ingenti corporum mole secum ad terram detrahentes, ipsorum telis plerosque fodiebant. Ariobarzanes tamen quadraginta ferme equitibus, & quinque millibus peditum stipatus per medium aciem Macedonum cum multo suorum, atque hostium sanguine erupit, Persepolim urbem caput regionis occupare festinans. Sed à custodibus urbis exclusus, consequitis strenue hostibus, cum omnibus fugæ comitibus, renovato prælio cecidit; Craterus quoque raptim agmine acto supervenit.

C A P U T X I.

Persepolim properat Alexander, cuius mira celeritas ab Auctore prædicatur.

(5.) **R**EX eodem in loco, quo hostium copias fuderat, castra communxit. Quanquam enim undique fugati hostes viatoriam concesserant; tamen præaltæ, præcipitesque fossæ, pluribus locis objec-tæ, abruperant iter. Sensimque, & cautè progre-diendum erat, jam non hostium, sed locorum, fraude suspecta. Procedenti ei litteræ redduntur à Ty-

Tyridate custode Regiae pecuniae indicantes , eos , qui in urbe essent , auditio ejus adventu , diripere velle thesauros : properaret occupare thesauros dimissos , expeditum iter esse , quamquam Araxes amnis interfluat . Nullam virtutem Regis istius magis , quam celeritatem laudaverim . Relictis enim pedestribus copiis , tota nocte cum equitibus itinoris tanto spatio fatigatis ad Araxem prima luce pervenit . Vici erant in propinquuo , quibus direptis , ac dirutis , pontem ex materia eorum , subditis saxis , strenue induxit .

C A P U T XII.

Græci mutilati , & captivi petunt agrum ab Alexandro.

JAmque haud procul urbe erant , cum miserabile agmen , inter pruca fortunæ exempla memorandum , Regi occurrit . Captivi erant Græci ad quatuor millia fere , quos Persæ vario suppliciorum modo affecerant . Alios pedibus , quosdam manibus , auribusque amputatis , inustisque barbarorum litterarum notis , in longum sui ludibrium reservaverant ; & cum , se quoque alienæ ditionis esse cernerent , volentes Regi occurrere non prohibuerant . Inusitata simulacra , non homines videbantur ; nec quidquam in illis præter vocem poterat agnoscere . Plures igitur lacrymas commovere , quam profuderant ipsi ; quippe in tam multipli , variaque fortuna singulorum , intuentibus similes quidem , sed tamen dispare pœnas , quis maximè miserabilis esset , liquere non poterat : omnes pari suppicio affecti sibi videbantur . Ut vero Jovem

illi tandem Græciæ ultorem apperuisse oculos con-
clamavere. Rex abstersis , quas profuderat , la-
crys , bonum habere animum jubet , visurus
urbes suas , conjugesque , & castra inde duo ab
urbe stadia communit. Græci excesserant vallo,
deliberaturi , quid potissimum à Rege peterent.
Cùmque aliis sedes in Asia rogare aliis reverti
domos placeret ; Euthymon Cymæus ita loquutus
ad eos fertur : *Nos, qui modo ad opem petendam ex-
tenebris, & carcere procedere erubuimus, ut nunc
est supplicia nostra, quorum nos pudeat magis,
an pœnitentia, incertum est, ostentare Græciæ velut
lætum spectaculum cupimus? At ii optimè miserias
ferunt, qui abscondunt. Nec ulla est iam familiaris
infelicibus patria, quam solitudo, & status prioris
oblivio. Nam, qui multum in suorum misericordia
ponunt, ignorant, quam celeriter lacrymæ inares-
cant. Nemo fideliter diligit, quem fastidit. Nam
& calamitas querula est, & superba felicitas. Ita
suam quisque fortunam in consilio habet, cum de
aliena liberat. Et nisi mutuò essemus miseri, olim
alius alii potuissemus esse fastidio. Quid mirum est
fortunatos semper parem querere? Obsecro vos, olim
vita defuncti, queramus locum, in quo hæc se-
mesa membra obruamus, ubi horribiles cicatrices
celet exilium. Ingrati prorsus conjugibus, quas ju-
venes duximus, revertemur. Liberi in flore & æta-
tis, & rerum fratres agnoscent, & ergastuli detrimen-
ta? Et quota pars nostri tot obire terras potest?
Procul Europa in ultima Orientis relegati, senes. de-
biles, majore membrorum parte mutilati, tolerabimus
scilicet, quæ armatos, & victores fatigaverunt?
Conjuges deinde, quas captis sors, & necessitas uni-
cum*

cum solatium applicuit , parvosque liberos, trahimus nobiscum , an relinquimus ? Cum his venientes nemo agnoscere volet. Relinquemus ergo extemplo præsentia pignora , cùm incertum sit , an visuri simus ea , quæ petimus ? Inter hos latendum est , qui nos miseros nosse cœperunt. Hæc Euthymon. Contrà Theætetus Atheniensis orsus est dicere : Neminem pium habitu corporis suos æstimaturum : utique sævitia hostis , non natura calamitosos. Dignum esse anni malo , qui erubesceret fortuita. Tristem eum de mortalitate ferre sententiam , & desperare misericordiam , quam ipse alteri denegaturus sit. Deos (quod ipsi nunquam ausi optare forent) offerre patriam , coniuges , liberos , & quidquid homines vel vita æstimant , vel morte redimunt. Quin illi ex hoc carcere erumperent , alium domi esse cœli haustum , alium lucis aspectum : mores , sacra , linguae commercium etiam à Barbaris expeti , quæ ingenita ipsi omissuri sint sua sponte , non ob aliud tam calamitosi , quam quod illis carere coacti essent. Se certè redditurum ad Penates , & in patriam , tantoque beneficio Regis usurum : si quos contubernii , liberorumque , quos servitus coegisset agnoscere , amor detineret , relinquenter , quibus nil patria charius est. Pauci hujus sententiæ fuere. Cæteros consuetudo , natura potentior , vicit. Consenserunt , petendum esse à Rege ; ut aliquam ipsis attribueret sedem. Centum ac hoc lecti sunt , quos Alexander ratus , quod ipse præstare cogitabat , petitutos , Jumenta , inquit , assignari , quæ vos veherent , & singulis vestrum mille donarium dari jussi. Cum redieritis in Græciam , præstabo , ne quis statum suum , si hæc calamitas absit , vestro credat esse meliorem.

Illi, obortis lacrymis, terram intuebantur: nec aut erigere vultus, aut loqui audiebant. Tandem Rege tristitiae causam exigente, Euthymon similia iis, quae in consilio dixerat, respondit. Atque ille, non fortunae solum eorum, sed etiam pœnitentiae misertus, terna millia denariorum singulis dare jussit. Denæ vestes adjectæ sunt, & armamenta cum pecoribus, ac frumento data, ut colli, serique attributus iis ager posset.

CAPUT XIII.

Capta Persepolis. Prædæ magnitudo. Hostium cædes. Eversa urbe, excepta Regia, seu arce.

(6.) **P**ostero die convocatos duces copiarum docet, nullam infestiorem urbem Græcis esse, quam regiam veterum Persidis Regum. Hinc illa immensa agmina infusa; hinc Darium prius, deinde Xerxem, Europæ impium intulisse bellum. Excidio illius parentandum esse majoribus. Jamque Barbari, deserto oppido, qua quemque metus agebat, diffugerant: cum Rex phalangem, nil cunctatus, inducit. Multas urbes refertas opulentia regia partim expugnaverat, partim in fidem accepérat; sed urbis hujus divitiæ vicere præterita. In hanc totius Persidis opes congregaverant Barbari. Aurum, argentumque cumulatum erat, vestis ingens modus, supplex non ad usum modo, sed ad ostentationem luxus comparata. Itaque inter ipsos victores ferro dimicabatur. Pro hoste erat, qui pretiosiorem occupaverat prædam. Et cum omnia, quæ

quæ reperiebantur, capere non possent, (nam res non occupabantur, sed æstimabantur) lacerabant regias vestes, ad se quisque partem trahentes; dolabris prætiosæ artis vasa cædebant. Nihil neque intactum erat, nec integrum ferebatur. Abrupta simulacrorum membra, ut quisque avellerat: trahebat. Neque avaritia solum, sed etiam crudelitas in capta urbe grassata est. Auro, argentoque onusti vilia captivorum corpora trucidabant. Passimque obvii cædebantur, quos anteà pretium sui miserabiles fecerat. Multi ergo hostium manus voluntaria morte occupaverunt, pretiosissima vestium induiti, è muris semetipsos cum conjugibus, ac liberis in præceps jactantes. Quidam ignes, quod paullò post facturus hostis videbatur, subjecerant ædibus, ut cum suis vivi cremarentur. Tandem suis Rex corporibus, & cultu fœminarum abstinere jussit. Ingens pecuniæ captivæ modus traditur, propè ut fidem excedat. Cærerūm, aut de aliis quoque dubitamus, aut credimus in hujus urbis gaza fuisse centum, & viginti millia talenta; Ad quæ vehenda (namque ad usus belli secum portare decreverat) jumenta, & camelos à Susis, & Babylone contrahi jussit. Accersere ad hanc pecuniæ summam captis Pasergadis sex millia talentorum. Cyrus Paser-gādum urbem condiderat, quam Alexandro Præfetus ejus Chobares tradidit. Rex arcem Persepolis, tribus millibus Macedonum præsidio relictis, Nichartidem tueri jubet. Trydati quoque, qui gazam tradiderat, servatus est honos, quem apud Darium habuerat, magnaque exercitus parte, & impedimentis ibi relictis, Parmenionem, Craterumque præfecit. Ipse cum mille equitibus, peditumque

que expedita manu interiorem Persidis regionem sub ipsum Vergiliarum sidus petuit; multisque imbris, & propè intolerabili tempestate vexatus, procedere tamen, quò intenderat, perseveravit. Ventum erat ad iter perpetuis obsistum nivibus, quas frigoris vix gelu astrinxerat. Locorum squalor, & solitudines inviae fatigatum, militem terrebant, humanarum rerum terminos se videre credentem. Omnia vasta, atque sine ullo humani cultus vestigio, attoniti intuebantur: & , antequam lux quoque, & cœlum ipsos deficerent, reverti jubebant. Rex castigare territos surseredit. Cæterum ipse equo desiliit, pedesque per nivem, & concretam glaciem ingredi cœpit. Erubuerunt, non sequi primum amici, deinde copiarum Duces, ad ultimum milites. Primusque Rex dolabra glaciem perfringens, iter sibi fecit. Exemplum Regis cæteri imitati sunt. Tandem propemodum invias sylvas emensi, humani cultus rara vestigia, & passim errantes pecorum greges reperere; & incolæ, qui sparsis tuguris habitabant, cum se callibus inviis septos esse credidissent, ut conspexere hostium agmen, imperfectis, qui fugientes sequi non poterant, devios montes, & obsitos nivibus petiverunt. Inde per colloquia captivorum paullatim feritate mitigata, tradidere se Regi. Nec in deditos gravius consultum. Vastatis deinde agris Persidis, vicensque compluribus redactis in potestatem, ventum est in Mardorum gentem bellicosissimam, & multum à cæteris Persis cultum vitæ abhorrentem. Specus in montibus fodiant, in quos se, ac conjuges, & liberos conducunt: pecorum, aut ferarum carne vescuntur. Ne fœminis quidem pro naturæ habitu mol-

molliora ingenia sunt. Comæ prominent hirtæ, vestis super genua est, funda vinciunt frontem, hoc & ornamentum capit is, & telum est. Sed hanc quoque gentem idem fortunæ impetus domuit. Itaque trigesimo die, posteaquam à Persepoli profectus erat, eodem rediit. Dona deinde amicis, cæterisque pro cuiusque merito dedit. Propemodum omnia, quæ in ea urbe ceperat, distributa.

C A P U T X I V.

Rex ebrius ab ebrio scorto impulsus Persepolim incendio delet. Serò cum Phrygibus sapit, & dolet factum, quod infectum fieri non potuit.

(7.) **C**Æterum ingentia animi bona, illam indolem, qua omnes Reges antecessit, illam in subeundis periculis constantiam, in rebus moliendis, efficiendisque velocitatem, in deditos fidem, in captivos clementiam, in voluptatibus permissis quoque & usitatis temperantiam, haud tolerabili vini cupiditate fecerat. Hoste, & æmulo Regni reparante tum cum maximè bellum, nuper subactis, quos vicerat, novumque imperium aspernantibus, de die inibat convivia, quibus fœminæ intererant, non quidem, quas violare nefas esset, quippe pellices licentiūs, quam decebat, cum armatos vivere assuetæ. Ex his una Thais, & ipsa temulenta, maximam apud omnes Græcos initurum gratiam affirmat, si regiam Persarum jusisset incendi: exspectare hoc eos, quorum urbes Barbari delessent. Ebrio scorto de tanta re ferente sententiam, unus, & alter, & ipsi mero onerati assentiuntur. Rex quo-

quoque fuit avidior, quam patientior. Quin igitur
ulciscimur Græciam, & urbi faces subdimus? Om-
nes incaluerant mero. Itaque surgunt temulenti ad
incendam urbem, cui armati pepercerant. Pri-
mus Rex ignem Regiæ injectit: tum convivæ, &
ministri, pellicesque. Multa cedro ædificata erat
regia, quæ celeriter igne concepto late fudit incen-
dium, quod ubi exercitus, qui haud procul ab ur-
be tendebat, conspexit, fortuitum ratus, ad opem
ferendam concurrit. Sed ut ad vestibulum regiæ
ventum est, vident Regem ipsum adhunc aggeren-
tem faces. Omissa igitur, quam portaverant, aqua,
aridam materiam in incendium jacere cœperunt.
Hunc exitum habuit regia totius Orientis, unde
tot gentes antè jura petebant, patria tot Regum,
unicus quondam Græciæ terror, molita mille na-
vium classem, & exercitus, quibus Europa inun-
data est, contabulato mari molibus, perfossisque
montibus, in quorum specus fretum immisum est.
Ac ne longa quidem ætate, quæ excidium ejus se-
quuta est, resurrexit. Alias urbes habuere Macedo-
num Reges, quas nunc habent Parthi: hujus vesti-
gium non inveniretur, nisi Araxes amnis ostende-
ret. Haud procul moenibus fluxerat. Inde urbem
fuisse xx. stadiis distantem, credunt magis, quam
sciunt accolæ. Pudebat Macedones tam præclararam
urbem à comessabundo Rege deletam esse. Itaque
res in serium versa est, & impetraverunt sibi, ut
crederent, illo potissimum modo fuisse delendam.
Ipsum, ut primùm gravatam ebrietate mentem quies-
reddidit, pœnituisse constat, & dixisse: majores
pœnas Persas Græcis datus fuisse, si ipsum in so-
lio, regiaque Xerxis conspicere coacti essent. Pos-
te-

tero die Lycio , itineris , quo Persidem intraverat,
duci , triginta talenta dono dedit.

C A P U T X V .

*Medium intrat. Supplementum accipit. Darius Ecba-
tana se ad ultimum prælium parat. Syllabus co-
piarum ejus.*

Hinc in regionem Mediæ transit , ubi supplementum novorum militum è Cilicia occurrit. Peditem erant quinque millia , equites mille. Utrisque Plato Atheniensis præerat. His copiis auctus , Darium persequit statuit (8.) Ille jam Ecbatana pervernerat , caput Mediæ. Urbem hanc nunc tenent Parthi : eaque æstiva agentibus sedes est. Adire deinde Baetra decreverat, sed veritus , ne celeritate Alextri occuparetur , consilium , iterque mutavit. Aberat ab eo Alexander stadia MD. Sed jam nullum intervallum adversus celeritatem ejus satis longum videbatur. Itaque prælio magis , quam fugæ se præparabat. Triginta millia peditum sequabantur , in quibus Græcorum erant quatuor millia, fide erga Regem ad ultimum invicta. Funditorum quoque , & sagittariorum manus quatuor millia expleverat. Præter hos tria millia , & ccc. equites erant , maximè Partheniorum. His Bessus præerat, Baetrianæ regionis Præfectus. Cùm hoc agmine Darius paullatim declinavit via militari, jussis præcedere lixis impedimentorum custodibus.

CAPUT XVI.

Oratio Darii, quæ Satrapas suos ad extremum prælium adhortatur.

COncilio deinde advocato : *Si me cum ignavis,*
inquit, & pluris qualemcumque vitam honesta mor-
te estimantibus fortuna junxisset ; tacerem potius,
quam frustrâ verba consumerem. Sed majore, quam
vellent, documento & virtutem vestram, & fidem
expertus, magis etiam conniti debeo, ut dignus ta-
libus amicis sim, quam dubitare, an vestri similes
adhunc sitis. Ex tot millibus, quæ sub Imperio fue-
runt meo, bis me viclum, bis fugientem persequuti
estis. Fides vestra, & constantia, ut Regem me
esse credam, facit. Proditores, & transfugæ in ur-
bibus meis regnant, non hercule, quia tanto hono-
re digni habeantur, sed ut præmiis eorum vestri sol-
licitentur animi. Meam tamen fortunam, quam vic-
toris maluistis sequi, dignissimi, quibus, si ego
non possim, Dii pro me gratiam referant. Et me her-
cule referent. Nulla erit tam surda posteritas, nul-
la tam ingrata fama, quæ non in cœlum vos debitissi
laudibus ferat. Itaque, etiamsi consilium fugæ, à
qua multum abhorret animus, agitassem; vestra tam-
en virtute fretus, obviam issem hosti. Quosque
enim in Regno exulabo, & per fines Imperii mei fu-
giam externum, & advenam Regem, cùm liceat, ex-
perto belli fortunam, aut reparare, quæ amisi, aut
honesta morte defungi? Nisi fortè satius est expecta-
re victoris arbitrium, & Mazæi, & Mithrenis exem-
plœ

plo precarium accipere Regnum nationis unius, ut jam malit, ille gloriæ suæ, quam iræ obsequi. Nec Dii sciverit, ut hoc decus mei capit is aut demere mihi quisquam, aut condonare possit. Nec hoc imperium vivus amittam: idemque erit Regni mei, qui & spiritus finis. Si hic animus, si hæc lex nulli non parta libertas est, nemo è vobis fastidium Mæcedonum, nemo vultum superbum ferre cogetur. Sua cuique dextra, aut ultionem tot malorum pariet, aut finem. Evidem, quām versabilis fortuna sit, documentum ipse sum. Nec immerito mitiores vices ejus exspecto. Sed si juxta, ac pia bella Dii aversantur; fortibus tamen viris licebit honestè mori. Per ego vos decora majorum, qui totius Orientis Regna cum memorabili laude tenuerunt, per illos viros, quibus stipendum Macedonia quondam tulit, per tot navium classes in Græciam missas, per tot trophyæ Regum, oro, & obtestor, ut nobilitate vestra, gentisque dignos spiritus capiatis, ut eadem constantia animorum, quæ præterita tolerastis, experiamini, quidquid deinde sors tulerit. Me certè in perpetuum, aut victoria egredia nobilitavit, aut pugna.

C A P U T X V I I .

Desperatio cum horrore ducum ex oratione Darii concepta. Artabazi fides. Nabarzanis, & Bessi juratio.

(9.) **H**ÆC dicente Dario, præsentis periculi species omnium simul corda, animosque horrore pertinixerat. Nec aut consilium suppetebat, aut vox cùm Artabazus vetustissimus amicorum, quem hos-

pi-

pitem fuisse Philippi sæpè diximus, *Nos vero, inquit, pretiosissimam vestem induit, armisque quanto maximo cultus possumus, adornati Regem in aciem sequemur, ea quidem mente, ut victoriam speremus, mortem non recusemus.* Assenu excepere cæteri hanc vocem. Sed Nabarzanes, qui in eodem consilio erat cum Besso, inauditi anteà facinoris societate inita, Regem suum per milites, quibus ambo prærerant, comprehendere, & vincere decreverant; ea mente, ut, si Alexander ipsos insequutus foret, tradito Rege vivo, inirent gratiam victoris, magni profectò cepisse Darium æstimaturi: sin autem eum effugere potuissent, interfecto Dario, Regnum sibi occuparent, bellumque renovarent. Hoc parricidium cum diu volutassent, Nabarzanes apitum nefariæ spei præparans, *Scio me, inquit, sententiam esse dicturum prima specie haud quaquam auribus tuis gratam.* Sed medici quoque graviores morbos asperis remediis curant: & gubernator, ubi naufragium timet, jactura, quidquid servari potest, redimit. Ego tamen, non ut damnum quidem facias, suadeo; sed ut te, ac Regnum tuum salubri ratione conserves. Diis adversis bellum inimus, & pertinax fortuna Persas urgere non desinit. Novis initis, & omnibus opus est. Auspicium, & imperium alii trade interim, qui tandiu Rex appetetur, donec Asia decedat hostis; victor deinde Regnum tibi reddat. Hoc autem brevi futurum, ratio promittit. Bæstra intacta sunt, Indi, & Sagæ in tua potestate. Tot populi, tot exercitus, tot equitum, peditumque millia ac renovandum bellum vires paratas habent, ut major belli moles super sit, quam exhausta sit. Quid ruimus belluarum ri-

ritu in perniciem non necessarium? Fortium viorum est, magis mortem contemnere; quam odisse vitam. Sæpe tædio laboris ad velitatem sui compelluntur ignavi: at virtus nihil inexpertum omittit. Itaque ultimum omnium mors est; ad quam non pigrè ire satis est. Proinde, si Bactra, quod tutissimum receptaculum est, petimus, Præfectum regionis ejus Bessum, Regem temporis gratiâ statuamus. Compositis rebus, justo Regi tibi fidutiarum restituet imperium.

CAPUT XVIII.

Darius sentit insidias, quas effugere tamen non potuit. Artabazi; & Græcorum cum Patrono fides in eundem. Artabazus pro Rege administrat castra.

HAUD mirum est, Darium non temperasse animos quamquam tam impiaæ voci quantum nefas subbesseret, latebat. Itaque, *Pessimum, inquit, mancipium, reperisti optatum tibi tempus, quo par ricidium aperires?* Strictoque acinace imperfecturus videbatur, ni properè Bessus, Bactrianique, tristium specie, cæterum si perseveraret, vincituri, circumstetissent. Nabarzanes interim elapsus, mox & Bessus consequutus, copias quibus præerant, à cætero exercitus secedere jubent, secretum inituri consilium. Artabazus convenientem præsenti fortunæ sententiam orsus, mitigare Darium, temporum identidem admonens, cœpit. Ferret, æquo animo qualiacumque, suorum tamen, vel stultitiam, vel errorem. Instare Alexandrum gravem, etiamsi omnes

n̄es pr̄estō essent. Quid futurum, si persequuti fu-
gam ipsius alienentur à Rege? Ea re paruit Arta-
bazo. Et quamquam movere castra statuerat, tur-
batis tamen omnium armis, eodem in loco subs-
ttit. Sed aitonitus moestitia simul, & desperatio-
ne, tabernaculo se inclusit. Ergo in castris, quæ
nullius gerebantur imperio, varii animorum motus
erant, nec in commune, ut antea, consulebatur.
Dux Græcorum militum Patron arma capere suos
jubet, paratosque esse ad exequendum imperium.
Persæ secesserant: Bessus cum Bactrianis erat, ten-
tabatque Persas abducere, Bactra, & intactæ re-
gionis opulentiam, simulque, quæ manentibus ins-
tarent pericula ostentans. Persarum omnium eadem
ferè fuit vox, nefas esse deserī Regem. Inter hæc
Artabazus omnibus imperatoriis fungebatur officiis.
Ille Persarum tabernacula circumire, hortari, mo-
nere nunc singulos, nunc universos, non ante des-
ttit, quam satis constaret imperata facturos. Idem
ægrè à Dario impetravit, ut civum caperet, ani-
mumque Regis adverteret.

C A P U T . X I X .

Conjurati artes quærunt, quibus Darium comprehen-
dant. Simulant pœnitentiam; recipiuntur in gratiam.

(10.) **A**T Bessus, & Nabarzanes, olim agitatum
 scelus exequi statuunt, Regni cupiditate accensi.
 Dario autem incolui tantas opes sperare non po-
 terant; quippe in illis gentibus Regum eximia ma-
 jestas est: ad nomen quoque Barbari conveniunt;
 & pristinæ veneratio fortunæ sequitur adversam.

In

Inflabat impios animos regio, cui praeerant, armis,
 virisque, & spatio locorum nulli earum gentium
 secunda. Tertiam partem Asie tenet: multitudo
 juniorum exercitus, quos amiserat Darius, æqua-
 bat. Itaque non illum modò, sed etiam Alexandrum
 spernebant; inde vires imperii reperituri, si re-
 gionis potiri contigisset. Diu omnibus, cogitatis,
 placuit, per miles Bactrianos ad omne obsequium
 destinatos, Regem comprehendere, mittique nun-
 tium ad Alexandrum, qui indicaret vivum asser-
 vari eum. Si id, quod timebant, preditionem as-
 pernatus esset, occisi Darium, & Bactra cum
 suarum gentium manu petituri. Cæterum propalam
 comprehendi Darius non poterat, tot Persarum
 millibus laturis opem Regi. Græcorum quoque fi-
 des timebatur. Itaque, quod non poterant vi, frau-
 de assequi tentant. Pœnitentiam secessionis simula-
 re decreverant, & excusare apud Regem conster-
 nationem suam. Interim, qui Persas solicitarent,
 mittuntur. Hinc spe, hinc metu militares animos
 versant; ruinæ rerum illos subdere capita in perni-
 ciem trahi, cum Bactra pateant, exceptura eos do-
 nis, & opulentia, quantam animis concipere non
 possint. Hæc agitantibus Artabazus supervenit, si-
 ve Regis jussu, sive sua sponte, affirmans, miti-
 gatum esse Darium, & eundem illis amicitiae gra-
 dum petere apud Regem. Illi lacrymantes, nunc
 purgare se, nunc Artabazum orare, ut causam ip-
 sorum tueretur, precesque perforret. Sic peracta
 nocte, sub lucis exortu Nabarzanes cum Bactri-
 anis militibus in vestibulo Prætorii aderat, titulum
 solemnis officii occulto sceleri præferens. Darius,
 signo ad eundem dato, currum pristino more cons-

cendit. Nabarzanes , cæterique parricidæ procumbentes humi , quem paulò post in vinculis habituri erant , sustinuere venerari ; lacrymas etiam pœnitentiæ indices profuderunt. Adeò humanis ingenii parata simulatio est. Præces deinde suppliciter admotæ , Darium naturam simplicem , & mitem , non credere modò , quæ affirmabant , sed etiam flere coegerunt. Ac ne tum quidem cogitati sceleris pœnituit , cum intuerentur , qualem & Regem , & virum fallerent. Ille quidem securus periculi , quod instabat , Alexandri manus , quas solas timebat , effugere properabat.

CAPUT XX.

Patron Græci militis mercede conducti Prætor , aperit Darium conjuratorum simulatam pœnitentiam , & certas insidias.

(II.) **P**atron autem Græcorum Dux præcepit suis , ut arma quæ in sarcinis anteà ferebantur , induerent , ad omne imperium suum parati , & intenti. Ipse currum Regis sequebatur , occasione imminens alloquendi eum. Quippe Bessi facinus præsenserat. Sed Bessus id ipsum metuens , custos verius , quam comes , à curru non recedebat. Diu ergo Patron cunctatus , ac sæpius sermone revocato , inter fidem , timoremque hæsitans , Regem intuebatur. Qui ut tandem advertit oculos , Bubacem spadonem inter proximos currum sequentem percontari jubet , numquid ipse velit dicere. Patron se verò , sed remotis arbitris , loqui veille cum eo , respondebit. Jesusque proprius accedere , sine interprete (nam haud rudis Græciæ linguæ Darius erat) Rex ,

inquit, ex quinquaginta millibus Græcorum supersumus pauci, omnes fortunæ tuæ comites, & in hoc tuo statu iidem, qui florente te, fuimus, quascumque sedes elegeris, pro patria, & domesticis rebus perituri. Secundæ, adversæque res tuæ copulavere nos tecum. Per hanc fidem invictam oro, & obtestor in nostris castris tibi tabernaculum statue, nos corporis tui custodes esse patiaris. Amisimus Græciam, nulla Baſtra sunt nobis. Spes omnis in te; utinam & in cæteris esset. Plura dici non attinet. Custodiam corporis tui externus, & alienigena non deposcerem, si crederem alium posse præstare. Bessus quamquam erat Græci sermonis ignarus, tamen stimulante conscientia, indicium profectò Patronem detulisse credebat. Et interpretis Græci relato sermone, exempta dubitatio est. Darius autem, quantum ex vultu conspici poterat, haud sanè territus, percutari Patrona causam consilii, quod afferret, cœpit. Ille non ultra differendum ratus, Bessus, inquit, & Nabarzanes insidiantur tibi, in ultimo discrimine & fortunæ tuæ, & vitæ. Hic dies, aut particidiis, aut tibi futurus ultimus. Et Patron quidem egregiam conservati Regis gloriam tulerat. Eludant licet, quibus forte, ac timerè humana negotia volvi, agique persuasum est; equidem æterna constitutione crediderim, nexusque causarum latentium, & multò antè destinatarum, suum quemque ordinem immutabili lege percurrere. Darius certè respondit: Quamquam sibi Græcorum militum fides nota sit; numquam tamen à popularibus suis recessurum. Difficilius sibi esse damnare, quam decipi. Quidquid sors tulisset, inter suos perpeti male, quād transfugam fieri. Serò se perire, si sal-

vum esse sui , milites nollent. Patron , desperata sa-
lute Regis , ad eos , quibus præterat , rediit , omnia
pro fide experiri paratus.

CAPUT XXI.

Bessi parricidæ simulata excusatio.

(12.) **A**T Bessus occidendi protinus Regis imperium conceperat. Sed veritus , ne gratiam Alexandri , ni vivum eum tradidisset , inire non posset , dilato in proximam noctem sceleris consilio , age re gratias incipit , quod perfidi hominis insidias. Alexandri opes spectantis , prudenter , cautèque vitasset : donum eum hosti laturum fuisse Regis caput. Nec mirari , hominem mercede conductum omnia habere venalia. Sine pignore , sine lare , terrarum orbis exulem , ancipitem hostem , ad nutum licentium circumferri. Purganti deinde se , Deos que patrios testes fidei suæ invocanti , Darius vultu assentiebatur , haud dubius , quin vera deferrentur à Græcis. Sed eo rerum ventum erat , ut tam periculosum esset non credere suis , quam decipi. Triginta millia erant , quorum inclinata in scelus levitas timebatur. Quatuor millia Patron habebat , quibus si credidisset salutem suam , damnata popularium fide , parricidio excusationem videbat offerri. Itaque præoptabat immerito , quam jure violari. Besso tamen insidiarum consilium purganti respondit , *Alexandri sibi non minus justitiam , quam virtutem esse perspectam. Falli eos , qui proditionis ab eo præmium expectent. Violatæ fidei neminem acriorem fore vindicem , ultoremque.*

CA.

CAPUT XXII.

Darius, ultimum salutato Artabazo, dilapsis custodibus, dimissis spadonibus, per noctem à Besso vincitur; & captivus à suis curru abducitur.

Amque nox appetebat, cùm Persæ more solito armis positis, ad necessaria ex proximo vico fereda discurrunt. At Bactriani (ut imperatum erat à Besso) armati stabant. Inter hæc Darius Artabazum acciri jubet, expositisque, quæ Patron detulerat, haud dubitare Artabazus, qui transeundum esset in castra Græcorum: Persas quoque, periculo vulgato, sequuturos. Destinatus sorti suæ, & jam nullius salubris consilii patiens, unicam in illa fortuna opem, Artabazum, ultimum illum, visurus, amplectitur; perfusisque mutuis lacrymis, inhaerentem sibi avelli jubet: capite deinde velato, ne inter gemitus digredientem velut à tergo intueretur, in humum prounum corpus abjecit. Tum vero custodiæ ejus assueti, quos Regis salutem, vel periculo vitæ tueri oportebat, dilapsi sunt, armatis, quos jam adventare credebant, haud rati se futuros pares. Ingens ergo in tabernaculo solitudo erat, paucis spadonibus (quia quò descenderent, non habebant) circumstantibus Regem. At ille, remotis arbitris, diu aliud, atque aliud consilium animo volutabat. Jamque solitudinem, quam paullò antè pro solatio petiverat, perosus, Bubacem vocari jubet. Quem intuens, Ite, inquit, consulite vobis, až ultimum Regi vestro (ut decebat) fide exhibita. Ego hic legem fati mei expecto. Forsitan miseris, quod vitam non finiam, alieno scelere, quam meo, mori

malo. Post hanc vocem , spado gemitu non modo tabernaculum , sed etiam castra implevit. Irrupere deinde alii , laceratisque vestibus , lugubri , & barbaro ululatu Regem deplorare cœperunt. Persæ , ad illos clamore perlato , attoniti metu , nec arma capere , ne in Bactrianos inciderent ; nec quiescere audebant , ne impiè deserere Regem viderentur. Varius , ac dissonus clamor , sine duce , ac sine imperio , totis castris referebatur. Besso , & Nabazani nuntiaverant sui , Regem à semetipso interemptum esse. Planctus eos deceperat. Itaque citatis equis advolant , sequentibus , quos ad ministerium scelestis delegerant. Et , cum tabernaculum intrassent , quia Regem vivere spadones indicabant , comprehendendi , vincirique jusserunt. Rex curru paullò antè vectus , & Deorum auspiciis à suis honoribus cultus , nulla externa ope admota , captivus servorum suorum , in sordidum vehiculum pellibus undique contectum imponitur. Pecunia Regis , & supellex , quasi jure belli , diripitur. Onustique præda per scelus ultimum parta , fugam intendunt. Artabazus cum iis , qui imperio parebant , Græcisque milibus , Partienem petebat , omnia tutiora parricidarum contuitu ratus. Persæ promissis Bessi onerati , maxime , quia nemo alias erat , quem seque rentur conjunxere se Bactrianis , agmen eorum tertio aequuti die. Ne tamen honos Regi non habetur , aureis compedibus Darium vinciunt , nova ludibria subinde excogitante fortuna. Et ne forte cultu Regio posse agnosci , sordidis pellibus vehiculum intexerant. Ignoti jumenta agebant , ne percuntantibus in agmine monstrari posset : custodes procul sequebantur.

CA-

CAPUT XXIII.

Alexander Darium persequitur.

(13.) **A**lexander, audito Darium movisse ab Ecbatanis; omisso itinere, quod patebat in Medium, fugientem insequi pergit strenuè. Tabas oppidum est in Paretacène ultima. Quo ubi pervenit ibi transfugæ nuntiant, præcipitem fuga Bactra petere Darium. Certiora deinde cognoscit ex Bagysthane Babylonio, non equidem vincitum Regem, sed in periculo esse aut mortis, aut vinculorum. Rex Ducibus convocatis, *Maximum*, inquit, *opus*, *sed labor brevissimus superest*. *Darius haud procul destitutus à suis, aut vincitus, aut oppressus est*. In illo corpore posita est *victoria nostra*: & tanta res celeritatis est *præmium*. Omnes pariter conclamat, patatos ipsum sequi, nec labori, nec periculo parceret. Igitur raptim agmen cursus magis, quam itineris modo dicit, ne nocturna quidem quiete diurnum laborem relaxante. Itaque quingenta stadia processit. Perventumque erat in vicum, in quo Darium Bessus comprehenderat: ibi Melon Darii interpres excipitur. Corpore æger non potuerat agmen sequi: deprehensus celeritate Regis, transfugam se esse simulabat. Ex hoc acta cognoscit. Sed fatigatis necessaria quies erat. Itaque delectis equitum sex millibus, trecentos; quos Dimachas appellant, adjungit. Dorso hi graviora arma portabant; cæterum equis vehebantur: cum res, locusque posceret, pedestris acies erat. Hæc agementem Alexandrum adeunt, Orsillos, & Mythraces,

nes, qui Bessi parricidium exosi transfugerant. Nuntiabantque, stadia quingenta abesse Persas: ipsos brevius iter monstraturos. Gratus Regi adventus transfugarum fuit. Itaque prima vespera, ducibus iisdem, cum expedita equitum manu monstratam viam ingreditur, phalange, quantum festinare posset, sequi jussa. Ipse quadrato agmine incedens, ita cursum regebat, ut primi conjungi ultimis possent. Trecenta stadia processerant, cum occurrit Brocubelus, Mazæi, filius Syriæ quondam Prætor. Is quoque transfuga nuntiabat, Bessum haud amplius, quam ducenta stadia habesse. Exercitum, ut potè qui nihil præcaveret, incompositum, inordinatumque procedere. Hyrcaniam videri petituros. Si festinaret sequi palantibus superventurum. Darium adhuc vivere. Strenuo alioquin cupiditatem consequendi transfuga injecerat. Itaque calcaribus subditis, effuso cursu eunt. Jamque fremitus hostium iter ingredientium exaudiebatur sed prospectum ademerat pulveris nubes. Paulisper ergo inhibuit cursum, donec consideret pulvis.

CAPUT XXIV.

Barbari cum Besso certatim fugiunt. Darius fugientes sequi recusat: vulneratus à suis relinquitur: à Polystrato Macedone reperitur; datis ad Alexandrum mandatis extinguitur.

Jamque conspecti à Barbaris erant, & abeuntium agmen conspicerant, nequaquam futuri pares, si Besso tantum animi fuisset ad prælium, quantum ad parricidium fuerat. Namque, & numero Barbari præstabant, & robore. Ad hoc refecti cum sati-


ga-

gatis certamen inituri erant. Sed nomen Alexandri, & fama, maximum in bello utique momentum, pavidos in fugam convertit. Bessus, & cæteri facinoris ejus participes vehiculum Darii assequuti, coeperunt horiari eum, ut concenderet equum, & se hosti fuga eriperet. Ille Deos ultores adesse testatur, & Alexandri fidem implorans, negat se parridas velle comitari. Tum verò ita quoque accensi, tela injiciunt in Regem multisque confossum vulneribus relinquunt. Jumenta quoque, ne longius proequi possent, convulnerant, duabus servis, qui Regem comitabantur, occisi. Hoc edito facinore, ut vestigia fugæ spargerent, Naborzanes Hyrcaniām, Bessus Bactra, paucis equitum comitantibus, petebant. Barbari ducibus destituti, qua quemque aut spes ducebat, aut pavor, dissipabantur. Quingenti tantum equites congregaverant se, incerti adhuc, resistere ne melius esset, an fugere. Alexander hostium trepidatione comperta, Nicanorem cum equitum parte ad inhibendam fugam præmittit: ipse cum cæteris sequitur. Tria ferme millia resistentium occissa sunt: reliquum agmen more pecudum intactum agebatur, jubente Rege, ut cœdibus abstineretur. Nemo captivorum erat, qui monstrare Darii vehiculum posset. Singuli, ut quemque prehenderant, scrutabantur: nec tamen ullum vestigium fugæ Regis extabat. Festinantem Alexandrum vix tria millia equitum persequuta sunt. At in eos, qui lentiùs sequebantur, incidebant universa fugientium agmina. Vix credibile dictu, plures captivi, quam qui caperent, erant: Adeò omnem sensum territis fortuna penitus excusserat, ut nec hostium paucitatem, nec multitudinem

nem suam satis cernerent. Interim jumenta , quæ Darium vehebant , nullo regente decesserant mili- sari via : & errore delata per quatuor stadia , in quadam valle constiterant , æstu , simulque vulne- ribus fatigata. Haud procul erat fons , ad quem monsiratum à peritis Polystratus Macedo sitis ma- ceratus accessit. Ac , dum galea haustam aquam sorbet , tela jumentorum deficientium corporibus infixa conspexit : miratusque confossa potius , quam abacta esse ; semivivi * (*Quæ sequuntur ab asteris- co , ad bujus lib. finem , ex Just. lib. 2. desumpta sunt* , hominis corpus , cùm proprius accessisset , in sordido vehiculo pellibus contecto , situm reperit: atque Darium , multis quidem vulneribus confos- sum , adhuc tamen spirantem , esse cognovit. Qui applicito captivo , cùm civem ex voce cognovisset , id saltem præsentis fortunæ solatium se habere dixit , quod apud intellecturum loquuturus esset , nec incassum postremas voces missurus: Hæcque Alexandro perferri jubet , se nullis in eum merito- rum officiis , maximorum autem illi debitorem mori. Agere tamen ei maximas gratias pro beneficiis in matrem , conjugem , liberosque suos impensis. Iis enim vitam , & pristini status reverentiam , dig- nitatemque concessam. Sibi autem à cognatis , at- que amicis , quibus , & Regna , & vitam dederit , illa omnia erepta esse. Precari se , ut illi victori terrarum omnium imperium contingat , Ultionem sceleris erga se perpetrati , non solum sua , sed exempli , omniumque Regum causa , non neglige- re , illi cùm decorum , tum utile futurum. Jamque deficiens , aquam poposcit. Quam allatam post- quam bebit ; Polystrato , qui eam tulerat. Quisquis

es

es mortalium, inquit, hoc mihi extremum universæ calamitatis genus accidit, ut pro tanto in me beneficio dignas tibi gratias referre nequeam: at referat Alexander; Alexandro vero Dii, pro ejus summa in meos humanitate, ac clementia; cui hoc fidei Regiæ unicum dextræ pignus pro me dabis. Hæc dicentem, accepta Polystrati manu, vita destituit. Quibus Alexandro nuntiatis, ad corpus demortui preveniens, tam indignam illo fastigio mortem lacrymis prosequutus est, demptaque sibi chlamyde, corpus illius contexit, atque Regio ornatum cultu, ad matrem Sysigambim, patrio, Regioque more sepeliendum, atque Regiis majorum suorum tumulis inferendum, misit.



LIBER VI.

SYNOPSIS.

Allis Lacedæmoniorum Rex ab Antipatro bello vincitur. Alexander hortatur militem ad reliquam Asiam subigendum. Fluvius Zioberis describitur. Nabarzanes cum aliis Satrapis veniam impetrat. Alexander Græcis Darianis parcit. In mores Persarum abit. Bessum bello persequitur. Conjuratio Philotæ, & aliorum detegitur. Philotas tortus cum conjuratis occiditur.

CA-

C A P U T I.

Deest principium de bello Lacedæmoniorum cum Antipatro. Preside Macedonie gesto, in quo victor Antipater, cæsus Agi, Rex Lacedæmoniorum. Victi Legatos mittunt ad Alexandrum. Antipater cautè, & modestè uitit victoria, ne se oneret invia apud Alexandrum.

Pugnæ discrimen immisit, obtruncatisque, qui promptius resistebant, magnam partem hostium propulit. Cooperant fugere victores, &, donec avidius sequentes in planum deduxere, multi cedebant. Sed, ut primùm locus, in quo stare possent, fuit, æquis viribus dimicatum est. Inter omnes tamen Lacedæmonios Rex eminebat: non armorum modò, & corporis specie, sed etiam magnitudine animi, quo uno vinci non potuit. Undique nunc cominùs, nunc eminus petebatur: diuque arma circumferens, alia tela clypeo excipiebat, corpore alia vitabat, donec hasta femora perfossa, plurimo sanguine effusso, destituere pugnantem. Ergo clypeo suo exceptum armigeri raptim in castra refeabant, jactationem vulnerum haud facile tolerantem. Nec tamen omisere Lacedæmonii pugnam; &, ut primùm sibi, quam hosti æquiore locum capere potuerunt, densatis ordinibus, effuse fluentem in se aciem excepere. Non aliud discrimen vehementius fuisse, memoriae proditum est. Duatum nobilissimarum bello gentium exercitus pari Marte pugnabant. Lacedæmonii vetera, Macedones præsentia decora intuebantur. Illi pro libertate, hi pro dominatione pugnabant. Lacedæmoniis Dux, Ma-

ce-

cedonibus locus deerat. Diei quoque unius tam multiplex casus modò spem, modò metum utriusque partis augebat, velut de industria inter fortissimos viros certamen æquante fortuna. Cæterum angustiæ loci, in quo hæserat pugna, non patiebantur totis congregati viribus. Spectabant ergo plures, quām inierant prælium. Et qui extra teli jacutum erant, clamore invicem suos accendebant. Tandem Laconum acies languescere, lubrica arma sudore vix sustinens, pedem deinde referre cœpit; ac urgente hoste, apertè fugere. Insequebatur dissipatos victor, & emensus cursu omne spatium, quod acies Laconum obtinuerat, ipsum Agim persequebatur. Ille, ut fugam suorum, & proximos hostium conspexit, deponi se jussit. Expertusque membra an impetum animi sequi possent, postquam deficere sensit, poplitibus semet excepit; galeaque strenuè sumpta, clypeo protegens corpus, hastam destra vibrabat, ultrò vocans hostem, si quis jacenti spolia demere auderet. Nec quisquam, fuit, qui sustineret cominus congregati. Procul missilibus appetebatur, ea ipsa in hostem retorquens, donec lancea nudo pectori infixa est. Quo ex vulnera evulsa, inclinatum, ac deficiens caput clypeo paulisper excepit: deinde, linquente spiritu pariter; au sanguine, moribundus in arma procubuit. Cecidere Lacedæmoniorum quinque millia, & ccclx. ex Macedonibus haud amplius ccc. Cæterum vix quisquam, nisi saucius, revertit in castra. Hæc Victoria non Spartam modò, sociosque ejus, sed etiam omnes, qui fortunam belli spectaverant, fregit. Nec fallebat, Antipatrum, dissentire ab animis gratulantium vultus, sed bellum finire cupienti

opus

opus erat decipi. Et quamquam fortuna rerum placiebat, invidiam tamen, quia majores res erant, quam quas Præfecti modus caperet, metuebat. Quippè Alexander hostes vinci voluerat. Antipatrum viciisse, ne tacitus quidem, indignabatur, suæ demptum gloriæ existimans, quidquid cessisset alienæ. Itaque Antipater, qui probe nosset spiritum ejus, non est ausus ipse agere arbitrium victoriæ: sed consilium Græcorum, quid fieri placebet, consuluit. A quo Lacedæmonii nihil aliud, quam ut Oratores mittere ad Regem liceret, precati non gravare veniam defectionis, præter autores, impetraverunt. Megalopolitanis, quorum urbs obsessa erat, à defectioni ejus multam Achæis, & Ætolis cxx. talenta dare jussi sunt. Hic fuit exitus belli, quod repente ortum, prius tamen finitum est, quam Darium Alexander apud Arbellam superaret.

C A P U T II.

Alexander victor gentium, à suis ipse vitiis, ebrietate, superbia, libidine vincitur. Regiæ tamen stirpis captivis parcit. Fratrem Darii inter amicos rescribit. Oxydatem Mediæ præficit.

(2.) **S**ed ut primùm instantibus curis laxatus est animus, militarium rerum, quam quietis, otiique patientior, excepere eum voluptates: & quem arma Persarum non fregerant, vitia vicerunt. Intempestiva convivia, & perpotandi, pervigilandique insana dulcedo, ludique, & greges pellicum, omnia in externum lapsa sunt morem: quem æmulatorus quasi potiorem suo, ita popularium animos,

ecu-

oculosque pariter offendit, ut à plerisque amicorum pro hoste haberetur. Tenaces quippè disciplinæ suæ, solitosque parco, ac parabili victu, ad implenda naturæ desideria defungi, in peregrina, & vici tarum gentium mala impulerat. Hinc sæpius comparatæ in caput ejus insidiæ, secessio militum, & liberior inter mutuas querelas dolor; ipsius deinde nunc ira, nunc suspiciones, quas excitabat inconsultus pavor, cæteraque his similia, quæ deinde dicentur. Igitur, cum intempestivis conviviis dies pariter, noctesque consumeret, satietatem epularum ludis interpolabat, non contentus artificum, quos è Græcia excitaverat, turba: quippè captivæ fœminarum jubebantur suo ritu canere inconditum, & abhorrens peregrinis auribus carmen. Inter quas unam Rex ipse conspexit moestiorem, quam cæteras, & producentibus eam verecundæ reluctantem. Excellens erat forma, & formam pudor honestabat. Dejectis in terram oculis, &, quantum licet, ore velato, suspicionem præbuit Regi, nobiliorum esse, quam ut inter convivales ludos deberet ostendi. Ergo interrogata, quænam esset, *nep tem se Ochi, qui nuper regnasset in Persis, filio ejus genitam esset*, respondit, *uxorem Histaspis fuisse*. Propinquus hic Darii fuerat, magni & ipse exercitus Prætor. Adhuc in animo Regis tenues reliquæ pristini moris hærebant. Itaque fortunam Regia stirpe genitæ, & tam celebre nomen reveritus, non dimitti modò captivam, sed etiam restitui ei suas opes jussit; virum quoque requiri, ut reperto conjugem redderet. Postero autem die præcepit Hephæstioni, ut omnes captivos in Regiam juberet adduci. Ubi singulorum nobilitate spectata, secre

vit à vulgo, quorum eminebat genus. Mille hi fuerunt, inter quos repertus est Oxatres Darii frater, non illius fortuna, quam indole animi sui clarior, Oxydates erat nobilis Perses, qui à Dario capitali supplicio destinatus, cohiebatur in vinculis. Huic liberato Satrapiam Mediæ attribuit, fratremque Darii recepit in cohortem amicorum, omni vetustæ claritatis honore servato. XXVI. millia talentorum proxima præda redacta erant: è queis xii. millia in congiarium militum absumpta sunt. Par huic pecuniae summa custodum fraude subtracta est.

CAPUT III.

Rex Parthienem, quam postea Scythæ occuparunt, ingressus, tumultuantem militem oratione sedat; patriam spectantem ad nova bella parat.

Hinc in Parthienem perventum est, tunc ignobilis gentem, nunc caput omnium, qui post Euphratem, & Tigrim amnes siti, Rubro mari terminantur. Scythæ regionem campestrem, ac fertilem occupaverunt, graves adhuc accolæ. Sedes habent, & in Europa, & in Asia. Qui super Bosporum colunt, ascribuntur Asiæ: at qui in Europa sunt, à lævo Thraciæ latere ad Borysthenem, atque inde ad Tanaim alium amnem, recta plaga pertinent. Tanais Europam, & Asiam medius interfluit. Nec dubitatur, quin Scythæ, qui Parthos condidere, non à Bosphoro, sed ex regione Europæ penetraverint. Urbs erat in tempestate clara Hecatompylos condita à Græcis. Ibi stativa Rex habuit, commeatibus undique advectis. Itaque rumor otiosi militis, viritim sine auctore percrebuit,

buit, Regem contentum rebus, quas gessisset, in Macedonia protinus redire statuisse. Discurrunt lymphatis similes in tabernacula, & itineri sarcinas aptant: signum datum crederes, ut vasa colligerent. Totis castris tumultus hinc contubernales suos requirentium, hinc onerantium plausra, perfertur ad Regem. Fecerant fidem rumori temere vulgato Græci milites, redire jussi domos, quorum equitibus singulis denariorum sena millia, dono dederat. Ipsi quoque finem militiae adesse credebant. Haud secùs, quam par erat, territus Alexander, qui Indos, atque ultima Orientis per agrare statuisse, præfectos copiarum in prætorium contrahit: obortisque lacrymis, ex medio gloriae spatio revocari se, vieti magis, quam victoris fortunam in patriam relatûrum, conquestus est: nec sibi ignaviam militum obstare, sed Deorum invidiā, qui fortissimis viris subitum patriæ desiderium admovissent, paulò post in eamdem cum maiore laude, famaque reddituris. Tum verò pro se quisque operam suam offerre, difficillima quæque poscere, polliceri militum quoque obsequium, si animos eorum leni, & apta oratione permulcere voluisset. Nunquam infractos, & abjectos recessisse, quoties ipsius alacritatem, & tanti animi spiritus haurire potuissent. Ita se facturum esse respondit: illi modò vulgi aures præparent sibi. Sisque omnibus, quæ in rem videbantur, compositis, vocari ad concionem exercitum jussit, apud quem talem orationem habuit.

CAPUT IV.

*Multa docet bello perfecta, non pauca perficienda,
nondum adesse finem laborum.*

(3.) **V** Agnitudinem rerum, quas gessimus, milites intuentibus nobis; minimè mirum est, & desiderium quietis, & satietatem gloriæ occurerre. Ut omittam Illyrios, Triballos, Bœtiam, Traciam, Spartam, Achœos, Peloponnesum, quorum, alia ductu meo, alia imperio auspicioque perdomui. Ecce orsi bellum ad Hellespontum, Jonas, & solidem servitio Barbariæ impotentis exemimus. Cariam, Lydiam, Cappadociam, Phrygiam, Paphlagoniam, Pamphiliam, Pisidiam, Ciliciam, Syriam, Phœnicem, Armenia, Persidem, Medos, Parthienem habemus in potestate. Plures Provincias complexus sum, quam alii urbes ceperunt. Et nescio, an enumeranti mihi quædam ipsarum rerum multitudo subduxerit. Itaque, si crederem satis certam esse possessionem terrarum, quas tanta velocitate domuimus, ego vero, milites, ad penates meos, ad parentem, sororesque, & cœteros cives, vel renitentibus vobis, erumperem, ut ibi potissimum parta vobiscum laude, & gloria fruerer, ubi nos uberrima victoriæ præmia expectant, liborum, conjugum, parentumque letitia, pax, quies, rerum per virtutem partarum secura possessio. Sed in novo, & (si verum fateri volumus) precario imperio, adhuc jugum ejus rigida cervice subeuntibus Barbaris, tempore, milites, opus est, dum mitiorique ingenii imbuuntur, & offeratos mollior consuetudo permulcet. Fruges quoque maturitatem statuto tempore expectant. Adeò etiam illa sensus ovinis expertia,

ta-

tamen sua lege mitescunt. Quid? creditis tot gentes alterius imperio, ac nomini assuetas, non sacris, non moribus, non commercio linguae nobiscum cohærentes, eodem prælio domitas esse, quo victæ sunt? Vestris armis continentur, non suis moribus. Et qui præsentes metuunt, in absentia hostile erunt. Cum feris bestiis res est, quas captas, & inclusas, quia ipsarum natura non potest, longior dies mitigat. Et adhuc sic ago, tanquam omnia subacta sint armis, quæ fuerunt in ditione Darii. Hyrcaniam Nabarzanes occupavit, Bactra non solum possidet parricida Bessus, sed etiam minatur. Sogdiani, Dahæ, Massagetae, Sagæ, Indi sui juris sunt. Omnes hi simul, si terga nostra viderint, sequentur. Illi enim ejusdem nationis sunt; nos alienigenæ, & externi. Suis autem quique parent placidius, etiam cum is præest, qui magis timeri potest. Proinde, aut quæ cepimus, omittenda sunt, aut quæ non habemus, occupanda. Sicut in corporibus ægris, milites, nihil, quod nocitum est, medici relinquunt, sic nos, quidquid obstat imperio, recidamus. Parva sœpè scintilla contempta magnum excitavit incendium. Nil tuto in hostile despicitur; quem spreveris, valentiores negligentia faciet. Ne Darius quidem hereditarium Persarum accepit imperium, sed in sedem Cyri beneficio Bagoæ castrari hominis admissus: ne vos magno labore credatis Bessum vacuum Regnum occupaturum. Nos vero peccavimus, milites, si Darium ob hoc vicimus, ut servo ejus traderemus imperium, qui ultimum aussus scelus, Regem suum etiam externæ opis egentem, certè cui nos victores pepercissimus, quasi captivum in vinculis habuit, ad ultimum, ne à nobis conservari posset, occidit. Hunc vos regnare patiemini? quem equidem cruci affixum vide-

re festino, omnibus Regibus, gentibus fidei, quam
violavit, meritas pœnas solventem. At herculè, si mox
eundem Græcorum urbes, aut Hellespontum vastare
nuntiatum erit vobis, quo dolore afficiemini, Bessum
præmia vestræ occupasse victoriæ? Tunc ad repeten-
das res festinabitis, tunc arma capietis. Quanto au-
tem præstat, territum adhuc, & vix mentis suæ com-
potem opprimere? Quatridui nobis iter superest, qui
tot proculcavimus nives, tot amnes superavimus, tot
montium fuga transcurrimus. Non mare illud, quod
exæstuans iter fluctibus occupat, eentes nos moratur:
non Cilicæ fauces, & angustiæ includunt: plana om-
nia, & prona sunt. In ipso limine victoriæ stamus. Pau-
ci nobis fugitivi, & domini sui imperfectores super-
sunt. Egregiam me herculè opus, & inter præmia
gloriæ vestræ numerandum, posteritati, famæque tra-
detis: Darii quoque hostis, finito post mortem ejus
odio, parricidas esse vos ultos, neminem impium ef-
fugisse manus vestras. Hoc perpetrato, quanto cre-
ditis Persas obsequentiores fore, cùm intellexerint,
vos pia bella suscipere, & Bessi sceleri, non nominis
suo irasci?

CAPUT V.

Rex moveat castra versus Hyrcaniam. Describitur mirum Zioberis fluminis ingenium.

(4.) **S**UMMA militum alacritate , jubentium , quo-
cumque vellet , duceret , oratio excepta est . Nec
Rex moratus impetum ; tertioque per Parthienem
die ad fines . Hyrcaniæ penetrat , Cratero relicto
cum iis copiis , quibus præerat , & ex manu , quam
Amyntas ducebat , additis sexcentis equitibus , &
totidem sagittariis , ut ab incursione barbarorum
Parthienem tueretur . Eriguum impedimenta , mo-
dico præsidio dato , campestri itinere ducere ju-
bet . Ipse cum phalange , & equitatu cl. stadia emen-
sus , castra in valle , qua Hyrcaniam adeunt , com-
munit . Nemus præaltis , densisque arboribus um-
brosum est , pingue vallis solum rigantibus aquis ,
quæ ex petris eminentibus manant . Ex ipsis radi-
cibus montium Zioberis amnis effunditur , qui ferè
tria stadia in longitudinem universus fluit ; deinde
saxo , quod alveolum interpolat , repercussus , duo
itinera velut dispensatis aquis apperit : inde torrens ,
& saxorum , per quæ incurrit , asperitate violen-
tior , terram præceps subit , per ccc. stadia condi-
tus labitur : rursusque velut ex alio fonte concep-
tus editur , & novum alveum intendit , priore sui
parte spatiösior , quippe in latitudinem xiii. stadio-
rum diffunditur : rursusque angustioribus coercitus
ripis iter cogit : tandem in alterum amnem cadit ,
cui Rhydago nomen est . Incolæ affirmabant , quæ-
cumque dimissa essent in cavernam , quæ propior
est fonti , rursus , ubi aliud os amnis aperit , exis-

tere. Itaque Alexander duos tauros, quæ subeunt aquæ terram, præcipitari jubet, quorum corpora, ubi rursus erutmpit, expulsa videre, qui missi erant, ut exciperent.

CAPUT VI.

Nabarzani Bessi socio supplici promittit veniam, & publicam fidem.

Quartum jam diem eodem loco quietem militi dederat, cùm litteras Nabarzanis, qui Darium cum Besso interceperat, accipit, quarum sententia hæc erat: *Se Dario fuisse inimicum, immò etiam, quæ credidisset utilia esse, suasisse: & quia fiæle consilium Regi dedisset, propè occisum ab eo. Agitasse Darium, custodiam corporis suis contra jus, fasque peregrino milite tradere, damnata popularium fide, quam per ducentos, & triginta annos inviolatam Regibus suis præstitissent Persæ. Se in præcipiti, & lubrico stantem, consilium à præsenti necessitate reperisse, Darium quoque, cum occidisset Bagoam, hac excusatione satisfecisse popularibus, quod insidiantem interemisset. Nihil esse miseris mortalibus spiritu charius. Amore ejus ad ultima esse propulsum: sed ea magis esse sequutum, quæ coëgisset necessitas, quam quæ optasset. In communi calamitate suam quemque habere fortunam. Si venire se jubere, sine metu esse venturum. Non timere, ne fidem datam tantus Rex violaret. Deos à Deo falli non solere. Cæterum si, cui fidem daret, videretur indigens, multa exilia patere fugienti. Patriam esse, ubi-*

ubicumque vir fortis sedem elegerit. Nec dubitavit Alexander fidem, quo Persæ modo accipiebant dare, inviolatum, si venisset, fore.

C A P U T V I I.

Hyrcaniam ingreditur; quam Curtius cum Caspio mari describit.

QUADRATO tamen agmine, & composito ibat, speculatores subinde præmittens, qui explorarent loca. Levis armatura ducebat agmen: phalanx eam sequebatur. Post pedites erant impedimenta. Et gens bellicosa, & natura situs, difficilis aditu, curam Regis intenderat. Namque perpetua vallis jacet, usque ad mare Caspium patens. Duo terræ ejus velut brachia excurrunt; media fluxu modico sinum faciunt, Lunæ maximè similem, cum eminent cornua, nondum totum orbem sidere implente. Cerctæ, Morsyni, & Chalybes à lœva sunt; ab altera parte Leucosyris, & Amazonum campi: & illos quâ vergit ad Septentrionem, hos ad occasum conversa prospectat. Mare Caspium dulcior cæteris, ingentis magnitudinis serpentes alit, piscium longè diversus ab aliis color. Quidam Caspium, quidam Hyrcanum appellant. Alii sunt, quæ Mæotim paludem in id cadere putent: & argumentum afferunt, aquam, quo dulcior sit, quam cætera maria, infuso Paludis humore mitescere. A Septentrione ingens in litus mare incumbit, longèque agit fluctus, & magna parte exæstuans stagant. Idem alio cœli statu recipit in se fretum; eodemquè impetu, qua effusum est, relabens, terram naturæ suæ reddit. Et quidem credidere, non Caspium mare esse, sed ex India in Hyrcaniam cade-

re:

re: cuius fastigium (ut suprà dictum est) perpetua valle submittitur. Hinc Rex viginti stadia processit, semita propemodùm invia, cui sylva imminebat: torrentesque, & eluvies iter morabantur. Nullo tamen hoste obvio penetravit, tandemque ad ulteriora per ventum est. Præter alios commeatus, quorum tum copia regio abundabat, pomorum quoque ingens modus nascitur; & uberrimum gignendis uvis solum est. Frequens arbor faciem querqus habet, cuius folia multo melle tinguntur. Sed, nisi solis ortum incolæ occupaverit, vel modico tempore succus extinguitur.

C A P U T V I I I .

Satrapas Persarum supplices in fidem accipit. Artabazo etiam dextram porrigit. Græcis ignoscit, præter Lacedemonios in custodiam datos. Democrates Atheniensis jus sibi gladio dicit.

Triginta hinc stadia processerat, cùm Phrataphernes ei occurrit, seque, & eos, qui pcst Darii mortem profugerant, dedens. Quibus benignè exceptis, ad oppidum Arvas pervenit. Hic ei Craterus, & Erygus occurrunt, Præfectum Tapyrorum gentis Phradatem adduxerant. Hic quoque in fidem receptus, multis exemplo fuit experiendi clementiam Regis. Satrapem deinde Hyrcaniæ dedit Menapim. Exul hic, regnante Ocho, ad Philippum pervenerat. Tapyrorum quoque gentem Phradati reddit. (5.) Jamque Rex ultima Hyrcaniæ intraverat, cùm Artabazus, quem Dario fidissimum fuisse supra diximus, cum propinquis Darii, ac suis liberis, modicaque

Græ-

Græcorum militum manu , occurrit. Dextram ve-
 nienti obtulit Rex , quippe , & hospes Philippi fue-
 rat, cùm, Ocho regnante, exularet , & hospitii pig-
 nora in Regem suum ad ultimum fides conservata
 vincebat. Comiter igit̄ exceptus, *Tu quidem , in-*
quit , Rex perpetua felicitate floreas. Ego cæteris
lætus hoc uno torqueor , quòd præcipiti senectute diù
frui tua bonitate non possunt. Nonagesimum &
quintum annum agebat. Novem juvenes eadem
matre geniti patrem comitabantur. Hos Artabazus
dextræ Regis admovit , precatus , ut tamdiu vive-
rent , donec utiles Alexandro essent. Rex pedibus
iter plerumque faciebat. Tunc admovevi sibi , &
Artabazo equos jussit , ne , ipso ingrediente pedi-
bus , senex equo vehi erubesceret. Deinde , ut cas-
tra sunt posita , Græcos , quos Artabazus adduxerat ,
convocari jubet. At illi , nisi Lacedæmoniis quoque
fides daretur , respondent , se , quid agendum ipsis
foret , deliberaturos. Legati erant Lacedæmoniorum
missi ad Darium , quo victu applicaverant se Græ-
cis mercede apud Persas militantibus. Rex , omissis
sponsonum , fideique pignoribus , venire eos jussit ,
fortunam , quam ipse dedisset , habituros. Diu cunc-
tantes , plerisque consilia variantibus , tandem ven-
tueros , se pollicentur. At Democrats Atheniensis ,
qui maximè Macedonum opibus semper obstiterat ,
venia desperata , gladio se transfixit. Cæteri , sicut
constituerant , ditioni Alexandri se ipsos permittunt.
Mille , & quingenti milites erant ; præter hos Le-
gati ad Darium missi xc. In supplementum distri-
butus milles. Cæteri remissi donum , præter Lace-
dæmonios , quos tradi in custodiam jussit.

C A P U T . I X.

Mardos ferant gentem domat.

MArorum erat gens ~~confinis~~ Hyrcaniæ , cultu
vitæ aspera , & latrociniis assueta. Hæc sola nec
legatos miserat , nec videbatur imperata factura.
Itaque Rex indignatus , si una gens posset efficere,
ne invictus esset , impedimentis cum præsidio relic-
tis , invicta manu comitante , procedit. Noctu iter
fecerat ; & prima luce hostis in conspectu erat.
Tumultus magis , quām prælium fuit. Deturbati ex
collibus , quos occupaverant , Barbari profugiunt;
proximique vici ab incolis deserti capiuntur. Inte-
riora regionis ejus haud sanè adire sine magna ve-
xatione exercitus poterat. Juga montium , præaltæ
sylvæ , rupesque inviaæ sepiunt : ea , quæ plana sunt ,
novo munimenta genere impedierant Barbari. Ar-
bores densæ sunt ex industria consitæ , quantum
teneros adhuc ramos manu flectunt , quæs intortos
rursùs inserunt terræ ; inde velut ex alia radice læ-
tiores virent trunci : hos , quæ natura fert , adoles-
cer non sinunt , quippe alium alii quasi nexu con-
serunt ; qui ubi multa frande vestiti sunt , oppre-
riunt terram. Itaque occulti nexus ramorum , velut
laquei , perpetua sepe iter claudunt. Una ratio erat ,
cædendo aperire saltum. Sed hoc quoque magni
operis. Crebri namque nodi duraverant stipites ; &
in se implicari arborum rami , suspensis circulis si-
miles , lento vimine frustrabantur iactus. Incolæ au-
tem ritu fararum virgulta subire soliti , tum quo-
que intraverant saltum , occultisque telis hostem la-
cescebant. Ille venantium modo latibula scrutatus ,
ple-

plerosque confodit. Ad ultimum circuire saltum milites jubet, ut, si qua pateret iter, irrumperent. Sed ignotis locis plerique oberrabant. Excepti sunt quidam, inter quos equus Regis, (Bucephalum vocabant) quem Alexander non eodem, quos ceteras pecudes, animo aestimabat. Namque ille nec in dorso insidere suo patiebatur alium; & Regem, cum vellet ascendere, sponte sua genua submittens, excipiebat, credebaturque sentire, quem veheret. Majore ergo, quam decebat, ira simul, ac dolore stimulatus, equum vestigari jubet, & per interpretem pronuntiari, ni reddidissent, neminem esse victurum. Hac denuntiatione territi, cum cæteris donis equum adducunt. Sed nec sic quidem mitigatus, cædi sylva jubet, aggestaque humo è montibus, planitiem ramis impeditam exaggerari. Jam aliquantulum altitudinis opus creverat, cum Barbari, desperati, regionem, quam occupaverant, posse retineri, gentem suam dedidere. Rex, obsidibus acceptis, Phradati tradere eos jussit. Indè quinto die in stativa revertitur. Artabazum deinde, geminato honore, quem Darius habuerat, ei remittit domum.

CAPUT X.

Nabarzani Præsidi Hyrcaniæ in Bogoæ gratiam ignoravit. Thalestris Amazonum Regina Alexandrum adit, liberisque conceptis, post 13. dies reddit ad suos.

JAM ad urbem Hyrcaniæ, in qua Regia Darii fuit, ventum erat. Ibi Nabarzanes, accepta fide, occurrit, dona ingentia ferens. Inter quæ Bagoas erat specie singulari spado, atque in ipso flore pueri-

ritiae, cui, & Darius fuerat assuetus, & mox Alexander assuevit, ejusque maximè precibus motus, Nabarzani ignovit. Erat, ut suprà dictum est, Hyrcaniæ finitima gens Amazonum, circa Thermodoonta amnem, Themiscyre incolentium campos. Reginam habebant Thalestrim, omnibus inter Caucasum montem, & Phasim amnem imperantem. Hæc cupidine visendi Regis accensa, finibus Regni sui excessit. Et cùm haud procul abesset, præmissit indicantes, venisse Reginam, adeundi ejus, cognoscendique avidam. Protinus, facta potestate veniendi, cæteris jussit subsistere, ccc. foeminarum comitatu processit. Atque, ut primùm Rex in conspectu fuit, equo ipsa desiliit, duas lanceas dextra præferens. Vestis non toto Amazonum corpore obducitur. Nam lœva pars ad pectus est nuda; cætera inde velantur. Nec tamen sinus vestis, quem nodo colligunt, infra genua descendit. Altera papilla intacta servatur, qua muliebris sexus liberos alant: aduritur dextera, ut arcus facilius intendant, & tela vibrent. Interritu vultu Regem Thalesiris intuebatur, habitum ejus haudquaquam rerum famæ parem oculis perlustrans: quippe omnibus Barbaris in corporum majestate veneratio est; magnorumque operum non alios capaces putant, quam quos eximia specie donare natura dignata est. Cæterum interrogata, num aliquid petere vellet, haud dubitat fateri, ad communicandos cum Rege liberos se venisse, dignam, ex qua ipse Regni generaret heredes, foeminei sexus se retenturam, marem reddituram patri. Alexander, an cum ipso militare vellet? interrogat: Et illa, causata sine custode Regnum reliquisse, petere perseverabat,

ne

ne si irritat^m spei pateretur abire. Actior ad Venetum fœminæ cupidus quam Regis, ut paucos dies subsisteret, pertulit Tredecim dies in obsequium desiderii ejus absumpti sunt. Tum illa Regnum suum, Rex Parthienem petiverunt.

C A P U T X I.

Alexander mutat leges, totusque à se abit in vicia.

(6.) **H**IC verò pallam cupiditates suas solvit; continentiamque, & moderationem, in altissima quaque fortuna eminentia bona, in superbiam, ac lasciviam vertit. Patrios mores, disciplinamque Macedonum Regum salubriter temperatam, & civilem habitum, velut leviora magnitudine sua dicens, Persicæ Regiæ par Deorum potentiae fastigium æmulabatur. Jacere humi venerabundos pati cœpit; paullatimque servilibus ministeriis tot victores gentium imbuere; & captivis pares facere expetebat. Itaque purpureum diadema distinctum albo, quale Darius habuerat, capiti circumdedit, vestemque Persicam sumpsit, ne omen quidem veritus, quod à victoris insignibus in devicti transiret habitum. Et ille se quidem Persarum spolia gestare dicebat. Sed cum illis quoque mores induerat; superbiamque habitus animi insolentia sequebatur. Literas quoque, quas in Europam mitteret, veteris nulli gemma obsignabat: iis, quas in Asiam scriberet, Darii annulus imprimebatur, ut appareret, unum animum duorum non capere fortunam. Amicos verò, & equites, unaque principes militum, aspernantes quidem, sed recusare non ausos, Persicis

eis ornaverat vestibus. Pellices ccc. & Ix. totidem, quot Darii fuerant, Regiam implebant, quas spadonum greges, & ipsi muliebria pati assueti, sequebantut. Hæc luxu, & peregrinis infecta moribus, veteres Philippi milites, rudis natio ad voluptates, palam aversabantur. Totisque castris unus omnium sensus, ac sermo erat, plus amissum victoria, quam bello quæsitum esse. Tum maximè vinci ippos, dedique alienis moribus, & externis: tantæ moræ pretium, domos quasi in captivo habitu reversuros: pudere jam sui Regem victis, quam victoribus similiorem, ex Macedoniæ Imperatore Darii Satrapem factum. Ille non ignarus, & principes amicorum, & exercitum graviter offendit, gratiam liberalitate, donisque recuperare tentabat. Sed, ut opinor, liberis pretium servitudinis ingratum est. Igitur, ne in seditionem res verteretur, otium interpellandum erat bello, cuius materia opportune dabatur.

C A P U T X I I .

In Bessum movet castra. Satibarzanem in fidem accipit; eundem mox deficientem mox persequitur. Rupem expugnat.: Attacacnam occupat; civibus ignoscit.

NAmque Bessus, veste Regia sumpta, Artaxerxem appellari se jusserset; Scythasque, & cæteros Tanais accolas contrahebat. Hæc Satibarzanes nuntiabat, quem receptum in fidem, regioni, quam anteobtem obtinuerat, præfecit. Et cum grave spoliis, apparatuque luxuriæ agmen vix moveretur, suas primùm, deinde totius exercitus sarcinas, exceptis admodum necessariis, conferri jussit in medium.

Pl-

Planities spatiose erat, in quam vehicula onusta perduxerant. Expectantibus cunctis, quid deinde esset imperatus, jumenta jussit abduci, suisque primùm sarcinis face subdita, cæteras incendi præcepit. Flagrabant exurentibus dominis, quæ ut intacta ex urbibus hostium raperent, sæpè flamas restrinxerant, nullo sanguinis pretium audente deflere, cùm Regias opes idem ignis exureret. Brevis deinde oratio mitigavit dolorem, habilesque militiæ, & ad omnia parati, lætabantur sarcinorum potius, quām disciplinæ fecisse jacturam. Igitur Bactrianam regionem petebant. Sed Nicanor Parmenionis filius, subita morte correptus, magno desiderio sui affecerat cunctus. Rex ante omnes mœstus cupiebat quidem subsistere, funeri affuturus; sed pœnuria commeatum festinare cogebat. Itaque Philotas cum duobus millibus, & DC. relictus, ut justa fratri persolveret, ipse contendit ad Bessum. Iter facienti litteræ ei afferuntur à finitimis Satraparum; è quibus cognoscit, Bessum quidem hostili animo occurrere cum exercitu; cæterum Satibarzanem, quem Satrapem Ariorum ipse præfecisset, defecisset ab eo. Itaque quamquām Besso imminebat, tamen ad Satibarzanem opprimendum præverti optimum ratus, levem armaturam, & equestres copias educit, totaque nocte strenuè facto itinere, improvisus hosti supervenit. Cujus cognitu adventu, Satibarzanes cum duobus millibus equitem (nec enim plures subito contrahi poterant) Bactra perfugit: cæteri proximos montes occupaverunt. Prærupta rupes erat, qua spectat Occidentem: eadem, qua vergit ad Orientem, leniore sumissa fastigio, multis arboribus obsita,

perennem habet fontem, ex quo largæ aquæ manant. Circuitus ejus triginta & duo stadia comprehendit. In vertice herbidus campus. In hoc multitudinem imbellem considere jubent. Ipsi, qua rupes erat, arborum truncos, & saxa obmoliuntur. **XIII.** millia armata erant. In horum obsidionem Cratero relicto, ipse Satibarzanem sequi festinat; &, quia longius eum abesse cognoverat, ad expugnandos eos, qui edita montium occupaverant, reddit. Ac primò repurgari jubet, quidquid ingredi posset. Deinde, ut occurrerant inviæ cotes, præruptæque rupes, irritus labor videbatur, obstante natura. Ille, ut erat animi semper obluntantis difficultatibus, cum & progredi arduum, & reverti periculosum esset, versabat se ad omnes cogitationes, aliud, atque aliud (ut solet, ubi prima quæque damnamus) subjiciente animo. Hæsitanti, quod ratio non potuit, fortuna consilium subministravit. Vehemens Favonius erat, & multam materiam ceciderat miles, aditum per saxa molitus. Hæc vapore torrida inaruerat. Ergo aggerari alias arbores jubet, & igni dari alimenta. Celeriterque stipitibus cumulatis, fastigium montis æquatum est. Tunc undique ignis injectus cuncta comprehendit. Flammam in ora hostium ventus rebat: fumus ingens velut quadam nube absconderat cælum. Sonabant incendio sylvæ, atque ea quoque, quæ non incenderet miles, concepto igne, proxima quæque adurebant Barbari suppliciorum ultimum, si qua intermoreretur ignis, effugere tentabant. Sed, quæ flamma dederat locum, hostis obstabat. Varia igitur cæde consumpti sunt. Alii in medios ignes, alii in petras præcipitavere se, qui-

quidam manibus hostium se obtulerunt, pauci se-miustulati venere in potestatem. Hinc ad Crate-
rum, qui Artacacnam obsidebat, rediit. Ille, omni-
bus præparatis, Regis expectabat adventum, captæ
urbis titulo (sicut par erat) cedens. Igitur Alexan-
der turres admoveri jubet. Ipsoque aspectu territi
Barbari, è muris supinas manus tendentes, orare
cœperunt, iram in Satibarzanem defectionis aucto-
rem reservaret, supplicibus semet dedentibus par-
ceret. Rex, data venia, non obsidionem modò sol-
vit, sed omnia sua incolis reddidit.

C A P U T X I I I .

*Supplementum accipit. Drancas adit; quorum Prae-
tor Barzaentes ad Indos profugit.*

AB hac urbe digresso, supplementum novorum militum occurrit. Zoylus quingentos equites ex Græcia adduxerat, tria millia ex Illyrico Antipater miserat. Thesali equites centum, & triginta cum Philippo erant. Ex Lydia duo millia, & sexcenti, peregrini milites, advenerant: tercenti equites gentis ejusdem sequebantur. Hac manu adjecta, Drancas pervenit. Bellicosa natio est. Satrapes erat Barzaentes, sceleris in Regem suum particeps Bes-
so. Is suppliciorum, quæ meruerat, metu, profu-
git in Indianam.

CAPUT XIV.

Conjuratio in Alexandrum per Nicomachum, & Ceballinum detegitur. Dymnus seipsum ferro induit.

J

(7.) **J**AM nonum diem stativa erant, cum externa vi non tutus modò Rex, sed invictus, intestino facinore petebatur. Dymnus modicæ apud Regem auctoritatis, & gratiæ, exoleti, cui Nicomacho erat nomen, amore flagrabat, obsequio uni sibi dediti corporis victus. Is, quod ex vultu quoque perspici poterat, similis attonito, remotis arbitris, cum juvēne secessit in templum, arcana se, & silenda afferre præfatus. Suspensumque expectatione, per mutuam charitatem, & pignora utriusque animi rogat, ut affirmet jure jurando, quæ commisisset, silentio esse tecturum. Et ille ratus, nihil quod etiam cum perjurio detegendum foret, indicaturum, per præsentes Deos jurat. Tum Dymnus aperit, in tertium diem insidias Regi comparatas, seque ejus consilii fortibus viris, & illustribus esse participem. Quibus juvenis auditus, se verò fidem in parricidio dedisse constanter abnuit, nec ulla religione, ut scelus tegat, posse constringi. Dymnus & amore, & metu amens, dextram exoleti complexus, & lacrymans, orare primum, ut particeps consilii, operisque fieret. Si id sustinere non posset, attamen ne proderet se, cujus erga ipsum benevolentiae præter alia hoc quoque haberet fortissimum pignus, quot caput suum permisisset fidei adhuc inexpertæ. Ad ultimum aversari scelus perseverantem, metu mortis terret: ab illo capite con-

conjuratos pulcherrimum facinus inchoatueros, Alias deinde effeminatum, & muliebriter timidum, alias proditorem amatoris appellans; nunc ingentia promittens, interdumque Regnum quoque, versabat animum tanto facinore procul abhorrentem. Strictum deinde gladium modò illius, modò suo admovens jugulo, supplex idem, & infestus expressit, ut tandem non solùm silentium, sed etiam operam polliceretur. Namque abundè constantis animi, & dignus, qui pudicus esset, nihil ex pristina voluntate mutaverat, sed captum Dymni amore simulabat nihil recusare. Sciscitari deinde pergit, cum quibus tantæ rei societatem inisset. Plurimū referre, quales viri tam memorabili operi admoturi manus essent. Ille & amore, & scelere male sanus, simul gratias agit, simul gratulatur, quod fortissimis juvenum non dubitasset se jungere, Demetrio corporis custodi, Peuculao, Nicanori. Adjicit his Aphœbetum, Locœum, Dioxenum, Archeopolim, & Amyntam. Ab hoc sermone dimissus Nichomacus, ad fratrem (Ceballino erat nomen) quæ acceperat, defert. Placet ipsum subsistere in tabernaculo, ne, si Regiam intrasset, non assuetus adire Regem, conjurati proditos se esse resciscerent. Ipse Ceballinus ante vestibulum regiæ (neque enim propriùs aditus ei patebat) consistit, opperiens aliquem ex prima cohorte amicorum, ut introduceretur ad Regem. Fortè, cæteris dimisis, unus Philotas Parmenionis filius, incertum, quam ob causam, substiterat in regia. Huic Ceballinus ore confuso magnæ perturbationis notas præseferens, aperit, quæ ex fratre compererat; & sine cuncta-

tatione nuntiari Regi jubet. Philotas, laudato eo, protinus intrat ad Alexandrum : multoque invicem de aliis rebus consumpto sermone , nihil eorum, quæ ex Ceballino cognoverat , nuntiat. Sub vesperam eum prodeuntem in vestibulo regiæ , excipit juvenis , an mandatum exequutus foret , requirens. Ille non vacasse sermoni suo Regem causatus , discessit. Posterò die Ceballinus venienti in regiam prestò est : intrantemque admonet pridie communicatæ cum ipso rei. Illæ curæ sibi esse respondit ; ac ne tum quidem Regi , quæ audierat, aperiit. Cœperat Ceballino esse suspectus. Itaque non ultra interpellandum ratus , nobili juveni (Metron erat ei nomen) super armamentarium posito, quod scelus pararetur , indicat. Ille , Ceballino in armamentario abscondito , protinus Regi corpus fortè curanti , quid ei index detulisset, ostendit. Rex , ad comprehendendum Dymnum missis satellitibus, armamentarium intrat. Ibi Ceballinus gaudio eletus , *Habeo te*, inquit , *incolumen ex impiorum manibus ereptum*. Percontatus deinde Alexander , quæ noscenda erant , ordine cuncta cognoscit. Rursusque institit quærere , quotus dies esset , ex quo Nicomachus ad eum detulisset indicium. Atque illo fatente , jam tertium esse, existimans haud incorrupta fide tantò post deferre, quæ audierat , vinciri eum jussit. Ille clamitare cœpit , eodem temporis momento , quo audisset, ad Philotam detulisse , ab eo percontaretur. Rex item quærens an Philotam adisset , an institisset ei , ut perveniret ad se , perseverante eo affirmare , quæ dixerat , manus ad cœlum tendens , manantibus lacrymis , hanc sibi à charissimo quondam

dam amicorum relatam gratiam querebatur. Inter hæc Dymnus, haud ignarus, quam ob causam accerseretur à Rege, gladio, quo fortè erat cinctus, graviter se vulnerat: occursuque satellitum inhibitus, præfertur in Regiam. Quem intuens Rex, *Quod, inquit, in te Dymne tantum cogitavi nefas, ut tibi Macedonum Regno dignior Philotas me quoque ipso videretur?* Illum jam defecerat vox. Itaque edito gemitu, vultuque à conspectu Regis averso, subinde collapsus extinguitur.

CAPUT XV.

Philotæ accersito, & se de conjurationis suspicione purganti Rex primùm ignoscit: sed amicorum consilio mox comprehendendi jubet.

REX, Philota venire in Regiam jusso, *Ceballinus*, inquit, *ultimum supplicium meritus, si in caput meum præparatas insidias biduo texit, hujus criminis reum Philotam substituit, ad quem protinus indicium detulisse se affimat. Quo propiore gradu amicitiae me contingis, hoc majus est dissimulationis tuæ facinus.* Et ego Ceballino magis, quam Philotæ id convenire fateor. Faventem habes judicem, si quod amitti non opportuit, saltem negari potest. Ad hæc Philotas, haud sanè trepidus, si animus vultu æstimaretur, Ceballinum quidem scorti sermonem ad se detulisse, sed ipsum tam levi auctori nihil credidisse, respondit, veritum, ne jurgium inter amatorem & exoletum non sine risu aliorum detulisset: cum Dymnus interemerit seipsum, qualiacumque erant, non fuisse reticenda. Complexusque Regem, orare cœpit, ut præteritam vitam

potius, quam culpam, silentii tamen non facti ullius, intueretur. Haud facile dixerim, crediderit ne ei Rex, an altius iram suppresserit. Dextiram reconciliatæ gratiæ pignus obtulit, & contemptum magis, quam celatum indicium esse, videri sibi dixit. (8.) Advocato tamen consilio amicorum, cui tum Philotas exhibitus non est, Nicomachum introduci jubet. Is. eadem, quæ detulerat ad Regem, ordine exposuit. Erat Craterus Regi charus in paucis, & eo Philotæ ob æmulationem dignitatis adversus. Neque ignorabat, saepè Alexandri auribus nimia jactatione virtutis, atque opere gravem fuisse, & ob ea non quidem sceleris, sed contumaciæ tamen suspectum. Non aliam præmendi inimici occasionem aptiorem futuram ratus, odio suo pietatis præferens speciem, *Utinam, inquit, in principio quoque hujus rei nobiscum deliberasses. Suassissemus, si Philotæ velles ignoscere, pateris potius ignorare eum, quantum deberet tibi, quam usque ad mortis metum ad ductum cogeres potius de periculo suo, quam de tuo cogitare beneficio. Ille enim semper insidiari tibi poterit: tu non semper Philotæ poteris ignoscere. Nec est, quod existimes, eum, qui tantum facinus ausus est, venia posse mutari. Scit eos, qui misericordiam consumpserunt, amplius sperare non posse. At ego, etiamsi ipse vel pænitentia, vel beneficio tuo vietus quiescere volet, patrem ejus Parmenionem, tanti Duce exercitus, & inveterata apud milites tuos auctoritate, haud multum infra magnitudinis tuæ fastigium positum, scio non æquo animo salutem filii sui debitaram tibi. Quædam beneficia odimus. Meruisse mortem, confiteri pudet.*

Su-

Saperest, ut mali videri injuriam accepisse, quam vitam. Proinde scio tibi cum illis de salute esse pugnandum. Satis hostium superest, ad quos persequendos ituri sumus. Latus à domesticis hostibus muni. Hos si admoveas, nihil metuo ab externo. Hæc Craterus. Nec cæteri dubitabant, quin conjurationis indicium suppressurus non fuisse, nisi auctor, aut particeps. Quem enim pius, & bonæ mentis, non amicum modò, sed ex ultima plebe, auditis, quæ ad eum delata erant, non protinus ad Regem fuisse cursurum? Nec Cebalini quidem exemplo, qui ex fratre comperta ipsi nuntiasset. Parmenionis filium, Præfectum equitatus, omnium arcanorum Regis arbitrum, simulasse etiam non vacasse sermoni suo Regem, ne index alium internuntium quæreret. Nicomachum religione quoque Deum adstrictum, conscientiam suam exonerare properasse. Philotam, consumpto per ludum, jocumque pœnè toto die, gravatum esse, pauca verba ad caput Regis pertinentia, tam longo, & forsitan supervacuo inserere sermoni. At enim non credidisset talia deferentibus pueris. Cur igitur extraxisse biduum, tanquam indicio haberet fidem? Dimittendum fuisse Ceballinum, si delationem ejus damnabat. In suo quemque periculum magnum animum habere, cum de salute Regis timeretur, credulos esse debere, vana quoque deferentes admittere. Omnes igitur quæstionem de eo, ut particeps sceleris indicare cogeretur, habendam esse decernunt. Rex admonitos, ut consilium silentio præmerent, dimittit. Pronuntiari deinde iter in posterum diem jubet, ne qua novi initi consilii daretur nota. In-

vitatus est etiam Philotas ad ultimas ipsius epulas. Et non cœnare modo, sed etiam familiariter colloqui cum eo, quem damnaverat, sustinuit. Secunda deinde vigilia, luminibus extinctis, cum paucis in Regiam coeunt Hephaestion, & Craterus, & Cænon, & Erygius. Hi ex amicis. Ex armigeris autem, Perdiccas, & Leonnatus. Per hos imperatum, ut, qui ad Prætorium excudebant, armati vigilarent. Jam ad omnes aditus dispositi equites, itinera quoque obsideri jussi, ne quis ad Parmenionem, qui tunc Mediæ, magisque copiis præerat, occulitos evaderent, Attarras autem cum trecentis armatis intraverat regiam. Huic decem satellites traduntur: quorum singulos deni armigeri sequebantur. Ii ad alios conjuratos comprehendendos distributi sunt. Attarras cum trecentis ad Philotam missus, clausum aditum domus moliebatur, quinquaginta juvēnum promptissimis stipatus. Nam cæteros cingere undique domum jussérat, ne occulto aditu Philotas posset elabi. Illum sive securitate animi, sive fatigatione resolutum, somnus oppresserat. Quem Attarras torpētem adhuc occupat. Tandem ei sopore discusso, cùm injicerentur catenæ, *Vicit, inquit, bonitatem tuam, Rex, inimicorum meorum aceritas.* Nec plura loquutum, capite velato, in Regiam abducunt.

C A P U T XVI.

Rex Philotam apud milites coniurationis accusat.

Postero die Rex edixit, ut omnes armati convenirent. Sex millia ferè militum venerant: præterea turba lixarum, calonumque impleverant regiam
Phi-

Philotam armigeri agmine suo tegebant, ne ante conspici posset à vulgo, quām Rex alloquutus milites esset. De capitalibus rebus vetusto Mace-donum modo inquirebat exercitus, in pace erat vulgi: nihil potestas Regum valebat, nisi priùs valuisset auctoritas. Igitur primū Dymni cadaver infertur, plerisque, quid patrasset, quoque casu extinctus esset, ignaris. (9.) Rex deinde in con-cionem procedit, vultu præferens dolorem animi. Amicorum quoque mœstitia expectationem haud parvam fecerat. Diu demisso in terram vultu, atto-nito, stupentique similis stetit. Tandem recepto animo: *Penè, inquit, milites, paucorum homi-num scelere vobis ereptus sum. Deorum providen-tia, & misericordia vivo. Conspectusque vester venerabilis coegit, ut vehementius parricidis iras-cerer: quoniam spiritus, immò unus vitæ meæ fructus est, tot fortissimis viris de me optimè meritis referre adhuc gratiam posse.* Interrupit orationem militum gemitus; obortæque sunt om-nibus lacrymæ. Tum Rex. *Quantò, inquit, ma-jorem in animis vestris motum excitabo, cùm tanti sceleris autores ostendero, quorum mentionem ad-huc reformido, & tanquam salvi esse possint, no-minibus abstineo? Sed vincenda est memoria pris-tinæ charitatis, & conjuratio impiorum civium detegenda. Quomodò autem tantum nefas sileam?* Parmenio illa ætate, tot meis, tot parentis mei meritis devictus, omnium nobis amicorum vetustis-simus, ducem tanto sceleri se præbuit. Minister ejus Philotas Peucolaum, & Demetrium, & hunc Dymnum, cuius corpus aspicitis, cæterosque ejus-dem amentiæ in caput meum subornavit. Fremi-tus

tus undique indignantium, querentiumque tota concione obstrepebat, qualis solet esse multitudinis, & maximè militaris, ubi, aut studio agitur, aut ira. Nicomachus deinde, Metron, & Ceballinus producti, quæ quisque detulerat, exponunt. Nullius eorum indicio Philotas particeps sceleris destinabatur. Itaque indignatione pressa, vox indicium silentio excepta est. Tum Rex, *Qualis*, inquit, ergo animi vobis videtur, qui hujus rei delatum indicium id ipsum suppressit? quod non fuisse vanum, Dymni exitus declarat. Incertam rem deferens, tormenta non timuit. Ceballinus ne momentum quidem temporis distulit exonerare se, ut eò, ubi lavabat, irrumperet. Philotas solus nihil timuit, nihil credidit. O magni animi virum! Iste Regis periculo, cùm moneretur, vultum non mutaret? indicem tantæ rei sollicitus non audiret? Subest nimirūm silencio facinus, & avida spes Regni præcipitem animum ad ultimum nefas impulit. Pater Mediæ præst: ipse apud multos copiarum Duces meis præpotens viribus, majora, quam capit, sperat. Orbitas quoque mea, quod sine liberis sum, spernitur. Sed errat Philotas. In vobis liberos, parentes, consanguineos habeo: vobis salvis orbus esse non possum. Epistolam deinde Parmenionis interceptam, quam ad filios Nicanorem, & Philotam scripserat, recitat, haud sanè indicium gravioris consilii præferentem. Namque summa ejus hæc erat. Primum vestri curam agite, deinde vestrorum. Sic enim, quæ destinavimus, efficiemus. Adjecitque Rex, sic esse scriptam, ut, sive ad filios pervenisset, à consciis posset intelligi, sive inter-

tercepta esset, falleret ignaros. At enim Dymnus, cum cæteros participes sceleris indicaret, Philotam non nominavit. Hoc quidem illius non innocentiae, sed potentiae indicium est, quod sic ab iis timetur etiam, à quibus prodi potest, ut cum de se fateantur, illum tamen callent. Cæterum Philotam ipsius indicat vita. Hic Amyntæ, qui mihi consobrinus fuit, & in Macedonia capitæ meo impias comparavit insidias, socium se, & consciū adjunxit. Hic Attalo, quo graviorem inimicum non habui, sororem suam in matrimonium dedit. Hic, cum scripsisse ei pro jure tam familiaris usus, atque amicitiae, qualis sors edita esset Jovis Ammonis Oraculo; sustinuit rescribere mihi: se quidem gratulari, quod in numerum Deorum receptus essem, cæterum misereri eorum, quibus vivendum esset sub eo, qui modum hominis excederet. Hæc sunt etiam animi pridem alienati à me, & invidentis gloriæ meæ, indicia. Quæ equidem, milites, quandiu licuit, in animo meo pressi. Videbar enim mihi partem viscerum meorum abrumpere, si in quos tam magna consulteram, viliores mihi facerem. Sed jam non verba punienda sunt: Linguae temeritas pervenit ad gladios; hos (si mihi creditis) Philotas in me acuit. Si ipsum dimisero, quò me conferam, milites? cui caput meum credam? Equitatui, optimæ exercitus parti, principibus nobilissimæ juventutis, unum præfeci, salutem, spem, victoriam meam fidei ejus, tutelæque commisi: Parem in idem fastigium, in quo me ipsi potuistis, admovi. Medium, qua nulla opulentior regio est, tot civium, sociorumque millia, imperio ejus, ditio-

ni-

nique subjeci. Unde præsidium petieram, periculum existit. Quam feliciter in acie occidisse, potius hostis præda, quam civis victima? Nunc servatus ex periculis, quæ sola timui, in hæc incidi, quæ timere non debui. Soletis identidem à me, milites, petere, ut saluti meæ parcam. Ipsi mihi præstare potestis, quo suadetis, ut faciam. Ad vestras manus, ad vestra arma configio. Invitis vobis, salvus esse nolo: volentibus, non possum, nisi vindicor. Tum Philotam, religatis post tergum manibus, obsoleto amiculo velatum jussit induci.

C A P U T XVII.

Miles aspectu Philotæ vinciti ad commiserationem motus, ab Amynta, & Cænon ad indignationem inflammatur.

Facilè apparebat, motos esse tam miserabiliter habitu, non sine invidia paullò ante conspecti. Ducebat equitatus pridie viderant, sciebant Regis interfuisse convivio; repente non rerum modò, sed etiam damnatum, imò vincitum intuebantur. Subibat animos Parmenionis quoque tantum Ducis, tam clari civis fortuna, qui modò duabus filiis Hectore, & Nicanore orbatus, cum eo, quem reliquum calamitas fecerat, absens diceret causam. Itaque Amyntas Regis Prætor, inclinans ad misericordiam concionem, rursùs aspera in Philotam oratione commovit. Proditos eos esse Barbaris: neminem ad conjugem suam, neminem in patriam, & ad parentes fuisse redditurum: vel ut truncum corpus, dempto capite sine spiritu, sine nomine, in aliena terra ludibrium hostis futuros.

Haud-

Paudquam pro re ipsius Amynthæ oratio grata Regi fuit, quod conjugum, quod patriæ admonitos, pigriores ad cætera munia exequenda fecisset. Tunc Cœnon, quamquam Philotæ sororem matrimonio secum conjunxerat, tamen acrius, quam quisquam, id Philotam invectus est, parcidam esse Regis, patriæ, exercitus clamitans; saxumque, quod fortè ante pedes jacebat, arripuit, emissurus in eum, ut plerique credidere, tormentis substrahere cupiens. Sed Rex manum ejus inhibuit, dicendæ prius causæ debere fieri potestatem, nec aliter judicari passurum se affirmans.

CAPUT XVIII.

Philotas primum metu exanimatus, mox recepto animo causam suam tum luculenter egit, Regisque argumenta diluit, ut quæstionem plane ambiguam fecerit.

TUM dicere rursus permissus Philotas sive conscientia sceleris, sive periculi magnitudine amens; & attonitus, non attolere oculos, non hiscere audebat. Lacrymis deinde manantibus, linquente animo, in eum, à quo tenebatur, incubuit. Abstersisque amiculo ejus oculis, paulatim recipiens spiritum, ac vocem, dicturus videbatur. Jamque Rex, intuens eum, *Macedones*, inquit, *de te judicaturi sunt; quæro, an patris sermone sis apud eos usurus: Tum Philotase Præter Macedones*, inquit, plerique adsunt, quos facilius, quæ dicam, percepturos arbitror, si eadem linguae fuero usus, qua tu egisti, non ob aliud, cre-

credo, quam ut oratio tua intelligi posset à pluribus,
 Tunc Rex: Et quid videtis odio etiam sermonis
 patrii Philotam teneri? solus quippe fastidit eum di-
 cere. Sed dicat sanè, ut cumque cordi est, dum me-
 mineritis, æquè illum à nostro amore, atque sermo-
 ne abhorrese. Atque ita concione excessit. (10.)
 Tum Philotas, Verba, inquit, innocentì reperire
 facile est, modum verborum misero tenere difficile.
 Itaque inter optimam conscientiam, & iniquissimam
 fortunam destitutus, ignoro, quomodo & animo
 meo, & tempori, paream. Abest quidem optimus
 causæ meæ judex; qui cur me ipse audire noluerit,
 non me herculè excogito, cum illi utique, cognita
 causa, tam damnare me liceat, quam absolvere: non
 cognita verò, liberari ab absente non possum, qui
 à præsente damnatus sum. Sed quamquam vincit
 hominis non supervacua solum, sed etiam invisa
 defensio est, qua judicem non docere videtur, sed
 urguere; tamen, utcumque licet dicere, memet ipse
 non deseram, nec committam, ut damnatus etiam
 mea sententia videar. Evidem, cujus criminis reus
 sim, non video. Inter conjuratos nemo me nominat.
 De me Nicomachus nihil dixit. Ceballinus plus, quam
 audierat, scire non potuit. Atqui conjurationis ca-
 put me fuisse credit Rex. Potuit ergo Dynnus eum
 præterire, quem sequebatur? præsertim cùm queren-
 ti socios vel falso fuerim nominandus, quo facilius,
 qui tentabatur, posse impelli. Non enim detecto fa-
 cinore nomen meum præteriit, ut posset videri socio
 pepercisse. Nicomachus, quem taciturnum arcana de
 semetipso credebat, confessus, aliis nominatis,
 me unum sultrahebat. Quæso, commilitones, si
 Ceballinus non alisset, nihil me de conjuratis
 sci-

scire voluisse, hodie dicerem causam, nullo me nominante? Dymnus sanè & vivat adhuc, ut velit mihi parcere: quid cæteri, qui de se confitebuntur? me videlicet substrahent? Maligna calamitas, & verè noxia, cùm quis suo supplicio acquiescit, pro alio cruciatus. Tot consciī ne in equuleum quidem impositi verum fatebuntur? Atqui nemo parcit morituro, nec cuiquam moriturus, ut opinor. Ad verum crimen, & ad unum revertendum mihi est. Cur rem deletam ad te tacuisti? cur tam securus audisti? Hoc qualemque est, confessō mihi, ubicumque es, Alexander, remisisti. Dexteram tuam amplexus, reconciliati pignus animi, convivio quoque interfui. Si credidisti mihi, absolutus sum; si pepercisti, dimisus. Vel judicium tuum serva. Quid hac proxima nocte, qua digressus sum à mensa tua, feci? quod novum facinus delatum ad te mutavit animal tuum? Gravi sopore acquiescebam, cùm me malis indormientem meis, inimici vinciendo excitarunt. Unde & parricidæ, & proditori tam alti quies somni? Scelerati conscientia obst repellere cùm dormire non possint, agitant eos furie, non consummato modo, sed & cogitato parricidio. At mihi securitatem primū innocentia mea, deinde dextera tua obtulerat. Non timui, ne plus alienæ crudelitati apud te liceret, quam clementiæ tuæ. Sed, ne te mihi credidisse pœnitentiat, res ad me deferebatur à puero, qui non testem, non pignus indicii exhibere poterat, impleturus omnes metu, si cœpisset audiri. Amatoris, & scorti jurgio interponi aures meas credidi infelix; & fidem ejus suspectum habui, quod non ipse deferret, sed

fratrem potius subornaret. Timui , ne negaret mandasse se Ceballino , & ego viderer multis amicorum Regis fuisse periculi causa. Sic quoque cum læserim neminem , inveni , qui mallet perire me , quam incolumen esse. Quid inimicitarum creditis excepturum fuisse , si insontes laccessisse? At enim Dymnus se occidit. Num igitur facturum eum divinare potui ? Minime. Ita quod solūm indicio fidem fecit , id me , cum à Ceballino interpellatus sum , movere non potuit. At hercule , si conscius Dymno tanti sceleris fuisse , bido illo proditos esse nos , dissimulare non debui. Ceballinus ipse tolli de medio nullo negotio potuit. Denique post delatum indicium , quo peritus eram , cubiculum Regis solus intravi , ferro quidem cinctus. Cur distuli facinus ? An sine Dymno non sum ausus ? Ille igitur princeps conjurationis fuit. Sub illius umbra Philotas latebam , qui Regnum Macedonum affecto. Ecquis è vobis corruptus est donis ? quem Ducem , quem Praefectum impensiūs colui ? Mihi quidem objicitur , quod societatem patrii sermonis asperner , quod Macedonum mores fastidiam. Sic ego Imperio , quod dedignor , immineo ? fam pridem nativus ille sermo commercio aliarum gentium exolevit : tam victoribus , quam vīctis peregrina lingua discenda est. Non me hercule ista me magis lēdunt , quam quod Amyntas Perdicce filius insidiatus est Regi. Cum quo quod amicitia fuerit mihi , non recuso defendere , si fratrem Regis non opportuit diligi à nobis. Sin autem in illo fortunae gradu positum etiam venerari necesse erat , utrum quæso , quod non divinavi , reus sum ? An impiorum amicis in-

sontibus quoque moriendum est? Quod si æquum est, cur tandem vivo? Si injustum, cur nunc demum occidor? At enim scripsi, misereri me eorum, quibus vivendum esset sub eo, qui se Jovis filium crederet. Fides amicitiae, veri consilii periculosa libertas, vos me decepit: vos, quæ sentiebam, ne reticerem, impulistis. Scripsisse me hoc fateor Regi, non de Rege. Non enim faciebam invidiam, sed pro eo timebam. Dignior mihi Alexander videbatur, qui Jovis stirpem tacitus agnosceret, quam qui prædicatione jactaret. Sed quoniam Oraculi fides certa est, sit Deus causæ meæ testis. Retinete me in vinculis, dum consultur Hammon in arcanum, & occultum scelus. Interim, qui Regem nostrum dignatus est filium, neminem eorum, qui stirpi suæ insidiati sunt, latere patietur. Si certiora Oraculis creditis esse tormenta, se hanc quidem exhibenda veritatis fidem deprecor. Solent rei capitum adhibere vobis parentes. Duos fratres ego nuper amisi; patrem nec ostendere possum, nec invocare audeo, cum & ipse tanti criminis reus sit. Parum est enim tot modò liberorum parentem, in unico filio acquiescentem, eo quoque orbari, ni ipse in rogam meum imponitur. Ergo, charrissime pater, & propter me morieris, & mecum. Ego tibi vitam adimo, ego senectutem tuam extinguo. Quid enim me procreabas infelicem adversantibus Diis? An, ut hos ex me fructus perciperes, qui te manent? Nescio,adolentia mea miserior sit, an senectus tua. Ego in ipso robore ætatis eripior: tibi carnifex spiritum adimet, quem, si fortuna expectare voluisse, natura reposcebat. Admonuit me patris mei mentio, quam timide, & cunctanter, quæ Ceballinus detulerat ad me, indicare debuerim, Parmenio enim, cum audisset venenum à Philip-

lippo medico Regi parari, deterrere cum voluit epistola scripta, quò minus medicamentum biberet, quod medicus dare constituerat, Num creditum est patrio meo? num ullam autoritatem ejus littera habuerunt? Ego ipse, quoties, quæ audieram, detuli, cum ludibrii credulitatis repulsus sum. Si, & cùm indicamus, invisi, & cum tacemus, suspecti sumus; quid facere nos oportet? Cùmque unus è circunstantium turba exclamasset: Benemeritis non insidiari, Philotas Rectè, inquit, quisquis es, dicens. Itaque, si insidiatus sum, pñnam non deprecor, & finem facio dicendi, quoniam ultima verba gravia sunt auribus vestris. Abducitur deinde ab iis, qui custodiebant eum.

CAPUT XIX.

Oratio Belonis ducis in Philotam, qui vitam ejus, & delicias, superbiam, & contemptum aliorum ostendit; totamque concionem jam quietam, & hærentem in illum accedit.

(11.) **E**RAT inter Duces manu strenuus Belon quidam, pacis artium, & civilis habitus rudis, vetus miles, ab humili ordine ad eum gradum, in quo tunc erat, promotus, qui, tacentibus cæteris stolida audacia ferox, admonere eos cœpit, quoties, suis quisque diversoriis, quæ occupassent, deturbatus esset, ut purgamenta servorum Philotæ recipierentur eō, unde commilitones expulisset. Auro, argentoque vehicula ejus onusta totis vicis stetisse: ac ne in vicinia quidem diversorii quemquam commilitonum receptum esse, sed per dispositos, quos

ad

ad somnum habebat, omnes procul relegatos, ne fremitu ullo murmurantium inter se silentio verius, quam somno excitaretur. Ludibrio ei fuisse rusticos homines, Phrygasque, & Paphlagonas appellatos, qui non erubesceret, Macedo natus, homines linguæ suæ per interpretem audiri. Cur Hammōnem consuli vellet? Eumdem Jovis arguisse mendacium Alexandrum filium agnoscentis, scilicet veritum, ne invidiosum esset, quod Dii offerrent. Cum insidiaretur capiti Regis, & amici, non consulisse eum Jovem. Nunc ad Oraculum mittere, dum pater ejus sollicitetur, qui præsit in Media; & pecunia, cuius custodia commissa sit, perditos homines ad societatem sceleris impellat. Ipsos misuros ad Oraculum, non qui Jovem interrogent, quod ex Rege cognoverint, sed qui gratias agant, qui vota pro incolumente Regis oprimi persolvant. Tum verò universa concio accensa est, & à corporis custodibus initium factum, clamantibus, disperendum esse parricidam manibus eorum. Id quidem Philotas, qui graviora supplicia merueret, haud sanè iniquo animo audiebat.

C A P U T XX.

*Philotas torquetur, scelus fatetur, cum conjuratis
saxis obruitur.*

REX in concionem reversus, sive ut in custodia quoque torqueretur, sive ut diligentius cuncta cognosceret, concilium in posterum diem distulit. Quamquam in vesperam inclinabat dies, tamen

amicos convocari jubet. Et cæteris quidem placebat, Macedonum more obrui saxis: Hephaestion autem, & Craterus, & Cœnus tormentis veritatem experimendam esse dixerunt. Et illi quoque, qui aliud suaserant, in horum sententiam transeunt. Concilio ergo dimisso, Hephaestion cum Cratero, & Cœno ad quæstionem de Philota habendam consurgunt. Rex, Cratero accersito, & sermone habito, cuius summa non edita est, in intimam diversorii partem secessit, & remotis arbitris, in multam noctem quæstionis expectavit eventum. Tortores in conspectu Philotæ omnia crudelitatis tormenta proponunt. Et ille ultrò, *Quid cessatis,* inquit, *Reges inimicum, imperfectum, confidentem occidere? Quid quæstione opus est?* *Cogitavi, volui.* Craterus exigere, ut quæ confiteretur, in tormentis quoque diceret. Dum corripitur, dum obligantur oculi, dum vestis exuitur, gentium jura, Deos patrios nequicquam apud surdas aures invocabat. Per ultimos deinde cruciatus, utpotè damnatus, & inimicis in gratiam Regis torquentibus, laceratur. Ac primo quamquam hinc ignis, illinc verbera jam non ad quæstionem, sed ad pœnam ingerebantur, non vocem modo, sed etiam gemitus habuit in potestate. Sed postquam intumescens corpus ulceribus, flagellorum ictus nudis ossibus incussos ferre non poterat; si tormentis adhibituri modum essent, dicturum se, quæ scire expeterent, pollicetur. Sed finem quæstioni fore, jurare eos, per Alexandri salutem volebat, removerique tortores. Et utroque impetrato, Cratero inquit: *Dic, quid me vellis dicere.* Illo indignante, ludificari eum tursusque revocante tortores, tempus petere cœpit, dum

dum reciperet spiritum , cuncta , quæ sciret , indicaturus. Interim equites , nobilissimus quisque , & ii maximè , qui Parmenionem propinqua cognatione contingebant , postequam Philotam torqueri fama vulgaverat , legem Macedonum veriti , qua caustum erat , ut propinqui eorum , qui Regi insidiati erant , cum ipsis necarentur , alii se interficiunt , alii in devios montes , vastasque solitudines fugiunt , ingenti per tota castra terrore diffuso , donec Rex tumultu cognito , legem se supplicii conjunctis sontium remittere edixit. Philotas vero ne , an mendacio liberare se à cruciatu voluerit , anceps conjectura est ; quoniam , & vera confessis , & falsa dicentibus , idem doloris finibus ostenditur. Cæterum , Pater , inquit , meus Hegelocho quam familiariter usus sit , non ignoratis. Illum dico Hege- lochum qui in acie cecidit. Ille omnium malorum nobis causa fuit. Nam , cùm primùm Jovis filium se salutari jussit Rex , id indigne ferens ille. Hunc igitur Regem agnoscimus , inquit , qui Philippum designatur patrem? Actum est de nobis , si ista perpeti possumus. Non homines solum , sed etiam Deos despicit , qui postulat Deos credi. Amisimus Alexandrum , amisimus Regem , incidimus in superbiam , nec Diis , quibus se exequat , nec hominibus , quibus se eximit , tolerabilem. Nostro ne sanguine Deum facimus , qui nos fastidiat? qui gravetur mortalium adire concilium? Credite mihi , & nos , si viri sumus , à Diis adoptabimur. Quis proavum ejus Alexandrum , quis deinde Archelaum , quis Perdiccam occisos ultus est? Hic quidem interfectori- bus patris ignovit. Hæc Hegolochus dixit super coenam. Et postero die prima luce à patre accesor.

Tristis erat, & me mœstum videbat. Audieramus enim, quæ sollicitudinem incuterent. Itaque, ut experiremur, utrumne vino gravatus effudisset illa, an altiore concepta consilio accersiri eum placuit, ac venire. Eodemque sermone ultro repetito, adjectit, se, sive auderemus duces esse, proximas à nobis partes vindicaturum, sive deesset animus, consilium silentio esse tecturum. Parmenioni, vivo adhuc Dario, intempestiva res videbatur. Non enim sibi, sed hosti esse occisuros Alexandrum: Dario verò sublato, præmium Regis occisi Asiam, & totum Orientem interfectoribus esse cessurum. Approbatoque consilio, in hæc fides data est, & accepta. Quod ad Dymnum pertinet, nihil scio. Et hæc confessus, intelligo, non prodesse mihi, quod prorsus sceleris expers sum. Illi rursus, tormentis admotis, cum ipsi quoque hasti, os, oculosque ejus everberarent, ut hoc quoque crimen confiteretur, expressere. Exigentibus deinde, ut ordinem cogitati sceleris exponeret, cum diu Baætra retentura Regem viderentur, timuisse respondit, ne Pater LXX. natus annos, tanti exercitus dux, tantæ pecuniæ custos, interim extingueretur, ipsique spoliato tantis viribus, occidendi Regis causa non esset. Festinasse ergo se, dum præmium haberet in manibus. Representasse consilium, cuius patrem fuisse authorem si crederent, tormenta, quamquam tolerare non posset, tamen non recusare. Illi colloquuti, satis quæsitum videri, ad Regem revertuntur, qui postero die, &, quæ confessus erat Philotas, recitari, & ipsum, quia ingredi non poterat, jussit afferri. Omnia agnoscente eodem, Demetrius, qui proximi sceleris particeps esse arguebat-

batur , producitur , multa affirmatione , animique pariter constantia , & vultu abnuens , quidquam si-
bi in Regem cogitatum esse. Tormenta etiam de-
poscebat in semetipsum. Cum Philotas circumlatis
oculis , incideret in Calim quandam haud procul
stantem , proprius eum jussit accedere. Illo pertur-
bato , & recusanti transire ad eum , Patieris , in-
quit , *Demetrium mentiri , rursusque me excruciali ?*
Calin vox , sanguisque defecerant. Et Macedones
Philotam inquinare innoxios velle suspicabantur,
quia nec à Nicomacho , nec ab ipso Philota , cum
torqueretur , nominatus esse adolescens. Qui ut
Præfectos Regis circunstantes se vidit , Deme-
trium , & semetipsum id facinus cogitasse confes-
sus est. Omnes ergo à Nicomacho nominatos , mo-
re patrio , dato signo , saxis obruerunt. Magno
non modo salutis , sed etiam vitæ periculo libera-
tus erat Alexander ; quippe Parmenio , & Philotas
Principes amicorum , nisi palam sontes , sine indig-
natione totius exercitus non potuissent damnari.
Itaque anceps quæstio fuit. Dum inficiatus est fa-
cinus , crudeliter torqueri videbatur , post confes-
sionem Philotas ne amicorum quidem misericor-
diam meruit,

LIBER VII.

SYNOPSIS.

Tunc estem Alexander majestatis damnat : Amin tam , & Symam , ac Palemonem fratres suspectos absolvit : Parmenionem per Polydamanta occidit . Alios , atque alios populos bello domat . Caucasum superat . Bessum tyranum dolo captum Oxatri necandum tradit . Branchidarum urbem funditus evertit . Ad Tonam , ut putatur , accedit , Alexandriam ibi condit . Scythis bellum facere cogitat . Menedemus eum suis copiis cœditur . Scytharum legatus perorat Alexandrum , qui trajecto flumine Scytha vincit ; victis parcit . Sagæ deluntur . Sogdiani juvenes vitti triumphant ; suppicio liberantur . Bessus mactatur . Petra expugnatur . Arimazes in crucem agitur .

CAPUT I.

Serò Macedones desiderant , quem occiderant . Fiunt alii rei : partim damnantur , partim absolvuntur .

Philota , sicut recentibus sceleris ejus vestigiis , jure affectum suppicio censuerant milites , ita , posteaquam desierat esse , quem odissent , invidia in misericordiam vertitur . Moverat , & claritas juvenis , & patris ejus senectus , atque orbitas . Primus Asiam aparuerat Regi . Omnia periculorum ejus particeps , semper alterum in acie eorum defenserat : Philippo quo-

quoque ante omnes amicos, & ipsi **Alexandro** tam fidus, ut occidendi Attalum non alio ministro uti mallet. Horum cogitatio subibat exercitum. Seditionesque voces referebantur ad Regem, queis ille haud sanè motus, satisque prudens: otii vitia negotio discuti, edixit, ut omnes in vestibulo Regiae præstò afforent: quos ubi frequentes adesse cognovit, in concionem processit. Haud dubiè ex composite Apharias postulare cœpit, ut **Lyncestes** Alexander, qui multò ante, quam Philotas, Regem voluisse occidere, exhiberetur; à duobus indicibus (sicut supra diximus) delatus, tertium jam annum custodiebatur in vinculis. Eumdem in Philippi quoque cædem conjurasse cum Pausania, pro comperto fuit; sed, quia primus Alexandrum Regem salutaverat, suppicio magis, quam crimiñi fuerat exemptus. Tum quoque Antipatri socii ejus preces justam Regis iram morabantur. Cæterūm recruduit soporatus dolor: quippe veteris periculi memoriam præsentis cura renovabat. Igitur Alexander ex custodia educitur; jussusque dicere, quamquam toto triennio meditatus erat dufensionem, tamen hæsitans, & trepidus, pauca ex iis, quæ composuerat, protulit; ad ultimum non memoria solum, sed etiam mens eum destituit. Nulli erat dubium, quin trepidatio conscientiæ judicium esset, non memoriæ vitium. Itaque ex iis, qui proximè astiterant, obluctantem adhuc oblivioni, lanceis confoderunt; cuius corpore sublato, Rex introduci jussit Amyntam, & Symam. Polemon vero minimus ex fratribus, cum Philotam torqueri comperisset, profugerat. Omnia Philotæ amicorum hi charissimi fuerant, ad magna, & honorata

mi-

ministeria illius maximè suffragatione producti; memineratque Rex summo studio ab eo conciliatos sibi. Nec dubitabat hujus quoque ultimi consilii fuisse participes. Igitur olim esset sibi suspectos matris suæ litteris, quibus esset admonitus, ut ab his salutem suam tueretur. Cæterum se invitum deteriora credentem, nunc manifestis indicis victum jussisse vinciri. Nam pridie, quam detegetur Philotæ scelus, quin in secreto cum ipso fuisserent, non posse dubitari. Fratrem verò, qui profugerit, cùm Philotas torqueretur, aperüsse fugæ causam. Nuper præter consuetudinem, officii specie, amotis longius cæteris, admovisse semetipsos lateri suo, nulla probabili causa. Seque mirantem, quod non vice sua tali fungerentur officio, & ipsa trepidatione eorum perterritum, strenuè ad armigeros, qui proximè sequebantur, recesisse. Ad hoc accedere, quod cùm Antiphanes scriba equum Amyntæ denuntiasset pridie, quam Philotæ scelus deprehensum esset, ut ex suis equis, more solito, daret iis, qui amisissent suos, superbè respondisse, nisi incepto desisteret, brevi sciturum, quis ipse esset. Jam linguæ violentiam, temeritatemque verborum, quæ in semetipsum jacularentur, nihil aliud esse, quam scelesti animi indicem, ac testem: quæ si vera essent, idem meruisse eos, quod Philotam, si falsa, exigere ipsum ut refellant. Productus deinde Antiphanes de equis non traditis, & adjectis etiam superbè minis indicat. Actum Amyntas, facta dicendi potestate, *Si nihil, inquit, interest Regis, peto, ut, dum dico, vinculis liberer.* Rex solvi utrumque jubet; desiderantique Amyntæ, ut habitus quoque redderetur, armi-

migeri lanceam dari jussit : quam ut læva comprehendit, evitato eo loco, in quo Alexandri corpus paulò ante jacuerat, *Qualiscumque*, inquit, *exitus nos manet, Rex, confitemur, prosperum tibi debituros, tristiorum fortunæ imputaturos.* Sine præjudicio dicimus causam, liberis corporibus, animisque: habitum etiam, in quo te comitari solemus, reddidisti. Causam non possumus, fortunam timere desinemus. Te, quæso, permittas mihi id primum defendere, quod à te ultimum objectum est. Nos, Rex, sermonis adversùs majestatem tuam habiti nullius consciit sumus nobis. Dicerem, jam pridem viciisse te invidiā, nisi periculum esset, ne alia malignè dicta crederes blanda oratione purgari. Ceterū etiamsi militis tui, vel in agmine defientis, & fatigati, vel in acie periclitantis, vel in tabernaculo ægri, & vulnera curantis, aliqua vox asperior esset accepta, merueramus fortibus factis, ut malles ea tempori nostro imputare, quām animo. Cūm quid accidit tristius, omenes rei sunt. Corporibus nostris, que utique non odimus, infestas admovemus manus: parentes, liberis si occurrant, & ingrati, & invisi sunt. Contra, cūm donis honoramur, cūm præmiis onusti revertimur, quis ferre non potest? quis illam animorum alacritatem continere? Militantium nec indignatio, nec lætitia moderata est. Ad omnes affectus impetu rapimur, vituperamus, laudamus, miseremur, irascimur. Utcumque præsens movet affectio; modò Indianum adire, & Oceanum libet; modò conjugum, & liberorum, patriæque memoria occurrit. Sed has cogitationes, has inter se colloquentium voces, signum tuba datum finit. In suos ordines quisque currimus:

mus : & quidquid irarum in tabernaculo concep-
 tum est , in hostium effunditur capata. Utinam Phi-
 lotas quoque intra verba peccasset. Proinde ad id
 revertar , propter quod rei sumus. Amicitiam , quæ
 nobis cum Philota fuit , adeò non inferior , ut expetis-
 se quoque nos , magnosque ex ea fructus percepisse
 confitear. An verò Parmenionis , quem tibi proximum
 esse voluisti , filium , omnes pñè amicos tuos dig-
 natione vincentem , cultum à nobis esse miraris?
 Tu herculè , (si verum audire vis) Rex , hujus no-
 bis periculi causa es. Quis enim alias effecit , ut
 ad Philotam decurrerent , qui placere vellent tibi?
 Ab illo traditi , ad hunc gradum amicitiae tue as-
 cendimus. Is apud te fuit , cuius gratiam expe-
 tere , & iram timere possemus. An non propemo-
 dùm in tua verba , tui omnes , te præeunte , ju-
 ravimus , eosdem nos inimicos , amicosque habitu-
 ros esse , quos tu haberet? Hoc sacramento pie-
 tatis obstricti adversarentur scilicet , quem tu om-
 nibus præferebat ; Igitur , si hoc crimen est , tu
 paucos innocentes habes , immò herculè neminem.
 Omnes enim Philotæ amici esse voluerunt ; sed to-
 tidem , quot volebant , esse non poterant. Ita si à
 consciis amicos non dividis , nec ab amicis quidem
 separabis illos , qui idem esse voluerunt. Quod
 igitur conscientiae affertur indicium ? ut opinor,
 quia pridiè familiariter , & sine arbitris loquutus
 est nobiscum. At ego purgare non possem , si pri-
 diè quidquam ex vetere vita , ac more mutassem.
 Nunc verò , si , ut omnibus , diebus , illo quoque ,
 qui suspectus est , facimus , consuetudo diluet
 crimen. Sed equos Antiphani non dedimus : &
 pri-

pridiè, quām Philotas detectus est hæc mihi cum
 Antiphane res erat. Qui si nos suspectos facere vult,
 quod illo die equos non dedimus, semetipsum, quod
 eos desideravit, purgare non poterit. Anceps enim
 crimen est inter retinentem, & exigentem, nisi quod
 melior est causa suum non tradentis, quām poscentis
 alienum. Cæterū, Rex, equos decem habui, è queis
 Antiphanes odio jam distribuerat iis, qui amisserant
 suos. Omnipotens duos ipse habebam; quos cùm vellet ab-
 ducere homo superbissimus, certe iniquissimus, nisi
 pedes militare vellem, retinere cogebat. Nec inficias
 eo, liberi hominis animo loquutum esse me cum igna-
 vissimo, & hoc unum militiæ sue usurpante, ut alien-
 os equos pugnaturis distribuat. Huc enim malorum
 ventum est, ut verba mea eodem tempore, & Ale-
 xandro excusem, & Antiphani. At herculè mater de
 nobis inimicis tibi scripsit. Utinam prudentius esset
 sollicita pro filio, & non inanis quoque species an-
 xio animo figuraret. Quare enim non adscribit metus
 sui causam? Denique non ostendit authorem, quo
 facto, dictove nostro mota, tam trepidas tibi litteras
 scripsit. O miseram conditionem meam, cui forsitan
 non periculosius est tacere, quām dicere! Sed utcum-
 que cessura res est, malo tibi defensionem meam dis-
 plicere, quām causam. Agnosces autem, quæ dicturus
 sum: quippe meministi, cùm me ad perducendos ex
 Macedonia milites mitteres, dixisse te, multos inte-
 gros juvenes in domo tua matris abscondi. Præcepisti
 igitur mihi, ne quem præter te intuerer, sed detrec-
 tantes militiam perducerem ad te. Quod equidem feci,
 & liberius, quām expediebat mihi, exequutus sum im-
 perium tuum. Gorgiam, & Hecataeum, & Gorgatam,
 quo-

quorum bona opera uteris, inde perduxī. Quid igitur iniquius est, quam me, qui, si tibi non paruisse, jure datus fui pœnas, nunc perire, quia parui? Neque enim ulla alia matri tuæ persecundi nos causa est, quam quod utilitatem tuam muliebri præposuimus gratiæ. Sex millia Macedonum peditum, & DC. equitum adduxi, quorum pars sequutura me non erat, si militiam detrectantibus indulgere voluissem. Sequitur ergo, ut, quia illa propter hanc causam irascitur nobis, ut mitiges matrem, qui iræ ejus nos obtulisti. (2.) Dum hæc Amyntas agit, fortè supervenerunt, qui fratrem ejus Polemonem, de quo antè dictum, fugientem consequuti, vincitum reducebant. Infesta concio vix inhiberi potuit, quin protinus suo more saxa in eum jaceret. Atque ille sanè interritus, *Nihil, inquit, pro me deprecor, modò ne fratum innocentiae fuga imputetur mea. Hæc si defendi non potest, meum crimen sit. Horum ob id ipsum melior est causa quod ego, qui profugi, suspectus sum. Hæc eloquuto universa conscientia assensa est. Lacrymæ deinde omnibus manare cœperunt, adeò in contrarium repente mutatis, ut solùm pro eo esset, quod maximè læserat. Juvenis erat primo ætatis flore pubescens, quem inter equites tormentis Philotæ conturbatos alienus terror abstulerat. Desertum eum à comitibus, & hæsitantem inter revertendi, fugiendique consilium, qui sequuti erant, occupaverunt. Is tum flere cœpit, & eos suum converberare, mæstus non ob suam vicem, sed propter ipsum periclitantium fratum. Moveratque jam Regem, non concessionem modò, sed unus erat implacabilis frater, qui terribili vultu intuens eum, Tum, ait,*

ait, demens lacrimare debueras, cùm equo calcaria subderes, fratrum desertor, & desertorum comes. Miser, quò, & unde fugiebas? Effecisti, ut reus capitinis accusatoris uterer verbis. Ille peccasse se, sed gravius in fratres, quām in semetipsum, fatebatur. Tum verò neque lacrymis, neque acclamationibus, quibus, studia sua multitudo profitetur, temperaverunt. Una vox erat pari emissâ consensu, ut insontibus, & fortibus viris parceret. Amici quoque, data misericordiæ occasione, consurgunt, flentesque Regem deprecantur. Ille, silentio facto: *Et ipse, inquit, Amyntam mea sententia, fratresque ejus absolvo. Vos autem juvenes malo beneficii mei oblivisci, quam periculi vestri meminisse. Ea fide redite in gratiam mecum, qua ipse vobiscum revertor. Nisi, quæ delata essent, excussissem, valdè dissimulatio mea suspecta esse potuisset. Sed satius est purgatos esse, quam suspectos. Cogitate, neminem absolvi posse, nisi qui dixerit causam. Tu, Amynta, ignoras fratri tuo: erit hoc simpliciter etiam mihi reconciliati animi tui pignus.*

CAPUT II.

*Polydamas mittitur ad occidendum Parmenionem.
Tumultus à cœde compositus. Parmenionis studiosi separantur.*

Concione deinde demissa, Polydamanta vocari jubet. Longè acceptissimus Parmenioni erat, proximus lateri in acie stare solitus. Et quamquam

Q cons-

conscientia fretus in Regiam venerat , tamen , ut
jussus est fratres suos exhibere admodum juvenes,
& Regi ignotos ob ætatem , fiducia in sollicitudi-
nem versa , trepidare cœpit , sæpius , quæ nocere
possent , quām quibus eluderetur , reputans. Jam
armigeri , quibus imperatum erat , produxerant
eos , cum exanguem metu Polydamanta proprius
accedere jubet. Submotisque omnibus , Scelere , in-
quit , Parmenionis omnes pariter appetiti sumus ,
maxime ego , ac tu , quos amicitiae specie fefellit.
Ad quem persequendum , puniendumque (vide ,
quantum fidei tuæ credam) te ministro uti statui.
Obsides , dum hoc peragis , erunt fratres tui.
Proficiscere in Medium , & ad Prefectos meos
litteras scriptas manu mea perfer. Velocitate opus
est , qua celeritatem famæ antecedas. Noctu per-
venire illuc te volo : postero die , quæ scriptæ
erunt , exequi. Ad Parmenionem quoque epistolas
feres , unam à me , alteram Philotæ nomine scrip-
tam. Signum annuli ejus in mea potestate est. Si
pater crederet à filio impressum , cum te viderit ,
nihil metuet. Polydamas tanto liberatus metu im-
pensiùs etiam , quām exigebatur , promittit ope-
ram. Collaudatusque , & præmiis oneratus , depo-
sita veste , quam habebat , Arabica induitur. Duo
Arabes , quorum interim conjuges , ac liberi ; vin-
culum fidei obsides apud Regem erant , dati comi-
tes. Per deserta etiam ob siccitatem loca camelis ,
undecima die , quò destinaverat pervenit. Et prius-
quam ipsius nuntiaretur adventus , rursus Polyda-
mas vestem Macedonicam sumit , & in tabernacu-
lum Cleandri (Prætor hic Regius erat) quarta vi-
gi-

gilia pervenit. Redditis deinde litteris, constituerunt prima luce ad Parmenionem coire. Namque cæteri quoque, quibus litteras Regis attulerat, ad eum venturi erant. Jam Parmenioni Polidamanta venisse nuntiatum erat, qui dum lætatur adventu amici, simulque noscendi, quæ Rex ageret, avidus (quippe longo intervallo nullam ob eo epistolam acceperat) Polydamanta requiri jubet. Diversoria regionis illius magnos recessus habent, amœnosque nemoribus manu consitis. Ea præcipue Regum, Satraparumque voluptas erat. Spatiabatur in nemore Parmenion, medius inter duces, quibus erat imperatum litteris Regis, ut occiderent. Agendæ autem rei constituerant tempus, cum Parmenion à Polydamante litteras traditas, legere cœpisset. Polydamas procul veniens, ut à Parmenione conspectus est, vultu lætitiae speciem præferente, ad complectendum eum cucurrit, mutuaque gratulatione functi. Polydamas epistolam à Rege scriptam ei tradidit. Parmenion vinculum epistolæ solvens, quidnam Rex ageret, requirebat. Ille ex ipsis litteris cognitum esse, respondit. Quibus Parmenion lectis, Rex, inquit, expeditionem parat in Arachosios. Strenuum hominem, & nunquam cessantem. Sed tempus salutis suæ, tanta jam parta gloria, parcere. Alteram deinde epistolam Philotæ nomine scriptam, lætus, quod ex vultu notari poterat, legebat. Tum ejus latus gladio haurit Cleander, deinde jugulum ferit: cæteri exanimem quoque confodiunt. Et armigeri, qui ad aditum nemoris asiterant, cognita cæde, cuius causa ignorabatur, in castra perveniunt, & tumultuoso nuntio milites concitant. Illi armati ad nemus, in

quo perpetrata cædes erat , coeunt, &c, ni Polydamas, cæterique ejusdem noxæ participes dedantur, murum circumdatum nemori eversuros denuntiant, omniumque sanguine duci parentaturos. Cleander primores eorum intromitti jubet , litterasque Regis scriptas ad milites recitat , quibus insidiæ Parmenionis in Regem , precesque , ut ipsum vindicarent , continebantur. Igitur , cognita Regis voluntate , non quidem indignatio , sed tamen seditio compressa est. Dilapsis pluribus , pauci remanerunt , qui saltem ut corpus ipsius sepelire permitteret , precabantur. Diu id negatum est , Cleandri metu , ne offenderet Regem. Pertinaciùs deinde deprecantibus , materiam consternationis subtrahendam ratus , capite deciso , truncum humare permissit. Ad Regem caput missum est. Hic exitus Parmenionis fuit , militiæ , domique clari viri. Multa sine Rege prosperè , Rex sine illo nihil magnæ rei gesserat. Felicissimo Regi , & omnia ad fortunæ suæ exigenti modum satisfecit, lxx. natus annos : juvenis , ducis , & sæpe etiam gregarii milites munia explevit , acer consilio , manu strenuus , charus principibus vulgo militum acceptior. Hæc impulerint illum ad Regni cupiditatem , an tantum suspectum fecerint , ambigi potest: quia Philotas ultimis cruciatibus victus , vera ne dixerit , quæ facta probari non poterant , ad falsis tormentorum petierit finem , re quoque recenti , cùm magis posset liquere , dubitatum est. Alexander , quos mortem Parmenionis conquestos esse competerat , separandos à cætero exercitu ratus , in unam cohortem secrevit , ducemque his Leonidam dedit , & ipsum Parmenioni quondam intirma familiaritate

con-

conjunctionem. Ferè iidem erant, quos aliqui Rex habuerat invisos. Nam cum experiri vellet militum animos, admonuit, qui litteras in Macedoniam ad suos scripsisset, iis, quos, ipse mittebat, perlatris cum fide, traderet. Simpliciter ad necessarios suos quisque scripserat, quæ sentiebat. Aliis gravis erat, plerisque non ingrata militia. Ita & agentium gratias, & querentium litteræ exceptæ sunt. Et qui fortè tedium laboris per litteras erant questi, hanc seorsum cohortem à cæteris tendere ignominiae causa jubet, fortitudine usurus in bello, libertatem linguè ab auribus credulis remoturus, & consilium temerarium forsitan (quippe fortissimi juvenes contumeliis irritati erant) sicut omnia alia, felicitas Regis excipit. Nihil illis ad bella promptius fuit. Incitabat virtutem, & ignominiae demendæ cupido, & quia fortiora facta in paucis latere non poterant.

C A P U T III.

Evergetas laudat Curtius. Rex Satibarzanem proditorem persequitur. Evergetis pecuniam donat. Arachosios subigit. Parmenionis exercitum recipit.

(3.) **H**IS ita compositis, Alexander Arianorum Satrapa constituto, iter pronuntiari jubet in Agriaspas, quos jam tunc mutato nomine Evergetas appellabant, ex quo frigore, victusque penuria Cyrii exercitum affectum, tectis, & commeatibus juventant. Quintus dies erat, ut in eam regionem pervenerat. Cognoscit Satibarzanem, qui ad Eessum defecerat, cum equitum manu irrupisse rursus in

Arios. Itaque Caranum , & Erygium cum Artabazo , & Andronico , & sex millibus Græcorum peditum , DC. equitibus sequebantur. Ipse sexaginta diebus gentem Evergetarum ordinavit , magna pecunia ob egregiam in Cyrum fidem donata. Relicto deinde , qui iis præcesset , Amenide , (scriba is Dari fuerat) Arachosios , quorum regio ad Ponticum mare pertinet , subegit. Ibi exercitum , qui sub Parmenione fuerat , occupavit. Sex millia Macedonum erant , & cc. nobiles , & v. millia Græcorum , cum equitibus ducentis , haud dubie robur omnium virium Regis Arachosiis datus Memnon Prætor , quatuor millibus peditum , & DC. equitibus in præsidium relictis.

C A P U T I V.

Paropamisadas barbarissimam gentem describit, quos exercitus adiens, penè frigore, & inopia periit.

Ipse Rex nationem , ne finitimis quidem satis notam , quippe nullo commercio colentem mutuos usus , cum exercitu intravit. Paropamisadæ appellantur , agreste hominum genus , & inter Barbars maximè inconditum. Locorum asperitas hominum quoque ingenia duraverat. Gelidissimum Septentrionis axem ex magna parte spectant. Bactrianis ad Occidentem conjuncti sunt : meridiana regio ad mare Indicum vergit. Tuguria latere primò struunt , & quia sterilis est terra materiæ , in nudo etiam montis dorso usque ad summum ædificiorum fastigium eodem laterculo utuntur. Cæterum structura latior ab imo , paulitum incremento operis in arc-

arctius cogitur, ad ultimum in carinæ maximè modum coit. Ibi foramine relictæ, supernè lumen accipiunt. Ad medium vites, & arbores, si quæ in tanto terræ rigore durare potuerunt, obruunt; penitus hyeme defossa latent; cum nive discussa, aperiri humus cœpit, cœlo, Solique redundunt. Cæterum adeò altæ nives premunt terram, gelu, & perpetuo penè rigore constrictæ, ut ne avium quidem, feræve ullius vestigium extet. Obscura cœli verius umbra, quam lux nocti similis premit terram, vix ut, quæ propè sunt, conspici possint. In hac tamen omnis humani cultus solitudine destitutus exercitus, quidquid malorum tolerari potest, pertulit; inopiam, frigus, lassitudinem, desperationem. Multos examinavit rigor insolitus nivis, multorum adussit pedes, plurimorum oculis præcipue perniciabilis fuit: fatigati quippe in ipso gelu deficientia corpora sternebant: quæ cum moveri desissent, vis frigoris ita astringebat, ut rursus ad surgendum conniti non possent. A commilitonibus torpentes excitabantur. Neque aliis medium erat, quam ut ingredi cogerentur. Tum demum vitali calore moto, membris aliquis redibat vigor. Si qui tuguria Barbarorum adire potuerunt, celeriter refecti sunt; sed tanta caligo erat, ut ædificia nulla alia res, quam fumus, ostenderet. Illi, nunquam antè in terris suis advena viso, cum armatos repente consiperent, exanimati metu, quidquid in tuguriis erat, afferebat, ut corporibus ipsorum parceretur, orantes. Rex agmen circuibat pedes, jacentes quosdam erigens, & alios, cum ægrè sequerentur, adminiculo corporis suis excipiens. Nunc ad prima signa, nunc in medium,

nunc in ultimo agmine itineris multiplicato labore aderat.

C A P U T V.

Ad Caucasum, quem cum Tauro describit Curtius, accedit Rex. Alexandriam ad montis radices ponit.

Tandem ad cultiora loca perventum est, commeatique largo recreatus exercitus: simul & qui consequi non poterant, in illa castra venerunt. Inde agmen processit ad Caucasum montem, cuius dorsum Asiam perpetuo jugo dividit. Hinc simul mare, quod Ciliciam subit; illinc Caspium fretum, & amnem Araxem, aliaque Regionis Scythæ deserta spectat. Taurus secundæ magnitudinis mons committitur Caucaso: à Cappadocia se attolens Ciliciam præterit, Armeniæque montibus jungitur: Sic inter se tota juga velut serie cohærentia, perpetuum habent dorsum: Ex quo Asiæ omnia ferè flumina, alia in Rubrum, alia in Caspium mare, alia in Hyrcanum, & Ponticum decidunt, xvii. dierum spatio Caucasum superavit exercitus. Rupes in eo x. in circuitu stadia complectitur, quatuor in altitudinem excedit, in qua vinctum Promethea fuisse antiquitas tradidit. Condendæ in radicibus montis urqi sedes electa est. vii. millibus seniorum Macedonum, & prætereà militibus, quorum opera uti desisset, permisum in novam urbem considere. Hanc quoque Alexandriam incolæ appellaverunt,

C A P U T VI.

Bessus super mensam debellat Alexandrum: aplaudunt ebri adulatores. Cobares Medus, & Magnus suadet Bessus deditioem: fugit ad Alexandrum. Bessus copias auflurus cum suis trans Oxum ad Sogdianos se confert.

(4.) **A**T Bessus Alexandri celeritate perterritus, Diis patriis sacrificio ritè facto, sicut illis gentibus mos est, cum amicis, ducibusque copiarum inter epulas de bello consultabat. Graves mero suas vires extollere, hostium nunc temeritatem, nunc paucitatem spernere incipiunt. Præcipue Bessus ferros verbis, & parto per scelus Regno superbus, ac vix potens mentis dicere orditur. Socordia Darii crevisse hostium famam. Occurrisse enim in Ciliçiae angustissimis fauibus, cum retrocedendo posset perducere incautos in loca natura, & situ in via, tot fluminibus objectis, tot montium latebris, inter quas deprehensus hostis, ne fugæ quidem, nedum resistendi occasionem fuerit habiturus. Sibi placere in Sogdianos recedere. Oxum amnem velut murum objecturum hosti, dum ex finitimis gentibus valida auxilia concurrerent. Venturos autem Chorasmios, & Dahas, Sagasque, & Indos, & ultra Tanaim amnem colentes Scythas; quorum neminem adeò humilem esse, ut humeri ejus non possent Macedonis militis verticem aquare. Conclamat temulenti, unam hanc sententiam salubrem esse. Et Bessus circumferri merum largius jubet, debellaturus super mensam Alexandrum. Erat in eo convivio Cobares natione Medus: sed

Ma-

Magicæ artis (si modò ars est non vanissimi cuiusque ludibrium) magis professione , quām scientia celeber , alioquin moderatus , & prōbus. Is cum p̄fatus esset , scire , servo esse utilius parere dicto , quam afferre consilium , cum illos , qui pareant , idem , quod cæteros : maneat , qui verò suadeant , proprium periculum ; poculum ei , quod habebat in manu , tradidit. Quo accepto Cobares , Natura , inquit , mortalium hoc quoque nomine prava , & sinistra dici potest ; quod in suo quisque negotio hebetior est , quām in alieno. Turbida facta sunt consilia eorum , qui sibi suadent. Obstaculi aliis metus , aliis cupiditas , nonnumquam naturalis eorum , quæ cogitaveris , amor. Nam in te superbia non cadit. Expertus es , unumquemque quod ipse repererit , aut solum , aut optimum ducere. Magnum onus sustines capite , Regium insigne. Hoc aut moderate perferendum est , aut (quod abominor) in te ruet. Consilio , non impetu opus est. Adjecit deinde , quod apud Bactrianos vulgo usurpabant. Canem timidum vehementius latrare , quam mordere. Altissima quæque flumina minimo sono labi. Quæ inserui , ut qualiscumque inter Barbaros potuit esse prudenter , traderetur. In his audientium suspenderat expectationem. Tum consilium aperit , utilius Besso , quām gratiūs. In vestibulo , inquit , Regiae tuæ velocissimus consisti. Rex. Ante ille agmen , quād tu mensam istam movebis. Nunc ab Tanai exerceitum accerses , armis flumina oppones. Scilicet , quā tu fugitus es , hostis sequi non potest ? iter utriusque commune est , vīctori tutius. Licet strenuum metum putas esse , velocior tamen spes est. Quin validioris oceupas gratiam , dedisque te ? utrumque ces-

serit, meliorem fortunam deditus, quam hostis, habitus. Alienum habes Regnum, quò facius eo careas. Incipies forsitan justus esse Rex, cùm ipse fecerit, qui tibi, & dare potest Regnum, & eripere, Consilium habes fidele, quòd diutius exequi supervacaneum ess. Nobilis equus umbra quoque virgæ regitur, ignavus ne calcari quidem concitari potest. Bessus, & ingenio, & multò mero ferox adeò exarsit, ut vix ab amicis, quòd minùs occideret eum (nam strinxerat quoque acinacem) contineretur. Certè è convivio prosiluit, haudquaquam potens mentis. Cobares inter tumultum elapsus, ad Alexandrum transfugit. Oēto milia Bactrianorum habebat armata Bessus, quæ, quandiu propter cœli intemperiem Indiam potius Macedonas petituros crediderant, obedienter imperata fecerunt: postquam adventare Alexandrum compertum est, in suos quisque vicos dilapsi Bessum reliquerunt. Ille cum clientum manu, qui non mutaverant fidem, Oxo amne superato, exustisque naviis, quibus transierat, ne iisdem hostis uteretur, novas copias in Sogdianis conttahebat.

C A P U T VII.

Inopia commeatus in copiis Alexandri. Bactrianos describit.

Alexander Caucasum quidem (ut supra dictum est) transierat: sed inopia frumenti propè ad famem ventum erat. Succo ex sesama expresso, haud secus, quam oleo artus perungebant. Sed hujus succi ducenis quadragenis denariis amphoræ sin-

gu-

gulæ , mellis denariis trecenis nonagenis , trecenis vini æstimabantur. Tritici nihil, aut admodum exiguum reperiebatur. Syros vocabant Barbari: quos ita solerter abscondunt, ut , nisi quid defoderint, inveniri non possint. In iis conditæ fruges erant, in quarum penuria milites fluvia tili pisce , & herbis sustinebantur. Jamque hæc ipsa alimenta defecerant, cùm jumenta , quibus onera portabant, cædere jussi sunt. Horum carne , dum in Bactrianos per ventum , traxere vitam. Bactrianæ terre multiplex, & varia natura est. Alibi multa arbor, & vitiis largos, miroisque fructus alit. Solum pingue crebri fontes rigant. Quæ mitiora sunt, frumento conferuntur : cætera armentorum pabulo cedunt. Magna deinde partem ejusdem terræ steriles arenæ tenent. Squalida siccitate regio non homine , non frugem alit. Cum vero venti à Pontico mari spirant , quidquid sabuli in campis jacet , convertunt. Quod ubi cumulatum est , magnorum collium procul species est , omniaque pristini itineris vestigia intereunt. Itaque , qui transeunt campos , navigantium modo noctu sidera observant , ad quorum cursum iter dirigunt : & propemodum clarior est noctis umbra , quam lux. Ergo interdiu invia est regio , quia nec vestigium , quod sequantur , inventiunt , & nitor siderum caligine absconditur. Cæterum si quos ille ventus , qui à mari exoritur, deprehendit , arena obruit. Sed , quam mitior terra est, ingens hominum , equorumque multitudo gignitur. Itaque Bactriani equites triginta millia expleverant. Ipsa Bactra , regionis ejus caput , sita est sub monte Paropamisso. Bactrus amnis præterit moenia. Is urbi , & regioni dedit nomen.

CA-

CAPUT VIII.

Lacedæmoniorum defectio. Eriyi Monomachia cum Satibarzane, & victoria.

HIC Regi stativa habenti nuntiatur ex Græcia Peloponnesium, Laconumque defectio. Nondum enim vieti erant, cùm proficiscerentur, tumultus ejus principia nuntiatur. Et aliis præsens terror effertur, Scythes, qui ultra Tanaim amnem colunt, adventare, Besso ferentes opem. Eodem tempore, quæ in gente Ariorum Caranus, & Eriugius gesserant, perferuntur. Commissum erat prælium inter Macedonas, Ariosque. Transfuga Satibarzanes Barbaris præerat, qui cùm pugnam segnem utrinque æquis viribus stare vidisset, in primos ordines adequitavit, demptaque galea, inhibitis, qui tela jaciebant, si quis viritim dimicare vellet, provocavit ad pugnam, nudum se caput in certamine habitum. Non tulit ferociam Barbari Dux exercitus Eriygus, gravis quidem ætate, sed & animi, & corporis robore nulli juvenum postferendus. Is galea dempta canitiem ostentans: *Venit, inquit, dies, quo aut victoria, aut morte honestissima, quales amicos, & milites, Alexander habeat, ostendam.* Nec plura eloquutus, equum in hostem egit. Crederes imperatum, ut acies utræque tela cohiberent. Protinus certè recesserunt, dato libero spatio, intenti in eventum non duorum modò, sed etiam suæ sortis, quippè alienum discrimin sequuturi. Prior Barbarus emisit hastam, quam Eriygus modica capitis declinatione vitavit. At ipse infestam sarissam, equo calcaribus concito, in me-
dio

dio Barbari gutture ita fixit, ut per cervicem emineret. Præcipitatus ex equo Barbarus, adhuc tamen repugnabat. Sed ille extractam ex vulnere hastam rursus in os dirigit. Satibarzanes hastam manu complexus, quo maturius interiret, ictum hostis adjuvit. Et Barbari, duce amisso, quem magis necessitate, quam sponte sequuti erant, tunc haud immemores meritorum Alexandri, arma Erygio tradunt. Rex his quidem latus, de Spartanis haudquaquam securus, magno tamen animo defectionem eorum tulit, dicens, non ante ausus consilia nudare, quam ipsum ad fines Indiae pervenisse cognovissent. Ipse Bessum persequens copias movit; cui Erigys spolia Barbarica, ceu opimum belli decus præferens, occurrit.

C A P U T I X.

Alexander Bessum persequendo in aquarum penuriam incidit. Ejusdem patientia, & miranda sitis tolerantia.

(5.) **I**gitur Bactrianorum regione Artabazo tradita, sarcinas, & impedimenta ibi cum præsidio reliquit; ipse cum expedito agmine loca deserta Susitanorum intrat, nocturno itinere exercitum ducens. Aquarum (ut ante dictum est) penuria, prius desperatione, quam desiderio bibendi sitim accendit. Per cccc. stadia ne modicus quidem humor existit. Arenas vapor æstivi solis accedit, quæ ubi flagrare cœperunt, haud secus, quam continentis incendio cuncta torrentur. Caligo deinde immido-
co terræ fervore excitata, lucem tegit, camporumque non alia, quam vasti, & profundi æquoris species

cies est. Nocturnum iter tolerabile videbatur, quia rore, & matutino frigore corpora labantur. Ceterum, cum ipsa luce aestus oritur, omnemque naturalem absolve humorem siccitas; ora, visceraque penitus uruntur. Itaque primum animi, deinde corpora deficere cœperunt. Pigebat & consistere, & progredi. Pauci à peritis regionis admoniti præparant aquam. Hæc paulisper repressit sitim. Deinde, crescente aestu, rursum desiderium humoris accensum est. Ergo quidquid vini, oleique erat, hominibus ingerebatur. Tantaque dulcedo bibendi fuit, ut in posterum sitis non timeretur. Graves deinde avidè hausto humore, non sustinere arma, non ingredi poterant: & feliores videbantur, quos aqua defecerat: cum ipse sine modo infusam vomito coherentur egerere. Anxium Regem tantis malis, circumfusi amici, ut meminisset, orabant, animi sui magnitudinem, unicum remedium deficientis exercitus esse, cum ex iis, qui precesserant ad capiendum locum castris, duo occurrunt, utribus aquam gestantes, ut filiis suis, quos in eodem agmine esse, & ægrè pati sitim non ignorabant, occurrerent. Qui cum in Regem incidissent, alter ex iis, utre resoluto, vas, quod simul ferebat, implet, porrigenus Regi. Ille percontatus, quibus aquam portarent, filiis ferre cognocit. Tum poculo pleno (sicut oblatum est) redditio: *Nec solus, inquit, bibere sustineo, nec tam exiguum dividere omnibus possum. Vos currite, & liberis vestris quod propter illos attulistis, date.*

CA-

CAPUT X.

Multi avidius bibentes intereunt. Regis cura pro exercitu. Oxi trajectus.

Tandem ad flumen Oxum ipse pervenit prima ferè vespera. Sed exercitus magna pars non potuerat consequi. In edito monte ignes jubet fieri, ut ii, qui ægrè sequebantur, haud procul castris se abesse cognoscerent. Eos autem, qui primi agminis erant, matutinè cibo, ac potionē firmatos, implere alios utre, alios vasa, quibuscumque aqua posset portari, jussit, ac suis opem ferre. Sed qui intemperantius hauserant, interclusso spiritu stincti sunt: multoque major horum numerus fuit, quam ullo amisserat prælio. At ille thoracem adhuc indutus, nec aut cibo refectus, aut potu, quæ veniebat exercitus, constitit. Nec antè ad curandum corpus recessit, quam præterierant, qui agmen sequebantur, totamque eam noctem cum magno animi motu perpetuis vigiliis egit. Nec postero die lætior erat, qui nulla navigia habebat, nec pons erigi poterat, circum amnem nudo solo, & materia maximè sterili. Consilium igitur, quod unum necessitas subjecerat, init. Utres quam plurimos stramentis refertos dividit. His incumbantes transnavere amnem; quique primi transierant, in statione erant, dum trajicerent cæteri. Hoc modo sextò demùm die in ulteriore ripa totum exercitum exposuit.

CA-

C A P U T X I .

Spitamenes cum conjuratis Bessum victum dicit ad Alexandrum.

JAmque ad persequendum Bessum statuerat pro-gredi , cùm ea , quæ in Susianis erant , cognoscit . Spitamenes erat inter omnes amicos præcipuo ho-nore cultos à Besso . Sed nullis meritis perfidia mi-tigari potest . Quæ tamen jam minus in eo invisa esse poterat , quia nihil ulli nefas tunc in Bessum interfectorum Regis sui videbatur . Titulus facino-ris speciosus præferebatur , vindicta Darii . Sed fortunam , non scelus oderant Bessi . Nam , ut Ale-xandrum flumen Oxum superasse cognovit , Da-taphernem , & Catenem , quibus à Besso maxima fides habebatur , in societatem cogitatæ rei asciscit . Illi promptius adeunt , quam rogabantur : assump-tisque octo fortissimis juvenibus , talem dolum in-tendunt . Spitamenes pergit ad Bessum , & remotis arbitris , comperisse ait se , insidiari ei Datapher-nem , & Catenem , ut vivum Alexandro traderent , agitantes à semet occupatos esse , & viuctos tene-ri . Bessus tanto merito (ut credebat) obligatus , partim gratias agit , partim avidos explendi suppli-cii , adduci eos jubet . Illi , manibus sua sponte re-ligatis , à participibus consilii trahebantur . Quos Bessus truci vultu instuens , consurgit , manibus non temperaturus . At ille simulatione omissa circumsis-tunt eum , & frustra repugnantem vinciunt , direpto ex capite Regni insigni , lacerataque veste , quam spolium occisi Regis induerat . Ille Deos sui sceleris ultores adesse confessus , adjecit , non Da-

rio iniquos fuisse, quem sic ulciscerentur, sed Alessandro propitos, cuius victoriam semper etiam hostis adjuvisset. Multitudo an vindicatura Bessum fuerit, iucertum est, nisi illi, qui vincerant, jussu Alexandri fecisse ipsos ementiti, dubios adhuc animi terruissent. In equum impositum Alejandro tradituri ducunt.

CAPUT XII.

Missio veteranis data, Branchidarum excidium.

Inter hæc Rex, quibus matura erat missio, elec-
tio non gentis fere, æquiti bina talenta dedit, pediti
terna denarium millia, monitosque, ut liberos ge-
nerarent, remissit domum. Cæteris gratiæ actæ,
quod ad reliqua belli navaturos operam polliceban-
tur. Tum Bessus perducitur. Perventum erat in par-
vulum oppidum. Branchidæ ejus incolæ erant. Mi-
leto quondam, jussu Xerxis, cùm è Græcia redi-
ret, transierant, & in ea sede constiterant; quia
templum, quod Didymæon appellatur, in gratiam
Xerxis violaverant. Mores patrii nondum exoleve-
rant; sed jam bilingues erant, paullatim à domes-
tico, externoque sermone degeneres. Magno igitur
gaudio Regem excipiunt, urbem, seque traden-
tes. Ille Milesios qui apud ipsum militarant: con-
vocari jubet. Vetus odium miles gerebat in Bran-
chidarum gentem, proditionis ergo. His, sive in-
juriæ, sive originis meminisse malent, liberum
de Branchidis permittit arbitrium. Variantibus de-
inde sententiis, seipsum consideraturum, quid op-
timum factu esset, ostendit. Postero die occurenti-
bus, Branchidas secum procedere jubet. Cumque
ad

ad urbem ventum esset, ipse cum expedita manu portam intrat. Phalanx mœnia oppide circumire jussa, & dato signo diripere urbem proditorum receptaculum, ipsosque ad unum cædere. Illi inertes passim trucidantur. Nec aut commercio linguae, aut supplicium velamentis, precibusque inhiberi crudelitas potest. Tandem, ut dejicerent, fundamenta murorum ab imo moluntur; ne quod urbis vestigium extaret. Nec mora, lucos quoque sacros non cædunt modò, sed etiam extirpant, ut vasta solitudo, & sterilis humus, excussis etiam radicibus, linqueretur: quæ si in ipsos proditionis autores excogitata essent, justa ultio esse, non crudelitas videretur. Nunc culpam majorum posteri luere, qui ne viderant quidem Miletum; adeò Xerxi non potuerant prodere.

CAPUT XIII.

Spitamenes adducit nudum Bessum, qui in crucem agendus ad sagittas pro meta destinatur. Cotenis sagittarii laus.

INDE processit ad Tanaim amnem; quò perductus est Besus, non victus modò, sed etiam omni velamento corporis spoliatus. Spitamenes eum tenebat, collo inserta catena, tam Barbaris, quam Macedonibus gratum spectaculum. Tum Spitamenes, *Et te, inquit, & Darium reges meos ultus, interfectorem domini sui adduxi, eo modo captum, cuius ipse fecit exemplum. Aperiat ad hoc spectaculum oculus Darius: existat ab inferis, quib[us] illo suppicio indignus fuit, & hoc solatio dignus est.* Alexander, multum collaudato Spitamene,

conversus ad Bessum: *Cujus, inquit, feræ rabies occupavit animum tuum, cum Regem de te optimo meritum, prius vincere, deinde occidere sustinuisti?* Sed hujus parricidii mercedem falso Regis nomine persolvisti. Ibi ille facinus purgare non ausus, Regis titulum se usurpasse dixit, ut gentem suam tradere ipsi posset, qui si cessasset, alium fuisse Regnum occupaturum. At Alexandrum Oxatrem fratrem Dařii, quem inter corporis custodes habebat, propriū jussit accedere, tradique Bessum ei, ut cruci affixum, mutilatis auribus, naribusque, sagittis configerent Barbari, asservarentque corpus, ut ne aves quidem contingenterent. Oxatres cetera sibi curæ fore pollicetur, aves non ab alio, quam à Catene posse prohiberi adjecit, eximiam ejus artem cupiens ostendere. Namque adeò certo ictu destinata feriebat, ut aves quoque exciperet. Nam, etsi forsitan sagittandi tam celebri usu minus admirabilis videri hæc ars possit; tamen ingens visentibus miraculum, magnoque honori Cateni fuit. Dona deinde omnibus, qui Bessum adduxerant, data sunt. Cæterum supplicium ejus distulit, ut eo loco, in quo Darium ipse occiderat, necaretur.

CAPUT XIV.

Ex Macedonibus nonnulli pabulatores oppressi à Barbaris capiantur. Rex dimicans vulneratur. Barbari deduntur.

(6.) **I**ntrèa Macedones ad petendum pabulum incomposito agmine egressi, à Barbaris, qui de proximis montibus decurrerunt, opprimuntur. Plures-

resque capti sunt, quām occisi. Barbari autem, captivos prae se agentes, rursus in montem recesserunt. Viginti millia latronum erant. Fundis, sagittisque pugnam invadunt. Quos dum obsidet Rex, inter promptissimos dimicans, sagita ictus est, quæ in medio crure fixa reliquerat spiculum. Illum quidem mœsti, & amoniti Macedones in castra referabant. Sed nec Barbaros fefellit subductus ex acie Rex: quippe ex edito monte cuncta prospexerant. Itaque postero die misere legatos ad Regem, quos ille protinus jussit admitti: solutisque fasciis magnitudinem vulneris dissimulans, crux Barbaris ostendit. Illi jussi considere, affirmant, non Macedones, quam ipsos fuisse tristiores, cognito vulnere ipsius; cujus si auctorem reperissent, dedituros fuisse. Cum Diis enim pugnare sacrilegos tantum. Cæterum se gentem in fidem dedere, superatos virtute illius. Rex, fide data, & captivis receptis, gentem in ditionem accepit.

C A P U T X V.

Certamen elegans peditum, & equitum super gestando Rege, quod Rex amœbæum esse voluit. Maracanda occupat. Scytharum legatos audit. Locum urbi ad Tanaim designat.

CASTRIS INDE MOTIS, lectica militari ferebatur, quam pro se quisque, eques, pedesque subire certabant. Equites, cum quibus Rex prælia inire solitus erat, sui numeris id esse censebant. Pedites contra, cùm saucios commilitones ipsi gestare assuevissent, eripi sibi proprium officium tum potissimum, cùm Rex gestandum esset, querebantur. Rex in-

tanto utriusque partis certamine , & sibi difficilem , & preteritis gravem electionem futuram ratus , in- vicem subire eos jussit. Hinc quarto die ad urbem Maracanda perventum est. LXX. stadia murus ur- bis amplectitur. Aix nullo cingitur muro. Præsidio urbi relicto; proximos vicos depopulatur, atque urit. Legati deinde Abiorum Scythârum superveniunt, li- beri, ex quo decesserat Cyrus, tum imperata facturi. Justissimos Barbarorum constabat. Armis abstine- bant, nisi lacessiti. Libertatis modico , & æquali usu , principibus humiliores pares fecerant. Hos benignè alloquutus , ad eos Scythes , qui Europam incolunt , Penidam quemdam misit ex amicis, qui denuntiaret eis , ne Tanaim amnem regionis in- jussu Regis, transirent. Eidem mandatum , ut con- templaretur locorum situm , & illos quoque Scy- thes , qui super Bosphorus incolunt , viseret. Con- dendæ urbis sedem super ripam Tanais elegerat, claustrum , etiam perdomitorum , & quos deinde adire decreverat.

C A P U T X V I .

Sogdianorum , & Bactrianorum defectio : Cyropolis , & Memacena urbes cum Regis periculo evertuntur. Spitamenes obsidetur.

SED consilium distulit Sogdianorum nuntiata de- fectio , quæ Bactrianos quoque traxit. Septem mil- lia equitum erant , quorum auctoritatem cæteri se- quebantur. Alexander Spitamenem , & Catenem , à quibus ei traditus erat Bessus, haud dubius , quin eorum opera redigi possent in potestatem , coercen- do , qui notaverant re , jussit accersiri. At illi de- fec-

fectionis, ad quam coercendam evocabantur, auctores, vulgaverant famam, Bactrianos equites à Rege omnes, ut occiderentur, accersiri, id qui imperatum ipsis, non sustinuisse tamen exequi, ne inexpiabile in populares facinus admitterent, non magis Alexandri sævitiam, quām Bessi parracidium ferre potuisse. Itaque sua sponte jam motos, metu pœnæ haud difficulter concitaverunt ad arma. Alexander transfugarum defectione comperta, Craterum obsidere Cyropolym jubet. Ipse aliam urbem regionis ejusdem corona capit, signoque, ut puberes interficerentur, dato, reliqui in prædam cessere victoris. Urbs diruta est, ut cæteri cladis exemplo continerentur. Memaceni, valida gens, obsidionem, non ut honestiorem modò, sed etiam ut tutiorem ferre decreverant. Ad quorum pertinaciam mitigandam Rex L. equites præmisit, qui clementiam ipsius in deditos, simulque inexorabilem animum in devictos ostenderent. Illi nec de fide, nec de potentia Regis ipsos dubitare respondent, equitesque tendere extra munimenta urbis jubent. Hospitaliter deinde exceptos, gravesque epulis, & somno, intempesta nocte adorti interfecerunt. Alexander haud secùs, quām par erat, motus, urbem corona circumdedit, munitiorem, quam in primo impetu capi posset. Itaque Meleagrum, & Perdiccam in obsidionem jungit, Cyropolim (ut antè dictum est) obsidentes. Statuerat autem parcere urbi conditæ à Cyro: quippe non aliud gentium illarum magis admiratus est, quam hunc Regem, & Semiramim, in queis, & magnitudinem animi, & claritatem rerum longè emicuisse credebat. Cæterum pertinacia oppidanorum ejus iram accendit.

Itaque captam urbem diripere jussit. Deleta, Memacenis haud injuria infestus, ad Meleagrum, & Perdiccam redit. Sed non alia urbs fortius obsidionem tulit; quippe & militum promptissimi cecidere, & ipse Rex ad ultimum periculum venit. Namque cervix ejus saxo ita icta est, ut oculis caligine offusa collaboretur, ne mentis quidem compos. Exercitus certe velut erepto eo ingemuit. Sed invictus adversus ea, quæ cæteros terrent, nondum percurato vulnere, acrius obsidioni institit, naturalem celeritatem ira concitante. Cuniculo ergo suffosa mœnia, ingens nudavere spatium, per quod irrupit, vi torque urbem dirui jussit. Hinc Menedemum cum tribus millibus peditum, & octingentis equitibus ad urbem Maracanda missit. Spitamenes transfuga, præsidio Macedonum inde dejecto, muris urbis ejus incluserat se, haud oppidanis consilium defectionis approbantibus. Sequi tamen videbantur, quia prohibere non poterant.

CAPUT XVII.

*Ad Tanaim Alexandriam ponit, quam Scythæ ne-
qui quam diruere conatur.*

Insterim Alexander ad Tanaim amnem redit: & quantum soli occupaverant castis, muro circumdedit. Sexaginta stadiorum urbis murus fuit. Hanc quoque urbem Alexandrum appellari jussit. Opus tanta celeritate perfectum est, ut decimo septimo die, quam munimenta excitata erant, tecta quoque urbis absolverentur. Ingens militum certamen inter ipsos fuerat, ut suum quisque munus (nam divisum erat) primus ostenderet. Incolæ novæ urbi da-

dati captivi, quos, reddito prætio dominis, liberavit. Quorum posteri nunc quoque nondum apud eos tam longa ætate propter memoriam Alexandri exoleverunt. (7.) Rex Scytarum, cuius tum ultra Tanaim imperium erat, ratus eam urbem, quam in ripa amnis Macedones condiderant, suis impositam esse cervicibus, fratrem, Cathe sim nomine, cum magna equitum manu missit ad diruendam eam, proculque amne ad submovendas Macedenam copias.

CAPUT XVIII.

Scytharum descriptio. Cura Alexandri de valetudine, & hoste. Ejusdem superstitione.

Bactrianos Tanais à Scythis, quos Europæos vocant, dividit. Idem Asiam, & Europam finis interfluit. Cæterum Scytarum gens haud procul Tracia sita, ab Oriente ad Septentrionem se vertit, Sarmatarumque, ut quidam credidere, non finitima, sed pars est. Recta deinde regionem aliam ultra Istrum jacentem colit: ultima Asiæ, quæ Bactra sunt, stringit. Quæ Septentrioni proxima sunt, profundæ inde sylvæ, vastæque solitudines excipiunt; rursus, quæ Tanaim, & Bactra spectant, humano cultu haud disparia sunt. Primus cum hac gente non provisum bellum Alexander gesturus, cùm in conspectu ejus obequitaret hostis, adhuc æger ex vulnere, præcipue voce deficiens, quam & modicus cibus, & cervicis extenuabat dolor, amicos in consilium advocari jubet. Terrebat eum non hostis, sed iniquitas temporis. Bactriani defecerant: Scythæ etiam lacesebant. Ipse non insiste-

tere in terra, non equo vehi, non docere, non hortari suos poterat. Anticipiti periculo implicitus, Deos quoque incusans, querebatur, se jacere segnem, cuius velocitatem nemo antea valuisset effugere. Vix suos credere, non simulari valetudinem. Itaque qui post Darium victum Ariolos, & Vates consulere desierat, rursus ad superstitionem humanarum mentium ludibria revolutus. Aristandrum, cui credulitatem suam addixerat, explorare eventum rerum sacrificiis jubet. Mos erat Aruspiciis exta sine Rege spectare, & quæ portendarentur, referre. Inter hæc Rex, dum fibris pecudum exploratur eventus latentium rerum, propriùs ipsum considerare amicos jubet, ne contentione vocis cicatricem infirmam adhuc rumperet. Hephaestion, Craterus, & Arigyus erant cum custodibus in tabernaculum admissi.

CAPUT XIX.

Consilium ponit de inferendo Scythis bello. Dehortantur Erigys, & Aristander. Vates ab Alexander reprehensus, iterum litat, & perlitatum feliciter nuntiat.

Discrimen, inquit, me occupavit, meliore hostium, quād mea tempore. Sed necessitas ante rationem est, maximè in bello, quo raro permittitur tempora eligere. Defecere Bactriani, in quorum cervibus stamus, & quantum in nobis animi sit, alieno Marte experiuntur, haud dubia fortuna. Si omiserimus Scythes ultrò arma inferentes, contempti ad illos, qui defecerunt, revertemur. Si verò Tanaim transierimus, & ubique invictos esse nos Scytharum per-

pernicie, ac sanguine ostenderimus, quis dubitavit
 patere etiam Europam victoribus? Fallitur, qui ter-
 minos gloriæ nostræ metitur spatio, quod transituū
 sumus. Unus annis intersuit, quem si trajicimus, in
 Europam arma proferimus. Et qnanti æstimandum
 est, dum Asiam subigimus, in alio quodammodo or-
 be trophya statuere, & quæ tam longo intervallo na-
 tura videtur diremisse, una victoria subito committe-
 re? At herculè si paullulum cessaverimus, in tergis
 nostris Scythæ hærebunt. An soli sumus, qui flumina
 tranare possumus? Multa in nosmetipsos recident,
 quibus adhuc vicimus. Fortuna belli artem victos
 quoque docet. Utribus annem trajiciendi exemplum
 fecimus nuper. Hoc ut Scythæ imitari nesciant,
 Bactriani docebunt. Præterea unus gentis hujus
 adhuc exercitus venit, cæteri expectantur. Ita be-
 llum vitando alemus, & quod inferre possimus,
 accipere cogemur. Manifesta est consilii mei ratio.
 Sed an permisuri sint Macedones animo uti meo,
 dubito; quia, ex quo hoc vulnus accepi, non equo
 vectus sum, non pedibus ingressus. Sed, si me sequi
 vultis, valeo, amici. Satis virium est ad tolleranda
 ista. Aut, si jam adest vitæ meæ finis, in quo tan-
 dem opere melius extinguar? Hæc, quassa adhuc
 voce deficiens, vix proximis exaudientibus, di-
 xerat; cum omnes à tam præcipiti consilio Re-
 gem deterrere cooperunt. Erigys maximè, qui
 haud sanè auctoritate proficiens apud obstinatum
 animum, superstitionem, cuius potens non erat
 Rex, incutere tentavit, dicendo, Deus quoque obs-
 tare consilio, magnumque periculum, si flumen
 transisset, ostendi. Intranti Eriyo tabernaculum
 Regis, Aristander occurrerat, tristia exta fuisse
 sig-

significans. Hæc ex vate comperta Erigyus nuntiabat. Quo inhibito, Alexander non ira solùm, sed etiam pudore confusus, quòd superstitione, quam celaverat, detegebatur, Aristandrum vocari jubet. Qui ut venit, intuens eum, Non Rex, inquit, sed privatus sum. Sacrificium ut faceres, mandavi. Quid eo portenderetur, cur apud alium, quam apud me professus es? Erigyus arcana mea, & secreta, te prodente, cognovit. Quem certum me hercule habeo extorum interpretem uti metu suo. Tibi autem sepiùs quam potest, denuntio, ipse mibi indices quid ex extis cognoveris, ne possis inficiari dixisse, que dixeris. Exanguis ille, attonitoque similis stabat, per metum etiam voce suppressa. Tamdemque eodem metu simulante, ne Regis expectationem moraretur, Magni, inquit, laboris non irriti discrimen instare prædixi. Nec me ars mea, quam benevolentia, magis perturbat. Infirmitatem valetudinis tuæ video, & quantum in te uno sit, scio. Vereor, ne præsentí fortunæ tuæ sufficere possit. Rex jussum confidere felicitati suæ remissit. Sibi enim ad aliam gloriam concedere Deos. Consultanti deinde cum iisdem, quonam modo flumen transirent, supervenit Aristander, non alias lætiora exta vidisse se affirmans, utique prioribus longè diversa, tum solicitudinis causas apparuisse, nunc prorsus egregiè litatum esse.

CAPUT XX.

Menedemus Alexandri Praefectus ad Maracanda cum copiis à Spitamene deletur. Alexander cladem dissimulat.

CÆterum quæ subinde nuntiata sunt Regi, continuæ felicitati rerum ejus imposueram labem. Menedemum, ut suprà dictum est, miserat ad obsidendum Spitamenem Bactrianæ defectionis auctorem. Qui comperto hostis adventu, ne muris urbis includeretur, simul fretus excipi posse, quem venturum sciebat, consedit occultus. Sylvestre iter aptum insidiis tegendis erat. Ibi Dahas condidit. Equi binos armatos vehunt, quorum invicem singuli repente desiliunt, equestris pugnæ ordinem turbant. Equorum velocitati par est hominum pernicitas. Hos Spitamenes saltum circuire jussos, pariter & à lateribus, & à fronte, & à tergo hosti ostendit. Menedemus undique inclusus, ne numero quidem par, diu tamen restitit, clamitans, nihil aliud superesse locorum fraude deceptis, quam honestè mortis solatum ex hostium cæde. Ipsum prævalens equus vehebat, quo sæpiùs in cuneos Barbarorum effusis habenis evectus, magna strage eos fuderat. Sed, cum unum omnes peterent, multis vulneribus exanguis Hypsidem quemdam ex amicis hortatus est, ut in equum suum ascenderet. & se fuga eriperet. Hæc agentem anima defecit, corpusque ex equo defluxit in terram. Hypsides poterat quidem effugere, sed amisso amico mori statuit. Una erat cura, ne inultus occideret. Itaque subditis calcaribus equo, in medios hostes se immisit

sit, & memorabili edita pugna, obrutus telis est. Quod ubi videre, qui cædi supererant, tumulum paullo, quām cætera, editionem capiunt. Quos Spitamenes fame in dditionem subacturus obsedit. Cecidere eo prælio peditum duo millia, trecenti equites. Quam cladem Alexander solerti consilio exit, morte denuntiata iis, qui ex prælio venerant, si acta vulgassent.

C A P U T X X I.

Rex per vigil consultat secum. Tum militem alloquitur & bellum in Scythes pronuntiat, ratesque parat. Legatio, & oratio Scytharum.

(8.) **C**Æterūm cùm animo disparem vultum diutius ferre non posset, in tabernaculum supra ripam fluminis de industria locarum secessit. Ibi sine arbitris singula animi consulta pensando, noctem vigiliis extraxit, sepè pellibus tabernaculi allevatis, ut conspiceret hostium ignes, è quibus conjectare poterat, quanta hominum multitudo esset. Jamque lux appetebat, cum thoracem indutus, procedit ad millites, tum primūm post vulnus primè acceptum. Tanta erat apud eos veneratio Regis, ut facile periculi, quod horrebant, cogitationem præsentia ejus excuteret. Læti ergo, & manantibus præ gaudio lacrymis, consulunt eum, & quod antè recusaverant bellum, feroce depositum. Illi se rati bus equitem, phalangemque transportaturum esse pronuntiat, super utres jubet nare læviūs armatos. Plura nec dici res desideravit, nec Rex dicere per valetudinem potuit. Cæterūm tanta alacritate militum rates junctæ sunt, ut in triduum ad duodecim mil-

millia effectæ sint. Jamque ad transeundum omnia aptaverant; cùm legati Scytharum viginti, more gentis, per castra equis vecti, nuntiari jubent Regi, velle ipsos ad eum mandata perferre. Admissi in tabernaculum, jussique considere, in vultu Regis defixerant oculos, credo, quia, magnitudine corporis animum æstimantibus, modicus habitus haud quaquam famæ par videbatur. Scythis autem, non ut cæteris Barbaris rudis, & inconditus sensus est. Quidam eorum sapientiam capere dicuntur, quam tamcumque gens capit semper armata. Sicque loquutus esse apud Regem memoriæ proditum est, abhorrentia forsitan moribus nostris, & tempora, & ingenia cultiora sortitis. Sed ut possit oratio eorum sperni, tamen fides nostra non debet. Quæ utcumque tradita sunt, incorrupta perferemus. Igitur unum ex his maximum natu ita loquutum accepi-
 mus: *Si Dii habitum corporis tui aviditati animi parrem esse voluissent, orbis te non caperet; altera manus Orientem, altera Occidentem contingeres; & hoc assequutus scire velles, ubi tanti Numinis fulgor conderetur. Sic quoque concupiscis, quæ non capis. Ab Europa petis Asiam, ex Asia transis in Europam. Deinde, si humanum genus omne superaveris, cum sylvis, & nivibus, & fluminibus, ferisque bestiis gesturus es bellum. Quid tu? Ignoras arbores magnas diu crescere, una hora extirpari? Stultus est, qui fructus earum spectat, altitudinem non metitur. Vide, ne, dum ad cacumen pervenire contendis, cum ipsis ramis, quos comprehenderis, decidas. Leo quoque aliquando minimarum avium pabulum fuit, & ferrum rubigo consumit. Nihil tam firmum est, cui periculum non sit, etiam ab invalido. Quid nobis tem-*
cum

cum est? numquam terram tuam attigimus. Qui sit, unde venias, licet ne ignorare in vastis sylvis viventibus? Nec serbire ulli possumus, nec imperare desideramus. Dona vobis data sunt, ne Scytharum gentem ignores, jugum boum, aratrum, & hasta, & sagitta, & patera. His utimur & cum amicis, & adversus inimicos. Fruges amicis damus, boum labore quæsitas: patera cum iisdem vinum Diis libamus: inimicos sagitta eminus, hasta cominus petimus. Sic Scythæ Regem, & postea Persarum, Medorumque superavimus, patuitque nobis iter usque in Ægyptum. At tu, qui te gloriaris ad latrones persequendos venire, omnium gentium, quas adisti, latro es. Lydiam cepisti, Syriam occupasti, Persidem tenes, Bactrianos habes in potestate, Indos petisti. Jam etiam ad pecora nostra avaras, & insatiabiles manus porrigit. Quid tibi divitiis opus est, quæ te esurire cogunt? Primus omnium satietate parasti famem, ut quo plura haberet, acrius, quæ non habes, cuperes. Non succurrit tibi, quandiu circum Bactra hæreas? Dum illos subigis, Sogdiani bellare cœperunt. Bellum tibi ex victoria nascitur. Nam ut major, fortiorque sis, quam quisquam, tamen alienigenam dominum pati nemo vult, Transi modo Tanaim, scies, quam late patent, nunquam tamen consequeris Scythes. Paupertas nostra velocior erit, quam exercitus tuus, qui prædam tot nationum vehit. Rursus cum procul abesse nos credes, videbis in tuis castris. Eadem enim velocitate & sequimur, & fugimur. SCYTHARUM SOLITUDINES Græcis etiam proberbiis audio eludi. At nos deserta, & humano cultu vacua, magis, quam urbes, & opulentos agros sequimur. Proinde fortunam tuam pressis manibus tene. Rubrica est, nec

in-

invita teneri potest. Impone felicitate tuæ frenum; facilius illam reges. Nostri SINE PEDIBUS dicunt esse FORTUNAM, quæ manus, & pinnas tantum habet. Cùm manus porrigit, pinnas quoque comprehendere non sinit. Denique, si Deus es, tribuere mortalibus beneficia debes, non sua eripere: si autem homo es, id, quod es, semper esse te cogita. Stultum est eorum meminisse, propter quæ tui oblivisceris. Quibus bellum non intuleris, bonis amicis poteris uti. Nam & firmissima est inter pares amicitia, & vindentur pares, qui non fecerunt inter se periculum virium. Quos viceris, amicos tibi esse, cave, credas. Inter dominum, & servum nulla amicitia est. Etiam in pace, belli tamen jura servantur. Jurando gratiam Scythas sancire ne credideris. Colendo fidem jurant. Græcorum ista cautio est, qui acta consignant, & Deos invocant. Nos religionem in ipsa fide novimus. Qui non reverentur homines, fallunt Deos. Nec tibi amico opus est, de cuius benevolentia dubites. Cæterum nos & Asiæ, & Europæ custodes habebis. Bactra, nisi dividat Tanais, contigimus. Ultra Tanaim, usque ad Thraciam colimus. Thraciæ Macedoniam conjunctam esse fama est. Utrique imperio tuo finitos, hostes, an amicos velis esse, considera. Hæc Barbagus.

C A P U T X X I I .

Rex verba peracutè aespontet. Tanaim trajicit : hostes fundit. Sagas deditos in fidem recipit.

(9.) **C**ONTRÀ Rex, fortuna sua, & consiliis eorum se usurum esse respondet. Nam & fortunam, cui confidat, & consilium suadentium, ne quid temerè, & audacter faciat, sequuturum. Dimissisque legatis, in præparatas rates exercitum imposuit. In proris clypeatos locaverat, jussos in genua subsidere, quò tutiores essent adversùs ictus sagittarum. Post hos, qui tormenta intenderent, stabant, & ab utroque latere, & à fronte circumdati armatis. Reliqui, qui post tormenta constiterant, remigem lorica indutum scutorum testudine armati protegebant. Idem ordo in illis quoque ratibus, quæ equitem vehebant, servatus est, major pars à puppe nantes equos loris trahebat. At illos, quos utres stramento repleti vehebant, objectæ rates tuebantur. Ipse Rex cum delectis primus ratem solvit, & in ripam dirigi jussit. Cui Scythæ admotos ordines equitum in primo ripæ margine opponunt, ut ne applicari quidem terræ rates possent. Cæterum præter hanc speciem ripis præsidentis exercitus, ingens navigantes terror invaserat. Namque cursum gubernatores, cùm obliquo flumine impellerentur, regere non poterant: vacillantesque milites, & ne excuterentur solliciti, nautarum ministeria turbaverant. Nec tela quidem conati nisu vibrare poterant, cùm prior standi sine periculo, quām hostem laccessendi, cura esset. Tormenta saluti fuerunt, quibus in confertos, ac temerè, se offerentes haud

haud frustra excussa sunt tela. Barbari quoque ingentem vim sagittarum infudere ratibus, vixque ullum fuit scutum, quod non pluribus simul spiculis perforaretur. Jamque terræ rates applicabantur, cum acies clypeata consurgi, & hastas certo ictu, utpote libero nisu, mittit è ratibus. Et, ut territos, recipientesque equos videre, alacres mutua adhortatione in terram desiliere. Turbatis acriter pedem inferre cœperunt. Equitum deinde turmæ, quæ frenatos habebant equos, perfregere Barbarorum aciem. Interim cæteri agmine dimicantium tecti aptavere se pugnæ. Rem, quod vigoris ægro adhuc corpori deerat, animi firmitate supplebat. Vox adhortantis non poterat audiri, nondum benè obducta cicatrice cervicis: sed dimicantem cuncti videbant. Itaque ipsi quidem ducum fungebantur officio, aliusque alium adhortari, in hostem salutis immemores, ruere cœperunt. Tum verò non ora, non arma, non clamorem hostium Barbari tolerare potuerunt; omnesque, effusis habenis, (namque eques-tris acies erat) capessunt fugam; quos Rex, quamquam vexationem invalidi corporis pati non poterat, per lxxx. tamen stadia insequi perseveravit. Jamque linquente animo, suis præcepit, ut, donec lucis aliquid superesset, fugientium tergis inhærent. Ipse, exhaustis etiam animi viribus, in castra se recepit, reliquum substitit. Transierant jam Liberi patris terminos, quorum monumenta lapides erant crebris intervallis dispositi, arboresque proceræ, quarum stipites hædera contexerat. Sed Macedones ira longius provexit: quippe media fere nocte in castra redierunt, multis imperfectis, pluribus captis, equosque MDCCC. abegere. Cecide-

runt autem Macedonum equites LX. pedites C. fere, M. saucii fuerunt. Hæc expeditio deficientem magna ex parte Asiam fama tam oportunæ victoriæ domuit. Invictos Scythes esse crediderant, quibus fractis, nullam gentem Macedonum armis parem fore confitebantur. Itaque Sacæ misere legatos, qui pollicerentur gentem imperata facturam. Moverat eos Regis non virtus magis, quam clementia in devictos Scythes: quippe captivos omnes sine pretio remiserat, ut fidem faceret, sibi cum ferocissimis gentium de fortitudine, non de ira fuisse certamen. Benignè igitur exceptis Sacarum legatis, comitem Escipinum dedit, admodum juvenem, ætatis flore conciliatum sibi: qui cum specie corporis æquaret Hephaestionem, lepore haud sanè illi parerat.

CAPUT XXIII.

Spitamienem persequitur. Sogdianos describit, vassas. XXX. juvenes damnos vita donat, & per illos Sogdianos in fide continet. Bactra petit. Besum Ecbatana duci jubet.

Ipse, Cratero cum majore parte exercitus modicis itineribus sequi jussò, ad Maracanda urbem pervenit, ex qua Spitamenes, cognito ejus adventu, Bactra perfugerat. Itaque quatriduo Rex longum itineris spatiū emensus, pervenit in eum locum, in quo, Menedemo duce, duo millia peditum, & trecentos equites amiserat. Horum ossa tumulo contingi jussit, & in ferios mōre patrio dedit. Jam Craterus, cum phalange subsequi jussus, ad Regem pervenerat. Itaque, ut omnes, qui defecerant, pariter belli clade premerentur, copias dividit; utique

que agros, & interfici puberes jussit. (10.) Sogdiana regio majori ex parte deserta est: octingenta ferè stadia in latitudinem vastæ solitudines tenent. Ingens spatium rectæ regionis est, per quam amnis (Polytimetum vocant incolæ) fertur. Torrentem eum ripæ in tenuem alveum cogunt, deinde caverna accipit, & sub terram rapit cursus. Asconditi indicium est aquæ meantis sonus, cùm ipsum solum, sub quo tantus amnis fluit, ne modico quidem resudet humore. Ex captivis Sogdianorum ad Regem triginta nobiiissimi, corporum robore eximio, perducti erant. Qui ut per interpretem cognoverunt, jussu Regis ipsos ad supplicium trahi, carmen lætantium more canere, tripudiisque & lasciviori corporis motu gaudium quoddam animi ostentare cœperunt. Admiratus Rex tanta magnitudine animi oppetere mortem, evocari eos jussit, causam tam effusæ lætitiae, cùm supplicium ante oculos haberent, requirens. Illi, si ab alio occiderentur, tristes morituros fuisse respondent; nunc à tanto Rege victore omnium gentium majoribus suis redditos, honestam mortem, quam fortis viri voto quoque expeterent, carminibus sui moris, lætitiaque celebrare. Tum Rex, quæro itaque, inquit, *an vivere velitis non inimici mibi, cuius beneficio victuri estis?* Illi numquam se inimicos ei, sed bello laccessitos, hostes fuisse, respondent: si quis ipsos beneficio, quām injuria experiri maluisset, certaturos fuisse, ne vinceretur officio. Interrogantique, quo pignore fidem obligaturi essent, *Vitam, quam acciperent, pignori futuram esse,* dixerunt, *redituros, quando ipse repetisset.* Nec promissum fefellerunt. Nam qui remissi domos ierant,

in fide continuere populares: quatuor inter custodes corporis retenti, nulli Macedonum in Regem charitate cesserunt. In Sogdianis Peucolao cum tribus millibus peditum (neque enim majori praesidio indigebant) relicto, Bactra pervenit. Inde Bessum Ecbatana duci jussit, imperfecto Dario, poenas capite persoluturum.

CAPUT XXIV.

Sexdecim millia accipit in supplementum. Sogdianos reliquos subigit. Ochum, & Oxum flumina superat. Ad marginiam urbem sex oppida condit.

Ilsdem ferè diebus Ptolemæus, & Menidas peditum tria millia, & equites mille adduxerunt mercato militaturos. Alexander quoque ex Lycia cum pari numero peditum, & quingentis equitibus venit. Totidem è Syria Asclepiodorum sequebantur. Antipater Græcorum octo millia, in quaeis quingeniti equites erant, miserat. Itaque exercitu aucto, ad ea, quæ defectione turbata erant, componenda processit, imperfectisque consternationis auctoribus, quarto die ad flumen Oxum perventum est. Hic, quia limum vehit, turbidus semper, & insalubris est potu. Itaque puteos miles cooperat fodere: nec tamen humo altè egesta existebat humor, cum in ipso tabernaculo Regis conspectus est fons, quem quia tardè notaverant, subito extitisse finxerunt, Rexque ipse credi voluit, donum Dei id fuisse. Superatis deinde amnibus Ocho, & Oxo, ad urbem Marginiam pervenit. Circa eam sex oppidis condendis electa sedes est. Duo ad meridiem versa,

qua-

quatuor spectantia Orientem modicis inter se spatiis distabant, ne procul repetendum esset mutuum auxilium. Hæc omnia sita sunt in editis collibus. Tum velut fræni domitarum gentium, nunc originis suæ oblita serviunt, quibus imperaverunt.

CAPUT XXV.

Petram Arimazis Sogdiani describit Curtius: Alexander expugnat. Arimazem cum propinquis in crucem tolli jubet.

(ii.) **E**T cætera quidem pacaverat. Una erat Petra, quæ Arimazes Sogdianus cum triginta milibus armatorum obtinebat, alimentis ante congestis, quæ tantæ multitudini vel biennium suppeterent. Petra in altitudinem triginta eminet stadia, circuitu centum & quinquaginta complectitur. Undique abscissa, & abruta, semita peraugusta aditum. In medio altitudinis spatio habet specum, cuius os arcum, & obscurum est; paullatim deinde ulteriora panduntur; ultima etiam altos recessus habent. Fontes per totum fere specum manant, è quibus collatæ aquæ per prona montis flumen emittunt. Rex, loci difficultate spectata, statuerat inde abiire: cupidus deinde incessit animo naturam quoque fatigandi. Prius tamen quæ fortunam obsidionis experiretur, Cophen (Artabaxi hic filius erat) misit ad Barbaros, qui suaderet, ut dederent rupem. Arimazes loco fretus, superbe multa respondit: ad ultimum, an Alexander etiam volare possit, interrogat. Quæ nuntiata Regi sic accendere animum, ut adhibitis, cum quibus consultare erat tolitus, indicaret insolentiam Barbari illudentis ipsos, quia

pinnas non haberent ; se autem proxima nocte effecturum, ut crederet Macédonas etiam volare. *Trecentos*, inquit, *perniciissimos juvenes ex suis quisque copiis perducite ad me*, qui per calles, & penè invias rupes domi pecora agere consueverint. Illi præstantes, & levitate corporum, & ardore animorum strenuè adducunt, quos intuens Rex, *Vobiscum*, inquit, o juvenes, & mei æquales, urbitum invictarum antè munita superavi, montium juga perenni nive obruta emensus sum, angustias Ciliciæ intravi, Indiæ sine lassitudine vim frigoris sum percussus. Et mei documenta vobis dedi, & vestra habeo. Petra, quam videtis unum aditum habet, quem Barbari obsident, cætera negligunt. Nullæ vigiliae sunt, nisi quæ castra nostra spectant. Invenietis viam, si solerter rimati fueris aditus ferentes ad cacumen. Nihil tam altè natura constituit, quo virtus non possit eniti. Experiendo, quæ cæteri desperaverunt, Asiam habemus in potestate. Eavadite in cacumen; quod cum ceperitis, candidis velis signum mihi dabitis, Ego, copiis admotis, hostem in nos à vobis convertam. Præmium erit ei, qui primus occupaverit verticem, talenta decem : uno minus accipiet, qui proximus ei venerit : eademque ad decem homines servabitur portio. Certum habeo, vos non tam liberalitatem intueri meam, quam voluntatem. His animis Regem audierunt, ut jam cœpisse verticem videarentur : dimissique, ferreos cuneos, quos inter saxa defigerent, validosque funes parabant. Rex circumvectus Petram, quæ minimè asper, ac præruptus aditus videbatur (secunda vigilia quod benè verteret) ingredi jubet. Illi, alimentis in biduum sumptis, gladiis modò, atque hastis armati, subire

cœ-

cœperunt. Ac primò pedibus ingressi sunt: deinde, ut in prærupta perventum est, alii manibus, eminentia saxa complexi, levavere semet, alii adjectis funium laqueis evasere, cum cuneos inter saxa defigerent, queis gradus subinde insisterent. Diem inter metum, laboremque consumpserunt. Per aspera enixis duriora restabant, & crescere altitudo Petræ videbatur. Illa verò miserabilis erat facies, cùm ii, quos instabilis gradus fefellerat, ex præcipiti devolverentur: mox eadem in se patientia alieni casus ostendebat exemplum. Per has tamen difficultates énituntur in verticem montis, omnes fatigatione continuati laboris affecti, quidam mutilati parte membrorum. Pariterque eos & nox, & somnus oppressit. Stratis passim corporibus in inviis, & in asperis saxorum, periculi instantiis oblití, in lucem quieverunt. Tamdemque velut ex alto sopore excitati, occultas, subjectasque ipsis valles timantes, ignari in qua parte Petræ tanta vis hostium condita esset, fumum infra se evolutum, & os specus notaverunt. Ex quo intellectum est, illam hostium letebram esse. Itaque hastis imposuere, quod convenerat signum; totoque è numero duos, & triginta in ascensu interiisse cognoscunt. Rex non cupidine magis potiundi loci, quām vicem eorum, quos ad tam manifestum periculum miserat, sollicitus, toto die cacumina montis intuens resistit. Noctu demùm, cùm obscuritas conspectum oculorum ademisset, ad curandum corpus recessit. Postero die nondùm satis clara luce primus vela, signum capti verticis, conspexit. Sed ne falteretur acies, dubitare cogebat varietas cœli, nunc internitente lucis fulgore, nunc condito. Verùm, ut

li-

liquidior lux apparuit cœlo, dubitatio exempta est: vocatumque Cophen, per quem Barbarorum animos tentaverat, mittit ad eos, qui moneret, nunc saltem salubris consilium inirent. Sin autem fiducia loci perseverent, ostendi à tergo jussi, qui ceperant verticem. Cophes ad eos missus, suadere cœpit Arimazi Petram tradere, gratiam Regis inituro, si tanta res molientem in unius rupis obsidione hærere non coegisset. Ille ferocius, superbiusque, quam anteā loquutus, abire Cophen jubet. At is prehensum manu Barbarum rogat, ut secum extra specum prodeat. Quo impetrato, juvenes in cacumine ostendit, ejusque superbiæ haud immerito illudens, pennis, ait, habere milites Alexandri. Jamque è Macedonum castris signorum concentus, & totius exercitus clamor audiebatur. Ea res, sicut pleraque belli vana, & inania, Barbaros ad ditionem traxit: quippe occupati metu, paucitatem eorum, qui à tergo erant, aestimare non poterant. Itaque Cophen (nam trepidantes reliquerat) strenue revocant, & cum eo triginta principes mittunt, qui Petram tradant, & ut incolumibus abire liceat, paciscantur. Ille quamquam verebatur, ne conspecta juvenum paucitate deturbarent eos Barbari, tamen & fortunæ suæ confisus, & Arimazi superbiæ infensus, nullam se conditionem ditionis accipere respondit. Arimazes, desperatis magis, quam' perditis rebus, cum propinquis, nobilissimisque gentis suæ descendit in castra, quos omnes verberibus affectos, sub ipsis radiibus Petræ crucibus jussit affigi. Multitudo peditorum incolis novarum urbium cum pecunia capta dono data est. Artabazus in Petræ, regionisque, quæ apposita est ei, tutela relictus est.

LIBER VIII.

SYNOPSIS.

Mit Assagetis, Dahis, Sogdianis; in potestatem redactis; Rex vanabundus leonem: & quatuor millia ferarum sternit. Clytom inclytum Ducem sub cœnam temulentus interficit, quod illum serò pœnitet. Bactrianos, & Sysimithrem desertores, & defectores persequitur. Philippus, & Erigyus extinguntur. Uxorem Spitamenis viri interfetricem Alexander execratur. In Præfectos provinciarum animadvertis. Provincias, mutatis Prætoribus, ab injuriis vindicat. Regis humanitas in militem, qui frigore obriguerat. Roxanem dicit uxorem. Callisthenes adulatores Alexandri reprimit; ipse in odium ejusdem incurrit. Conjurat Hermolaus; comprehenditur cum Callisthene; perorat contra Alexandrum. Respondet Hermolao Alexander; & damnatum necari cum Callisthene jubet. India describitur. Aornus capitul. Omphis Rex deditur. Porus ab Alexandro ingenti prælio superatus Regno restituitur.

CAPUT I.

Barbaros persequitur. Attinas cum 300. cœditur Craterus offensam belli emendat.

Alexander majore fama quam gloria in ditionem redacta Petra, cum propter vagum hostem spargendæ manus essent, in tres partes divisit exerci-

citum. Hephaestionem uni, Cœnonem alteri duces dederat; ipse cæteris præerat. Sed non eadem mens omnibus barbaris fuit. Armis quidam subacti, plures ante certamen imperata fecerunt, quibus eorum, qui in defectione perseveraverant, urbes, agrosque jussit attribui. At exules Bactriani cum octingentis Massagetarum equitibus proximos vicos vastaverunt. Ad quos coercendos Atinas regionis ejus Præfectus trecentos equites, insidiarum, quæ parabantur, ignarus, eduxit. Namque hostis in sylvis, quæ erant fortè campo junctæ, armatum militem condidit, paucis propellentibus pecora, ut improvidem ad insidias præda perduceret. Itaque incomposito agmine, solutisque ordinibus, Atinas prædabundus sequebatur; quem prætergressum sylvam, qui in ea consederant, ex improviso adorti, cum omnibus interemerunt. Celeriter ad Craterum hujus clavis fama perlata est, qui cum omni equitatu supervenit. Et Massagetae quidem jam refugerant. Dahæ mille oppressi sunt, quorum clade, totius regionis finita defectio.

C A P U T II.

Legati varias gentes dedunt. Scythæ petunt connubia Macedonum. Rex Bazarium ingreditur, quæ describitur. Venatio Alexandri, & epulum.

Alexander quoque, Sogdianis rursus subactis, Maracanda repetit. Ibi Berdes, quem ad Scytha super Bosphorum colentes miserat, cum legatis gentis occurrit: Phrataphernes quoque, qui Chosrasmii præerat, Massageticis, & Dahis regionum confinio adjunctus, miserat, qui facturum imperata

ta pollicerentur. Scythæ petebant, ut R̄gis sui filiam matrimonio sibi jungere: si dedigharetur affinitatem, Principes Macedonum cum primoribus suæ gentis connubio coire pateretur. Ipsum quoque Regem venturum ad eum pollicebantur. Utraque legatione benignè audita, Hephaestionem, & Artabazum opperiens, stativa habuit: quibus adjunctis, in regionem, quæ appellatur Bazaria, pervenit. Barbaræ opulentiaæ in illis locis haud ulla sunt majora indicio, quām magnis nēmoribus, saltibusque nobilium ferarum greges clausi. Spatiosas ad hoc eligunt sylvas, crebris perennium aquarum fontibus amoenas. Muris nemora cinguntur; turresque habent venantium receptacula. Quatuor continuis ætatibus intactum saltum fuisse constabat, quem Alexander cum toto exercitu ingressus, agitari undique feras jussit. Inter quas cùm leo magnitudinis raræ ipsum Regem invasurus incurseret, fortè Lysimachus, qui posteà regnavit proximus Alexandro, venabulum objicere feræ cœperat. Quo Rex repulso, & abire jusso, adjecit, tam à semet uno, quām à Lysimacho leonem interfici posse Lysimachus enim quondam, cùm veneretur in Syria, occiderat eximiæ magnitudinis feram solus, sed lævo humero usque ad ossa laceratus, ad ultimum periculi pervenerat. Id ipsum exprobrans ei Rex, fortius, quām locutus est, fecit. Nam feram non exceptit modò, sed etiam uno vulnere occidit. Fabulam, quæ objecum leoni à Rege Lysimachum temeri vulgavit, eo casu, quem suprà diximus, ortam esse crediderim. Cæterū Mecedones, quamquām prospero eventu defunctus arat Alexander, tamen scivere gentis suæ more, ne pedes venere-

tur

tur sine délectis principum , amicorumque. Ille quatuor millibus ferarum dejectis , in eodem saltu cum toto exercitu epulatus est.

C A P U T III.

Narratio de Clyto inter epulas ab Alexandro ob linguæ intemperantiam occiso.

INde Naracanda redditum est ; acceptaque ætatis excusatione ab Artabazo , provinciam ejus destinat Clyto. Hic erat , qui apud Granicum amnem nudo capite Regem dimicantem , clypeo suo texit , & Rhosacis manum capitii Regis imminentem gladio amputavit , vetus Philippi miles , multisque bellicis operibus clarus. Hellanice , quæ Alexandrum educaverat , soror ejus , haud secùs quām mater à Rege dilgebatur. Ob has causas validissimam imperii partem fidei ejus , tutelæque commisit. Jamque iter parare in posterum jussus , sollemni , & tempestivo adhibetur convivio. In quo Rex , cùm multo incaluisset mero , immodicus æstimator sui , celebrare , quæ gesserat , cœpit , gravis etiam eorum auribus , qui sentiebant vera memorari. Silentium tamen habuere seniores , donec Philippi res orsus obterere , nobilem apud Cheroneam victoriam sui operis fuisse jaçtavit , ademptamque sibi malignitate , & invidia patris tantæ rei gloriam. Illud quidem , seditione inter Macedonas milites , & Græcos mercenarios orta , debilitatum vulnere , quod in ea consternatione acceperat , jacuisse , non alias , quām simulatione mortis tutiorem , se corpus ejus protexisse clypeo suo , ruentesque in illum sua manu occisos. Quæ patrem numquam æquo ani-

animo esse confessum , invitum filio debentem sa-
 lutem suam. Itaque post expeditionem , quam sine
 eo fecisset ipse in Illyrios , victorem scripsisse se
 patri , fusos , fugatosque hostes , nec affusse us-
 quam Philippum. Laude dignos esse , non qui Sa-
 mothracum initia viserent , cum Asiam uti , vasta-
 rique opportet ; sed eos , qui magnitudine rerum
 fidem antecessissent. Hæc , & his similia læti au-
 diere juvenes ; ingrata senioribus erant , maximè
 propter Philippum , sub quo diutiùs vixerant. Tum
 Clytus , ne ipse quidem satis sobrius , ad eos , qui
 infra ipsum cubabant , conversus , Euripidis retu-
 lit carmen , ita , ut sonus magis , quam sermo ex-
 audiiri posset à Rege , quo significabatur , malè
 instituisse Græcos , quòd trophyis Regum dumta-
 xat nomina inscriberentur , alieno enim sanguine
 partam gloriam intercipi. Itaque Rex , cum suspi-
 ceretur malignius habitum esse sermonem percon-
 tari proximos cœpit , quid ex Clyto audissent. Et
 illis ad silentium obstinatis , Clytus paullatim ma-
 jore voce Philippi acta , bellaque in Græcia gesta
 commemorat , omnia præsentibus præferens. Hinc
 inter juniores , senesque orta contentio est. Et Rex ,
 velut patienter audiret , queis Clytus obterebat lau-
 des ejus , ingentem iram conceperat. Cæterūm cum
 animo videretur imperaturus , si finem procaciter
 orto sermoni Clytus imponeret , nihil eorum omit-
 tente , magis exasperebatur. Jamque Clytus , etiam
 Parmenionem defendere audebat , & Philippi de
 Atheniensibus victoriam Thebarum præferebat ex-
 cilio , non vino modò , sed etiam animi prava con-
 tentione proiectus. Ad ultimum , si moriendum ,
 inquit , est pro te , Clytus est primus. At victoriæ
 ma-

*majus præmium, ferunt, qui procacissimè patris
tui memoriæ illudunt. Sogdianam regionem mihi
attribuis, tocies rebellem, & non modò indomi-
tam, sed quæ ne subigi quidem possit. Mittor
ad feras bestias præcipitia ingentia sortitas. Sed,
quæ ad me pertinent, transeo: Philippi mili-
tes spernis, oblitus, nisi hic Atharias senex junio-
res pugnam detrectantes revocasset, adhuc nos circa
Halicarnasum hæsuros fuisse. Quomodo ergo Asiam
etiam cum istis junioribus subjocisti? Verum est, ut
opinor, quod avunculum tuum in Italia dixisse con-
stat: *Ipsum in viros incidisse, te in fœminas.* Nihil
ex omnibus inconsultè, ac temerè actis Regem ma-
gis moverat, quam Parmenionis cum honore men-
tio illata. Dolorem tamen Rex pressit, contentus
jusisse, ut convivio excederet. Nec quidquam
aliud adjecit, quam forsitan eum, si diutiis lo-
quutos foret, exprobaturum sibi fuisse vitam à se
metipso datam; hoc enim superbè sèpè jactasse.
Atque illum cunctantem adhuc surgere, qui pro-
ximi ei cubuerant, injectis manibus, jurgantes,
monentesque conabantur adducere. Clytus, cum
abstraheretur, ad pristinam violentiam ira quoque
abjecta: *Suo pede* tergum illius esse defensum;
nunc, postequam tanti meriti preterit tempus,
etiam memoriam invisam esse proclamat. Attali quo-
que cædem abjiciebat, & ad ultimum, Jovis, quem
patrem sibi Alexander assereret, Oraculum eludens,
veriora se Regi, quam patrem ejus respondisse di-
cebat. Jam tanum iræ conceperat Rex, quantum
vix sobrius ferre potuisset. Nam verò mero sensi-
bus vicit, ex lecto repente prosiluit. Attoniti amici,
ne positis quidem, sed adjectis poculis, consur-
gunt,*

gunt, in eventum rei, quam tanto impetu acturus esset, intenti. Alexander, rapta lancea ex manibus armigeri, Clytum adhuc eadem linguae intemperantia furentem percutete conatus, à Ptolemæo, & Perdicca inhibetur, medium complexi, & oblectari perseverantem morabantur: Lysimachus, & Leonatus etiam lanceam abstulerant. Ille militum fidem implorans, comprehendisse à proximis amicorum, quod Dario nuper accidisset exclamat: signumque tuba dari, ut ad Regiam armati coirent, jubet. Tum verò Ptolemæus, & Perdiccas genibus advoluti orant, ne in tam præcipiti ira perseveret, spatiisque potius animo det, omnia postero die justius exequuturum: Sed clausæ erant aures obstrepente ira. Itaque impotens animi percurrit in Regiae bestibulum, & vigili excubanti hasta ablata, constitit in aditu, quo necesse erat iis, qui simul cœnaverant, egredi. Abierant cæteri. Clytus ultimus sine lumine exhibat, quem Rex quisnam esset, interrogat. Eminebat etiam in voce, sceleris, quod parabat, atrocitas. Et ille jam non suæ, sed Regis iræ memor, Clytum esse, & de convivio exire respondit. Hæc dicentis latus hasta transfixit, morientisque sanguine aspersus, *In nunc, inquit, ad Philippum, & Parmenionem, & Attalum.*

C A P U T I V.

Sera Regis pœnitentia non pœnitendo ingenio, & stilo describitur.

(2.) **M**ale humanis ingenii natura consultit, quod plerumque non futura, sed transacta perpen-

T di-

dimus: quippe Rex, poste aquam ira mente decesserat, etiam ebrietate discussa, magnitudinem facinoris sera aestimatione perspexit. Videbat tunc immodica libertate abusum, sed alioqui egregium bello virum, & nisi erubesceret fateri, servatorem sui occisum. Detestabile carnificis ministerium occupaverat Rex, verborum licentiam, quae vino poterat imputari, nefanda cæde ultus. Manabat toto vestibulo cruor paulò antè convivæ. Vigiles attoniti, & stupentibus similes procul stabant, librioremque pœnitentiam solitudo excipiebat. Ergo hastam ex corpore jacentis evulsam retorsit in semet. Jamque ad moverat pectori, cum advolant vigilis, & repugnanti è manibus extorquent, allevatumque in tabernaculum deferunt. Ille humi prostraverat corpus, gemitu, ejulatuque miserabili tota personante Regia. Laniare deinde os unguibus, & circumstantes rogare, ne se tanto dedecori superstitem esse paterentur. Inter has preces tota nox exacta est. Scrutantemque, num ira Deorum ad tantum nefas actus esset, subit, aniversarium sacrificium Libero Patri non esse redditum statu tempore: itaque inter vinum, & epulas cæde comissa, iram Dei fuisse manifestam. Cæterum magis eō movebatur, quod omnium amicorum animos videbat attonitos: neminem cum ipso sociare sermonem posteā ausurum: vivendum esse in solitudine, velut feræ bestiæ terrenti alias, alias timenti. Prima deinde luce tabernaculo corpus, sicut adhuc cruentum erat, jussit inferri. Quo posito antè ipsum lacrimis obortis, *Hanc*, inquit, *nutrici mea gratiam retuli*, *cujus duo filii apud Miletum pro mea gloria occubuerent mortem?* hic frater unicum

OR-

orbitatis solatum, à me inter epulas occisus est. Quo nunc se conferet misera? Omnibus ejus unus supersum, quem solum æquis oculis videre non poterit. Et ego servatorum meorum latro revertar in patriam, ut ne dexteram quidem nutrici sine memoria calamitatis ejus oferre possim? Et, cùm finis lacrymis, querelisque non fieret, jussu amicorum corpus ablatum est. Rex triduum jacuit inclusus, quem armigeri, corporisque custodes ad moriendum obstinatum esse cognoverunt, universi in tabernaculum irrumpunt, diuque precibus ipsarum reluctatum ægrè vicerunt, ut cibum caperet. Quoque minus cædis puderet, jure imperfectum Clytum Macedones decernunt, sepulturaque quoque prohibituri, ni Rex humari jussisset.

CAPUT V.

Xenipporum descriptio. Amyntæ cruenta victoria de Bactrianis exilibus, in gratiam tamen ab Alexandro receptis.

Igitur decem diebus, maximè ad confirmandum pudorem, apud Maracanda consumptis, cum parte exercitus Hephestionem in regionem Bactrianam misit, commeatus in hyemem paraturum. Quam Clyto autem destinaverat provinciam, Amyntæ dedit. Ipse Xenippa pervenit. Scythiaæ confinis est, regio, habitaturque pluribus, ac frequentibus vicis, quia ubertas terræ non indigenas modò detinet, sed etiam advenas invitat. Bactrianorum exulum, qui ab Alexandre defecerant, receptaculum fuerat. Sed posteaquam Regem adventare comperatum est, pulsi ab incolis, duo millia ferè, & du-

centi congregantur. Omnes equites erant, etiam in pace latrociniis assueti. Tum ferocia ingenia non bellum modò, sed etiam veniae desperatio efferaverat. Itaque ex improviso adorti Amyntam Prætorem Alexandri, diu anceps prælium fecerant. Ad ultimum DCC. suorum amissis, quorum ccc. hostis cepit, dedere perga victoribus, haud sanè multi. Quippe lxxx. Macedonum interfecerunt, præterque eos trecenti, & quinquaginta saucii facti sunt. Veniam tamen etiam post alteram defectionem impetraverunt.

C A P U T V I.

Sysimithris deditio, & ardua Petræ adumbratio.

HIS in fidem acceptis, in regionem, quam Nau-
ra appellant, Rex cum toto exercitu venit. Satra-
pes erat Sysimithres, duobus ex sua matre filiis
genitis; quippe apud eos parentibus stupro coire
cum liberis fas est. Duabus millibus armatis popu-
laribus, fauces regionis, quâ in arctissimum cogi-
tur, valido munimento sepserat. Præterfluebat tor-
rens amnis, qui terga Petræ claudebat. Hanc manu
perviam incolæ fecerant. Sed aditu specus accipit
lucem: interiora, nisi illato lumine, obscura sunt,
perpetuus cuniculus iter præbet in campos ignotum,
nisi indigenis. At Alexander, quamquam angustias
naturali situ munitas, valida manu Barbari tue-
bantur, tamen arietibus admotis, munimenta, quæ
manu adjuncta erant, concussit, fundisque, & sa-
gittis propugnantium plerosque dejecit. Quos ubi
dispersos fugavit, ruinas munimentorum super-
gressus, ad Petram admovit exercitum. Cæterum
interveniebat fluvius coeuntibus aquis ex superiore
fas-

fastigio in vallem. Magnique operis videbatur tam vastam voraginem explere. Cædi tamen arbores , & saxa congeri jussit. Ingensque Barbaros pavor ru-des ad talia opera concusserat , excitatam molem subitò cernentes. Itaque Rex ad deditio[n]em metu posse compelli ratus , Oxartem misit nationis ejus-dem , sed ditionis suæ , qui suaderet Duci , ut tra-deret Petram. Interim ad augendam formidinem & turres admovebantur , & excusa tormentis tela emicabant. Itaque verticem Petræ omni alio piæsi-dio damnato , petiverunt. At Oxartes trepidum , dissidentemque rebus suis Sysimithrem cœpit hor-tari , ut fidem , quām vim Macedonum mallet ex-periri , non morare[ur] festinationem victoris cxer-citus in Indiam tendentis ; cui quisquis semet of-ferret , in suum caput alienam cladem esse versu-rum. Et ipse quidem Sysimithres deditio[n]em annue-bat. Cæterū[m] mater , eademque cōnjux morituram se antè denuntians , quām in ullius veniret potesta-tem , Barbari animum ad honestiora , quām tutiora converterat: pudebatque , libertatis majus esse apud fœminas , quām apud viros pretium. Itaque dimisso internuntio pacis , obsidionem ferre decreverat. Sed , cùm hostis vires , suasque pensaret , rursùs muliebris consilii , quod præceps magis , quām ne-cessarium esse credebat , pœnitere eum cœpit ; re-vocatoque strenuè Oxarte , futurum se in Regis potestate respondit , unum precatus , ne volunta-tem , & consilium matris suæ proderet , quo faci-lius venia illi quoque impetraretur. Præmissum igit-ur Oxartem cum matre , liberisque , & totius cog-nationis grege , sequebatur , ne expectato quidem fidei pignore , quod Oxartes promiserat. Rex , equi-

te præmisso , qui reverti eos juberet , opperirique præsentiam ipsius , supervenit , & victimis Miner-væ , ac victoriæ cæsis , Imperium Sysinithri resti-tuit , spes majoris etiam provinciæ facta , si cum fide amicitiam ipsius coluisse set. Duos illi juvenes patre tradente , secum militaturos sequi jussit .

C A P U T V I I .

*Defectores per ardua viarum persequitur , fugatque .
Philippi fratris Lysimachi , & Erigi funera
plorantur .*

Relicta deinde phalange , ad subigendos , qui defecerant , cum equite processit . Arduum , & im-peditum saxis iter primò utcumque tolerabant . Mox equorum non ungulis modò attricis , sed corporibus etiam fatigatis , sequi plerique non poterant , & rarius subinde agmen fiebat , pudorem (ut ferè fit) immodico labore vincente . Rex tamen subinde equos mutans , sine intermissione fugientes inse-quebatur . Nobiles juvenes comitari eum soliti defecerant , præter Philippum . Lysimachi erat frater , tum primùm adulitus , & quod facile appareret , in-dolis raræ . Is pedes , incredibile dictu , per D. sta-dia vectum Regem comittatus est , sæpè equum suum offerente Lysimacho : nec tamen , ut digre-deretur à Rege , effici potuit , cùm lorica indutus arma gestaret . Idem , cùm perventum esset in sal-tum , in quo se Barbari abdiderant , nobilem edi-dit pugnam , Regetnque cominùs cum hoste dimi-cantem protexit . Sed , posteà quam Barbari in fu-gam effusi deseruere sylvas , animus , qui in ardo-re pugnæ corpus sustentaverat , liquit . Subitoque ex

ex omnibus membris profuso sudore, arboris proximæ stipiti se applicuit. Deinde, ne illo quidem ad miniculo sustinente, manibus Regis exceptus est, inter quas collapsus extinguitur. Mœstum Regem alius haud levis dolor exceperit. Erigyus inter claros duces fuerat, quem extinctum esse paulò, antequam reverteretur in castra, cognovit. Utriusque funus omni apparatu, atque honore celebratum est.

CAPUT VIII.

Spitamenis ab uxore caput præcimum fertur ad Alexandrum. Dataphernes à Dabis vincitus traditur. Prætores rei deferuntur, puniantur, & mutantur.

(3.) **D**Ahas deinde statuerat petere. Ibi namque Spitamenem esse cognoverat. Sed hanc quoque expeditionem, ut pleraque alia, fortuna indulgendo ei numquam fatigata, pro absente transegit. Spitemenes uxoris immodico amore flagrabat; quam ægrè fugam, & nova subinde exilia tolerantem, in omne discriminem comitem trahebat. Illa malis fatigata, identidem muliebres adhibere blanditias, ut tandem fugam sisteret, victorisque Alexandri clementiam expertus placaret, quem effugere non posset. Tres adulsi erant liberi ex eo geniti; quos cum pectori patris admovisset, ut saltem eorum miseri vellet, orabat. Et, quò efficatores essent preces, haud procul erat Alexander. Ille se prodi, non moneri ratus, & formæ profectò fiducia cupe-re eam quām primūm dedi Alexandro, acinacem strinxit, percussurus uxorem, nisi prohibitus esset fratrū ejus occursu. Cæterū abire è conspectu

jubet, addito metu mortis, si se oculis ejus obtulisset. Et ad desiderium levandum noctes inter pellices agere cœpit. Sed penitus hærens amor, fastidio præsentium accensus est. Itaque rursus uni ei deditus, orare non destitit, ut tali consilio abstineret, patereturque sortem, quamcumque ipsis fortuna fecisset: sibi mortem ditione esse leviorem. At illa purgare se, quod, quæ utilia esse censebat, muliebriter forsitan, sed fida tamen mente, suassisset: de cætero futuram in viri potestate. Spitamenes simulato captus obsequio, de die convivium apparari jubet, vinoque, & epulis gravis semisonnus in cubiculum feitur. Quem ut alto, & gravi somno sopitum esse sensit uxor, gladium, quem veste occultaverat, stringit; caputque ejus abscissum crux respersa servo suo concio facinoris tradit. Eodem comitante (sicut erat cruenta veste) in Macedonum castra pervenit, nuntiarique Alessandro jubet, esse, quæ ex ipsa deberet agnoscere. Ille protinus Barbaram jussit admitti; quam ut aspersam crux conspexit, ratus ad deplorandam contumeliam venisse, dicere, quæ vellet, jubet. At illa servum, quem stare in vestibulo jusserrat, introduci desideravit, qui, quia caput Spitamenis veste tectum habebat, suspectus, scrutantibus, quid occuleret, ostendit. Confuderat oris exanguis notas pallor; nec, quis esset, nosci satis poterat. Ergo Rex certior factus, humanum caput afferre eum, tabernaculo excessit, percontatusque, quid rei sit, illo profitente, cognoscit. Variæ hinc cogitationes invicem animun diversa agitantem commoverant. Meritum ingens in semet esse credebat, quod transfuga, & proditor, tantis rebus (si vi-

xis-

xisset) injecturus moram, imperfectus esset. Contra facinus ingens aversabatur, cum optimè meritum de ipsa, communium parentem liberorum, per insidias interemisset. Vicit tamen gratiam meriti sceleris atrocitas, denuntiarique jussit, ut excederet castris, neu licentiae Barbaræ exemplar in Græcorum mores, & mitia ingenia transferret. Dahæ, Spitamenis cæde comperta, Dataphernem defectionis ejus participem vincitum Alexandro, seque dedunt. Ille maxima præsentium curarum parte liberatus, convertit animum ad vindicandas injurias eorum, quibus à Prætoribus suis avarè, ac superbè imperabatur. Ergo Phratapherni Hyrcaniam, & Mardos cum Tapyris tradidit, mandavitque, ut Phradatem, cui succedebat, ad se in custodiam mitteret. Arsami Cariæ Præfecto substitutus est Stasanor. Arsaces in medium missus, ut Oxidates inde discederet. Babylonia, mortuo Mazæo, Deditameni subjecta est.

CAPUT IX.

Gabazam petit, & in gravissimam tempestatem incidit, luculenter à Curtio descriptam, ut lector ipse inter tonitrua, grandines, & fulmina videatur versari. Regis inde cura in colligendo, & solando milite laudatur. Mille tamen perierunt.

(4.) **H**IS compositis, tertio mense ex hybernis movit exercitum, regionem, quæ Gabaza appellatur, aditus. Primus dies quietum iter præbuit; proximus ei nondum quidem procellosus, & tristis, obscurior tamen pristino, non sine minis crescen-

centis mali, præterit: tertio ab omni parte cœli
emicare fulgure, & nunc internitente luce, nunc
condita, non oculos modò meantis exercitus, sed
etiam animos terrere cœperunt. Erat propè conti-
nuus cœli fragor, & passim cadentium fulminum
species visebatur, attonitisque auribus stupens ag-
men, nec progredi, nec consistere audebat, cùm
repentè imber grandinem incutiens, torrentis modo
effunditur. Ac primò quidem armis suis tecti exce-
perant. Sed jam nec retinere arma lubrica rigentes
manus poterant, nec ipsi destinare, in quam re-
gionem obverterant corpora, cùm undique tempe-
tatis violentia major, quam vitabatur, occurreret.
Ergo ordinibus solutis, per totum saltum errabun-
dum agmen ferebatur. Multique priùs metu, quam
labore defatigati, prostraverant humi corpora,
quamquam imbrem vix frigoris concreto gelu as-
trinxerat. Alii se stipitibus arborum admoverant:
id plurimis & adminiculum, & suffugium erat. Nec
fallebat ipsos, morti locum eligere, cum immobi-
les vitalis calor linqueret. Sed grata erat pigritia
corporum fatigatis, nec recusabant extingui quies-
cendo: quippe non vehemens modò, sed etiam
pertinax vix mali insistebat; lucemque, naturale
solarium, præter tempestatem haud disparem noc-
ti, sylvarum quoque umbra suppresserat. Rex
unus tanti mali patiens, circuire milites, contrahe-
re dispersos, allevare prostratos, ostendere procul
evolutum ex tuguriis fenum, hortarique, ut pro-
xima quæque suffugia occuparent. Nec ulla res ma-
gis salutis fuit, quam quod multiplicato labore suf-
ficientem malis, quibus ipsi cesserant, Regem de-
serere erubescabant. Cæterum efficacior in adver-
sis

sis necessitas, quam ratio frigoris remedium invenit. Dolabris enim sylvas sternere aggressi, passim acervos, struesque accenderunt. Continenti incendio ardere crederes saltum, & vix inter flamas agminibus relictum locum. Hic calor stupentia membra commovit, paullatimque spiritus, quem continuo rigor, meare liberè cœpit. Excepere alios tecta Barbarorum, quæ in ultimo saltu abdita necessitas investigaverat: olios castra, quæ in humido quidem, sed jam cœli mitescente sœvitia locaverunt. Mille millitum, atque lixarum, calonumque pestis illa consumpsit. Memoriæ proditum est, quosdam applicatos arborum truncis, non solùm viventibus, sed & inter se colloquentibus similes esse conspectos, durante adhuc habito, in quo mors quemque deprehenderat. Forte Macedo gregarius miles, seque, & arma sustentans, tandem in castra pervenerat. Quo viso, Rex, quamquam ipse tunc maximè admoto igne refovebat artus, sella sua exsiluit, torpentemque militem, & vix compotem mentis, demptis armis, in sua sede jussit considere. Ille diu, nec ubi quiesceret, nec à quo esset exceptus agnovit. Tandem recepto calore vitali, ut Regiam sedem, Regemque vidiit, territus surgit. Quem intuens Alexander: *Ecquid intelligis, miles inquit, quanto meliore sorte, quam Persa sub Rege vivatis? Illis enim in sella Regis consedisse capitale foret, tibi saluti fuit.*

CAPUT X.

*Rex compensat militi amissa. Certat beneficiis eum
Sysimithre. Cohortanus Satrapes se, & sua dedit,
cujus filiam Roxanem dicit Alexander uxorem.*

Posterio die convocatis amicis, copiarumque Ducibus, pronuntiari jussit, ipsum omnia, quæ amissa, essent, redditum. Et promisso fides extitit. Nam Sysimethres multa jumenta, & camelorum duo millia adduxit, pecoraque, & armenta: quæ distributa pariter militem & damno, & fame liberaverunt. Rex gratiam sibi relatam à Sysimithre præfatus, sex dierum cocta cibaria ferre milites jussit. Sacas petens, totam hanc regionem depopulatus, triginta millia pecorum ex præda Sysimithri dono dat. Inde pervenit in Regionem, cui Cohortanus Satrapes nobilis præerat, qui se Regis potestati, fideique permisit. Ille imperio ei reddito, haud amplius quam ut duo ex tribus filiis secum militarent, exegit. Satrapes etiam eo, qui penes ipsum relinquebatur, tradito. Barbara opulentia convivium, quo Regem accipiebat, instruxerat. Id cum multa comitate celebraret, introduci triginta nobiles virginis jussit. Inter quas erat filia ipsius, Roxane nomine, eximia corporis specie, & decore habitus in Barbaris raro. Quæ, quamquam inter electas processerat, omnium tamen oculos convertit in se, maximè Regis minus jam cupiditatibus suis imperantis iter obsequia fortunæ, contra quam non satis cauta mortalitas est. Itaque ille, qui uxorem Darii, qui duas filias virginis, quibus forma

præ-

præter Roxanem comparare nulla poterat , haud alio animo ; quam parentis aspexerat , tunc in amorem virgunculæ , si regiæ stirpi compararetur , ignobilis , ita effusus est , ut diceret , ad stabilendum Regnum pertinere , Persas , & Macedonas connubio jungi. Hoc uno modo , & pudorem vicitis , & superbiam victoribus detrahi posse. Achillem quoque , à quo genus ipse deduceret , cum captiva coisse. Ne inferri nefas arbitrarentur , ita matrimonii jure velle jungi. Insperato gaudio lætus pater , sermonem ejus excipit. Et Rex medio cupiditatis ardore jussit afferri patrio more panem , (hoc erat apud Macedonas sanctissimum coeuntium pignus , quem divisum gladio uterque libabat. Credo , eos) qui gentis mores condiderunt , parco , & parabili victu ostendere voluisse jungentibus opes , quantulo contenti esse deberent. Hoc modo Rex Asiae , & Europæ introductam inter convivales ludos matrimonio sibi adjunxit , è captiva geniturus , qui victoribus imperaret. Pudebat amicos , super vinum , & epulas sacerum ex deditis esse electum. Sed post Glyti cædem , libertate sublata , vultu , qui maximè servit , assentiebantur.

C A P U T X I.

Iter in Indiam adornat. In ipsis CXX. millia recenser. Auro , & argento arma exercitus expoliri jubet.

(5.) **C**Æterum Indiam , & inde Oceanum petiturus , ne quid à tergo , quod destinata impedire posset , moveretur ex omnibus provinciis triginta millia juniorum legi jussit , & ad se armata perduci ,

ci, obsides, simul habiturus, & milites. Craterum antem ad persequendos Haustanem; & Catenem, qui ab ipso defecerant, misit. Quorum Haustanes captus est, Catenes in prælio occisus. Polypercon quoque regionem, quæ Bubacene appellatur, in dditionem redegit. Itaque omnibus compositis, cogitationes in bellum Indicum vertit. Dives regio habebatur, non auro modò, sed gemmis quoque, margaritisque ad luxum magis, quam ad magnificientiam exculta. Clypei militares auro, & ebore fulgere dicebantur. Itaque, nec ubi vinceretur, cum cæteris præstaret, scutis argenteas laminas, equis frænos aureos addidit. Lorias quoque alias auro, alias argento adornavit. CXX. millia armatorum erant, quæ Regem ad id bellum sequebantur.

CAPUT XII.

Rex vult Deus credi, & coli: in recusantes irarum fulmina jactat. Hages, & Cleo adulatores Græci Deum pronuntiant. Callisthenes Philosophus obnuntiat.

JAmque omnibus præparatis, quod olim prava mente conceperat, tunc esse maturum ratus, quoniam modo cœlestes honores usurparet, cœpit agitare. Jovis filium non dici tantum se, sed etiam credi volebat, tamquam perinde animis imperare posset, ac linguis. Itaque more Persarum, Macedonas venerabundos ipsum salutare jussit, prosterentes humi corpora. Non deerat alia concupiscenti pernitiosa adulatio, perpetuum malum Regum, quorum opes sæpius assentatio, quam hostis evertit. Nec Macedonum hæc erat culpa, (nemo enim

enim illorum quidquam ex patro more labare sustinuit) sed Græcorum, qui professionem honestarum artium malis corruperant moribus: Hagis quidam Argivus, pessimorum carminum post Chærilum conditor, & ex Sicilia Cleo, hic quidem non ingenii solum, sed etiam nationis vicio adulator, & cætera urbium suarum purgamenta, quæ propinquis etiam, maximorumque exercitum ducibus à Rege præferebantur, hi tum cœlum illi aperiebant, Herculemque, & Patrem Liberum, & cum Polluce Castorem novo mumini cessuros esse jačtabant. Igitur festo die omni opulentia convivium exornari jubet, cui non Macedones modò, & Græci principes amicorum, sed etiam nobiles adhiberentur; cum quibus cùm distribuisset Rex, paulisper epulatus, convivio egreditur. Cleo, sicut præparaverat, sermonem cum admiratione laudum ejus insituit. Merita deinde percensuit, quibus uno modo referri gratiam posse, si quem intelligerent Deum esse, confiterentur, exigua thuris impensa tanta beneficia pensaturi. Persas quidem non piè solum, sed etiam prudenter, Reges suos inter Deos colere. Majestatem enim Imperii, salutis esse tutelam. Ne Herculem quidem, & Patrem Liberum priùs dicatos Deos, quam vicissent secum viventium invidiā. Tantumdem quoque posteros credere, quantum præsens ætas spoondisset. Quod si cæteri dubitent, semetipsum, cùm Rex inisset convivium, prostraturum humili corpus, debere idem facere cæteros, & in primis sapientia præditos. Ab illis enim cultus in Regem esse prodendum exemplum. Haud perplexè in Callisthenem dirigebatur oratio. Gravitas viri, & prompta libertas invisa erat Regi,

qua-

quasi solus Macedonas paratos ad tale obsequium moraretur. Is tum silentio facto, unum illum intuentibus cæteris. *Si Rex, inquit, sermoni tuo affuisset, nullius profectò vox responsuri tibi desideraretur. Ipse enim peteret, ne in peregrinos ritus degenerare se cogeres, non rebus felicissimè gestis invidiam tali adulazione contraheres. Sed quoniam abest, ago tibi pro illo respondēo, nullum esse eundem, & diuturnum, & præcocem fructum; cœlestesque honores non dare te Regi, sed auferre. Intervallo enim opus est, ut credatur Deus, semperque hanc gratiam magnis viris posteri reddunt. Ego autem seram immortalitatem precor Regi, ut & vita diuturna sit, & æterna majestas. Hominem consequitur aliquando, nunquam comitatur divinitas. Herculem modò, & Patrem Liberum, consecratæ immortalitatis exempla referebas. Credisne illos unius convivii decreto Deos factos? Prius ab oculis mortalium amolita natura est, quam in cælum fama perveheret. Scilicet ego, & tu, Cleo, Deos facimus? à nobis divinitatis suæ auctoritatem accepturus est Rex? Potentiam tuam experiri libet. Fac aliquem Regem, si Deum potest facere. Facilius est imperium dare, quam Cælum. Dii propitiæ sine invidia, quæ Cleo dixit, audierint, eodemque cursu, quo fluxere adhuc res, ire patiantur. Nostris moribus velint non esse contentos. Non pudet patriæ, nec desidero, ad quem modum Rex mihi colendus sit, à Persis discere. Quos equidem victores esse confiteor, si ab illis leges, queis vivamus, accipimus. Æquis auribus Calisthenes, veluti vindex publicæ libertatis, audiebatur. Expresserat non assencionem modò, sed etiam vocem, seniorum præcipue, quibus gravis erat inveterati moris externa*

mu-

mutatio. Nec quidquam eorum, quæ invicem jactata erant, Rex ignorabat, cùm post aulæa, quæ lectis obduxerat, starec. Igitur ad Agim, & Cleonem misit, ut, sermone finito, Barbaros tantum, cum intrasset, procumbere suo more paterentur. Et paulò post, quasi potiora quædam egisset, convivium repetit. Quem venerantibus Persis, Polypercon, qui cubabat super Regem, unum ex his mento contingentem humum, per ludibrium cœpit hortari, ut vehementius id quateret ad terram; elicuitque iram Alexandri, quam olim animo capere non poterat. Itaque Rex, *Tu autem, inquit, non veneraberis me? an tibi uni digni videmur esse ludibrio:* Ille nec Regem ludibrio, nec se contemptu dignum esse respondit. Tum detractum eum lecto Rex præcipitat in terram. Et cum is pronus corruisset. *Videsne, inquit, idem te fecisse, quod in alio paulò ante ridebas?* Et tradi eo in custodiam jusso, convivium solvit. Polyperconti quidem postea castigato, diu ignovit. (6.) In Callisthenem olim contumacia suspectum, perviciatoris iræ fuit, cuius explendæ matura obvenit occasio.

CAPUT XII.

Mos principium juventutis excubandi: Honos eorumdem. Hermolai castigati in Regem cum sociis conjuratio. Periculum Regis.

MOS erat (ut supra dictum est) principibus Macedonum, adultos liberos Regibus tradere ad munia haud multum servilibus ministeriis abhorrentia. Excubabant, servatis noctium vicibus, proximi foribus ejus ædis, in qua Rex acquiescebat. Per hos pellices introducebantur alio aditu, quam quem armati obsidebant. Idem acceptos ab agasonibus equos, cum Rex ascensurus esset, admovebant; comitabanturque, & venantem, & in præliis, omnibus artibus studiorum liberalium exulti. Præcipuus honor habebatur, quod licebat sedentibus vesci cum Rege. Castigandi verberibus eos nulli jus, nisi potestas per ipsum erat. Hæc cohors velut seminarium Ducum, Præfectorumque apud Macedonas fuit. Hinc habuere posteri Reges, quorum stirpi per multas ætates Romani opes ademerunt. Igitur Hermolaus puer nobilis ex regia cohorte, cum aptum telo occupasset, quem Rex ferire destinaverat, jussu ejus verberibus affectus est. Quam ignominiam ægrè ferens, deflere apud Sostratum cœpit. Ex eadem cohorte erat. Sostratus amore ejus ardens, qui cum laceratum corpus, in quo deperibat, intuenteretur, forsitan olim ob aliam quoque causam Regi infestus, juvenem sua sponte jam motum, data fide, acceptaque, perpulit, ut occidendi Regem consilium secum iniret. Nec puerili impetu rem exequuti sunt: quippe solerter legerunt, quos in societate

cietatem sceleris asciscerunt, Nicostratum, Antipratum, Asclepiodorumque, & Philotam placuit assumi. Per hos adjecti sunt Anticles, Eleptonius, & Epimenes. Cæterum agendæ rei haud sanè facilis patebat via. Opus erat eadem omnes conjuratos nocte excubare, ne ab expertibus consilii impedirentur. Fortè autem alius alia nocte excubabat. Itaque in permutandis stationum vicibus, cæteroque apparatu exequendæ rei, triginta & duo dies assumpti sunt. Aderat nox, qua conjurati excubare debebant, mutua fide læti, cuius documentum tot dies fuerant. Neminem metus, spesve mutaverat. Tanta omnibus vel in Regem ira, vel fides inter ipsos fuit. Stabat igitur ad fores ædis ejus, in qua Rex vescebatur, ut convivio egressum in cubiculum deducerent. Sed fortuna ipsius, simulque epulantium comitas provexit omnes ad largius vinum. Ludi etiam convivales extraxere tempus, nunc lætis conjuratis, quod sopitum aggressuri essent, nunc sollicitis, ne in lucem convivium extraheretur: quippe alios in stationem oportebat prima luce succedere, ipsorum post septem dies redditura vice: nec sperare poterant, in illud tempus omnibus duratram fidem. Cæterum, cum jam lux appeteret, & convivium solvitur, & conjurati exceperunt Regem, læti occasionem exequendi sceleris admotam; cum mulier attonitæ, ut creditum est, mentis, conversari in regla solita, quia instinctu videbatur futura prædicere, non occurrit modò obeunti, sed etiam semet objecit, vultuque, & oculis motum præferens animi, ut rediret in convivium, monuit: & ille per ludum, benè Deos suadere, respondit; revocatisque amicis, in horam diei fermè secundam

dam convivii tempus extraxit. Jam alii ex cohorte in stationem successerant , ante cubiculi fores excubaturi. Adhuc tamen conjurati stabant , vice officii sui expleta. Adeò pertinax spes est , quam humanæ mentes , quam ingentes concupiscentiæ devoraverant. Rex benignius , quām alias alloquutus , discedere eos ad curanda corpora , quoniam tota nocte perstitissent , jubet. Data sunt singulis quinquaginta sextertia , collaudatique , quod etiam aliis tradita vice , tamen excubare perseverassent. Illi tanta spe destituti domos abeunt. Et cæteri quidem expectabant stationis suæ noctem.

C A P U T X I V .

Epimenes aperit conjurationem. Vinciuntur conjurati , & Callisthenes inter hor.

Epimenes , sive comitate Regis , qua ipsum inter conjuratos exceperat , repente mutatus , sive quia cœptis Deos obstare credebat , fratri suo Eurylocho , quam antea expertum esse consilii voluerat , quid pararetur , aperit. Omnibus Philotæ supplicium in oculis erat. Itaque protinus injicit fratri manum , & in regiam pervenit ; excitatisque custodibus corporis , ad salutem Regis pertinere , quæ afferret , affirmat. Et tempus , quo venerant , & vultus haud sanè securi animi index , & mæstitia è duobus alterius , Ptolomeum , ac Leonnatum excubantes ad cubiculi limen excitaverunt. Itaque apertis fortibus , & lumine illato , sopitum mero , ac somno excitant Regem. Ille , paullatim mente collecta , quid affrent , interrogat. Nec cunctatus Eurylochus , non ex toto domum suam aversari Deos dixit , quia fra-

frater ipsius, quamquam impium facinus ausus foret, tamen & pœnitentiam ejus ageret, & per se potissimum profiteretur indicium, in eam ipsam noctem, quæ decederat, insidias comparatas fuisse. Auctores scelesti consilii esse, quos minimè crederet Rex. Tum Epimenes cuncta ordine, conciorumque nomina exponit. Callisthenem, non ut participem facinoris nominatum esse constabat, sed solitum puerorum sermonibus vituperantium, criminantiumque Regem faciles aures præbere. Quidam adjiciunt, cum Hermolaus apud eum quoque verberatum se à Rege quereretur, dixisse Callisthenem, meminisce debere eos jam viros esse: idque, an ad consolandam patientiam verberum, an ad incitandum juvenum dolorem dictum esset, in ambiguo fuisse. Rex, animi, corporisque sopore discusso, cum tanti periculi imago oculis oberraret, Eurylochum quinquaginta talentis, & eujusdam Tyriddatis opulentri bonis protinus donat, fratremque, antequam pro salute ejus precaretur, restituit. Sceleris autem auctores, interque eos Callisthenem, vinclos, asservari jubet. Quibus in regiam adducitis, toto die, & nocte proxima, mero, ac vigiliis gravis acquievit.

CAPUT XV.

Causa conjuratorum agitatur. Hermolaus contra Regem perorat.

Posterio autem die frequens concilium adhibuit, cui patres propinquique eorum, de quibus agebatur, interessant, ne de sua quidem salute securis quippe Macedonum more perire debebant, omnia

nium devotis capitibus , qui sanguine contigissent eos. Rex introduci conjuratos , præter Callisthenem , jussit , atque , quæ agitaverant , sine cunctatione confessi sunt. In repantibus deinde universis eos , ipse Rex , quo suo merito tantum in semet cogitassen facinus , interrogat. (7.) Stupentibus cæteris , Hermolaus : *Nos verò , inquit , quoniam , quasi nescias , quæreris , occidendi te consilium invimus , quia non ut ingenuis imperare cœpisti , sed quasi in mancipia dominaris.* Primus ex omnibus pater ipsius Sopolis , parricidam etiam parentis sui clamitans esse , consurgit , & ad os manu objecta , scelere , & malis insanientem ultrà negat audiendum. Rex inhibito , patre , dicere Hermolaum jubet , quæ ex magistro didicisset Callisthene. Et Hermolaus. *Utor , inquit , benefcio tuo , & dico , quæ nostris malis didici. Quota pars Macedonum sævitiae tuæ superest ? quotusquisque non è vilissimo sanguine ? Attalus , & Philotas , & Parmenio , & Lyncester Alexander , & Clytus quantum ad hostes pertinet , vivunt , stant in acie , te clypeis suis protegunt , & pro gloria tua , pro victoria vulnera accipiunt , quibus tu egregiam gratiam retulisti.* Alius mensam tuam sanguine suo aspersit & aliud ne simplici quidem morte defunditus est. Duces exercituum tuorum in equuleum impositi , Persis , quos vicerant , fuere spectaculo. Parmenio , indicta causa , trucidatus est , per quem Attalum occideras , invicem enim miscerorum uteris manibus ad expetenda supplicia. Et quos paullo antè ministros cœdis habuisti , subito ab aliis jubes trucidari. Obstrepunt subinde cuncti Hermolao. Pater supremum strinxerat ferrum , percussurus haud dubie , ni

ni inhibitus esset à Rege: quippe Hermolaum dicere jussit, petiitque, ut causas supplicii augentem, patienter audirent. Ægrè ergo coercitis, rursus Hermolaus. Quām liberaliter, inquit, pueris rudibus ad dicendum agere permittis! At Callisthenis vox carcere inclusa est, quia solus potest dicere. Cur enim non producitur, cùm etiam confessi audiuntur? Nempe quia liberam vocem innocentis audire metuis, ac ne vultum quidem pateris. At qui nihil eum fecisse contendo. Sunt hic, qui mecum rem pulcherrimam cogitaverunt. Nemo est, qui consciū fuisse nobis Callisthenem dicat, cùm morti olim destinatus sit à justissimo, & patientissimo Rege. Hæc ergo sunt Macedonum præmia, quorum ut supervacuo, & sordido abateris sanguine. At tibi triginta millia mulorum captivum aurum vehunt, cùm milites nihil domum præter gratuitas cicatrices relaturi sint. Quæ tamen omnia tolerare potuimus, antequam nos Barbaris dederes, & novo more victores sub jugum mitteres. Persarum te vestis, & disciplina delectat: patrios mores exosus es. Persarum ergo, non Macedonum Regem occidere voluimus; & te transfugam, belli jure, persequimur. Tu Macedonas voluisti genua tibi ponere, venerarique te, ut Deum. Tu Philipum Patrem aversaris; &, si quis Deorum ante Jovem haberetur, fastidires etiam Jovem. Miraris, si liberi homines superbiam tuam ferre non possumus? Quid speramus ex te, quibus aut insontibus moriendum est, aut, quod tristius morte est, in servitute vivendum? Tu quidem, si emendari potes, multum mihi debes. Ex me enim scire cœpisti, quid ingenui ho-

*mines ferre non possint. De cætero parce his,
quorum orbam senectutem suppliciis ne oneraver-
ris. Nos jube duci, ut, quod ex tua morte petie-
ratus, consequamur ex nostra. Hæc Hermolaus.*

CAPUT XVI.

*Hermolao respondet Alexander, qui reos duci ju-
bet, atque inter hos Callisthenem, cuius mors,
genusque mortis æternam Regi peperit invidium,
& infamiam.*

(8.) **A**T Rex, quam falsa sint, inquit, quæ
iste tradita à magistro suo dixit, patientia mea
ostendit. Confessum enim ultimum facinus, tamen
ut vos quoque, non solum ipse, audiretis, expres-
si. non imprudens, cùm permissem huic latroni
dicere; usurum eum rabie, qua compulsus est,
ut me, quem parentis loco colere debet, vellet oc-
cidere. Nuper cùm proctius se in tenatione ge-
sisset, more patrio. & ab antiquissimis Macedo-
niæ Regibus usurpato, castigari eum jussi. Hoc
& oportet fieri, &, ut à tutoribus pupilli, à ma-
ritis uxores, servis quoque pueros hujus ætatis
verberare concedimus. Hæc est sævitia in ipsum
mea, quam impia, cæde voluit ulcisci. Nam in cæ-
teros, qui mihi permittunt uti ingenio meo, quam
mitis sim, non ignoratis: commemorare superva-
euum est, Hermolao particidarum supplicia non
probari, cum eadem ipse meruerit, minimè herculè
admiror. Nam cum Parmenionem, & Philotam
laudat, sue servit cause. Lincestem verò Ale-
xandrum his insiliatum capiti meo à duobus in-
dictiis liberavi. Rursus convictum, per biennium

tamen distuli, donec vos postularetis, ut tandem
debito suppicio scelus fueret. Attalum antequam
Rex essem, hostem meo capiti fuisse meministis.
Clytus utinam non coegisset me sibi irasci; cuius
temeratiam linguam probra dicentem mibi, & vo-
bis, diutius tuli, quam ille eadem me dicentem
tulisset. Regum, Duxumque clementia non in ip-
sorum modo, sed etiam in illorum, que parent,
ingeniis sita est. Obsequio mitigantur imperia. Ubi
vero reverentia excessit animis, & summa imis
confudimus, vi opus est, ut vim repellamus. Sed
quid ego mirer, istum crudelitatem mihi objec-
se, qui avaritiam exprobrare ausus sit? Nolo
singulos vestrum excitare, ne invisam liberalita-
tem meam faciam, si pudori vestro gravem fe-
cero. Totum exercitum aspicite. Qui paullò ante
nihil preter arma habebat, nunc argenteis cubat
leulis. Mensas auro onerant, greges servorum du-
cunt, spolia de hostibus sustinere non possunt.
At enim Persæ, quos vicimus, in magno honore
sunt. Apud me quidem, moderationis meæ certis-
simum indicium est, quod ne veltis quidem super-
be impero. Veni enim in Asiam, non ut funditus
everterem gentes, nec ut dimidiari partem ter-
rarum solitudinem facerem, sed ut illos quoque,
quos bello subegisset, victoriæ meæ non pœnire-
ret. Itaque militant vobiscum, pro imperio vestro
sanguinem fundunt, qui superbè habiti rebellassent.
Non est diuturna possessio, in quam gladio in-
ducimur: beneficiorum gratia sempiterna est. Si
habere Asiam, non transire volumus, cum his
communicanda est nostra clementia. Horum fide
stabile, & æternum faciet imperium. Et sane plu-
ha

habemus, quād cupimus. Insatiabilis autem avaritia est, adhuc implere velle, quod jam circumfluit. Verumtamen eorum mores in Macedonas transfundit. In multis enim gentibus esse video, quae non erubescamus imitari. Nec aliter tantum imperium aptè regi potest, quād ut quædam & tradamus illis, & ab iisdem discamus. Illud penè dignum risu fuit, quod Hermolaus postulabat à me, ut aversarer Jovem, cuius Oraculo agnoscitur. An etiam quid Dii respondeant, in mea potestate est? Obtulit nomen filii mihi recipere ipsius rebus, quas agimus, haud alienum fuit. Utinam. Indi quoque Deum esse me credant. Fama enim bella constant. Et sæpè etiam, quod falsò creditum est, veri vicem obtinuit. An me luxuriæ indulgentem putatis arma vestra auro, argentoque adornasse? Assuetis nihil vilius hac videri maturia, volui ostendere, Macedonas invictos cæteris, nec auro quidem vinci. Oculos ergo primam eorum sordida omnia, & humilia spectantium capiam, & docebo, nos non auri, aut argenti eupidos, sed orbem terrarum subacturos venisse: quam gloriam tu parricida intercipere voluisti, & Macedonas, Regz adempto, devictis gentibus dedere. At nunc mones me, ut vestris parentibus parcam. Non oportebat quidem vos scire, quid de his statuissem, quō tristiores periretis, si qua vobis parentum memoria, & cura est. Sed olim istum marem occidendi cum scelestis insontes, propinquos, parentesque solvi: & profiteor in eodem honore faturos omnes eos, in quo fuerunt. Jam tuum Callisthenem, cui uni vir videris, quia latro es, scio, cur produci velis, ut coram his probra, quæ mo-

modo in me jecisti , illius quoque ore referantur. Quem, si Macedo eiset , tecum introduxissem , dignissimum te discipulo magistrum. Nunc Olinthir non idem iusis est. Post hæc concilium dimisit, tradique damnatos hominibus , qui ex eadem cohorte erant, jussit. Illi , ut fidem suam sævitia Regi approbarent , excruciatos necaverunt. Callisthenes quoque ante tortus interiit , initi consilii in caput Regis innoxius , sed haudquaquam aulæ , & assentantium accommodatus ingenio. Itaque nullius cædes majorem apud Græcos Alexandro excitavit invidiam , quam quod præditum optimis moribus , artibusque , à quo revocatus ad vitam erat, cum imperfecto Clyto mori perseveraret , non tantum occiderit , sed etiam torserit , indicta quidem causa. Quam crudelitatem sera pœnitentia consequuta est.

CAPUT XVII.

*In Indiam movet. Indiæ prolixa , & nobilis descrip-
tio , morumque Indorum.*

S(9.) ED , ne otium ferendis rumoribus natum aleret , in Indiam movit , semper bello , quam post victoriam , clarior. India tota fermè spectat Orientem , minus in latitudinem , quam recta regione spatiosa : quæ Austrum accipiunt , altius terræ fastigium excedunt. Plana sunt cætera , multisque inclytis amnibus , Caucaso monte ortis , placidum per campos inter præbent. Indus gelidior est , quam cæteri. Aquas vehit à colore maris haud multum abhorrentes. Ganges omnium ab ortu maximus , à Meridiana regione decurrit , magnorum montium ju-

juga recto alveo stringit. In eum objectæ rupes inclinant ad Orientem. Uterque Rubro mari accipitur, findens ripas, multasque arbores cum magna soli parte exsorbet. Saxis quoque impeditur, quibus crebrò reverberatur. Ubi mollius solum repetit, stagnat, insulasque molitur. Acesines eum auget. Ganges decursurum in mare intercipit: magnoque motu amnis uterque colliditur: quippe Ganges asperum os influenti objicit, nec repercussæ aquæ cedunt. Dyardenes minus celeber auditu est, quia per ultima Indiæ currit. Cæterùm non crocodilos modò, uti Nilus, sed etiam Delphines, ignotasque aliis gentibus belluas alit. Erimanthus crebris flexibus subinde curvatus, ab accolis rigantibus carpitur. Ea causa est, cur tenues reliquias jam sine nomine in mare emittat. Multis præter hos amnibus tota regio dividitur, sed ignobilibus, quia non adeò interfluunt. Cæterùm, quæ propria sunt mari, Aquilones maximè deurunt. Ii cohibiti jugis montium, ad interiora non penetrant, ita alendis frugibus mitia. Sed adeò in illa plaga mundus statutas temporum vices mutat, ut, cùm alia fervore Solis exestuant, Indianam nives obruant, rursusque, ubi cætera rigent, illic intolerandus æstus existat. Nec cur, ulli se natutæ causa ingessit. Mare certè, quo alluitur, ne colore quidem abhorret à cæteris. Ab Erythro Rege inditum est nomen, propter quod ignari rubrè aquas credunt. Terra lini ferax: indè plerisque sunt vestes. Libri arborum teneri, haud secùs quam chartæ literarum notas capiunt. Aves ad imitandum humanæ vocis sonum dociles sunt. Animalia inusitata cæteris gentibus, nisi inyecta. Eadem terra & Rhinocerotas alit,

alit, non generat. Elephantorum major est vis,
quam quos in Africa dominant, & viribus magni-
tudo respondet. Aurum flumina, vehunt, quæ leni,
modicoque lapsu segnes aquas ducunt. Gemmas,
margaritasque mare litoribus infundit. Neque alia
illis major opulentiae causa est, utique posteaquam
vitiorum commertium vulgavere in exteris gentes;
quippe aestimantur purgamenta aestuantis freti pre-
tio, quod libido constituit. Ingenia hominum, si-
cut ubique, apud illos quoque locorum situs for-
mat. Corpora usque ad pedes carbaso velant. So-
leis pedes, capita linteis vinciunt. Lapilli ex auri-
bus pendent. Brachia quoque, & lacertos auro co-
lunt, quibus inter populares aut nobilitas, aut
opes eminent. Capillum pectum saepius, quam ton-
dent. Mentum semper intonsum est, reliquam oris
cutem ad levitatem exaequant. Regum tamen luxu-
ria, quam ipsi magnificentiam appellant, supra
omnium gentium vitia. Cum Rex se in publico
conspici patitur, thuribula argentea ministri ferunt,
totumque iter, per quod ferri destinavit, odoribus
complent. Aurea lectica margaritis circumpenden-
tibus recubat. Distincta sunt auro, & purpura car-
baso, quæ indutus est. Lecticam sequuntur arma-
ti, corporisque custodes. Inter quos ramis aves pen-
dunt, quas cantu seriis rebus obstrepere docuerunt.
Regia auratas columnas habet; totas eas vitis au-
to cælata percurrit, aviumque, quarum visu ma-
xime gaudent, argenteæ effigies opera distinguunt.
Regia adeuntibus patet. Cum capillum pectit, at-
que ornat, tunc responsa legationibus, tunc jura
popularibus reddit. Demptis soleis, odoribus illi-
nuntur pedes. Venatus maximus labor est, inclu-

sa

sa vivario animalia inter vota ; cantusque pellicum figere. Binorum cubitorum sagittæ sunt, quas emit-tunt majore nisu, quam effectu. Quippe telum, cu-jus in levitate vis omnis est, inhabili pondere one-ratur. Breviora itinera equo conficit. Longior ubi expeditio est, elephanti vehunt currum ; & tan-tarum belluarum corpora tota contegunt auro. Ac, nequid perditis moribus desit, lecticis aureis pel-licum longus ordo sequitur. Separatum à Reginæ ordine agmen est, æquatque luxuria. Fœminæ epulas parant. Ab iisdem vinum ministratur, cu-jus omnibus Indis largus est usus. Regem mero, somnoque sopitum in cubiculum pellices referunt, patrio carmine noctium invocantes Deos. Quis cre-dat, inter hæc vitia curam esse sapientiæ? Unum agreste, & horridum genus est, quos Sapientes vocant. Apud hos occupare fati diem pulchrum, & vivos se cremari jubent, quibus aut segnis ætas, aut incommoda valetudo est. Expectatam mortem pro dedecore vitæ habent. Nec ullus corporibus, quæ senectus solvit, honos redditur. Inquinari pu-tant ignem, nisi qui spirantes recipit. Illi, qui in urbibus publicis moribus degunt, siderum motus scitè spectare dicuntur ; & futura prædicere. Nec quemquam admoveare lethi diem credunt, cui ex-pectare interrito liceat. Deos putant, quidquid colere cœperunt, arbores maximè, quas violare ca-pitale est. Menses in quinos denos descripserunt dies. Anni plena spatia servantur. Lunæ cursu no-rant tempora, non ut plerique, cum orbem sidus implevit, sed cum se curvare cœpit in cornua. Et id-circò breviores habent menses, qui spatium eorum ad hunc Lunæ modum dirigunt. Multa & alia tra-dun-

duntur, quibus morari ordinem rerum haud sanè operæ pretium videbatur.

C A P U T X V I I I .

Indiam partim ditione, partim vi, & armis occupat.

(10.) **I**gitur Alexandro fines Indiæ ingresso, gentium suarum Reguli occurserunt, imperata facili, illum tertium Jove genitum ad ipsos pervenisse memorantes. Patrem Liberum, atque Herculem fama cognitos esse, ipsum coram adesse, certique. Rex benignè exceptos sequi jussit, iisdem itinerum ducibus usurus. Cæterum, cum amplius nemo occurreret, Hephaestionem, & Perdiccam cum copiarum parte præmisit ad subigendos, qui averserentur Imperium; jussitque ad flumen Indum procedere, & navigia facere, queis in ulteriora transportari posset exercitus. Illi, quia plura flumina superanda erant, sic junxere naves, ut soluta plaustris vehi possent, rursusque conjugi. Post se Crætero cum phalange jusso sequi, equitatum, levem armaturam eduxit, eosque, qui occurserant, levi prælio in urbem proximam compulit. Jam supervenerat Craterus. Itaque, ut principio terrorem incuteret genti nondum arma Macedonum expertæ, præcepit, ne cui parceretur, munimentis urbis, quam obsidebat, incensis. Cæterum, dum obsequitabat mœnibus, sagitta ictus est. Cepit tamen oppidum, & omnibus incolis ejus trucidatis, etiam in tecta sævitum est.

CA-

CAPUT XIX.

*Nysæ à Bacebo conditæ descriptio , oppugnatio , de-
ditio. Exercitus operatur Libero , & Bacchanalia
vivit.*

INde domina ignobili gente , ad Nysam urbem pervenit. Forte castris ante mœnia ipsa in silvestri loco positis , nocturnum frigus vehementius , quam aliæ horrore corpora affecit : opportunumque remedium ignis oblatum est. Cæsis quippe sylvisflammam excitaverunt ; quæ igni alita , oppida norum sepulchra comprehendit. Vetusta cedro facta erant , conceptumque ignem latè fudere , donec omnia sola æquata sunt. Et ex urbe primùm canum latratus , deinde etiam hominum fremitus auditus est. Tum & oppidani hostem , & Macedones irosos ad urbem venisse cognoscunt. Jamque Rex eduxerat copias , & mœnia obsidebat , cum hostium , qui discrimen tentaverant , obruti telis sunt. Aliis ergo deditiōnē , aliis pugnam experiri plecebat. Quorum dubitatione comperta , circumsideri tantum eos , & abstineri cædibus jussit , tandemque obsidionis malis fatigati dedidere se. A Libero Patre conditos se esse dicebant. Et vera hæc origo erat. Sita est sub radicibus montis , quem Meron incolæ appellabant. Inde Græci mentiendi traxere licentiam , Jovis semine Liberum Patrem esse celatum . Rex situ montis cognito ex incolis , cum toto exercitu , præmissis commeatibus , verticum ejus ascendit. Multa hedera , vitisque toto gignitur monte , multæ perennes aquæ manant. Pomorum quoque varii , salubresque succi sunt , sua sponte fortinitorum

AD

rum seminum fruges humore nutritae. Lauri, baccæque, & multa in illis rupibus agrestis est sylva. Credo equidem, non divino instinctu, sed lascivia esse proiectos, ut passim hederæ, ac vitium folia decerperent, redimitique fronde toto nemore similes bacchantibus vagarentur. Vocibus ergo tot millum, præsidem nemoris ejus Deum adorantium, juga montis, collesque resonabant, cum orta licentia à paucis (ut ferè fit) in omnes se repente vulgasset: quippe velut in media pace, per herbas, congestamque fronde prostraverant corpora. Et Rex fortuitam licentiam non aversatus, largè ad epulas omnibus præbitis, per decem dies Libero Patri operatum habuit exercitum. Quis neget, eximiam quoque gloriam sæpius fortunæ, quam virtutis esse beneficium? Quippe ne epulantes quidem, & sopitos mero aggredi ausus est hostis, aut secus Bacchantium, ululantiumque fremitu perterritus, quam si prælantium clamor esset auditus. Eadem felicitas ab Oceano revertentes temulentos, commesantesque protexit.

C A P U T X X.

Varias urbes, & regiones expugnat: inter has Mazagas, & Cleephen Reginam. Rex vulneratus sentit se bominem esse.

Hinc ad regionem, quæ Dædala vocatur, perventum est. Deseruerânt incolæ sedes, & in avios, sylvestresque montes confugerant. Ergo Acadera transit, æquè vasta, & déstituta incolentium fuga. Itaque rationem belli necessitas mutavit. Divisis enim copiis, pluribus simul locis arma ostendit:

oppressique , qui non expeclaverant hostem , omni
clade perdomiti sunt. Ptolomæus plurimas urbes,
Alexander maximas cepit, Rursusque , quas distri-
buerat copias , junxit. Superato deinde Choaspē
amne , Coenon in obsidione urbis opulentæ (Be-
ziram incolæ vocant) reliqui : ipse ad Mazagas
venit , nuper Assacano (cuius regnum fuerat) de-
mortuo : regioni, urbique præterat mater ejus Cleo-
phes. Triginta milia peditum tuebantur urbem,
non situ solum , sed etiam opere munitam. Nam,
quæ spectat Orientem, cingitur amne torrenti , qui
præruptis utrinque rupibus aditum ad urbem impe-
dit. Ab Occidente , & à Meridie, velut de indus-
tria , rupes præaltae admolita natura est; infra quas
cavernæ , & voragini longa vetustate in altum
cavatae jacent ; quaque desinunt , fossa ingentis
operis objecta est. Triginta quinque stadia murus
urbem complectitur , cuius inferiora saxo , superio-
ra crudo latere sunt structa. Lateri vinculum lapi-
des sunt , quos interposuere , ut duriori materia
fragilis incumberet ; simulque terra humore diluta,
ne tamen universa consideret , interpositæ erant
trabes validæ , quibus injecta tabula muros tege-
bant & pervios fecerant. Hæc munimenta contem-
plantem Alexandrum , consiliique incertum (quia
nec cavernas , nisi aggere poterat implere , nec
tormenta aliter muris admovere) quidam è muro
sagitta percussit. Fortè in suram incidit telum , cu-
jus spiculo evulso admoveri equum jussit; quo vec-
tus , ne obligato quidem vulnere , haud segniùs
destinata exequebatur. Cæterū , cum crus sau-
cium penderet , & cruore siccato frigescens vulnus
aggravaret dolorem , dixisse fertur , se quidem Jo-
vis

vis filijm dici, sed corporis ægri vitia sentire. Non tamen antè se recepit incastra, quām cuncta pexit, & quæ fieri vellet, eduxit. Ergo, sicut imperatum erat, alii extra urbem tecta demoliebantur, ingentemque vim materiæ faciendo aggeri detrahebant; alii magnarum arborum stipites cumulis, ac moles saxorum in cavernas deficiebant. Jamque agger æquaverat summæ fastigium terræ. Itaque turres erigebantur, quæ opera ingenti militum ardore intra nonum diem absoluta sunt. Ad ea visenda Rex, nonum obducta vulneri cicatrice, processit, laudatisque militibus, ad moveri machinas jussit, è quibus ingens vis telorum in propugnatores effusa est. Præcipue rudes talium operum terrebant mobiles turres: tantisque moles nulla ope, quæ cerneretur, adductas, Deorum numine agi credebant. Pila quoque muralia, & excusas tormentis prægraves hastas, negabant convenire mortalibus. Itaque desperata urbis tutela concesse-re in arcem. Inde, quia nihil obsessis præter dedicationem placebat, legati ad Regem descenderunt, veniam petituri; qua impetrata, Regina cum magno nobilium fœminarum grege aureis pateris vina libantium processit. Ipsa, genibus Regis parvo filio admoto, non veniam modò, sed etiam pristinæ fortunæ impetravit decus: quippe appellata est Regina, & credidere quidam, plus formæ, quām miserationi datum. Puero quoque certè, posteà ex ea utcumque genito, Alexandro nomen fuit.

CAPUT XXI.

*Noram occupat. Petram Aornin describit Curtius,
quam obsidet Rex. Fugiunt obsessi, & trucidan-
tur. Usque ad Indum penetrat.*

(11.) **H**inc Polypercon ad urbem Noram cum exercitu missus, inconditos oppidanos prælio vicit; intra munimenta compulsos sequutus, urbem in ditionem redegit. Multa ignobilia oppida deserta à suis venere in Regis potestatem. Quorum incolæ armati Petram Aornin nomine occupaverunt. Hanc ab Hercule frustra obsessam esse, terræque motu coactum obsistere, fama vulgaverat. Inopem consilii Alexandrum, quia undique præces, & abrupta rupes erat, senior quidam peritus locorum cum duobus filiis adiit, si pretium operi esset, adiutum se monstraturum esse promittens. Octoginta talenta constituit se daturum Alexander, & altero ex juvenib[us] obside retento, ipsum ad exequenda, quæ obtulerat, dimisit. Leviter armatis dux datus est Mullinus scriba Regis. Hos enim circuitu, qui fallerent hostem, in summum jugum placebat evadere. Petra non, ut pleraque modicis, ac mollibus clivis in sublime fastigium crescit, sed in metæ maximè modum erecta est; cujus ima spatiösiora sunt, altiora in arctius coeunt, summa in acutum cacumen exurgunt. Radices ejus Indus amnis subit, præaltis utrinque, & asperis ripis. Ab altera parte voragini, eluviesque præruptæ sunt. Nec alia expugnandi parebat via, quam ut replerentur. Ad manum sylva erat, quam Rex ita cædi jussit, ut nudi stipites jacerentur: quippe rami fronde vestiti im-

pe-

pedissent ferentes. Ipse primus truncam arborum jecit ; clamorque exercitus , index alacritatis , sequutus est , nullo detrectante munus , quod Rex occupasset. Intra septimum diem cavernas expleverant , cùm Rex sagittarios , & Agrianos jubet per ardua niti ; juvenesque fortissimos ex sua cohorte triginta delectit. Duces his dati sunt Charus , & Alexander , quem Rex nominis , quod sibi cum eo commune esse , admonuit. Ac primo , quia tam manifestum periculum erat , ipsum Regem discrimen subire non placuit. Sed ut signum tuba datum est , vir audaciæ promptæ , conversus ad corporis custodes , sequi se jubet , primusque invadit in rupem. Nec deinde quisquam Macedonum substituit ; relicisque stationibus sua sponte Regem sequebantur. Multorum miserabilis fuit casus , quos ex prærupta rupe lapsos amnis præterfluens hausit. Triste spectaculum etiam non periclitantibus. Cùm verò alieno exitio , quid ipsis timendum foret , admonerentur , in metum misericordia versa , non extinctos , sed semetipsos deflebant. Et jam eò perventum erat , unde sine pernicie , nisi victores redire non possent , ingentia saxa in subeuntes provolyentibus Barbaris ; qui perculti , instabili , & lubrico gradu præcipites recidebant. Evaserant tamen Alexander , & Charus , quos cum triginta delectis præmiserat Rex ; & jam pugnare cominus cœperant. Sed , cùm supernè tela Barbari ingererent , saepius ipsi feriebantur , quam vulnerabant. Ergo Alexander & nominis sui , & promissi memor , dum acrius , quam cautius dimicat , confossus undique obruitur. Quem ut Charus jacentem respexit , ruere in hostem , omnium præter ultionem immemor , cœpit : multos-

que hasta , quosdam gladio interemit. Sed , cùm tot unum incesserent manus , super amici corpus procubuit exanimis. Haud secùs , quām par erat, promptissimorum juvenum , cæterorumque militum interitu commotus Rex, signum receptui dedit. Saluti fuit , quòd sensim , & intrepidè se receperunt, & Barbari hostem depulisse contenti non institere cedentibus. Cæterum Alexander , cùm statuissest dēsistere incæpto , quippe nulla spes potiundæ Petræ offerebatur , tamen speciem ostendit in obsidione perseverantis. Nam & itinera obsideri jussit, & turres admoveri , & fatigatis alios succedere. Cujus pertinacia cegnita , Indi per biduum quidem , ac duas noctes , cum ostentatione non fiduciæ modò , sed etiam victoriæ , epulati sunt , tympana suo mōrē pulsantes. Tertia verò nocte tympanorum quidem strepitus desierat audiri : ceterum ex tota Petra faces refulgebant , quas accenderant Barbari, ut tutior esset ipsis fuga obscura nocte per invia saxa cursuris. Rex, Balacro, qui specularetur, præmisso , cognoscit Petram fuga Indorum esse desertam. Tum dato signo , ut uiniversi conclamarent, incompositè fugientibus metum incussit. Multique, tanquam adesset hostis , per lubrica sava , perque invias cotes præcipitati occiderunt. Plures aliqua membrorum parte mulctati , ab integris deserti sunt. Rex locorum magis , quam hostium vicitor, tamen magnæ victoriæ sacrificiis , & cultu Deum satisfecit. Arae in Petra locatæ sunt Minervæ, Victoriæque. Ducibus itineris , quos subire jusserat leviter armatos , etsi promissis minora præstiterant, pretium cum fide redditum est, (12.) Petræ , regionisque ei adjunctæ Sisocosto tutela permissa.

In-

Inde processit Eebolima : & cum angustias itineris
obsideri viginti millibus armatorum ab Eryce quo-
dam comperisset , gravius agmen exercitus Cæno
ducendum modicis itineribus tradidit. Ipse præ-
gressus cum funditore , ac sagitario , deturbatis,
qui obsederant saltum , sequentibus se copiis viam
fecit. Indi sive odio Ducis , sive gratiam victoris
Regis inituri , Erycem fugientem adorti intereme-
runt , caputque ejus atque arma ad Alexandrum
detulerunt. Ille facto impunitatem dedit , honorem
denegavit exemplo.

C A P U T X X I I .

*Omphin , seu Taxilem Regem in fidem recipit. Cer-
tant muneribus , quibus offensi Macedones.*

Hinc ad flumen Indum sextis decimis castris per-
venit , omniaque , ut præceperat , ad trajiciendum
præparata ab Hephaestione reperit. Regnabat in ea
regione Omphis , qui patri quoque fuerat auctor
dedendi Regnum Alexandro ; & post mortem pa-
rentis legatos miserat , qui consulerem eum , regnare
se interim vellet , an privatum opperiri ejus
adventum ? Permissoque , ut regnaret , non tamen
jus datum usurpare sustinuit. Is benignè quidem ex-
ceperat Hephaestionem , gratuitum frumentum copiis
ejus admensus : non tamen ei occurrerat , ne fidem
ullius , nisi Regis experiretur. Itaque venienti ob-
viā cum armato exercitu egressus est. Elephanti
quoque per modica intervalla militum agmini im-
mixti , procul castellorum fecerant speciem. Ac pri-
mò Alexander non socium , sed hostem adventare
credebat. Jamque & ipse arma milites capere , &

equites discedere in cornua jusserat , paratos ad pugnam. At Indus cognito Macedonum errore, jussis subsistere cæteris , ipse concitat equum , quo vehebatur. Idem Alexander quoque fecit , sive hostis , sive amicus occurseret , vel sua virtute , vel illius fide tutus. Coivere , quod ex utriusque vultu posset intelligi , amicis animis : cæterum sine interprete non poterat conscribi sermo. Itaque adhibito eo , Barbarus occurrisse se dixit cum exercitu , totas Imperii vires protinus traditurum , nec spectasse , dum pernuntios daretur fides. Corpus suum , & Regnum permittere illi , quem sciret gloriæ militantem nihil magis , quam famam timere perfidiæ. Lætus simplicitate Barbari Rex , & dexteram fidei suæ pignus dedit , & Regnum restituit. LVI. elephanti erant , quos tradidit , Alexandro , multaque pecora eximiæ magnitudinis , tauros ad tria millia , pretiosum in ea regione , acceptumque animis regnantium armentum. Quærenti Alexandro , plures agricultores haberet , an milites , cum duabus Regibus bellanti sibi , majore militum , quam aggressum manu opus esse respondit. Abisares , & Porus erant. Sed in Poro eminebat auctoritas. Uterque ultra Hydaspem amnem regnabat. Et belli fortunam , quisquis arma inferret , experiri decreverat. Omphis permittente Alexandro , & Regium insigne sumpsit , & more gentis suæ nomen , quod patris fuerat , Taxilem appellavere populares , sequente nomine imperium , in quemcumque transiret. Ergo , cum per triduum hospitaliter Alexandrum accepisset , quarto die , & quantum frumenti copiis , quas Hephaestion duxerat , præbitum à se esset , ostendit ; & aureas coronas ipsi , amicisque om-

omnibus, præter hæc signati argenti octoginta talents dono dedit. Qua benignitate ejus Alexander mirè latus, & quæ is dederat, remisit, & mille talents ex præda, quam vehebat, adjecit, multaque convivalia ex auro, & argento vasa, plurimum Persicæ vestis, triginta equos ex suis cum iisdem insignibus, queis assueverant, cùm ipsum veherent. Quæ liberalitas, sicut Barbarum adstrinxerat, ita amicos ipsius vehementer offendit. E quibus Meleager super cœnam largiore vino usus, gratulari se Alexandro dixit, quod saltem in India reperisset dignum talentis mille. Rex haud oblitus, quām ægrè tulisset quod Clytum ob linguæ temeritatem occidisset, iram quidem tenuit, sed dixit, invidos homines, nihil aliud, quām ipsorum esse tormenta.

C A P U T X X I I .

Abissares Rex deditur. Porus bellum cogitat. Defecatores quidam capti ducentur. Ad Hydaspem Alexander. Porum habet obvium cum octoginta quinque elephantis, CCC. curribus, XXX. millibus pedatum. Describitur ipse Porus, & Hydaspes, & insulæ in illis.

(II.) **P**ostero die legati Abissaræ adiere Regem. Omnia ditioni ejus, ita, ut mandatum erat, permettebant, firmataque invicem fide remittuntur ad Regem. Porum quoque nominis sui fama ratus ad ditionem posse compelli, misit ad eum Cleocharem, qui denuntiaret ei, ut stipendum penderet, & in primo finium suorum aditu occurreret Regi. Porus alterum ex his facturum sese respondit, ut intranti Regnum suum prestò esset, sed armatus.

Jam

Jam Hydaspem Alexander superare decreverat, cum Barzaentes defectionis Arachosiis auctor, vincitus, trigintaque elephanti simul capti, perducuntur, oportunum adversus Indos auxilium. Quippe plus in belluis, quam in exercitu spei, aut virium illis erat. Gamaxusque Rex exiguae partis Indorum, qui Barzenti se conjuxerat, vincitus adhunc tus est. Igitur transfuga & Regulo in custodiam dato, elephantis autem Taxili traditis, ad amnem Hydaspem pervenit. In cujus ulteriore ripa Porus consederat, transitu prohibiturus hostem. **LXXXV.** elephantos objecerat eximio corporum robore, ultraque eos currus ccc. & peditum xxx. fere millia: in queis erant sagittarii (sicut ante dictum est) gravioribus telis, quam ut aptè excuti possent. Ipsum vehebat elephantus super cæteras belluas eminens: armaque auro, & argento distincta corpus ræræ magnitudinis honestabant. Par animus robori corporis, & quanta inter rudes poterat esse sapientia. Macedonas non conspectus hostium solum, sed etiam fluminis, quod transeundum erat, magnitudo deterrebat. Quatuor in latitudinem stadia diffusum profundo alveo, & nusquam vada aperiente, speciem vasti maris fecerat. Nec pro spatio aquarum latè stagnantium impetum coercebat, sed quasi in arctum coeuntibus ripis, torrens, & elisum ferebatur. Occultaque saxa inesse ostendebant pluribus locis undæ repercussæ. Terribilior erat facies ripæ, quam equi, virique compleverant. Stabant ingentes vastorum corporum moles, & de industria irritatæ horrendo stridore aures fatigabant. Hinc hostis, hinc amnis capacia quidem bonæ spei pectora, & sæpè se experta, improviso tamen pavo-

re percutserant: quippe instabiles rates , nec dirigi ad ripam, nec tutò applicari posse credebant. Erant in medio amne insulæ crebræ , in quas Indi, & Macedones nantes , levatis super capita armis, transibant. Ibi levia prælia conserebantur, & uterque Rex parvæ rei discrimine , summæ experiebatur even-tum.

C A P U T X X I V.

Duorum juvenum infelix audacia. Alexander strata-gemate Hydaspem superat,

Cæterùm in Macedonum exercitu temeritate, at-que audacia insignes fuere Symmachus , & Nicanor nobiles juvenes , & perpetua partium felicitate ad spernendum omne periculum accensi , queis ducibus promptissimi juvenum lanceis modò arma-ti tranavere in insulam , quam frequens hostis te-nebat , multosque Indorum nulla rē magis , quam audacia armati interemerunt. Abire cum gloria poterant , si unquam temeritas felix inveniret modum. Sed , dum supervenientes contemptim , & superbè quoque expectant, circumventi ab his, qui occultè enataverant , eminūs obruti telissunt. Qui effugerant hostem , aut impetu amnis ablati sunt, aut vorticibus impliciti. Eaque pugna multam fi-duciam Pori erexit , cuncta cernentis è ripa Ale-xander inops consilii , tandem ad fallendum hos-tem talem dolum intendit. Erat insula in flumine amplior cæteris, sylvestris eadem , & tegendis in-sidiis apta. Fossa quoque præalta , haud procul à ripa , quam tenebat ipse , non pedites modò , sed etiam cum equis viros poterat abscondere. Ut igitur à custodia hujus opportunitatis oculos hostium aver-

averteret, Ptolomæum cum omnibus turmis ob-equitare jussit procul ab insula, & subinde Indos clamore terrere, quasi fumen tranaturus foret. Per complures dies Ptolomæus id fecit; eoque consilio Porum quoque agmen suum ei parti, quam se petere simulabat; coegit advertere. Jam extra conspectum hostis insula erat. Alexander in diversa parte ripæ statui suum tabernaculum jussit, assuetamque comitari ipsum cohortem, ante id tabernaculum stare, & omnem apparatum Regiæ magnificientiæ hostium oculis de industria ostendit. Attalum etiam æqualem sibi, & haud disparem habitu oris, & corporis, utique cum procul viseretur, veste Regia exornat, præbiturum speciem, ipsum Regem illi ripæ præsidebat, nec agitaret de transitu. Hujus consilii effectum primò morata tempes-tas est, mox adjuvit, incommoda quoque ad bonos eventus vertente fortuna. Trajicere amnem cum cæteris copiis in regionem insulæ, de qua antè dictum est, parabat, averso hoste in eos, qui cum Ptolomæo inferiorem obsederant ripam, cum procella imbre vix sub tectis tolerabilem effudit, obruti-que milites nimbo, in terram refugerunt, naviis, ratibusque desertis. Sed tumultuatum fremitus, obstrepentibus ripis, ab hoste non poterat audiri. Deinde momento temporis repressus est imber. Cæterùm adeò spissæ intendere se nubes, ut conde-rent lucem, vixque colloquentium, inter ipsos facies noscitarerunt. Terruisset alium obducta nox cœlo, cùm ignoto amne navigandum esset, forsitan hos-te eam ipsam ripam, quam cæci, atque improvi-di, & ex periculo gloriam accersentes petebant, occupante: obscuritatem, quæ cæteros terrebat, suam

suam occasionem ratus, dato signo, ut omnes silentio ascenderent in rates, eam qua ipse vehebatur, primam jussit expelli. Vacua erat ab hostibus ripa, quæ petebatur: quippe adhuc Porus Ptolomæum tantum intuebatur. Una ergo navi, quam petræ fluctus illiserat hærentæ, cæteræ evadunt; armaque capere milites, & ire in ordinem jussit.

C A P U T X X V.

Prælium Alexander cum Poro commitit, vincit, fagientem capi, capto parcit, majoremque Regem efficit.

(14.) **J**Amque amnem in cornua divisum ipse ducebatur, cum Poro nuntiatur, armis, virisque ripam obtineri, & rerum adesse discriminem. Ad primo humani ingenii vitio spei suæ indulgens, Abisarem bellum socium (& ita convenerant) adventare credebat. Mox liquidiore luce aperiente hostem, centum quadrigas, & quatuor millia equitum venienti agmini objecit. Dux erat copiarum, quas præmisit. Hages frater ipsius. Summa virium incurribus, senos viros singuli vehebant, duos clypearos, duos sagitarios ab utroque latere dispositos, cæteri aurigæ erant haud sanè inermes. Quippe jacula complura, ubi cominus præliandum erat, omissis habenis, in hostem ingerebant. Cæterum vix ullus usus hujus auxilii eo die fuit. Namque (ut supra dictum est) imber violentius, quam alia à fusus, campos lubricos, & inequitabiles fecerat: gravesque, & propemodum immobiles currus illuvie, & voraginibus hærebant. Contra Alexander, expedito, ac levi agmine strenuè invectus est. Scythæ, &

Da-

Dahæ primi omnium invasere Indos, Pérdiccam deinde cum equitibus in dextrum cornu hostium emisit. Jam undique pugna se moverat, cùm ii, qui cursus agebant, illud ultimum auxilium suorum rati, effusis babenis in medium discrimem ruere cœperunt. Anceps id malum utrisque erat. Nam & Macedonum pedites primo impetu obtrebantur, & per lubrica, atque invia immissis currus excutiebant eos, à quibus regebantur. Aliorum turbati equi non invoragine modò, lacunasque, sed etiam in amnem præcipitavere curricula. Pauci tamen hostium tenus exacti penetravere ad Porum acerrime pugnam carent. Is ut dissipatos tota acie currus vagari sine rectoribus vidit, proximis amicorum distribuit elephantos. Post eos posuerat pedites, ac sagittarios tympana pulsare solitos. Id pro cantu tubarum Indis erat, nec strepitu eorum movebantur, olim ad notum sonum auribus mitigatis. Herculis simulacrum agmini peditum præferebatur. Id maximum erat bellantibus incitamentum; & deseruisse gestantes, militare flagitium habebatur. Capitis enim sanxerant pœnam iis, qui ex acie non retulissent, metu, quem ex illo hoste quondam conceperant, etiam in religionem, venerationemque converso. Macedonas non belluarum modò, sed etiam ipsius Regis aspectus parumper inhibuit. Belluae dispositæ inter armatos, speciem turrium procul fecerant. Ipse Porus humanæ magnitudinis propemodum excesserat formam. Magnitudini Pori adjicere videbatur bellua, qua vehebatur; tantum inter cæteras eminens, quarum aliis ipse præstabat. Itaque Alexander comtemplatus & Regem, & agmen Indorum, Tandem, inquit, par animo meo periculum

lum video. Cum bestiis simul ; & cum egregii viris
 res est. Intuensque Cœnom : Cùm ego, inquit, Pto-
 lemaeo, Perdiccaque, & Hephaestione comitatus, in
 lævum hostium cornu impetum fecero viderisque me
 in medio ardore certaminis, ipse in dextrum move, &
 turbatis signa infer. Tu Antigone, & tu, Leonate, &
 Tauron, invehimini in medium aciem, & urgebitis
 frontem. Hastæ nostræ prælongæ, & validæ, non alias
 magis, quam adversus belluas, rectoresque earum usui
 esse poterunt. Deturbate eos, qui vehuntur, & ipsas
 confodite. Anceps genus auxilii est, & in suos acriūs
 furit. In hostem enim imperio, in suos pavore agitur.
 Hæc eloquutus, concitat equum primus. Jamque
 (ut destinatum erat) invaserat ordines hostium, cùm
 Cœnus, ingenti vi in lævum cornu invehitur. Pha-
 lanx quoque in medium Indorum aciem uno impe-
 tu prorupit. At Porus, quā equitem invehi sense-
 rat, belluas agi jussit. Sed tardum, & penè immo-
 bile animal, equorum velocitatem æquare non po-
 terat. Nec sagittarum quidem ullus arat Barbaris
 usus ; quippe longas, & prægraves, nisi prius in
 terra statuerant arcum, haud satis aptè, & commo-
 dè imponunt ; tum humo lubrica, & ob id impe-
 diente conatum, molientes ictus, celeritate hostium
 occupabantur. Ergo spreto Regis imperio (quod
 ferè fit, ubi turbatis acriūs metūs, quām Dux im-
 perare cœpit) totidem erant imperatores, quot ag-
 mina errabant. Alius jungere aciem, alius divide-
 re stare quidam, & nonnulli circumvehi terga
 hostium jubebant. Nihil in medium consulebatur.
 Porus tamen cum paucis, quibus metu potior fue-
 rat pudor, colligere dispersos, obvius hosti ire
 pergit, elephatosque ante agmen suorum agi ju-
 bet.

bet. Magnum belluae injicere , terrorem , insolitusque stridor non equos modò , tam pavidum ad omnia animal , sed viros quoque , ordinesque turbaverat. Jam fugæ circumspiciebant locum paulò antè victores , cum Alexander Agrianos , & Thracas leviter armatos , meliorem concursatione , quam cominùs militem , emisit in belluas. Ingentem ii vim telorum injecere & elephantis , & regentibus eos. Phalanx quoque instare constanter territis cœpit. Sed quidam avidiùs persequuti , belluas in semet irritavere vulneribus. Obtriti erga pedibus earum , cæteris , ut parciùs instanter , fuere documentum. Præcipue terribilis illa facies erat , cum manu arma virosque corriperent , & super se regentibus traderent. Anceps ergo pugna nunc sequentium , nunn fugientium elephantos , in multum diei varium certamen extraxit , donec securibus (id namque genus auxiliū præparatum erat) pedes amputare cœperunt. Copidas vocant gladios leviter curbatos falcibus similes , queis apperebant belluarum manus. Nec quidquam inexpertum , non mortis modò , sed etiam in ipsa morte novi suppli ci timor omittebat. Ergo elephanti vulneribus tandem fatigatis , suos impetu sternunt ; & qui rexerant eos , præcipitati in terram ab ipsis obtereban tur. Itaque pecorum modo magis pavidi , quam infessi , ultra aciem exigeabantur , cum Porus destitutus à pluribus , tela multò antè preparata , in circumfusos ex elephanto suo cœpit ingerere. Multisque eminus vulneratis , expositus ipse ad iactus , undique petebatur. Nomen jam vulnera hinc tergo , illinc pectore exceperat: multoque sanguine profuso , languidis manibus magis elapsa , quam excussa tel-

tella mittebat. Nec segnius bellua instincta rabie nondum saucia, invehebatur ordinibus, donec rector belluae Regem conspexit fluentibus membris, omissisque armis vix compotem mentis. Tum belluam in fugam consistat, sequente Alexandro. Sed equus ejus multis vulneribus confossus, deficiensque procubuit, posito magis Rege, quam effuso. Itaque, dum equum mutat, tardius insequutus est. Interim frater Taxilis Regis Indorum præmissus ab Alexandro, monere cœpit Porum, ne ultima experire perseveraret, dederetque se victori. At ille, quamquam exaustræ erant vires, deficiebatque sanguis, tamen ad notam vocem excitatus, *Agnosco*, inquit, *Taxilis fratrem, Imperii, Regisque sui proditorem*: & telum, quod unum fortè non effluxerat, contorsit in eum, quod per medium pectus penetravit ad tergum. Hoc ultimo virtutis opere edito, fugere acrius cœpit. Sed elephantos quoque, qui multa exceperat tela, deficiebat. Itaque sistit fugam, peditemque sequenti hosti objecit. Jam Alexander consequutus erat, & pertinacia Pori cognita, vetabat resistantibus parci. Ergo undique & in pedites, & in ipsum Porum tela congesta sunt, queis tandem gravatus, labi ex bellua cœpit. Indus, qui elephantum regebat, descendere eum ratus, more solito elephantum procumbere jussit in genua. Qui ut se submisit, cæteri quoque (ita enim instituti erant) demisere corpora in terram. Ea res & Porum, & cæteros victoribus tradidit. Rex spoliari corpus Pori, interemptum esse credens, jussit, & qui detraherent loricam, vestemque, concurrere: cum bellua dominum tueri, & spoliantes cœpit appetere, levatumque corpus ejus rursus dorso suo

imponere. Ergo telis undique obruitur, confossoque eo, in vehiculum Porus imponitur. Quem Rex ut vidi allevantem oculos, non odio, sed miseratione commotus, *Quæ malum*, inquit, *amentia te coegerit, rerum mearum cognita fama, belli fortunam experiri*, cùm Taxiles esset in deditos clementiæ meæ tam propinquum tibi exemplum? At ille, *Quoniam*, inquit, *percontaris, respondebo ea libertate, quam interrogando, fecisti. Neminem me fortiorem esse, censebam: meas enim neveram vires, nondum expertus tuas. Fortiorem esse te, belli docuit eventus. Sed ne sic quidem parum felix sum, secundus tibi. Rursus interrogatus, quid ipse victorem statuere debere censeret?* *Quod hic*, inquit, *dies tibi suadet, quo expertus es, quam caduca felicitas esset.* Plus monendo profecit, quām si precatus esset: quippe magnitudinem animi ejus interritam, ac ne fortuna quidem infractam, non misericordia modò, sed etiam honore excipere dignatus est. Ægrum curavit haud secūs, quām si pro ipso pugnasset: confirmatum, contra spem omnium, in amicorum numerum recepit: mox donavit ampliore regno, quam tenuit. Nec sanè quidquam ingenium ejus solidius, aut constantius habuit, quām admirationem veræ laudis, & gloriæ. Simplicius tamen famam æstimatbat in hoste, quām in cive: quippe à suis credebat magnitudinem suam destrui posse; eamdem clariorem fore, quò majores fuissent, quos ipse vicisset.

LIBER IX.

SYNOPSIS.

Anteriorem Indiam, viciis passim gentibus, peragratis. Classem parat. Ingentes in saltibus serpentes, & rhinocerotas reperit. Canes miro ingenio primum munere accipit. Hortatur militem ad futura bella suscipienda; miles abnuit. Cœnon pro milite causam agit. Rex dat manus votis exercitus; aras finium, quos attigerat, monumentum ponit. Cœnonis mors. Nicæam, & Bucephalam urbes condit. Supplémentum militum è Græcia accipit. Per flumen Acesinem portat copias Oceanum aditurus. Ad Sobios Herculis posteritatem pervenit. Oxydracas, & Mallos expugnat. Miles in seditionem rursus vertitur, quam sedat Rex. In oppido Oxydracarum ultimum vitæ discrimen adit; ægreque tandem eripitur. Oppidum excinditur. Rex curatur. Amici hortantur, ne deinceps se tantiis discriminibus objiciat, ab illius vita vendere vitam omnium. Respondet Alexander, & gloriæ studium infinitum præsefert: Græci Coloni circa Bactra, & Scythes, relictis coloniis, in patriam abeunt. Legatos duarum gentium se dedentium audit. Dioxippus athleta provocatorem vincit, deinde seipsum interficit. Variæ gentes se Regis fidei permitunt, alia vi subiguntur. Ptolomæi vulnus, periculum, curatio. Classis in ore fluminis ad Oceanum ingens discrimen adit. Adnavigant inde proxime Oceanum, & in fluminis insulis æstu maris inundatis

omnes vita periclitantur. Rex æstus sequutus, CCCC. stadia provehitur in mare, inde redit ad classem, quæ adverso flumine revecta militem exponit. Alexander complures urbes condit. Nearcus, & Onesichitus navarchi explorant Oceanum. Alexander copias terrestri itinere reducit. Incidunt in Barbaros, & ultimam patiuntur famen: inde in morbos, & montes dantur multi. Rex commeatum aliunde curat. Tandem omnis redit felicitas. Imitatur Rex Bacchi triumphum. Aspasten Carmaniæ Satrapen interficit.

C A P U T I.

Hortatur militem ad persequendum bellum spe prædæ. Duas urbes ad Hydaspes constituit. Donat fortes præmiis. Abisares ditionem formidat. Rex ad interiorem Indiam transit.

Alexander tamen memorabili victoria lætus, quæ sibi Orientis fines apertos esse censebat, Soli victimis cæssis, milites quoque, quod promptioribus animis reliqua belli munia obirent, pro concione laudatos docuit, quidquid Indis virium fuisset, illa dimicatione prostratum: cæteram opimam prædam fore, celebratasque opes in ea regione eminere, quam peterent: proinde jam vilia, & obsoleta esse spolia de Persis: gemmis, margaritisque, & auro, atque ebore Macedoniam, Greciamque, non suas tantum domos, repleturum. Avidi milites, & pecuniæ, & gloriæ, simul, quia numquam affirmatio ejus fefellerat eos, pollicentur operam. Dismissisque cum bona spe, navigia ædificari jubet, ut cum totam Asiam percuriset, finein terrarum mare inyiseret.

Mul-

Multa materia navalis in proximis montibus erat, quam cædere aggressi, magnitudinis inusitatæ reperere serpentes. Rhinocerotes quoque, rarum alibi animal, in iisdem montibus erant. Cæterum hoc nomen belluis eis inditum à Græcis, sermonis ejus ignari aliud lingua sua usurpant. Rex duabus urbis conditis in utraque fluminis, quod superaverat, ripa, copiarum duces coronis, & mille aureis singulos donat. Cæteris quoque proportione, aut gradu, quem in militia obtinebant, aut navatae operæ, honos habitus est. Abisares, qui priùs, quam cum Poro dimicaretur, legatos ad Alexandrum miserat, rursus alios misit, pollicentes omnia facturum, quæ imperasset, modò ne cogeretur corpus suum dedere. Neque enim aut sine regio imperio victurum, aut regnaturum esse captivum. Cui Alexander nuntiari jussit, si gravaretur ad se venire, ipsum ad eum esse venturum.

C A P U T I I.

Interioris Indiæ descriptio. Rex multas gentes partim vi, partim ultrò deditas recipit.

Hinc Poro, amneque superato, ad interiora Indiæ processit. Sylvæ erant propè in immensum spatium diffusæ, procerisque, & in eximiam altitudinem editis arboribus umbrosæ. Plerique rami instat ingentium stipitum flexi in humum, rursus quæse curvaverant, erigebantur, adeò, ut species esset non rami resurgentis, sed arboris ex sua radice generatæ. Cœli temperies salubris: quippe, & vim Solis umbræ levant, & aquæ largè manant è fontibus. Cæterum hinc quoque serpentium magna vix

erat, squamis fulgorem auri reddentibus. Virus
haud ullum magis noxium est: quippe morsum præ-
sens mors sequebatur, donec ab incolis remedium
oblatum est. Hinc per deserta ventum est ad flumen
Hydraotem. Junctum erat flumini nemus opacum
arboribus alibi inusitatis, agrestiumque pavonum
multitudine frequens. Castris inde motis, oppidum
haud procul positum corona capit, obsidibusque
acceptis, stipendum imponit. Ad magnam deinde
(ut in ea regione) urbem pervenit, non muro so-
lùm, sed etiam palude munitam. Cæterùm Barba-
ri vehiculis inter se junctis dimicaturi occurrerunt.
Aliis tela, aliis hastæ, aliis secures erant, trans-
liebanque in vehicula strenuo saltu, cùm succur-
rere laborantibus suis vellent. Ac primo insolitum
genus pugnæ Macedonas terruit, cùm eminùs vul-
nerarentur. Deinde spreto tam incondito agmine,
ab utroque latere vehiculis circumfusi, repugnan-
tes fodere cœperunt. Et vehicula, queis conserta
erant, jussit incidi, quò facilius singula circumve-
nirentur. Itaque octingentis suorum amissis, in op-
pidum refugerunt. Postero die scalis undique ad-
motis, muri occupantur. Paucis pernicietas saluti
fuit, qui cognito urbis excidio, paludem tranave-
re, & in vicina oppida ingentem intulere terrorem,
invictum exercitum, & Deorum profectò, advenisse,
memorantes. Alexander, ad vastandam eam re-
gionem, Perdiccā cum expedita manu misso, par-
tem copiarum Eumeni tradit, ut is quoque Barba-
ros ad ditionem compelleret. Ipse cæteros ad ur-
bem validam, in quam aliarum quoque confugerat
incolæ, duxit. Oppidani, missis, qui Regem de-
precearentur, nihilominùs bellum parabant: quippe
or-

orta seditio in diversa consilio diduxerat vulgum. Alii omnia deditione potiora, quidam nullam opem in ipsa esse ducebant. Sed dum nihil in commune consulitur, qui deditioni imminebant, apertis portis hostem recipiunt. Alexander, quamquam belli auctoribus jure poterat irasci, tamen omnibus venia data, & obsidibus acceptis, ad proximam deinde urbem castra movit. Obsides ducebantur ante agmen; quos cum è muris agnovissent, utpotè gentis ejusdem, in colloquium convocaverunt. Illi clementiam Regis, simulque vim commemorando, ad ditionem eos compulere. Cæterasque urbes simili modo deditas in fidem accepit.

C A P U T III.

Sophitis Regnum deditur. De canibus venaticis admiranda.

Hinc in Regnum Sophitis perventum est. Gens, ut Barbari, sapientia excellit, bonisque moribus regitur. Genitos liberos non parentum arbitrio tollunt, aluntque, sed eorum, quibus spectandi infantum habitum cura mandata est. Si quos segnes, aut aliqua membrorum parte inutiles notaverunt, necari jubent. Nuptiis coeunt, non genere, ac nobilitate conjunctis, sed electa corporum specie: quia eadem aestimatur in liberis. Hujus gentis oppidum, cui Alexander admoverat copias, ab ipso Sophite obtinebatur. Clausæ erant portæ, sed nulli in muris; turribusque se armati ostendebant. Dubitabantque Macedones, deseruissent ne urbem incolæ, an fraude se occulerent: cum subito patefacta porta, Rex Indus cum duobus adultis filiis

occurrit, multum inter omnes Barbaros eminens corporis specie. Vestis erat auro, purpuraque distincta, quæ etiam crura velabat. Aureis soleis inseruerat gemmas. Lacerti quoque, & brachia margaritis ornata erant. Pendebant ex aurobus insignes candore, & magnitudine lapilli. Baculum aureum berylli distinguebant. Quo tradito, precatus, ut sospes acciperent se, liberosque, & gentem suam dedit. Nobiles ad venandum canes in ea regione sunt. Latratu abstinere dicuntur, cum videre feram, leonibus maximè infesti. Horum vim ut ostenderet. Alexandro, in conspectu leonem eximiæ magnitudinis jussit emitti, & quatuor omnino ad moveri canes, qui celeriter occupaverunt feram: cum ex his, qui assueverant talibus ministeriis, unus canis leoni cum aliis inhærentis crus avellere, &, quia non sequebatur, ferro amputare coepit: nec sic quidem pertinacia victa, rursus aliam partem secare instituit, & inde non segniùs inhærentem, ferro subinde cædebat. Ille in vulnere feræ dentes moribundus quoque fixerat. Tantam in illis animalibus ad venandum cupiditatem ingenerasse naturam memoriæ proditum est. Evidem plura transcribo, quam credo. Nam nec affimare sustineo, de quibus dubito, nec subducere, quæ accepi.

CAPUT IV.

Phegeles Rex deditur. Natura loci describitur, & Ganges fluvius, & Agrammes Rex potentissimus. Dubius Rex de milite, an esset sequuturus, cionem habet.

RELECTO igitur Sophite in suo Regno, ad fluvium Hypasim processit, Hephæstione, qui diversam regionem subegerat, conjuncto. Phegeles erat gentis proximæ Rex, qui popularibus suis colere agros, ut assueverant, jussis, Alexandro cum donis occurrit, nihil, quod imperaret, detrectans. (2.) Biduum apud eum substitit Rex: tertio die amnem superare decreverat, transitu difficilem, non spatio solùm aquarum, sed etiam saxis impeditum. Percontatus igitur Phegelem, quæ noscenda erant undecim dierum ultra flumen per vastas solitudines iter esse cognoscit, excipere deinde Gangem maximum totius Indiæ fluminum: ulteriore ripam colere gentes Gangaridas, & Pharrasios, eorumque Regem esse Agrammen, viginti millibus equitum, ducentisque peditum obsidentem vias: ad hæc quadrigarum duo millia trahere, & præcipuum terrorem elephantes, quos trium millium numerum explere dicebat. Incredibilia Regi omnia videbantur. Igitur Porum (nam cum eo erat) percontatur, an vera essent, quæ dicerentur. Ille vires quidem gentis, & Regni haud falsò jactari affirmat, cæterū qui regnaret, non modò ignobilis esse, sed etiam ultimæ sortis; quippe patrem ejus tonsorem vix diurno quæstu propulsantem famem, propter habitum haud indecorum, cordifuis-

fuisse Reginæ. Ab ea in propriorem ejus, qui tum regnasset, amicitiæ locum admotum, imperfecto eo per insidias, sub specie tutelæ liberum ejus invasisse regnum; necatisque pueris, hunc, qui nunc regnat, generasse, invisum, vilemque popularibus, magis paternæ fortunæ, quam suæ memorem. Affirmatio Pori multiplicem animo Regis injecerat curam. Hostem, belluasque spernebat, situm locorum, & vim fluminum extimescebat. Relegatos in ultimum poenè rerum humanarum persecui terminum, & eruere, arduum videbatur. Rursus avaritia gloriæ, & insatiabilis cupidio famæ, nihil invium, nihil remotum videri sinebat. Et interdùm dubitabat, an Macedones tot emensi spatia terrarum, in acie, & in castris senes facti, per objecta flumina, per tot naturæ obstantes difficultates, sequunturi essent. Abundantes, onustosque præda, magis parta frui velle, quam acquirenda fatigari. Non idem sibi, & militibus animi esse. Se totius orbis imperium mente complexum, adhuc in operum suorum primordio stare, militem labore defatigatum, proximum quemque fructum finito tandem periculo experere. Vicit ergo cupidio rationem; & ad concionem vocatis militibus, ad hunc maximè modum disseruit.

CAPUT V.

Suadet militi ultimum restare bellum. Elevat conceptam de hastis potentia opinionem, laudat virtutem suorum. Nec tamen persuadet. Oritur omnium fletus.

NON ignoro, milites, multa, quæ terrere vos possent, ab incolis Indiæ per hos dies de industria esse jaictata. Sed non est improvisa nobis mentientium vanitas. Sic Ciliciæ fauces, sic Mesopotamiæ campos, Tigrim, & Euphratem, quorum alterum vado transivimus, alterum ponte, terribilem fecerant Persæ. Numquam ad liquidum fama perducitur: omnia, illa tradente, majora sunt vero. Nostra quoque gloria, cum sit ex solido, plus tamen habet nominis, quam operis. Modò quis belluas offerentes mænium speciem, quis Hydasphem amnem, quis cætera auditu majora, quam vero, sustinere posse credebat? Olim hercule fugissemus ex Asia, si nos fabulæ debellare potuissent. Creditione elephantorum greges majores esse, quam usquæ armentorum sunt eum & rarum sit animal, nec facile capiatur, multoque difficilius mitigetur. Atqui eadem vanitas copias peditum, equitumque numeravit. Nam flumen quo latius fusum est, hoc placi- dius stagnat; quippe angustis ripis coercita, & in arctiore alveum elisa torrentes aquas invehunt: contra spatio alvei segnior cursus est. Præterea in ripa omne periculum est, ubi applicantes navigia hostis expeditat. Ita quantumcumque flumen intervenit, idem futurum discriminem est evadentium in terram. Sed omnia ista vera esse fingamus. Utrum ne vos magnitudo belluarum, an multitudo hostium terret? Quod pertinet

net ad elephantos, præsens habemus exemplum: in suos vehementius, quam in nos incurrerunt. Tam vasta corpora securibus, falcibusque mutilata sunt. Quid autem interest, totidem sint, quos Porus habuit, anntra millia, cum uno, aut altero vulneratis, cæteros in fugam declinare videamus? Deinde paucos quoque commode regunt: congregata vero tot millia ipsa se elidunt: ubi nec stare, nec fugere potuerint inhabiles vastorum corporum moles. Evidem sic animalia ista contempsi, ut, cum haberem, ipse non opposuerim, satis gnarus, plus suis, quam hostibus periculi inferre. At enim equitum, peditumque multitudo vos comovet. Cum paucis enim pugnare soliti estis, & nunc primùm inconditam, sustinebitis turbam? Testis adversus multitudinem invicti Macedonum roboris Granicus amnis, & Cilicia inundata crux Persarum, & Arbella, cuius campi devictorum à nobis ossibus strati sunt. Serò hostium legiones numerare cœpistis, posteaquam solitudinem in Asia vincendo fecistis. Cum per Hellespontum navigaremus, de paucitate nostra cogitandum fuit. Nunc nos Scythæ sequuntur, Bactriana auxilia præsto sunt, Dahæ, Sogdianique inter nos militant. Nec tamen illi turbæ confido. Vestras manus intueor, vestram virtutem, rerum, quas gesturus sum, vadem, prædemque habeo. Quandiu vobiscum in acie stabo, nec meos, nec hostium exercitus numeravero. Vos modò animos mihi plenos alacritatis, ac fiduciæ exhibete. Non in limine operum, laborumque nostrorum, sed in exitu flamus. Pervenimus ad Solis ortum, & Oceanum, nisi obstat ignavia: inde victores, per domito fine terrarum, revertemur in patriam. Nolite (quod pigri agricolæ faciunt) maturos fructus per inertiam amittere è manibus. Majora sunt

sunt periculis præmia. Dives eadem, & imbellis est regio. Itaque non tam ad gloriam vos duco, quam ad prædam. Digni estis, qui opes, quas illud mare littoribus invehis, referatis in patriam. Digni, qui nihil inexpertum, nihil metu omissum relinquatis. Per vos, gloriamque vestram, qua humanum fastigium exceditis, perque & mea in vos, & in me vestra merita, quibus invicti contendimus, oro, quæsoque, ne humanarum rerum terminos adeuntem alumnum, commilitone nque vestrum, ne dicam Regem, deseratis. Cætera vobis imperavi, hoc unum debiturus sum. Et is vos rego, qui nihil unquam vobis præcipi, qui primus me periculis obtulerim, qui sæpè aciem clypeo meo texi, ne infringeretis in manibus meis palmarum, quam Herculem, Liberumque Patrem, si invidiam abfuerit, æquabo. Date hoc precibus meis, & tandem obstinatum silentium rumpite. Ubi est ille clamor, alacritatis vestræ index? ubi est ille meorum Macedonum vultus? Non agnosco vos, milites, nec agnoscvi videor a vobis. Surdas jamdudum aures pulso. Aversos animos, & infractos excitare conor. Cumque illi in terram dimissis capitibus tacere perseverarent. Nescio quid, inquit, imprudens in vos deliqui, quod me ne intueri quidem vultis. In solitudine mibi video esse. Nemo respondet, nemo saltem negat: Quos alioquin? quid autem postulo? vestram gloriam, & magnitudinem vindicamus. Ubi sunt illi, quorum certamen paulò ante vidi, contendentium, qui potissimum vulnerati Regis corpus exciperent? Desertus, destitutus sum, hostibus deditus. Sed solus quoque ire perseverabo. Objicite me fluminibus, & belluis, & illis gentibus, quarum nomina horretis. Inveniam, qui desertum a vobis sequantur. Scythæ, Bactrianique erunt

*erunt mecum, hostes paulò ante, nunc milites nostri.
Mori præstat, quām precario Imperatorem esse. Ite
reduces domos, ite deserto Rege ovantes. Ego hic à
vobis desperatæ victorïæ, aut honestæ morti locum
inveniam, (3.) Nec sic quidem ulli militum vox ex-
primi potuit. Expectabant, ut duces, principesque
ad Regem p̄ferrent, vulneribus, & continuo la-
bore militiæ fatigatos, non detrectare munia, sed
sustinere non posse. Cæterum illi metu attoniti in
terram ora defixerant. Igitur primò fremitus sua
sponte, deinde gemitus quoque oritur: paullatim-
que liberiùs dolor erigi cœpit, manantibus lacry-
mis adeò, ut Rex, ira in misericordiam versa, ne
ipse quidem, quamquām cuperet, temperare occu-
lis potuerit.*

C A P U T V I.

*Cænon respondet orationi Regis, & deprecatur loco
exercitus longiorem militiam. Solvitur lacrymis
concio. Rex indignatus includitur.*

Tandem universa concione effusiùs flente, Cœ-
non ausus est, cunctantibus cæteris, propriùs tri-
bunal accedere, significans se loqui velle. Quem
ut videre milites detrahentem galeam capiti (ita
enim Regem alloqui mos est) hortari cœperunt, ut
causam ageret exercitus. Tum Cœnon, *Dii prohibeant, inquit, à nobis impias mentes, & profectò prohibent. Idem animus est tuis, qui fuit semper, ire
quò jussesis, pugnare, periclitari, sanguine nostra
commendare posteritati tuum nomen. Proinde si per-*
se-

severas, inermes quoque, & nudi, & exangues, ut-
cumque tibi cordi est, sequimur, vel antecedimus. Sed
si audire vis non fictas tuorum militum voces, rerum
necessitate ultima expressas, præbe, quæso, propitias
aures, imperium, atque auspicium tuum constantissi-
mè sequutis, & quocumque pergis, sequuturis. Vicis-
ti, Rex, magnitudine rerum non hostes modò, sed
etiam milites. Quidquid mortalitas capere poterat, im-
plevimus, emensis maria, terrasque, melius nobis,
quam incolis omnia nota sunt. Pœnè in ultimo mundi
fine consistimus. In alium orbem paras ire, & Indiam
queris, Indis quoque ignotam. Inter feras, serpen-
tesque detegentes eruere ex latebris, & cubilibus suis
expetis, ut plura, quam Sol videt, victoria lustres.
Digna prorsus cogitatio animo tuo, sed altior nostro.
Virtus enim tua semper in incremento erit; nostra vix
in fine jam est. Intuere corpora exanguia, tot perfossa
vulneribus, tot cicatricibus turpia. Jam tela hebetia
sunt, jam arma deficiunt. Vestem Persicam induimus
quia domestica subvehi non potest. In externum dege-
neravimus cultum. Quoto cuique lorica est? Quis equum
habet? Fube queri, quam multos servi ipsorum per-
sequuti sint, qui cuique supersit ex præda. Omnium
victores, omnium inopes sumus. Nec luxuria labora-
mus, sed bello instrumenta belli consumpsimus. Hunc
tu pulcherrimum exercitum nudum objicies belluis?
Quarum ut multitudinem augeant de industria Barba-
ri, magnum tamen esse numerum etiam ex mendacio
intelligo. Quod si adhuc penetrare in Indianum certum
est, Regio à Meridie minus vasta est; qua subacta,
licebit decurrere in illud mare, quod rebus humanis
terminum voluit esse natura. Cum circuitu petis glo-
riam, quæ ad manum posita est? Hic quoque occurrit

Oc-

Oceanus. Nisi mavis errare, pervenimus, quò tuas fortuna ducit. Hæc tecum, quām sine te cum his loqui malui, non ut inirem circumstantis exercitus gratiam, sed ut vocem loquentium potius, quām ut gemitum murmurantium audires. Ut finem orationi Cœnon imposuit, clamor undique cum ploratu oritur, Regem, patrem, dominum, confussis appellatium vocibus. Jamque & alii duces, præcipueque seniores, queis ob ætatem & excusatio honestior erat, & auctoritas major, eadem precabantur. Ille nec castigare obstinatos, nec mitigare poterat iratos. Itaque inops consilii desiluit è tribunali, claudique regiam jussit, omnibus, præter assuetos, adire prohibitis.

C A P U T VII.

*Signat terminos expeditionis. Redit, quæ venerat.
Cænonis mors. Ad Acesinem flumen novum supplementum accipit. Dux Reges conciliat. Duo oppida condit. Classis ad Sotios devenit.*

BIduum iræ datum est, testio die processit, erique duodecim aras ex quadrato saxo, monumentum expeditionis suæ, munimenta quoque castorum jussit extendi, cubiliaque amplioris formæ, quam pro corporum habitu, reliqui, ut speciem omnium augeret, posteritati fallax miraculum præparans. Hinc repetens, quæ emensus erat, ad flumen Acesinem locat castra. Ibi forte Cænon morbo extictus est, cuius morte ingemuit Rex quidem, adjecit tamen, propter paucos dies longam orationem eum exorsum, tanquam solus Macedoniam visurus esset. Jam in aqua classis, quam ædificari jusserat, stabat. Inter hæc Memnon ex Thracia in supplementum equitum VI. millia, præter eos ab Harpalio peditum septem millia adduxerat, armaque viginti quinque millia auro, & argento cælata pertulerat, queis distributis, vetera cremari jussit, mille navigiis aditus Oceanum. Discordes, & vetera odia retractantes Porum, & Taxilem Indiæ Reges, firmata per affinitatem gratia, reliquit in suis regnis, summo in ædificanda classe amborum studio usus. Oppida quoque duo condidit, quorum alterum Nicæam appellavit, alterum Bucephalon, equi, quem amiserat, memoriæ, ac nomini dedicans urbem. Elephantis deinde, & impedimentis terra sequi jussis, secundo amne de-

Z

flu-

fluxit, quadraginta fermè stadia singulis diebus procedens, ut opportunis locis exponi subinde copiæ possent.

CAPUT VIII.

Sobios describit. Rex oppida vi occupat. Per fluminum concursum in vorlices obripitur, & tantum non hauritur.

(4.) **P**er eventum erat in Regionem, in qua Hydaspes amnis Acesini committitur. Hinc decurrit in fines Sobiorum. Hi de exercito Herculis majores suos esse commemorant, ægros relictos esse, cepisse sedem, quam ipsi obtinebant. Pelles ferarum pro veste, clavæ pro tello erant. Multaque, etiam cum Græci mores exolevissent, stirpis ostendebant vestigia. Hinc excensione facta, CCL. stadia processit. Depopulatusque regionem, oppidum caput ejus corona cepit. XL. peditum millia alia gens in ripa fluminis opposuerat, quæ, amne superato, in fugam compulit, inclusosque mœnibus expugnat. Puberes imperfecti sunt, cæteri venierunt. Alteram deinde urbem expugnare adortus, magna que vi defendantium pulsus, multos Macedonum amisit. Sed, cum in obsidione perseverasset, oppidi, desperata salute, ignem subjecere tectis, se quoque, ac liberos, conjugesque incendio cremant. Quod cum ipsi augerent, hostes extinguerent, nova forma pugnæ erat. Delebant incolæ urbem, hostes defendebant. Adeò tam naturæ jura vellum in contrarium mutat. Arx erat oppidi intacta in qua præsidium dereliquit. Ipse navigio circumvenctus est arcem: quippe tria flumina tota India præter Gangem maxima, munimento arcis applicant undes.

des. A Septentrione Indus alluit, à Meridie Acesines Hydaspi confunditur. Cæterū amnium coitus maritimis similes fluctus movet, multoque, ac turbido limo, quod aquarum concursu subinde turbatur, iter, quā meant navigia, in tenuem alvum cogitur. Itaque, cum crebri fluctus se invehement, & navium hinc proras, hinc latera pulsarent, subducere nautæ cœperunt. Sed ministeria eorum hinc metu, hinc prærapida celeritate fluminum occupantur. In oculis duo majora omnium navigia submersa sunt: leviora, cum & ipsa nequirit regi, in ripam tamen innoxia expulsa sunt. Ipse Rex in rapidissimos vortices incidit, quibus intorta navis obliqua, & gubernaculi impatiens agebatur. Jam vestem detraxerat corpori, projecturus semet in flumen, amicique, ut exciperent eum, haud procul nabant: apparebatque anceps periculum tam natatori, quām navigare perseverantis. Ergo ingenti certamine concitant remos, quantaque vis humana esse poterat, admota est, ut fluctus, qui se invehabant, everberarentur. Findi crederes undas, & retrò gurgites cedere. Quibus tandem navis erepta non tamen ripæ applicatur, sed in proximum vadum illiditur. Cum amne bellum fuisse crederes. Ergo aris pro numero fluminum positis, sacrificioque facto, triginta stadia processit.

C A P U T I X.

Ad Oxydracas, & Mallos accedit. Seditionem militarem compescit.

INDE ventum est in regionem Oxydracarum, Malorumque, quos alias bellare inter se solitas, tunc

periculi societas junxerat. Nonaginta millia juniorum peditum in armis erant, præter hos equitum decem millia, nongentæque quadrigæ. At Macedones, qui omne discrimine jam defunctos sese esse crediderant, posteaquam integrum bellum cum ferocissimis Indiæ gentibus superesse cognoverunt, improviso metu territi, rursus seditiosis vocibus Regem increpare cœperunt. Gangem amnem, & quæ ultrâ essent, coactos transmittere, non tamen finisse, sed mutasse bellum. Indomitis gentibus se objectos, ut sanguine suo aperirent ei Oceanum. Trahi extra sydera, & Solem, cogique adire, quæ mortaliū oculis natura subduxerit. Novis identidem armis novos hostes existere. Quos ut omnes fundant, fugentque, quod præmium ipsos manere? caliginem, ac tenebras, & perpetuam noctem profundo incubantem, repletum immanium belluarum gregibus fretum, immobiles undas, in quibus emoriens natura defecerit. Rex non sua, sed militum solicitudine anxius, concione advocata, docet, imbelles esse, quos metuant. Nihil deinde præter has gentes obstare, quò minus terrarum spatia emensi, ad finem simul mundi, laborumque perveniant. Cessisse illis metuentibus Gangem, & multitudinem nationum, quæ ultra amnem essent, declinasset iter eò, ubi par gloria, minus periculum esse Jam prospicere se Oceanum, jam perlare ad ipsos auram maris. Ne inviderent sibi laudem, quam peteret; Herculis, & Liberi Patris terminos transituros. Ipsos Regi suo parvo impendio immortalitatem famæ daturos. Paterentur se ex India redire, non fugere. Omnis multitudo, & maximè militaris, mobili impetu fertur. Ita seditionis non remedia,

quam

quām principia majora sunt. Non aliās tam alacer clamor ab exercitu est redditus, jubentium duce-ret Diis secundis, & æquaret gloria, quos æmula-retur. Lætus his acclamationibus ad hostes protinus castra movit.

C A P U T X.

*Hostes fugat. Oppidum obsidet. Ultimum vitæ dis-
crimen, contemptu Vate, addit. Solus in oppidum
hostile desiliens ægrè tandem per suos jam saucius
eripitur. Hostes internecione delentur.*

V Alidissimæ Indorum gentes erant, & bellum impigrè parabant, Duce-mque ex natione Oxydracarum spectatæ virtutis elegerant, qui sub racidi-bus montis castra possit; latèque ignes, ut spe-ciem multitudinis augeret, ostendit; clamore quo-que, ac sui moris ululatu identidem acquiescentes Macedones frustra terrere conatus. Jam lux appe-tebat, cùm Rex fiduciæ, ac spei plenus, alacres milites arma capere, & exire in aciem jubet. Sed metu ne, an seditione oborta inter ipsos, subito profugerunt Barbari. Certè avios montes, & impe-ditos occupaverunt; quorum agnem Rex frustra persquutus, impedimenta cepit. Perventum deinde est ad oppidum Oxydracarum, in quo pleri-que confugerant, haud majore fiducia mœnium, quam armorum. Jam admovebat Rex, cùm vates monere eum cœpit, ne comitteret, aut certè dif-ferret obsidionem: vitæ ejus periculum ostendit. Rex Demophoonta (is namque vates erat) intuens, *Si quis, inquit, te arti tuæ intentum, & extra
spectantem sic interpellat, non dubitem, quin in-*

commodus, ac molestus videri tibi possit. Et cùm illa ita prorsùs futurum respondisset, Censesne, inquit, tunc tantas res, non pecudum fibras, anto oculos habenti, ullum esse majus impedimentum, quām vatem superstitione captum? Nec diutius, quam respondit, moratus, admoveri jubet scalas; cunctantibusque cæteris, evadit in murum. Angusta muri corona erat. Non pinnæ, sicut alibi, fastigium ejus distinxerant, sed perpetua lorica obducta transitum sepserat. Itaque Rex hærebat magis, quām stabat in margine, clypeo undique incidentia tela propulsans. Nam undique eminūs ex turribus petebatur. Nec subire milites poterant, quia superne vi telorum obruebantur. Tandem magnitudinem periculi pudor vicit: quippe cernebant cunctatione sua dedi hostibus Regem. Sed festinando morabantur auxilia. Nam, dum pro se quisque certat evadere, oneravere scalas; queis non sufficiuntibus, devoluti, unicam spem Regis fefellerunt. Stabat enim in conspectu tanti exercitus, velut in solitudine destitutus (5.) Jamque lœvam, qua clypeum ad ictus circumferebat, lassaverat, clamantibus amicis, ut ad ipsos desileret, stabantque excepturi, cùm ille rem ausus est incredibilem, atque inauditam, multoque magis ad famam temeritatis, quām gloriæ, insignem. Namque in urbem hostium plenam præcipiti saltu semet ipse immisit, cum vix sperare posset, dimicantem certe, & non inultum esse moriturum: quippe, antequām assugeret, opprimi poterat, & capi vivus. Sed forte ita libraverat corpus, ut se pedibus exciperet. Itaque stans init pugnam. Et, ne circuiri posset, fortuna providerat. Vetus arbor haud procul muro ramos mul-

multa fronde vestitos, velut de industria Regem protegentes, objecerat. Hujus spatiose stipiti, ne corpus circuiri posset, applicuit, clypeo tela, quæ ex adverso ingerebantur, excipiens. Nam, cum unum procul tot manus peterent, nemo tamen audiebat proprius accedere. Missillia ramis plura, quam clypeo incidebant. Pugnabat pro Rege primum celebrati nominis fama, deinde desperatio, magnum ad honestè moriendum incitamentum. Sed, cum subinde hostis affluerit, jam ingentem vim telorum exceperat clypeo, jam galeam saxa perfregerant, jam continuo labore gravia genua succiderant. Itaque contemptim, & in caute, qui proximi steterant, incurrerunt. Et quibus duos gladio ita excipit, ut antè ipsum exanimes procumberent. Nec cuiquam deinde proprius incessendi eum animus fuit. Procul jacula, sagittasque mittebant. Ille ad omnes iactus expositus, ægrè jam exceptum poplitibus corpus tuebatur, donec Indus duorum cubitorum sagittam (namque Indis ut antè diximus, hujus magnitudinis sagittæ erant) ita excusit, ut per thoracem paullum super latus dexterum infigeretur. Quo vulnere afflictus, magna vi sanguinis emicante, remisit arma moribundo similis, adeoque resolutus, ut ne ad vellendum quidem telum sufficeret dextera. Itaque ad expoliandum corpus, qui vulneraverant, alacer gaudio accurrit. Quem ut injicere corpori suo manus sensit, credo, ultimi dedecoris indignitate commotus, linquentem revocavit animum, & nudum hostis latus subjecto mucrone hausit. Jacebant circa Regem tria corpora, procul stupentibus cæteris., Ille, ut antequam ultimus spiritus deficeret, dimicans jam extingue-

retur, clypeo se allevare conatus est: & posteaquam ad continendum nihil supererat virium, dextera impendentes ramos complexus, tentabat asurgere. Sed ne sic quidem potens corporis, rursus in genua procumbit, manu provorans hostes, si quis congregari auderet. Tandem Peucestes per aliam oppidi partem, deturbatis propugnatoribus muri, vestigia persequens Regis supervenit. Quo conspecto, Alexander jam non vitae suæ, sed mortis solatum supervenisse ratus, clypeo fatigatum corpus exceptit. Subit inde Timæus, & paullò post Leonnatus: huic Aristonus supervenit. Indi quoque, cum intra moenia Regem esse competissent, omissis cæteris, illuc concurrerunt, urgebantque protegentes. Ex quibus Timæus, multis adverso corpore vulneribus acceptis, egregiaque edita pugna, cecidit. Peucestes quoque tribus jaculis confossus, non se tamen scuto, sed Regem tuebatur. Leonnatus, dum ayidè ruentes Barbaros submovet, cervice graviter icta, semianimis procumbuit ante Regis pedes. Jam & Peucestes vulneribus fatigatus submiserat clypeum. In Aristono spes ultima hærebat. Hic quoque graviter saucius tantam vim hostium ultrà sustinere non poterat. Inter hæc ad Macedonas, Regem cecidisse, fama perlata est. Terruisset alios, quod illos incitavit. Namque periculi omnis immemores dolabris perfregere murum, &, quam moliti erant aditum, irrupere in urbem: Indosque plures fugientes, quam congregari ausos, occiderunt. Non senibus, non fœminis, non infantibus parcitur. Quisquis occurseret, ab illo vulneratum Regem esse credebant. Tandemque internetione hostium justæ iræ parentatum est. Ptolomæum, qui pos-

postea regnavit, huic pugnæ affuisset, auctor est Clitarchus, & Timagenes. Sed ipse, scilicet gloriæ suæ non refragatus, abfuisse se missum in expeditionem, memoriae tradidit. Tanta componentium vetusta rerum monumenta, vel securitas, vel, par huic vitium, credulitas fuit.

C A P U T XI.

Vulnus curat non sine cura deploratæ vitæ. Nec omnino curatos pergit rursus in hostes.

Rege in tabernaculum relato, medici lignum hastæ corpori infixum, ita, ne spiculum moveretur, absindunt. Corpore deinde nudato, animadvertisunt hamos inesse tello, nec aliter id sine pernicie corporis extrahi posse, quam ut secando vulnus agerent. Cæterum, ne secantes profluvium sanguinis occuparet, verebantur: quippe ingens telum adustum erat, & penetrasse in viscera videbatur. Critobulus inter medicos artis eximiae, sed in tanto periculo territus, manus admovere metuebat, ne in ipsius caput parum prosperæ curationis recideret eventus. Lacrymantem eum, ac metuentem, & solicitudine propemodum exanguem Rex consperat. *Quid, inquit, quodve tempus expectas, & non quam primum hoc dolore me saltem moriturum liberas?* An times, ne reus sis, cum insanabile vulnus acceperim? At Critobulus tandem, vel finito, vel dissimulato metu, hortari eum coepit, ut se continendum præberet, dum spiculum evelleret, etiam levem corporis motum noxiun fore. Rex, cum affirmasset nihil opus esse iis, qui semet continebant, sicut præceptum erat, sine motu præbit corpus.

pus. Igitur, patefacto latius vulnere, & spiculo evulso, ingens vis sanguinis manare cœpit, linquique animo Rex, & caligine oculis offusa, veluti moribundus extendi. Cumque profluvium medicamenti frustra inhiberent, clamor simul, atque ploratus amicorum oritur, Regem expirasse credentium. Tandem constitit sanguis, paullatimque animum recepit, & circumstantes cœpit agnoscere. Toto eo die, ac nocte, quæ sequuta est, armatus exercitus regiam obsedit, confessus omnes unius spiritu vivere. Nec prius recesserunt, quam compertum est, somno paulisper acquiescere. Hinc certiorem spem salutis ejus in castra retulerunt. o.) Rex, septem diebus curato vulnere, neandum obducta cicatrice, cum audisset convaluisse apud Barbaros famam mortis suæ, duobus navigiis junctis, statui in medium undique conspicuum tabernaculum jussit, ex quo se ostenderet perii se credentibus. Conspectusque ab incolis, spem hostium falso nuntio conceptam inhibuit. Secundo deinde amne defluxit, aliquantulum intervalli à cætera classe præcipiens, ne queis corpori invalido adhuc, necessaria, pulsu remorum impediretur. Quarto, posteaquam navigare cœperat, die, pervenit in regionem, desertam quidem ab incolis, sed frumento, & pecoribus abundantem. Placuit in locus & ad suam, & ad militum requiem.

CAPUT XII.

Monent amici Regem, ne se in posterum tantis committat periculis: nullam sequi gloriam ex ignobili hoste petitam. Respondet Rex, ubique laudis materiam offerri, ubi liceat fortiter agere: ipsi Regem suum à domesticis insidiis defendant, de hoste ne sint solliciti.

MOS erat principibus amicorum, & custodibus corporis excubare ante Prætorium, quoties Regi adversa veletudo incidisset. Hoc tunc more quoque servato, universi cubiculum ejus intrant. Ille sollicitus, ne quid novi afferrent, quia simul venerant, percontatur, num hostium recens nuntiaretur adventus. At Craterus, cui mandatum erat, ut amicorum preces perferret ad eum: *Credisne, inquit, adventu magis hostium, ut jam in vallo consisterent, quam curæ salutis tuæ, ut nunc est tibi vilos, nos esse sollicitos?* Quantalibet vis omnium gentium consiperet in nos, impleat armis, virisque totum orbem, clasibus maria consternat, inusitatas belluas inducat, tu nos præstabis invictos. Sed quis Deorum hoc Macedonie columen, ac sidus diuturnum fore polliceri, potest? Cùm tam avidè manifestis periculis offeras corpus, oblitus tot civium animas trahere te in casum? Quis enim tibi superstes, aut optat esse, aut potest? Eò pervenimus, auspicium, atque imperium sequitur, undè, nisi te reduce, nulli ad Penates suos iter est. Qui si adhuc de Persidis Regno cum Dario dimicares, etsi nemo vellet, tamen ne admirari quidem posset, tam promptæ esse te ad omne discriminandum.

dacie. Nam ubi paria sunt periculum , ac præmium,
& secundis rebus amplior fructus est , & adversis so-
latum majus. Tuo verò capiti ignobilem vicum emi,
quis ferat non tuorum modò militum, sed ullius etiam
gentis barbaræ , qui tum magnitudinem novit ? Hor-
ret animus cogitatione rei , quām paullò antè vidimus.
Eloqui timeo , invicta corporis spolia inertissimas
manus fuisse avecturas , nisi te interceptum miser-
cors in nos fortuna servasset. Totidem proditores , to-
tidem desertores sumus , quot te non potuimus perse-
qui. Universos licet milites ignominia notes , nemo re-
cusabit luere id , quod ne admitteret , præstare non po-
tuit. Patere nos , quæso , alio modo esse viles tibi.
Quocumque jusseris , ibimus. Obscura bella , & igno-
biles pugnas nobis deposcimus : temet ipsum ad ea ser-
va , quæ magnitudinem tuam capiunt. Cito gloria ob-
solescit in sordidis hostibus : nec quidquam indignius
est , quām consumi eam , ubi non possit ostendi. Ea-
dem ferè Ptolomæus , & similia is cæteri. Jamque
confusis vocibus flentes eum orabant , ut tandem
exatiatæ laudi modum faceret , ac saluti suæ : idest
publicæ , parceret. Grata erat Regi pietas amico-
rum. Itaque singulos familiarius amplexus consi-
dere jubet , altiusque sermone repetito , Vobis qui-
dem , inquit , o fidissimi , piissimique civium , at-
que amicorum grates ago , habeoque , non solum eo
nomine , quod hodie salutem meam vestræ præponitis ,
sed quod à primordiis belli nullum erga me benevo-
lentiae pignus , atque indicium omisistis , adeò , ut
confitendum sit , numquam mihi vitam meam fuisse
tam charam , qdām esse cœpit , ut vobis diu frui pos-
sim. Cæterum non eadem est cogitatio eorum , qui pro
me mari optant , & mea , qui quidem hanc benevolen-
tiam

iam vestram virtute meruisse me judico. Vos enim diuturnum fructum ex me, forsitan etiam perpetuum percipere cupitis: ego me metior non ætatis spatio, sed gloriæ. Licuit paternis opibus contento, intra Macedoniae terminos per otium corporis spectare obscuram, & ignobilem senectutem. Quamquam ne pigræ quidem sibi fata disponunt, sed unicum bonum, diuturnam vitam estimantes sæpè acerba mors occupat. Veterum ego, qui non annos meos, sed victorias numero, si numera fortunæ benè computo, diu vixi. Orsus à Macedonia Imperium, Græciam teneo, Thraciam, & Illyrios subegi, Triballis, Medisque impero. Asiam, qua Hellesponto, qua Rubro mari alluitur, possideo. Jamque haud procul absum à fine mundi. Quem egressus, aliam naturam, alium orbem aperi-re mihi statui. Ex Asia in Europæ terminos momenta unius horæ transivi. Victor utriusque regionis post nonum Regni mei, post XXVIII. ætatis annum, videor ne vobis in excolenda gloria, cui me uni devovi, posse cessare? Ego verò non deero, & ubicumque pugnabo, in theatro terrarum orbis esse me credam, Dabo nobilitatem ignobilibus locis; aperiam cunctis gentibus terras, quas natura longè submoverat. In his operibus extingui me, si sors ita feret, pulchrum est. Ea stirpe sunt genitus, ut multam prius, quam longam vitam debeam optare. Obsecro vos, cogitate nos pervenisse in terras, quibus fæminæ ob virtutem celeberrimum nomen est. Quas urbes Semiramis condidit? Quas gentes redigit in potestatem? quanta opera molita est? Nondum fæminam equavimus gloria, & jam non laudis satietas cepit? Dii faveant, majora adhuc restant. Sed ita nostra erunt, quæ nondum attigimus, si nihil parvum duxerimus, in quo

*magnæ gloriæ locus est. Vos modò me ab intestina
fraude, & domesticorum insidiis præstate securum.
Belli Martisque discrimen impavidus subibo. Phi-
lippus in acie tutior, quam in theatro fuit. Hostium
manus sœpè vitavit; suorum effugere non valuit. Alio-
rum quoque Regum exitus si reputaveritis, plures à
suis, quam ab hoste interemptos numerabitis. Cæte-
rū, quoniam olim rei agitatæ in animo meo, nunc
promendæ occasio oblata est, mihi maximus laborum,
atque operum meorum erit fructus, si Olympias ma-
ter immortalitati consecretur, quandocumque exces-
serit vita. Hoc si licuerit, ipse præstabo, si me præ-
cesserit, factum vobis mandasse mementote. Ac tum
quidem amicos dimisit. Cæterū per complures
dies ibi stativa habuit.*

C A P U T X I I I .

*Colonia Græcorum Bactriana deficit, & relictais Bar-
baris Græciam repetit.*

(7.) **H**ÆC dum in India geruntur, Græci mili-
tes, nuper in colonias à Rege deducti Bactra, orta
inter ipsos seditione, defecerant, non tam Alexan-
dro infensi, quam metu supplicii: quippe occisis
quibusdam popularium, qui validiores erant, arma
spectare cæperunt; & Bactriana arce, quæ casu
negligentiùs asservata erat, occupata, Barbaros
quoque in societatem defectionis impulerant. Athe-
nodorus erat princeps eorum, qui Regis quoque
nomen assumpserat, non tam Imperii cupidine
quam in patriam revertendi cum iis, qui auctori-
tatem ipsius sequebantur. Huic Bicon quidam na-
tio-

tionis ejusdem, sed ob emulationem infestus, comparavit insidias: invitatumque ad epulas, per Boxum quendam Macerianum in convivio occidit. Postero die concione advocata, Bicon ultrò insidiatum sibi Athenodorum plerisque persuaserat. Sed aliis suspecta fraus erat Biconis, & paullatim in plures cœpit manare suspicio. Itaque Græci milites arma capiunt, occisi Biconem, si daretur occasio. Cæterū præcursors eorum iram multitudinis mitigaverunt. Præter spem suam Bicon præsenti periculo ereptus, paullò post insidiatus auctoribus salutis suæ est. Cujus dolo cognito, & ipsum comprehenderunt, & Boxum. Cæterū Boxum protinus placuit interfici, Biconem etiam per cruciatum necari. Jamque corpori tormenta admovebantur, cùm Græci milites incerti ob quam causam lymphatis similes ad arma discurrunt: quorum fremitu exaudito, qui torquere Biconem jussi erant, omisere, veriti, ne id facere tumultuantum vociferatione prohiberentur. Ille, sicut nudatus erat, pervenit ad Græcos, & miserabilis facies supplicio destinati in diversum animos repente mutavit. Dimittique eum jusserunt. Hoc modo pœna bis liberatus, cùm cæteris, qui colonias à Rege attributas reliquerunt, revertit in patriam. Hæc circa Bactra, & Scytharum terminos gesta.

CAPUT XIV.

Oxydrace, & Maili gentes se dedunt Regi. Legati adhibentur convivio. Dioxippus provocatus duello adversarium vincit, furii per invidiam falsò insimulatos in se manus vertit.

Interim Regem duarum gentium (de quibus ante dictum est) centum legati adeunt. Omnes curru vehabantur, eximia magnitudine corporum, decoro habitu; linea vestes intextæ auro, purpuraque distinctæ. Ei se dedere ipsos, urbes, agrosque referebant, per tot ætates inviolatam libertatem, illius primùm fidei, ditionique permissuros. Deos sibi deditioñis auctores, non metum; quippe intactis viribus jugum excipere. Rex, concilio habito, deditos in fidem accipit, stipendio, quod Arachosiis utraque natio pensitabat, imposito. Prætereà duo millia, & D. equites imperati. Et omnia obedienter à Barbaris facta. Invitatis deinde ad epulas legatis gentium, Regulisque, exornari convivium jussit. Centum aurei lecti modicis intervallis positi erant. Lectos circumdederant aulæa purpura, auroque fulgentia, quidquid aut aqua Persas vertere luxu, aut apud Mecedonas nova immuratione corruptum erat, confusis utriusque gentis vitiis, in illoconvivio ostendens. Intererat epulis Dioxippus Atheniensis, pugil nobilis, & ob eximiam virtutem virium jam Regi pernotus & gratus. Invidi, maligneque increpabant per seria, & ludum, saginati corporis sequi inutillem belluam: cum ipsi prælium inirent, oleo mandentem præparare ventrem epulis. Eadem igitur in convivio Horratas Macedo jam temulentus exproba-

bare ei cœpit; & postulare, ut, si vir esset, poste-
ro die secum ferro decerneret: Regem tandem vel
de sua temeritate, vel de illius ignavia judicatu-
rum. Et à Dioxippo contemptim militarem aludente
ferociam, accepta conditio est. Ac postero die Rex,
cùm etiam acriùs certamen exposcerent, quia de-
terrere non poterat, destinata exequi passus est. In-
gens hic militum, inter quos erant Græci, qui Dio-
xippo studebant, convenerat multitudo. Macedo
justa arma sumpserat, æreum clypeum, hastam,
quam Sarissam vocant, læva tenens, dextra lan-
ceam, gladioque cinctus, velut cum pluribus simul
dimicaturus. Dioxippus oleo nitens, & coronatus,
læva puniceum amiculum, dextra validum, nodo-
sumque sitipitem præferebat. Ea ipsa res omnium
animos expectatione suspenderat: quippe armato
congredi nudum, dementia, non temeritas videba-
tur. Igitur Macedo haud dubius eminùs interfici
posse, lanceam emisit, quam Dioxippus cum exi-
guia corporis declinatione vitasset, antequām ille
gastam transferret in dextram, assiluit, & stipite
mediam eam fregit. Amisso utroque telo, Macedo
gladium cœperat stringere; quem occupatum com-
plexu, pedibus repente subductis Dioxippus arie-
tavit in terram, ereptoque gladio, pedem super
cervicem jacentis imposuit, stipitem intentans, eli-
surusque eo victum, ni prohibitus est à Rege. Tris-
tis spectaculi eventus non Macedonibus modò, sed
etiam Alejandro fuit, maxime, quia Barbari affue-
rant: quippe celebratam Macedonum fortitudinem
ad ludibrium recidisse verebatur. Hinc ad crimina-
tionem invidorum adapertæ sunt aures Regis. Et
post paucos dies inter epulas aurum poculum ex-

composito subducitur: ministrique, quasi amisis-
sent, quod amoverant, Regem adeunt. Sæpè minus
est constantiæ in rubore, quam in culpa. Conjectum
oculorum, quibus ut sur destinabatur, Dioxippus
ferre non potuit. Et, cum excessissent convivio, lit-
teris conscriptis, quæ Regi redderentur, ferro se
interemit. Graviter mortem ejus tulit Rex, existi-
mans indignationis esse, non pœnitentiæ testem,
utique, posteaquam falsò insimulatum eum, ni-
mium invidorum gaudium ostendit.

C A P U T X V.

*Gentium duarum legati dimissi, & reversi ferunt
munera, Rex varias gentes, & oppida expugnat.*

(8.) **I**ndorum legati dimissi domos paucis post diebus cum donis revertuntur. Cce. erant equi. Mxxx. currus, quos quadrijugi equi ducebant, li-
neæ vestis aliquantum, mille scuta Indica, & ferri
candidi talenta centum, Leonesque raræ magnitu-
dinis, & Tigres, utrumque animal ad mansuetudi-
nem domitum. Lacertarum quoque ingentium pel-
les, & dorsa testudinum. Cratero deinde imperat
Rex, haud procul amnè, per quem erat ipse navi-
gaturus, copias duceret: eos autem, qui comitari
eum solebant, imponit in naves, & in fines Mal-
lorum secundo amne devehitur. Inde Sabracas adiit,
validam Indiæ gentem, quæ populi, non Regum im-
perio regebatur. Sexaginta millia peditum habebant,
equitum sex milia: has copias currus D. seque-
bantur. Tres duces spectatos virtute bellica elegerant. At qui in agris erant proximi flumini, (fre-
quen-

quēntes autēm vicos maximē in ripa habebant; ut videre totum amnem, quā prospici poterat, navigis constratum, & tot militū arma fulgentia, territi nova facie, Deorum exercitum, & alium Liberum Patrem, celebre in illis gentibus nomen, adventare credebat. Hinc militū clamor, hinc remorum pulsus, variæque natura um̄ voces hor-tantium, pavidas aures impleverant. Ergo universi ad eos, qui in armis erant, eurrunt, furere clamitan tes, & cum Diis prælium inituros. Navigia non posse numerari, quæ invictos veherent. Tantumque in exercitum suorum intulere terroris, ut legatos mitterent gentem dedituros. His in fidem acceptis, ad alias deinde gentes quarto die pervenit. Nihilo plus animi his fuit, quam cœteris fuerat. Itaque oppido ibi condito, quod Alexandria appellari jusserrat, fines eorum, qui Musicani appellantur, intravit. Hic de Teriolte Satrapē, quem Paropamisadis præfecerat, iisdem arguentibus, cognovit, multaque avare, ac superbe fecisse convictum, interfici jussit. Oxytros Praetor Bactrianorum non absolutus modò, sed etiam iure amplioris imperii donatus est. Finibus Musicantis deinde in ditionem redactis, urbi eorum præsidium imposuit, Indo Præstos, & ipsam Indiæ gentem, perventum est. Oxycanus Rex erat, qui se munitæ urbi cum magna manu papularium incluserat. Hanc Alexander tertio die, quam cœperat obsidere, expugnavit. Et Oxycanus, cum in arcem confugisset, legatos de conditione ditionis misit ad Regem. Sed antequam adirent eum, duæ torres cum ingenti fragore prociderant, per quarum ruinas Macedones evasere in arcem; qua capta, Oxycanus cum paucis repugnans occiditur.

Diruta igitur arce , & omnibus captivis venundatis , Sabi Regis fines ingressus est. Multisque oppidis in fidem acceptis , validissimam gentis urbem cuniculo cepit. Barbari simile monstri visum est , crudibus militarium operum : quippe in media fermè urbe è terra existebant , nullo suffuso specus antè vestigio facto. Octoginta millia Indorum in ea regione cæsa , Clitarchus est author , multosque captivos sub corona venisse. Rursus Musicani defecrunt , ad quos opprimendos missus est Python , qui captum Principem gentis ; eumdemque defectionis auctorem adduxit ad Regem. Quo Alexander in cruce sublato , rursus amnem , in quo classem expectare se jussérat , repetit. Quarto deinde die secundo amne pervenit ad oppidum , qua iter in Regnum erat Sabi. Nuper se ille dederat ; sed oppidani detrectabant imperium , & clauerant portas. Quorum paucitate contempta , Rex D. Agriani mœnia subire jussérat , & sensim recedentes elicere extra muros hōstem , sequiturum profectò , si fugere eos crederet. Agriani (sicut imperatum erat) laccessito hoste , subito terga verterunt ; quos Barbari effusæ sequentes , in alios , inter quos ipse Rex erat , incidunt. Renovato ergo pælio , ex tribus millibus Barbarorum sexcenti cæsi sunt , mille capti , cæteri mœnibus urbis inclusi. Sed non , ut prima specie læta victoria , ita eventus quoque fuit. Quippe Barbari veneno tinxerant glados : itaque saucii subinde expirabant. Nec causa tam strenuae mortis excogitari poterat à medicis , cum etiam leves plaga insanabiles essent. Barbari autem speraverant , incatum , & temerarium Regem excipi posse. Et forte inter promptissimos dimicans , intactus eva-

serat. Præcipuè Ptolomeus lævo humero leviter quidem saucius; sed majore periculo, quam vulnera affectus, Regis solitudinem in se converterat. Sanguine conjunctus erat, & quidam Philippo genitum esse credebat. Certè pellice ejus ortum constabat. Idem corporis custos, promptissimusque bellator, & pacis artibus, quam militiæ major, & clarius, modico, cœlique cultu, liberalis in primis, adituque facilis, nihil ex fastu Regio assumpserat. Ob hæc Regi, an popularibus charior esset, dubitari poterat, tum certè primum expertus suorum animos, adeò ut fortunam in quam posteà ascendit, in illo periculo Macedones omnati esse videantur: quippe non levior illis Ptolemaei fuit cura, quam Regis, qui & prælio, & solitudine fatigatus cum Ptolemæo assideret, lectum, in quo ipse acquiesceret, jussit inferri. In quem ut se recepit, protinus altior insequutus est somnus. Ex quo excitatus, per quietem vidisse se exponit speciem draconis oblatam herbam ferentis ore, quam veneni remedium esse monstrasset. Colorem quoque herbæ referebat, agnitum, si quis reperisset, affirmans. Inventaque deinde, quippe à multis erat requisita, vulneri imposuit. Protinusque dolore finito, intra breve spaciū cicatrix quoque obducta est. Barbaros ut prima spes fefellerat, seipsos, urbemque dediderunt. Hinc in proximam gentem Pathaliam perventum est. Rex erat Mœris, qui urbe deserta, in montes profugerat. Itaque Alexander oppido potitur, agrosque populator. Magnæ inde prædæ astæ sunt pecorum, atmentorumque, magna vix repætta frumenti.

sat vel oris nunc ovi et uenatori. *Antiquitatis* *Historia*
 in suo C A P U T X V L
Per amnum ad Oceanum pervenit. Ex aucta maris
clastis ultimum disserimen adit. Jubet explorari
Oceani naturam. Oppida condit.

DUcibus deinde sumptis amnis peritis, defluxit
 ad insulam medio fermè alveo enatam. (9.) Ibi
 diutius subsistere coactus, quia duces sordius as-
 servati profugerant, misit, qui conquerirent alias;
 nec repertis, per vicax cupido visendi Oceanum,
 adeundique terminos mundi adegit sine regionis
 peritis flumini ignoto caput suum, totoque fortissi-
 morum virorum salutem permittere. Navigabant
 ergo omnium, per quæ ferebantur, ignari. Quan-
 tum inde abesset mare, quæ gentes colerent, quam
 placidum amnidos, quam patiens longarum navium
 esset, anceps, & cæcal æstimatio augurabatur.
 Unum erat temeritatis solarium, perpetua felicitas.
 Jam ecco, stadia processerant, cum gubernatores
 agnoscere ipsos auram maris, & haud procul vi-
 deri sibi Oceanum adesse, indicant Regi. Lætus
 ille hortari nauticos eccepit, incumberent remis. Ades-
 se finem laboris omnium votis expeditum. Jam nihil
 gloriae deesse, nihil obstat virtuti. Sine ullo Martis
 discrimine, sine sanguine orbum terræ ab illis capi.
 Nec naturam quidem longius posse procedere. Brevis
 incognita, nisi immortalibus, esse visuros. Paucos
 tamen navgio emisit in ripam, qui agrestes vagos
 exciperent, è quibus certiora nosci posse sperabat.
 Illi scrutati omnia teguria, tandem latentes repe-
 rere. Qui interrogati, quam procul abesset mare,
 responderunt, nullum ipsos mare ne fama quidem

accepisse; cæterum tertio die perveniri posse ad aquam amaram, quæ corrumperet dulcem. Intellectum est mare destinari ab ignaris naturæ ejus. Itaque ingenti alacritate nautici remigant, & proximo quoque die, quò propriùs spes admovebatur, crescebat ardor animorum. Tertio jam die mixtum flumini subibat mare, leni adhuc æstu confundente disipares undas. Tum aliam insulam medio anni sitam evesti paulò lenius, quia cursus æstu reverberabatur, applicant classem, & ad commeatus petendos discurrent, securi casus ejus, qui supervenit ignaris. Tertia fermè hora erat, cùm stata vice Occeanus exæstuans invehì cœpit, & retrò flumen urgere. Quod primò coercitum, deinde vehementius pulsum, majore impetu adversum agebatur, quām torrentia præcipiti alveo incurruunt. Ignota vulgo freti natura erat, monstraque, & iræ Deum indicia cernere videbantur, identidem intumescere mare, & in campos paulò antè siccis descendere superfusum. Jamque levatis navigiis, & tota classe dispersa, qui expositi erant, undique ad naves trepidi, & improviso malo attoniti recurrent. Sed in tumultu festinatio quoque tarda est. Hi contis navigia appellabant, hi, dum considerent, remos aptari prohibebant. Quidam enavigare properantes, sed non expectatis, qui simul esse debebant, clauda, & inhabilia navigia languidè moliebantur; aliæ navium inconsultè ruentes non receperant, pariterque & multitudo, & paucitas festinantes morabatur. Clamor hinc expectare, hinc ire jubentium, dissoræque voces nusquam ad idem, ac unum tendentium, non oculorum modò usum, sed etiam aurium abstulerant.

rant. Ne in gubernatoribus quidquam opis erat, quorum nec exaudiri vox à tumultuantibus poterat, nec imperium à territis, incompositisque servari. Ergo collidi inter se naves, abstergerique invicem remi, & alii aliorum navigia urgere cœperunt. Crederes non unus exercitus classem vehi, sed duorum navale inisse certamen. Incutiebantur puppibus proræ, præmebantur à sequentibus, qui antecedentes turbaverant. Jurgantium ira perverniebat etiam ad manus. Jamque æstus totos circa flumen campos inundaverat, tumulis dumtaxat eminentibus, velut insulis parvis, in quos plerique trepidi, omissis navigiis, enare cœperunt. Dispresa classis partim in præalta aqua staba, qua subsederant valles, partim in vado hærebat; utcumque inæquale terræ fastigium occupaverant undæ, cum subito novus, & pristino major terror incutitur. Reciprocare cœpit mare, magno tractu aquis in suum fretum recurrentibus; reddebatque terras paulò antè profundo salo mersas. Igitur destituta navigia, alia præcipitantur in proras, alia in latera procumbunt. Strati erant campi sarcinis, armis, avulsarum tabularum, remorumque fragmentis. Miles nec egredi in terram, nec in naves subsistere audebat, identidem præsentibus graviora, quæ sequerentur, expectans. Vix, quæ perpetiebantur, videre ipsos posse credebant, in sicco naufragio, in amni mare, nec finis malorum: quippe æstum paulò post mare relaturum, quo navigia allevarentur, ignari, famen, & ultima sibi mete ominabantur. Belluæ quoque fluctibus destitutæ, terribiles vagabantur. Jamque nox appetebat, & Regem quoque desperatio salutis ægritudi-

dine affecerat. Non tamen invictum animum curæ
obruunt, quin tota nocte præsideret in speculis,
equitesque præmitteret, ad os amnis, ut, cùm ma-
re rursùs exæstuare sensissent, precederent. Navi-
gia quoque lacerata refici, & versa fluctibus erigi
jubet, paratosque esse, & intentos, cum rursùs
mare terras inundasse. Tota ea nocte inter vigilias,
adhortationesque consumpta, celeriter equites in-
genti cursu refugere; & sequutus est æstus. Qui
primò, aquis leni tractu subeuntibus, cœpit levare
navigia, mox totos campos inundans, etiam impu-
lit classem. Plaususque militum, nauticorumque
insperatam salutem immodico celebrantium gau-
dio, litoribus, ripisque resonabat. Unde tantum
redisset subitò mare, quo priedie refugisset, quæ-
nam esset ejusdem elementi natura, modò discors,
modò imperium temporum obnoxia, mirabundi re-
quirebant. Rex, cùm ex eo, quod acciderat, con-
jectaret, post Solis ortum statum tempus esse, me-
dia nocte, ut æstum occupare, cum paucis navi-
giis secundo amne defluxit. Evectusque os ejus,
cccc. stadia processit in mare. Tandem voti sui
compos, præsidibus, & maris, & locorum Diis
sacrificio facto, ad classem rediit. (10.) Hinc ad-
versum flumen subiit classis. Et aitro die appulsa
est haud procul lacu salso, cuius ignota natura
plerisque decepit temerè ingressos aquam. Quippe
scavies corpora invasit, & contagium morbi etiam
in alios vulgatum est. Oleum remedio fuit. Leon-
nato deinde præmisso, ut puteos foderet, qua ter-
restri itinere ducturus exercitum videbatur (quippe
sicca erat regio) ipse cum copiis substitit; vernum
tempus expectans. Interim urbes plerasque condi-
dit.

dit. Nearcho atque Onesicrito, nauticæ rei peritis, imperavit, ut validissimas navium ducerent in Oceanum; progressique, quoad tutò possent, naturam maris noscerent; vel eodem amne, vel Eu-phrate subire eos posse, cum reverti ad se vellent.

C A P U T . XVII.

Varias gentes recipit in fidem. Oppidum constituit.

Maritimos Indos adit. Esurit: simul exercitus peste laborat.

JAmque mitigata hyeme, & navibus, quæ innutiles videbantur, crematis, terra duebat exercitum. Nonis castris in regionem Arabitarum, inde totidem diebus in Gedrosiorum regionem pervenitum est. Liber hic populus, concilio habito, didicit se. Nec quidquam deditis præter commeatus imperatum est. Quinto hinc die venit ad flumen, Araban incolæ appellant. Regio deserta, & aquarum inops excipit, quam emensus in Horitas transit. Ibi majorem exercitus partem Hephæstioni tradidit; levem armaturam cum Ptolemæo, Leonnatoque partitus est. Tria simul agmina populabantur Indos; magnæque prædæ actæ sunt. Maritimos Ptolemæus, cæteros ipse Rex, & ab alia parte Leonnatus urebant. In hac quoque regione urbem condidit, deductique sunt in eam Arachosii. Hinc pervenit ad maritimos Indos. Desertam, vastamque regionem latè tenent, ac ne cum finitimis quidem ullo commercii jure miscentur. Ita solitudo natura quoque immitia efferavit ingenia. Prominent unguis numquam recisi; comæ hirsutæ, & intonsæ sunt. Tuguria conchis, & cœteris purgamentis ma-

maris struunt. Feratum pellibus tecti, piscibus So-
le duratis, & majorum quoque belluarum, quas
fluctus ejicit, carne vescuntur. Consumptis igitur
alimentis, Macedones primò inopiam, deinde ad
ultimum famem sentiri cœperunt, radices palma-
rum (namque sola ea arbor gignitur) ubique reman-
tes. Sed cum hæc quoque alimenta defecerant, ju-
menta cädere aggressi, ne equis quidem abstine-
bant. Et, cum deessent, quæ sarcinas veherent,
spolia de hostibus, propter quæ ultima Orientis
peragraverant, cremabant incendio. Famem de-
inde pestilentia sequuta est. Quippe insalubrium
ciborum novi succi, ad hoc itineris labor, & ægri-
tudo animi vulgaverant morbos. Et nec manere si-
ne clade, nec progredi poterant. Manentes fames,
progressos acrior pestilentia urgebant. Ergo strati
erant campi pœnè pluribus semivivis, quam cada-
veribus. Ac ne leviñs quidem agri sequi poterant:
quippe agmen raptim agebatur, tantum singulis ad
spem salutis ipsos proficere credentibus, quantum
itineris festinando pærisserent. Igitur qui defece-
rant, notos, ignotosque, ut allevarentur, orabant.
Sed nec jumenta erant, quibus excipi possent, &
miles vix arma portabat, imminentisque etiam ip-
sis facies mali ante oculos erat. Ergo saepius revo-
cati, ne re picere quidem suos sustinebant, mise-
ricordia in formidinen versa. Ille relicti Deos tes-
tes, sacra communia, Regisque implorabant opem.
Cumque frustra surdas aures fatigarent, in ra-
biem desperatione versi, parem suo exitum, simi-
lesque ipsis amicos, & contubernales preceabantur.
Rex dolore simul, & pudore anxius, quia causa
tantæ cladis ipse esset, ad Phrataphernem Parthe-
no-

norum Satrapem misit, qui juberent camelis cocta cibaria efferre. Alios quoque finitimarum regionum præfectos, certioris necessitatis suæ fecit. Nec cessatum est ab his. Itaque fame dumtaxat vindicatus exercitus, tandem in Gedrosiæ fines perducitur. Omnium terum sola festilis regio est, in qua stativa habuit, ut vexatos milites quiete firmaret.

C A P U T XVIII.

Defectores, vieti, & puniti. Rex damna resarci exercitus. Bacchi triumphum æmulatur.

HIC Leonnati litteras accipit, confixisse ipsum cum octo millibus peditum, cccc. equitibus Oritarum, prospero eventu. A Cratero quoque nuntius venit, Ozinem, & Zariaspem nobiles Persas defectionem molientes oppressos à se, in vinculis esse. Præposito igitur regioni Siburtio (namque Memnon præfactus ejus nuper interierat morbo) in Carniam ipse processit. Aspates erat Satrapes gentis, suspectus res novare voluisse, dum in India Rex esset. Quem occurrentem, disimulata ira, comiter alloquutus, dum exploraret, quæ delata erant, in eodem honore habuit. Cùm Indiæ Præfeci (sicut imperatum erat) equorum, jumentorumque jugalium vim ingentem ex omni, quæ sub imperio erat, regione, misissent, quibus deerant impedimenta, restituit. Arma quoque ad pristinum reducta sunt cultum: quippe haud procul à Perside aberant, non paucata modò, sed etiam opulenta. Igitur (ut supra dictum est) emulatus Patris Liberi non gloriam solum, quam ex illis gentibus depor-

faverat, sed etiam famam, sive illud triumphus fuit ab eo primum institutus, sive bacchantium lusus, statuit imitari, animo super humanum fastigium elato. Vicos, per quos iter erat, floribus, coronisque sterni jubet, liminibus ædium crateres vino repletos & alia eximiæ magnitudinis vasa disponi, vehicula deinde constrata, ut plures capere milites possent, in tabernaculorum modum ornari alia candidis velis, alia veste pretiosa. Primi ibant amici, & cohors Regia, variis redimita floribus, coronisque. Alibi tubicinum cantus, alibi lyræ sonus audiebatur. Ibat in vehiculis pro copia cuiusque adornatis, comessabundus exercitus, armis, quæ maximè decora erant, circumpendentibus. Ipsum, convivasque currus vehebat, crateris aureis, ejusdemque materiæ ingentibus poculis prægravis. Hoc modo per dies septem bacchabundum agmen incessit, parata præda, si quid victimis saltem adversus comessantes animi fuisse. Mille herculæ virti modò, & sobrii, septem dierum crapula graves in suo triumpho capere potuerunt. Sed fortuna, quæ rebus famam, præmiumque constituit, hic quoque militiæ probrum vertit in gloriam. Et præsens ætas, & posteritas deinde mirata est, per gentes nondum satis domitas incesisse temulentos, Barbaris, quod temeritas erat, fiduciam esse credentibus. Hunc apparatum carnifex sequebatur: quippe Satrapes Aspastes (de quo ante dictum est) interfici jussus est. Adeò nec luxuriæ quidquam crudelitas, nec crudelitati luxuria obstat.

LIBER X.
SYNOPSIS.

Praetores Cleander, & Sitalzes accusantur, & vinciuntur suo loco interficiendi. Eorum satellites scelerum sexcentos mox duci jubet. Nearibus, & Onesicritus ab Oceano redeunt, & maris ingenium describunt. Alexander de Africa, & Europa aggredienda deliberat. Orsines Pasargadarum Satrapes dona fert Alessandro, circumvenitur Bagoë. scorti insidiis, occiditur. Phradates reus majestatis è medio sollicitur. Alexander in credulitatem degenerat. Zopyrio Thracie Praetor cum omnibus copiis perit. Rex Athenæ cogitat, quæ exules rejecerant. Harpalii nece auditæ mutat consilium. Veterans dimittit in patriam quindecim millia servat. Ex alienum sui militis dissolvit. Seditionem exercitus paucorum supplicio se dat. Craterum Macedoniae Praetorem loco Antipatri ad se evocati designat. Hephaestion alter Alexander, morbo extinguitur, cui Alexander ambitissime, ut Patroclo Achilles, parentat. Rex Babylone veneno absumitur. Inter Duces variae sediones natæ: Andeus Rex jubetur: Meleager occiditur: Provinciæ dividuntur. Alexandri corpus in Ægyptum defertur, tota illius stirps deletur.

C A P U T I.

*Cleandri, Sitalcis, & aliorum accusations, crimina,
vincula, mortes.*

Iisdem ferè diebus Cleander, & Sitalzes, & cum Agatone Eracon superveniunt, qui Parmenionem jussu Regin occiderant, quinque millia peditum cum equitibus mille. Sed & accusatores eos è provincia, cui præfuerant, sequebantur. Nec tot facinora, quot admiserant, compensatè paterant cædis per quām grata Regi ministerio: quippe cùm omnia profana spoliassent, nec sacris quidem abstinuerant: virginesque, & principes fœminarum stupra perpessæ, corporum ludibria deflebant. Invisum Maeodonum nomen avaritia eorum, ac libido Barbaris fecerat. Inter omnes tamen eminebat Cleandri furor, qui nobilem virginem constupratam servo suo pellicem dederat. Plerique amicorum Alexandri, non tam criminum, quæ palam objicebantur, atrocitatem; quām memoriam occisi per eos Parmenionis, quod tacitum prodesse reis apud Regem poterat, intuebantur, læti recidisse iram in iræ ministros, nec ullam potentiam scelere quæsitam cuiquam esse diuturnam. Rex, cognita causa, prouuntiavit, ab accusatoribus unum, & id maximum crimen esse præteritum, desperationem salutis suæ. Numquam enim talia ausuros, qui ipsū ex India sospitem aut optassent reverti, aut credidissent reversum. Igitur hos quidem vinxit? DC. autem milium, qui sævitiae eorum ministri fuerant, interfici jussit. Eodem die sumptum est supplicium de his quoque, quos auctores defectionis Persarum Craterus adduxerat.

CA-

C A P U T II.

*Explorati Occeani natura explicatur. Insulæ descrip-
tio. Regis infinitæ molitiones.*

HAUD multò post Nearchus, & Onesicritus, quos longius in Oceanum procedere jussérat, supervenerunt. Nuntiabant autem quædam audita, alia comperta. Insulam ostio amnis subjectam auro abundare, inopem equorum esse. Singulos equos ab iis, qui ex continenti tracicere auderent, singulis talentis emi. Plenum esse belluarum mare, æstu secundo eas ferri, magnarum navium corpora æquantes, truci cantu deterritas sequi classem, cum magno æquoris strepitu, velut demersa navigia subisse aquas. Cætera incolis crediderant: inter quæ Rubrum mare non à colore undarum, ut plerique crederent, sed ab Erythro Rege appellari. Esse haud procul à continenti insulam palmis frequentibus consitam, & in medio ferè nemore columnam eminere, Erythri Regis monumentum, litteris gentis ejus scriptam. Adjiciebant, navigia, quæ lixas, mercatoresque vexissent, famam auri sequutis gubernatoribus, in insulam esse transmissa, nec deinde ab iis posteà visa. Rex cognoscendi plura cupidine accensus, rursùs eos terram legere jubet, donec ad Euphratem appellerent classem, inde adverso amne Babylonem subitueros. Ipse animo infinita complexus, statuerat, omni ad Orientem maritima regione perdomita, ex Syria petere Africam, Carthagini infensus, inde Numidiæ solitudinibus peragratis, cursum Gades dirigere (ibi namque columnas Herculis esse, fama vulgaverat) His-
pa-

paniam deinde , quam Hiberiam Græci à flumine Ibero vocabant, adire, & prætervehi Alpes , Italiæque oram , undè in Epirum brevis cursus est. Igitur Mesopotamiæ Prætoribus imperavit, materia in Libano monte cæsa , devectaque ad urbem Syriæ Tapsacum , ingentium carinas navium ponere, septem omnes esse, deducique Babylonem. Cypriotum Regibus imperatum , ut æs , stupamque , & vela præberent. Hæc agenti , Pori , & Taxilis Regum litteræ traduntur , Abisarem morbo , Philippum præfectum ipsius ex vulnere interiisse , oppressosque , qui vulnerassent eum. Igitur Philippo substituit Eudæmonem. Dux erat Thracum. Abisaris Regnum filio ejus attribuit.

C A P U T III.

*Orsinis Persæ laudes, liberalitas, criminatio, indig-
nissima cædes.*

Ventum est deinde Pasargadas : Persica est gens , cuius Satrapes Orsines erat , nobilitate , ac divitiis inter omnes Barbaros eminens, Genus ducebatur à Cyro quondam Rege Persarum. Opes & à majoribus traditas habebat , & ipse longa imperii possessione cumulaverat. Is Regi cum omnis generis donis , non ipsi modò ea , sed etiam amicis ejus daturus occurrit. Equorum domiti greges sequebantur , currusque argento, & auro adornati , pretiosa suppellex , nobiles gemmæ , aurea magni ponderis vassa , vestesque purpureæ , & signati argenti talentorum quotuot millia. Cæterum tanta benignitas Barbaro causa mortis fuit. Nam , cùm omnes amicos Regis donis super ipsorum vota coluisset,

Bagoæ spadoni , qui Alexandrum obsequio corporis devinxerat sibi , nullum honorem habuit ; admonitusque à quibusdam , quam Alexandro cordi esset, respondit , Amicos Regis , non scorta, se collere, nec moris esse Persis , mares ducere , qui stupro effeminarentur. His auditis , spado potentiam flagitio , & dedecore quæsitam, in caput nobilissimi , & insontis exercuit. Namque gentis ejusdem levissimos falsis criminibus astruxit , monitos tum demum ea deferre , cùm ipse jussisset. Interim, quoties sine arbitris erat , credulas Regis aures implebat , dissimulans causam iræ, quò gravior criminantis auctoritas esset. Nondum suspectus erat Orsines , jam tamen vilior. Reus enim in secreto agebatur , latentis periculi ignarus : & importunissimum scortum , ne in stupro quidem , & dedecoris patientia , fraudis oblitum , quoties amorem Regis in se accenderat , Orsinem modò avaritiæ , interdùm etiam defectionis arguebat. Jam matura erant in perniciem innocentis mendacia , & fatum, cuius inevitabilis sors est , appetebat. Fortè enim sepulcrum Cyri Alexander jussit aperiri , in quo erat conditum ejus corpus , cui dare volebat inferias. Auro , argentoque repletum esse crediderat : quippe ita fama Persæ vulgaverant. Sed præter clypeum ejus putrem , & arcus duos Scythicos , & acinacem , nihil reperit. Cæterum corona aurea imposta , amiculo , cui assueverat ipse , solium , in quo corpus jacebat , velavit , miratus tanti nominis Regem tantis præditum opibus , haud pretiosius sepultum esse , quām si fuisset è plebe. Proximus erat lateri spado , qui Regem intuens , quid mirum , inquit , est inania sepulcra esse Regum ,

cūm

cum Satraparum domus aurum inde egestum capere non possint? Quod ad me attinet, ipse hoc bustum anteā non videram, sed ex Dario ita accepi, tria millia talentorum condita esse cum Cyro. Hinc illa benignitas in te, ut, quod impune habere non poterat Orsines, donando etiam gratiam iniret. Concitaverat jam animum in iram, cūm hi, quibus negotium idem dederat, superveniunt. Hinc Bagoas, hinc ab eo subornati, falsis crimini- bus occupant aures: antequam accusati se suspi- caretur Orsines, in vincula traditus est. Non con- tentus suppicio insontis spado, ipse morituro manum injectit. Quem Orsines intuens, *audieram*, in- quirit, *in Asia olim regnasse fæminas; hoc vero nouum est, regnare castratum.* Hic fuit exitus nobilissimi Persarum, nec insontis modò, sed eximiae quoque benignitatis in Regem.

C A P U T IV.

Curtius Regis credulitatem, & credulitatem carpit. Europæ, Asiæ, & Greciæ statum exponit.

Eodem tempore Phradates Regnum affectasse suspectus occiditur. Cœperat esse præceps ad re-præsentanda suppicia, idem ad deteriora credenda, sic scilicet res secundæ valent commutare na- turam: & ratiō quisquam erga bona sua satis cau- tus est. Idem enim paulò antè Lyncestem Alexan- drum, delatum à duobus indicibus, damnare non sustinuerat, humiliores quoque reos, contra suam voluntatem, quia cæteris videbantur insontes, passus absolvi, hostibus victis regna reduxerat. Ad

ultimum à semetipso degeneravit , usque adeò , ut adversus libidinem animi , arbitrio scorti aliis regna daret , aliis adimeret vitam . Iisdem ferè diebus litteras à Cœnone accepit de rebus in Europa gestis , dum ipse Indiam subigit . Zopyrio , Traciæ præpositus , dum expeditionem in Getas faceret , tempestabitus , procellisque subito coortis , cum toto exercitu oppressus erat . Qua cognita clade , Seuthes Odrysas populares suos ad defectionem compulerat . Amissa propemodum Thracia ne Græcia quidem erat in fide . ** (2.) Igitur triginta navibus Sunium transmittunt . Promontorium est Atticæ terræ , unde portum urbis petere decreverant . His cognitis , Rex Harpalus , Atheniensibusque juxta infestus , classem parari jubet , Athenas protinus petiturus . Quod consilium dum agitat , clam litteræ ei redduntur , Harpalum intrasse quidem Athenas , pecunia conciliasse sibi principum animos ; mox concilio plebis habito , jussum urbe excedere , ad Græcos milites pervenisse , à quibus interceptum , & trucidatum à quodam viatore per insidias . His latus in Europam trajiciendi consilium omisit . Sed exules , præter eos , qui civili sanguine aspersi erant , recipi ab omnibus Græcorum civitibus , queis pulsi erant , jussit . Et Græci haud ausi imperium aspernari , quamquam solvendarum legum id principium esse censebant , bona quoque , quæ extarent , restituere damnatis . Soli Athenienses non suæ modò , sed etiam publicæ vindices libertatis , colluvionem hominum , quia ægre serviebant , non regio imperio , sed legibus , moribusque patriis regi assueti , prohibuere finibus , omnia potius toleraturi , quam purgamenta

quon-

quondam urbis suæ, tunc etiam exilii, admitterent.

C A P U T V.

Rex partem copiarum dimittere parat. Disolvit æs alienum sui exercitus, decem millia talentorum, hoc est sexagies centena millia aureorum, seu philippeorū.

Alexander senioribus militum in patriam remissis, tredecim millia peditum, & duo millia equitum, quæ in Asia retinerit, eligi jussit, existimans, modico exercitu contineri posse Asiam, quia pluribus locis præsidia disposuisset, nuperque conditas urbes, quas colonis replesset, res novare cupientibus obstare. Cæterū, priusquam secerneret, quos erat retenturus, edixit, ut omnes milites æs alienum profiterentur. Grave plerisque esse compererat. Et, quamquam ipsorum luxu contractum erat, dissolvere tamen ipse decreverat. Illi tentari ipsos rati, quò facilius ab integris sumptuosos diserneret, prolatando aliquantum extraxerant temporis. Et Rex satis gnarus, professioni æris, pudorem, non contumaciam obstare, mensas totius castris poni jussit, & decem millia talentorum proferri. Tùm demùm fide facta professi sunt. Nec amplius ex tanta pecunia, quam C. & XXX. talenta superfuere. Adeò ille exercitus, tot ditissimarum gentium vicit, plus tamen victoriæ, quam prædæ deportavit ex Asia.

CAPUT VI.

Seditionem militarem primùm frustrà conatur oratione sedare , quam mox paucorum nece reprimit. Macedones supplices rejicit , peregrinos , spretis Macedonibus , alloquitur , admittit. Seditiosos mergit aqua , ac tandem popularibus ignoscit.

CÆterum , ut cognitum est , alios remitti domum , alios retineri , perpetuam eum regni sedem in Asiam habiturum rati , vecordes , & disciplinæ militaris immemores , seditiosis vocibus castra complent , Regemque ferocius , quam alias adorti , omnes simul missionem postulare ceperunt , deformia ora cicatricibus , canitiemque capitum ostentantes . Nec aut Præfectorum castigatione , aut verecundia Regis deterriti , tumultuoso clamore , & militari violentia volentem loqui inhibebant , palam professi , nusquam inde , nisi in patriam vestigium esse moturos . Tandem silentio facto magis , quia motum esse credebant , quām quia ipsi moveri poterant , quidnam acturus esset , expectabant . Ille , Quid hæc , inquit , repens consternatio , & tam procax , atque effusa licentia denuntiat ? Eloqui timeo . Palam certè rupistis imperium , & precarior Rex sum , cui non alloquendi , non noscendi , monendique , aut intuendi vos jus reliquistis . Equidem cùm alios dimittere in patriam , alios mecum paulò post deportare statuerim , tam illos acclamantes video , qui abituri sunt , quām hos , cum quibus præmissos subsequi statuit . Quid hoc est rei ? Dispari in causa idem omnium clamor est . Pervelim

lim scire , utrūm , qui discedunt , an qui retinen-
tur , de me querantur ? Crederes uno ore omnes
sustulisse clamorem. Ita pariter ex tota concione
responsum est : Omnes queri. Tum ille , non her-
culè , inquit , potest fieri , ut adducar , querendi si-
mul omnibus hanc causam esse , quam obstenditis , in
qua major pars exercitus non est , utpotè cùm plu-
res dimiserim , quām resenturus sum. Subest nimi-
rūm altius malum , quod omnes avertit à me. Quan-
do enim Regem universus exercitus deseruit ? Ne
servi quidem uno grege profugiunt dominos , sed
est quidam in illis pudor à cæteris destitutos re-
linquendi. Verum ego tam furiosæ consternationis
oblitus , remedia insanabilibus conor adhibere.
Omnem herculè spem , quam ex vobis conceperam,
damno : nec ut cum milibus meis , (jam enim esse
desistit) sed ut cum ingratissimis civibus porrò
agere decrevi. Secundis rebus , quæ circumfluunt
vos , insanire cœpistis , obliti status ejus , quem
beneficio exuistis meo. Digni herculè , qui in eodem
consenescatis , quoniam facilius est vobis adversam ,
quam secundam regere fortunam. En tandem Illy-
riorum paullò antè , & Persarum tributariis , Asia ,
& tot gentium spolia fastidio sunt. Modò sub Phi-
lippo seminudis amicula ex purpura sordent ; au-
rum , & argentum oculi ferre non possunt. Ligneæ
enim vasa desiderant , & ex cratibus scuta , rubigi-
nemque gladiorum. Hoc cultu nitentes vos accepi ,
& quingenta talenta æris alieni , cùm omnis Re-
gia suppellex haud amplius , quām sexaginta ta-
lentorum esset , meorum mox operum fundamenta.
Quibus tamen (absit invidia) imperium maximæ
terrarum partis imposuit. Asiæ ne pertœsum est ,

qua vos gloria rerum gestarum Diis pares fecit? In Europam ire properatis, Rege deserto, cum pluribus vestrum defuturum viaticum fuerit, ni *æs* alienum luissem, nempè ex Asiatica præda. Nec pudet profundo ventre devictarum gentium spolia circumferentes reverti velle ad liberos, conjuges, quibus pauci præmia victoriæ potestis ostendere. Nam cæterorum, dum etiam spei vestræ obviam istis, arma quoque pignori sunt. Bonis verò militibus cariturus sum, pellicum suarum concubinis, quibus hoc solùm ex tantis opibus superest, quod impeditur. Proinde fugientibus me pateant limites, facessite hinc oxyus. Ego cum Persis abeuntium terga tutabor. Neminem teneo: liberate oculos meos, ingratisimi cives. Læti vos excipient parentes liberique, sine vestro Rege redeuntes! obviam ibunt desertoribus, transfugisque! Triumphabo me herculè de fuga vestra, & , ubicumque ero, expetam pænas, hos, cum quibus me relinquitis, calendo, præferendo que vobis. Jam autem scietis, & quantum sine Rege valeat exercitus, & quid opis in me uno sit. Desiluit deinde frendens de tribunali, & in medium armatorum agmen se immisit. Notatos quoque, qui ferocissimè obloquuti erant, singulos manu corriput; nec ausos repugnare, tredecim asservandos custodibus corporis tradidit, (3.) Quis crederet sævam Paulo anté concionem obtorpuisse subitu metu, & , cùm ad supplicium videret trahi, nihil ausos graviora, quam cæteros, * tam effusam antea licentiam, atque seditionem militum violentiam ita compressam, ut non modò nullus ex omnibus irruenti Regi restiterit, verum etiam cuncti pavore exanimati, attonitis similes, quid de ipsis quoque

que Rex statuendum censeret , suspensa mente ex-
pectarent? Itaque * sive Regni nominis, quod gen-
tes , quæ sub Regibus sunt , inter Deos colunt,
sive propria ipsius veneratio , sive fiducia tanta
vi exercentis imperium , conterruit eos : singulare
certe ediderunt patientiæ exemplum : adeoque non
sunt accensi supplicio commilitonum , cum sub
noctem interfectos esse nossent , ut nihil omiserint,
quod singuli magis obedienter , ac piè facerent.
Nam , cum postero die prohibiti aditu venissent,
Asiaticis modò militibus admissis , lugubrem to-
tis castris edidere clamorem , denuntiantes , pro-
tinus esse morituros , si Rex perseveraret irasci.
At ille pervicacis ad omnia , quæ agitasset , animi,
peregrinorum militum concionem advocari jubet,
Macedonibus intra castra cohibitis. Et , cum fre-
quentes coisent , adhibito interprete , talem oratio-
nem habuit. *Cum ex Europa trajicerem in Asiam ,*
multas nobiles gentes , magnam vim hominum im-
perio meo me additum esse sperabam. Nec decep-
tus sum , quod de his credidi famæ. Sed ad illa
hoc quoque accessit quod video fortes viros erga Re-
ges suos pietatis invictæ. Luxu omnia fluere cre-
dideram , & nimia felicitate mergi in voluptates.
At herculè munia militiæ: hoc animorum , corporum-
que robore impigre toleratis. Et , cùm fortes viri
sitis , non fortitudinem magis , quam fidem colitis.
Hoc ego nunc primum profiteor , sed olim scio.
Itaque & delectum è vobis juniorum babui , & vos
meorum militum corpori immiscui. Idem habitus , ea-
dem arma sunt vobis : obsequium verò , & patien-
tia imperii longè præstantior est , quam cœteris. Er-
go ipsæ Oxatris Persæ filiam mecum in matrimonio
junxi,

junxi , non dignatus ex captiva liberos tollere.
 Mox deinde , cum stirpem generis meis latius pro-
 pagare cuperem , uxorem Darii filiam duxi : proxi-
 misque amicorum auctor fui ex captivis generandi
 liberos , ut hoc sacrò fædere omne discriminem vici ,
 & victoris excluderem. Proinde genitos esse vos
 mihi , non ascitos milites credite. Asiæ , & Europæ
 unum atque idem Regnum est. Macedonum vobis ar-
 ma do. Inveteravi peregrinam novitatem , & cives
 mei estis , & milites. Omnia eumdem ducunt colorem.
 Nec Persis Macedonum mores adumbrare , nec Ma-
 cedonibus Persarum imitari indecorum est. Ejusdem
 juris esse debent , qui sub eodem Rege vici sunt . * Hac oratione habita , Persis corporis sui
 custodiam creditit , Persas satellites , Persas ap-
 paritores fecit. Per quos cum Macadones , qui huic
 seditioni occasionem dedissent , vinciti ad supplicia
 traherentur , unum ex iis , auctoritate , & ætate ,
 gravem , ad Regem ita loquutum ferunt. (4.) *
 Quosque , inquit , animo tuo etiam per supplicia ,
 & quidem , externi moris obsequeris ? Milites tui ,
 cives tui , incognita causa captivis suis ducentibus
 trahuntur ad penam. Si mortem meruisse judicas
 saltem ministros supplicii muta. Amico animo , si
 veri patiens fuisset , admonebatur. Sed in rabiem
 ira pervenerat. Itaque rursus (nam parumper , qui-
 bus imperatum erat , dubitaverant) mergi in am-
 nem , sicut vinciti erant , justit. Nec hoc quidem
 supplicium seditionem militum movit. Namque
 copiarum duces , atque amicos ejus manipuli edunt ,
 petentes , ut se quos adhuc pristina noxa judicaret
 esse contactos , juberet interfici , offerre se cor-
 pora iræ , trucidare. * Postquam verò cognitum
 est ,

est, Persis ducatus datos, Barbaros in varios ordines distributos, atque Macedonica iis imposita nomina, se verò ignominiosè penitus rejectos esse, non jam amplius conceptum animi dolorem perferre potuerunt. Sed concursu in regiam facto, interiori dumtaxat retenta tunica, arma ante januam, pœnitentiæ signum projecerunt, ac præfribus stantes intromiti se, sibique ignosci suppli- citer, atque flentes orabant, usque Rex suppli- ciis, suis potius saturet se, quam contumeliis; ipsos, nisi venia impetrata, non discessuros. Quæ cùm Alexandro nuntiata essent, apertis regiæ fo- ribus, ad ipsos est egressus. Postquam verò ip- sorum ejulatum, atque pœnitentiam, nec non mi- serandum, atque afflictum habitum vidisset, diu quoque collacrymatus est. Eaque modestia, ut ip- sis ignosceret, obtinuerunt. Eis deinde nunc mo- destè incusatis, nunc comiter appellatis, complures bello inutiles exautoravit, magnificentissimè que donatos dimisit: Scribens quoque ad Antipa- trum Macedoniae Præfectum, eis ad spectanda cer- tamina priores in theatro sedes assignari, coro- natosque sedere jussit. Defunctorum quoque libe- ros pupilos paterne contrahere stipendia voluit, Cratero iis præposito; quem etiam Antipatri loco, Macedonibus, Thessallis, Tracibusque præsesse jussit, Antipatrumque cum supplemento tyronum in Crateri lócum vocavit. Jampridem quidem Ale- xandro litteræ & ab Olympiade matre, & ab An- tipatro redditæ erant, ex quibus mutuam inter ip- sos simultatem percepérat, Mater Antipatrum affec- tati regni insimulabat: Antipater Olympiadem mul- ta præter ipsius decorum gerere scripserat. Itaque

evo-

evocari se valdè iniquo ferens animo, Alexandrum veneno interficere statuit. Peractis his rebus omnibus, Alexander ad Ecbatana Mediæ profectus, regni necessaria dispositus; spectacula denuò, & solemnies indixit dies. Illis forte diebus Hephaestion quem Rex unicè, ac fratri loco diligebat, febricitans moritur. Ex quo Alexander incredibili affectus dolore, multa, quæ regiam majestatem minimè decerent, admisisse dicitur. Miserum quippe medicum, tamquam in curando negligentior fuisse, suspendi jussit. Super amici corpus exanime ejulans procubuit; vixque inde ab amicis abstractus est. Diem, atque noctem luctum continuavit. Aliaque nonnulla feruntur, quæ quidem ego minimè credo. Illud tamen verum est, quod Alexander Hephaestioni, tamquam Heroi, sacrificari jusserrit. In funus, atque monumentum ei faciendum, plus, quam duodecim millia talentorum impensa sint. Revertenti Babylonem Chaldæi vates occurserunt, monentes, ne Babylonem ingrederetur. Profectiōnem enim ejus per id tempus vitæ periculum ei pretendere. Quibus spretis, quo destinaverat ire, pergit. Nuntiabatur enim, ei, legatos ex diversis terrarum orbis partibus undique Babylonem confluxisse, ejusque adventum expectare. Adeò totum orbem nominis ejus terror invaserat, ut cunctæ gentes, velut destinato sibi Regi adularentur. Igitur tanquam conventum universi orbis acturus, Babylonem pervenire festinabat. Quò cùm venisset, legatos omnes benigne susceptos domum remisit. Iisdem ferè diebus convivium apud Thessalum medicum institutum est, ad quod Rex quoque cum sodalibus vocatus venit. Ibi nondum Herculis

Iis scypho epoto , repente velut telo confixus , ingemuit. Elatus è convivio semianimis , tanto dolore cruciatus est , ut ferum in remedia posceret. Amici causam morbi intemperiem ebrietatis divulgarunt. Reverà autem insidiae fuerunt , quarum infamiam successorum potentia oppressit. Antipater enim præparatum venenum Cassandro filio , qui cum fratribus Philippo , & Jolla Regi ministrare solebat , dederat , præmonito eo , ne aliis , quām Thessalo , & fratribus crederet. Philippus itaque , & Jollas , potum Regis prægustare soliti , in aqua frigida venenum habentes , eam prægustatæ potioni Regis supermisserunt. Quarto deinde die , cum milites partim mortuum suspicarentur idque celari crederent , partim ejus desiderium ferre non possent , mœsti sese in regiam contulerunt : ut si- bi Regis videndi copia fieret , orantes. Atque à cus- todibus ex mandato Regis intromissi sunt. *

C A P U T VII.

Rex Babylonem reversus , propinato sibi per Cas- sandrum , & Jollam veneno , moriturus salutat exercitum. Perdiccœ tradit annulum. Respondet amicis , supremaque mandata edit , & extin- guitur.

(5.) **T**ntuentibus lacrymæ obortæ præbuere spe- ciem jam non Regem , sed funus ejus visentis exer- citus. Mœror tamen circumstantium lectum emine- bat ; quos ut Rex aspexit , *Invenietis , inquit cum excessero , dignum talibus viris Regem ?* Incredi- bi-

bile dictu , audituque , in eodem habitu corporis , in quem se composuerat , cum admissurus milites esset , durasse , donec à toto exercitu illo ad ultimum persalutatus est. Dimissoque vulgo , velut omni vitæ debito liberatus fatigata membra rejecit , propriusque adire jussis amicis (nam & vox deficere jam cœperat) detraçtum annulum digito Perdiccæ tradidit , adjectis mandatis , ut corpus suum ad Hammonem ferri juberet. Quærerentibusque his ; cui relinqueret Regnum , respondit , *Ei , qui esset optimus : cæterū prævidere jam se ob id certamen magnos funebres ludos parari sibi.* Rursus , Perdicca interrogante , *Quando cœlestes honores haberi sibi vellet , dixit , Tum velle , cum ipsi felices essent.* Suprema hæc vox fuit Regis ; & paullò post extinguitur.

CAPUT VIIII.

Luctus omnium immensus per totam Asiam , Purpuratorum , Prætoriæ cohortis , exercitus , Persarum , Sysigambis ex luctu mors.

AC primò ploratu , lamentisque , & planctibus tota regia personabat. Mox , velut in vasta solitudine , omnia tristi silentio muta torpebant , ad cogitationes , quid deinde futurum esset , dolore converso. Nobiles pueri custodiæ corporis ejus assueti , nec doloris magnitudinem capere , nec seipsos intra vestibulum regiæ retinere potuerunt ; vagique , & furentibus similes , totam urbem luctu , ac mœrore compleverant , nullis quæstibus omissis , quos in tali casu dolor suggerit. Ergo qui extra regiam

giam astiterant, Macedones pariter, Barbarique concurrunt. Nec poterant victi à victoribus in communi dolore discerni, Persæ justissimum, ac mitissimum Dominum, Macedones optimum, ac fortissimum Regem invocantes, certamen quoddam mœroris edebant. Nec mœstorum solum, sed etiam indignantium voces exaudiebantur, tam viridem, & in flore ætatis, fortunæque, invidia Deorum eruptum esse rebus humanis. Vigor ejus, & vultus edacentis in prælium milites, obsidentis urbes, evadentis in muros, fortes viros pro concione donatis, occurribant oculis. Tum Macedones divinos honores negasse ei pœnitiebat, impiosque, & ingratos fuisse se confitebantur, quod aures ejus debita appellatione fraudassent. Et, cùm diu nunc in veneratione, nunc in desiderio Regis hæsissent, in ipsos versa miseratio est. Macedonia profecti ultra Euphratem, mediis hostibus novum imperium aspernantibus, destitutos se esse cernebant: sine certo Regis hærede, sine hæredè regni, publicas vires ad se quemque tracturum. Bella deinde civilia, quæ sequuta sunt, mentibus augurabantur. Iterum non de regno Asiæ, sed de Rege, ipsis sanguinem esse fundendum. Nobis vulneribus veteres rumpendas cicatrices. Senes debiles modò petita missione à justo Rege, nunc morituros pro potentia forsitan satellitis alicujus ignobilis. Has cogitationes volventibus nox supervenit, terroremque auxit. Milites in armis vigilabant. Babylonii, aliis è muris, aliis è culmine sui quisque tecti prospectabant, quasi certiora visuri. Nec quisquam lumen audebat accendere. Et, quia oculorum cessabat usus, fremitus, vocesque auribus captabant. Ac

ple-

plerumque vano metu territi¹, per obscuras semitas aliis alii occursantes, invicem suspecti , & solliciti ferebantur. Persæ , comis suo more detonsis , in lugubri veste cum conjugibus, ac liberis , non ut victorem , & modò hostem , sed ut gentis suæ justissimum Regem , vero desiderio lugebant. Assueti sub Rege vivere , non alium ,qui imperaret ipsis , digniorem fuisse confitebantur. Nec muris urbis luctus continebatur , sed proximam regionem , ab eo deinde magnam partem Asiæ cis Euphratem , tanti mali fama pervaserat. Ad Darii quoque matrem celeriter perlata est. Abscisa ergo veste , qua induita erat , lugubrem sumpsit ; laceratisque crinibus humi corpus abjecit. Assidebat ei altera ex neptibus , nuper amissum Hephaestionem , cui nupserat lugens , propriasque causas doloris in communis mœstitia retractabat. Sed omnium suorum mala Sy sigambis una capiebat. Illa suam , illa neptium vicem flebat. Recens dolor etiam præterita revocaverat. Crederes modò amissum Darium , & pariter miserae duorum filiorum exequias esse ducendas. Flebat mortuos simul , vivosque. Quem enim puellarum acturum esse curam ? quem alium futurum Alexandrum ? Iterum esse se captas , iterum , excidisse Regno. Qui mortuo Dario ipsas tueretur , reperisse ; qui post Alexandrum respiceret , utique non reperturas. Subibat inter hæc animum , octoginta fratres suos eodem die ab Ocho sævissimo Regum trucidatos ; adjectumque stragi tot filiorum patrem. E septem liberis , quos genuisset ipsa, unum superesse : ipsum Darium floruisse paulisper , ut crudelius posset extingui. Ad ultimum dolori succubuit , obvolutoque capite assidentes genibus suis

quis neptem , nepotemque aversata , cibo pariter
abstinuit , & luce. Quinto , postquam mori statue-
rat , die extincta est. Magnum profectò Alexandri
indulgentiæ in eam , justiciæque in omnes captivos
documentum est mors hujus , quæ cùm sustinuis-
set post Darium vivere , Alexandro esse superstes
erubuit.

C A P U T I X.

*Laudatio funebris , virtutes , fortunam , famam ,
gloriam Regis , vitiis extenuatis , complexa.*

ET herculè juste stimantibus Regem liquet , bo-
na naturæ ejus fuisse , vitia vel fortunæ , vel æta-
tis. Vis incredibilis animi , laboris patientia prope-
modum nimia , fortitudo non inter Reges modo
excelleris , sed inter illos quoque , quorum hæc so-
la virtus fuit ; liberalitas sæpè majora tribuentis ,
quām à Diis petuntur ; clementia in devictos ; tot
regnat , aut redditia , quibus ea Dempserat bello ,
aut dono data ; mortis , cuius metus cæteros exani-
mat , perpetua contemptio gloriæ , laudisque ut jus-
to major cupido , ita ut juveni , & in tantis admitt-
enda rebus ; jam pietas erga parentes , quorum
Olympiada immortalitati consecrare decreverat ,
Philippum ultus erat ; jam in omnes ferè amicos be-
nignitas ; erga milites benevolentia ; consilium pa-
magnitudini animi ; & , quantam vix poterat ætas
ejus capere , solertia ; modus immodicarum cupidi-
tatum ; veneris intra naturale desiderium usus ; nec
ulla , nisi ex permisso , voluptas , ingentes profecto-
dotes erant. Vitia fortunæ , Diis æquare se ; cœles-
tes honores accersere , & talia suadentibus Oracu-
lis credere , & deditantibus venerari ; ipsum vehe-
Cc men-

mentius, quam par esset, irasci, in externum habitum mutare corporis cultum, imitari devictatum gentium mores, quam ante victoriam spreverat. Nam iracundiam, & cupidinem vini, sicut juventa irritaverat, ita senectus mitigate potuisset. Fatendum est tamen, cum plurimum virtuti debuerit, plus debuisse fortunae, quam solus omnium mortalium in potestate habuit. Quoties illum à morte revocavit? Quoties temere in pericula vectum perpetua felicitate protexit? Vitæ quoque finem eundem illi, quem gloriæ statuit. Expectavere eum fata, dum, Oriente perdomito, aditoque Occeano, quidquid mortalitas capiebat, impleret. Huic Regi, Ducique successor quærebatur. Sed major moles erat, quam ut unus subire eam posset. Itaque nomen quoque ejus, & fama rerum, in totum propemodum urbem Reges, ac regna diffundit: clarissimique sunt habiti, qui etiam minimæ parti tantæ fortunæ adhæserunt.

C A P U T . X.

Vocato Principum cœtu, Perdicca perorat apud milites; & agit de Rege subrogando, quem nominat Roxanis filium nondum genitum.

(6.) **C**Æterum Babylone (inde enim divertit oratio) corporis ejus custodes, in regiam principes amicorum, ducesque copiarum advocavere. Sequuta est militum turba cupientium scire in quem Alexandri fortuna esset transitura. Multi duces frequentiae militum exclusi; regiam intrare non poterant, cum præco, exceptis, qui nominatim citarentur, adire prohibuit. Ac primum ejulatus ingens, ploratusque renovatus est. Deinde futuri expectatio,

tio , inhibitis lacrymis , silentium fecit. Tunc Perdicca Regia sella in conspectu vulgi data , in qua diadema , vestisque Alexandri cum armis erant, annulum sibi pridie traditum à Rege , in eadem sede posuit. Quorum aspectu rursus obortæ omnibus lacrymæ integravere luctum. Et Perdicca , Ego quidem , inquit , annulum , quo ille Regni , atque Imperii vires obsignare erat solitus , traditum ab ipso mihi , reddo vobis. Cæterum , quamquā nulla clades huic , qua affecti sumus , par ab iratis Diis excogitari potest ; tamen magnitudinem rerum , quas egit , intuentibus , credere licet , tantum virum Deos accomodasse rebus humanis , quarum sorte completa , cito repeterent eum suæ stirpi. Proinde quoniam nihil aliud ex eo superest , quam quod semper ab immortalitate seducitur corpori , nominique quād primūm justa solvamus , haud obliti , in qua urbe , inter quos simus , quali Rege , ac Præside spoliati. Tractandum est , commilitones , cogitandumque , ut victoriā partam inter hos , de quibus parta est , obtineri possimus. Capite opus est. Hoc ne uno , an pluribus , in vestra potestate est. Illud scire debetis , militarem sine duce turbam corpus esse sine spiritu. Sextus mensis est , ex quo Roxane prægnans est : Optamus , ut marem emitatur , cuius Regnum Diis approbantibus futurum , quando adoleverit ; interim à quibus regi velitis , destinate. Hæc Perdicca.

CAPUT XI.

Nearchus Barsines filium dicit Regem. Ptolomæus Aristocratiam suadet. Aristonous Perdiccam conatur coronare: quod Perdicca cupit, nec audet. Meleager ad aurum properans movet seditionem. Greagarius Aridæum fratrem Alexandri designat: Python dissuadet: concio jubet. Adducitur, & Rex salutatur à milite. Refragantur Optimates, & in Perdicce sententiam concedunt.

TUM Nearchus, Alexandri sanguinem, ac stirpem Regiæ majestati convenire, neminem, ait, posse mirari: cæterum expectari nondum ortum Regem, &, qui jam sit, præteriri, nec animis Macedonum convenire, nec tempori rerum: esse è Barside filium Regis, huic diadema dandum. Nulli placebat oratio. Itaque suo more hastis scuto quantentes, obstrepere perseverabant. Jamque propè seditionem pervenerant, Nearcho pervicacius tuente sententiam. Tum Ptolomæus: *Digna prorsus est soboles, inquit, quæ Macedonum imperet genti, Roxanes, vel Barsines filius, cuius nomen quoque Europam dicere pigebit, majori ex parte captivi. Cur Persas vicerimus, ut stirpi eorum serviamus? quod justi illi Reges Darius, & Xerxes tot militum agminibus, tantisque clasibus nequicquam petiverunt. Mea sententia hæc est, ut sede Alexandri in regiæ posita, qui consiliis ejus adhibebantur, coeant, quozies in commune consulto opus fuerit; eoque, quod major pars eorum decreverit, stetur; Duces, Præfectique copiarum his parcant. Ptolomæo quidam,* pau-

pauciores Perdiccæ assentiebantur. Tum Aristonus
orsus est dicere, Alexandrum consultum, cui re-
linqueret regnum, voluisse optimum deligi, ju-
dicatum autem ab ipso optimum Perdiccam, cui
annulum tradidisset. Neque enim unum eum asse-
disse morienti, sed circumferentem oculos ex turba
amicorum delegisse cui traderet. Placere igitur
summam imperii ad Perdiccam deferri. Nec dubi-
tavere, quin vera censeret. Itaque universi proce-
dere in medium Perdiccam, & Regis annulum to-
lere jubebant. Hærebant inter cupiditatem, podo-
remque, & quo modestius, quod expectabant, ap-
peteret, pervicacious oblatores esse credebat. Ita-
que cunctatus, diuque, quid ageret, incertus,
ad ultimum tamen recessit, & post eos, qui se-
derant proximi, constitit. At Meleager unus è Du-
cibus, confirmato animo quem Perdiccæ cunctatio
erexerat : *Nec Dii siverint, inquit, ut Alexan-
dri fortuna, tantique Regni fastigium in istos hu-
meros ruat, homines certe non ferent. Nihil dico de
nobiliaribus, quam his est, sed de viris tantum, qui-
bus invitis nihil perpeti necesse est. Nec vero inter-
est, Roxanes filium, quam documque genitus erit, an
Perdiccam Regem habeatis, cum iste sub tutelæ spe-
cie regnum occupaturus sit. Itaque nemo ei Rex pla-
cket, nisi qui nondum natus est. Et in tanta omnium
festinatione, non justa modò, sed etiam necessaria,
exactas menses solus expectat, & jam divinat ma-
rem esse conceptum, quem vos dubitatis paratum es-
se, vel subdere? Si medius fidius Alexander non
bis Regem pro se reliquisset, id solum ex his, que
imperasset, non faciendum esse censerem. Quin igi-
tur ad diripiendos thesauros discurritis?* Harum

enim opum Regiarum utique populus est hæres. Hæc eloquutus, per medios armatos erupit. Et qui absenti viam dederant, ipsum ad prænuntiatam prædam sequebantur (7.) Jamque armatorum circa Meleagrum frequens globus erat, in seditionem, ac discordiam versa concione, cum quidam plerisque Macedonum ignotus ex infima plebe, *Quid opus est, inquit, armis, civilique bello, habentibus Regem, quem queritis?* Aridaeus Philippo genitus, Alexandri paulò ante Regis frater, sacrorum, cærimoniarumque consors modo, nunc solus hæres, præteritur à vobis. Quo merito suo? Quidve fecit cur etiam gentium communi jure fraudetur? Si Alessandro similem queritis, numquam reperietis: si proximum, hic solus est. His auditis, contio primò silentium velut jussa habuit. Conclamat deinde pariter, Aridaeum vocandum esse, mortemque meritos, qui concessionem sine eo habuissent. Tum Python, plenus lacrymarum, orditur dicere, nunc vel maximè miserabilem esse Alexandrum, qui tam bonorum civium, militumque fructu, & præsentia fraudatus esset. Nomen enim, memoriamque Regis sui tantum intuentes, ad cætera caligare eos. Haud ambigue in juvenem, cui Regnum destinabatur, impensa probra, quæ * magis ipsi odium, quam Aridaeo contemptum attulerunt. Quippe dum miserentur, etiam favere cœperunt. Igitur non alium se, quam eum, qui ad hanc spem genitus esset, regnare passuros, pertinaci aclamatione declarant, vocarique Aridaeum jubent. Quem Meleager infestus, invisusque Perdiccae strenuè perducit in regiam, & milites Philippum consalutatum Regem appellant. Cæterum hæc vulgi erat vox,

vox, Principum alia sententia. Equitibus Python consilium Perdiccae exequi cœpit: tutoresque destinat filio ex Rosane futuro Perdiccam, & Leonnatum stirpe Regia genitos. Adjecit, ut in Europa Cratus, & Antipater res administrarent. Tum jusjurandum, à singulis exactum, futuros in potestate Regis geniti Alexandro.

CAPUT XII.

Meleager Aridæum revocat, qui insignia capit Regia. Perdicca cum equitatu, & Regia cohorte, Regi cedit. Meleager tendit Perdiccae insidias, in quas mox ipse incidit. Perdicca occupat Babyloniam campos, annonam intercipit. Mittuntur Lagati ad Perdiccam de concordia. Arideus deponit insignia Regia, meliori porrigenda: jubetur illa recipere. Perdicca simulat amicitiam erga Meleagrum. Curtius excurrit in statum, & felicitatem sui ævi. Meleager circumvenitur, & occiditur.

Meleager haud injuria metu suplicii territus, cum suis secesserat. Rursus Philippum trahens secum, irrupit in regiam, clamitans suffragari reipublicæ de novo Regem paulò ante concepto, robustatis experientur, modò stirpem Philippi, & filium, ac fratrem Regum duorum sibi metipsis potissimum crederent. Nullum profundum mare, nullum vastum fretum, & procellosum tantos ciet fluctus, quantos multitudine motus habet, utique si nova, & brevi duratura libertate luxuriat. Pauci Perdiccae modò electo, plures Philippo, quam sper-

verat, imperium dabant. Nec velle, nec nolle quidquam diu poterat, pœnitebatque modò consili, modò pœnitentiæ ipsius. Ad ultimum tamen in stirpem regiam inclinavere studiis. Cesserat ex concione Aridæus Principum auctoritate contritus: & abeunte illo conticuerat magis, quam languerat militaris favor. Itaque revocatus, vestem fratris, eam ipsam, quæ in sella posita fuerat, induitur. Et Meleager thorace sumpto, capit arma, novi Regis satelles. Sequitur phalanx hastis clypeos quatiens. Expleturam se sanguine illorum, qui affectaverant nihil ad ipsos pertinens Regnum, minabatur, in eadem domo, familiaque imperii vires remansuras hereditarium imperium stirpem Regiam viadicaturam, assuetos esse nomen ipsum colore, venerarique, nec quemquam id capere, nisi genitum, ut regnaret. Igitur Perdicca territus, conclave, in quo Alexandri corpus jacebat, obserari jubet. Sexcenti cum ipso erant spectatæ virtutis. Ptolemæus quoque se adjunxerat ei, puerorumque regia cohors. Cæterum haud difficulter à tot millibus armatorum claustra perfracta sunt. Et Rex quoque irruperat, stipatus satellitum turba, quorum princeps erat Meleager. Iratusque Perdicca, hos, qui Alexandri corpus tueri vellent, sevocat. Sed qui irruperant, eminus tela in ipsum jaciebant; multisque vulneratis, tandem seniores, demptis galeis, quò facilius nosci possent, precari, qui cum Perdicca erant, cœpere, ut abstinerent bello, Regique, & pluribus cederent. Primus Perdicca arma depositus, cæterique idem fecere. Meleagro deinde suadente, ne à corpore Alexandri discederent, insidiis locum quæri

rati , diversa regiæ parte ad Euphratem fugam intendunt. Equitatus , qui ex nobilissimis juvenum constabat , Perdiccam , & Leonnatum frequens sequebatur , placebatque excedere urbe , & tendere in campos. Sed Perdicca ne pedites quidem sequuturos ipsum desperabat.. Itaque , ne abducendo equites abrupisse à cætero exercitu videretur , in urbe sustitit. (8.) At Meleager Regem monere non destitit , jus imperii Perdiccæ morte sanciendum esse , ni occupetur impotens animus rerum novarum ; meminisse eum , quid de Rege metuisset ; neminem autem ei satis fidum esse , quem metuat. Rex patiebatur magis , quām assentiebatur. Itaque Meleager silentium pro imperio habuit ; misitque Regis nomine , qui Perdiccam accerserent. Iisdem mandatum , ut occiderent , si venire dubitaret. Perdicca , nuntiato satellitum adventu , sexdecim omnino pueris regiæ cohortis comitatus , in limine domus suæ constitit ; castigatosque , & Meleagri mancipia identidem appellans , sic animi , vultusque constantia terruit , ut vix mentis compotes fugerent. Perdicca pueros jussit equos concendere ; & cum paucis amicorum ad Leonnatum pervenit , jam firmiore præsidio vim propulsaturus , si quis inferret. Postero die indigna res Macedonibus videbatur , Perdiccam ad mortis periculum adductum , & Meleagri temeritatem armis ultum ire decreverant. Atque , ille seditione professa , cùm Regem adissent , interrogare eum cœpere , an Perdiccam comprehendi ipse jussisset. Ille Meleagri instinctu se jussisse respondit ; cæterū non debere tumultuari eos ; Perdiccam enim vivere. Igitur concioне dimissa , Meleager , equitum maximè defectioне perterritus , inopsque consiliī (quippe in ipsum pe-

periculum reciderat , quod inimico paulò antè intenderat) triduum ferè consumpsit incerta consilia volvendo. Et pristina quidem regiæ species manebat. Nam & legati gentium Regem adibant , & copiarum duces aderant , & vestibulum satellites, armatique compleverant. Sed ingens sua sponte mœsticia ultimæ desperationis index erat , suspectaque invicem , non adire proprius , non colloqui audabant , secretas cogitationes intra se quoque volventes : & ex comparatione Regis novi desiderium excitabatur amissi. Ubi ille esset , cuius imperium , cuius auspiciū sequuti erant , requirebant. Destitutos se inter infestas , indomitasque gentes , experituros tot cladium suarum pœnas , quandocumque oblata esset occasio. His cogitationibus animos excedebant ; cum annuntiatur ; equites , qui sub Perdicca essent , occupatis citra Babylonem campis , frumentum , quod in urbem invehebatur , retinuisse. Itaque inopia primum , deinde fames esse cœpit. Et , qui in urbe erant , aut reconciliandam gratiam cum Perdicca , aut armis certandum esse censebant. Fortè occiderat , ut qui in agris erant , populationem villarum , vicorumque veriti , confugerent in urbem ; oppidani , cum ipsos alimenta deficerent , urbe excederent , & utrique generi tutior aliena sedes , quam sua videretur. Quorum consternationem Macedones veriti , in regiam coeunt , quæque ipsorum sententiæ esset , exponunt. Placebat autem legatos ad equites mitti , definienda discordia , armisque ponendis. Igitur à Rege legatur Pasas Thessalus , & Amissas Megalopolitanus , & Perilaus , qui cum mandata Regis edidissent , non aliter posituros arma equites , quam si Rex discordiæ autores dedidisset , tu-

lere responsum. His renuntiatis, sua sponte milites
 arma capiunt. Quorum tumultu è regia Philippus
 excitus. Nihil, inquit, seditione est opus. Nam in-
 ter se certantium præmia, qui quievenint, occupabunt.
 Simul mementote rem esse cum civibus, quibus spem
 gratiæ citò abrumpere, ad bellum civile properantium
 est. Altera legatione, an mitigari possint, experiamur;
 & credo nondum Regis corpore sepulto ad præstanda
 ei justa omnes esse coituros. Quod ad me attinet, red-
 dere hoc imperium malo, quād exercere civium sanguine.
 Et, si nulla alia concordiæ spes est, oro, quæ soque,
 eligite potiorem. Obortis deinde lacrymis, diadema
 detrahit capiti, dextram, qua id tenebat, protendens,
 ut, si quis se dignorem profiteretur, acciperet. In-
 gentem spem indolis ante eum diem fratriis claritate
 suppressam, ea moderata excitavit oratio. Itaque
 cuncti instare cœperunt, ut, quæ agitasset, exequi
 veller. Eosdem rursus legat, petituros, ut Meleagrum
 tertium ducem acciperent. Haud ægrè id impetratum
 est. Nam & adducere Meleagrum Perdicca à Rege
 cupiebat, & unum duobus imparem futurum esse
 censebat. Igitur Meleogro cum phalange obviam
 egresso, Perdicca equitum turmas antecedens oc-
 currit. Utrumque agmen, mutua salutatione facta
 coit, in perpetuum (ut arbitrabantur) concordia, &
 pace firmata. (9.) Sed jam satis admovebantur Ma-
 cedonum genti bella civilia. Nam & insociabile est
 Regnum, & à pluribus expetebatur. Primum ergo
 collegere vires, deinde disperserunt; &, cùm plu-
 ribus corpus, cùm capiebat, onerassent, cætera
 membra deficere cœperunt. Quodque imperium sub
 uno staret potuisse, dum à pluribus sustinetur, ruit,
 Proinde jure, meritoque, Populus Romanus salutem
 se

se Principi suo debere profitetur, qui noctis, quam
pene supremam habuimus, novum sidus illuxit. Hu-
jus herculè, non Solis ortus, lucem caliganti red-
dedit mundo, cum sine suo capite discordia mem-
bra trepidarent. Quot ille tum extinxit faces? quot
condidit gladios? quantam tempestatem subita se-
genitate discussit? Non ergo revirescit solùm, sed
etiam florat imperium. Absit modò invidia, excipiet
hujus sæculi tempora ejusdem domus, utinam perpe-
tua, certè diurna posteritas. Cæterùm, ut ad or-
dinem, à quo me contemplatio publicæ felicitatis
averterat, redeam, Perdicca unicam spem salutis
sue in Meleagri monte deponebat, vanum eundem,
& infidum, celeriterque res novaturum, & sibi maxi-
mè infestum occupandum esse. Sed alta dissimu-
latione consilium premebat, ut oppimeret incautum.
Ergo clam quosdam ex copiis, quibus præerat, sub-
ornavit, ut quasi ignoraret ipse, conquererentur
palam, Meleagrum æquatum esse Perdiccæ. Quo-
rum sermone Meleager ad se relato, furens ira, Per-
diccæ, quæ comperisset, exponit. Ille, velut nova-
re exterritus, admirari, queri, dolentisque speciem
ostentare ei cœpit. Ad ultimum convenit, ut com-
prehenderentur tam seditiosæ vocis auctores. Agit
Meleager gratias, amplexusque Perdiccam, fidem
eius in se, ac benevolentiam collaudat. Tum com-
muni consilio rationem opprimendi noxios ineunt.
Placet exercitum patrio more lustrare: & probabi-
lis causa videbatur, præterita discordia. Macedonum
Reges ita lustrare soliti erant milites, ut discissæ
canis viscera ultimo in campo, in quem deducere-
tur exercitus, ab utraque abjicerentur parte, intra
id spatiū armati omnes starent, hinc equites, illinc

phalanx. Itaque eo die, quem huic sacro destinaverant, Rex cum equitibus, elephantisque constiterat contra pedites, queis Meleager præerat. Jam equestre agmen movebatur, & pedites subita formidine, ob recentem discordiam haud sane pacati, quidquam expectantes, parumper addubitatavere, an in urbem subducerent copias: quippe pro equitibus planities erat. Cæterum veriti, ne temerè commilitonum fidem damnarent, substitere, præparatis ad dimicandum animis, si quis vim inferret. Jam agmina coibant, parvumque intervallum erat, quo aciem utramque divideret. Itaque Rex cum una ala obequitare peditibus cœpit, discordiæ auctores, quos tueri ipse debebat, instinctu Perdiccæ ad supplicia depositus, minabaturque, omnes turmas cum elephantis inducturum se in recusantes: stupebant improviso malo pedites: nec plus in ipso Meleagro erat, aut consilii, aut animi. Tutissimum ex præsentibus videbatur expectare potius, quam movere fortunam. Tunc Perdicca ut torpentes, & obnoxios vidi, trecentos ferè, qui Meleagrum erumpentem ex concione, quæ prima habita est post mortem Alexandri, sequuti erant, à cæteris discretos, elephantis, in conspectu totius exercitus objicit, omnesque belluarum pedibus obtriti sunt, nec prohibente Philippo, nec auctore. Apparebatque id modò pro suo vindicaturum, quod approbasset evenitus. Hos bellorum civilium Macedonibus & omen, & principium fuit, Meleager, serò intellecta fraude Perdiccæ, tum quidem quia ipsius corpori vix non afferebatur, in agmine quietus stetit: at mox, damnata spe salutis, cùm ejus nomine, quem ipse fecerat Regem, in perniciem suam abutentes videret,

ini-

inimicos, confugit in templum. Ac ne loci quidem religione defensus, occiditur.

CAPUT XIII.

Perdicca, summa rerum Arideo fratri Alexandri commissa, dividis Principibus copiarum provincias.

(10.) **P**erdicca, perducto in urbem exercitu, concilium principum virorum habuit. In quo imperium ita dividi placuit, ut Rex quidem summam ejus obtineret; Satrapes Ptolemæus Ægypti, & Africæ gentium, quæ in ditione erant, Laomedonti Syria cum Phœnice data est; Philotæ Cilicia destinata; Lyciam cum Phamphilia, & majore Phrigia obtingere jussus Antigonus; in Cariam Cassander, Menander in Lydiam missit. Phrygiam minorem Helesponto adjunctam Leonnati provinciam esse jusserrunt; Cappadocia Eumeni cum Paphlagonia cessit. Praeceptum est, ut regionem eam usque ad Trapezunta defenderet, bellum cum Arbate gereret. Solus hic detrectabat imperium. Python Mediam, Lysimachus Thraciam appositasque Thraciæ Ponticas gentes obtinere jussi. Qui Indiæ, quique Bactris, & Sogdianis, cæterisque, aut Oceani, aut Rubri maris accolis præerant, quibus quisque finibus habuisset, imperii etiam jus obtinere. Decretum est, ut Perdicca cum Rege esset, copiisque præcesset, quæ Regem sequebantur. Credidere quidam, testamento Alexandri distributas esse provincias: sed famam ejus rei (quamquam ab auctoribus tradita est): vanam fuisse comperimus. Et quidem suas quisque opes,

epes, divisis imperii partibus tuebantur; quas ipsi fundaverant, si umquam adversus immodicas cupiditates terminus staret: quippe paulò ante Regis ministri, specie imperii alieni procurandi, singuli ingentia invaserant Regna, sublatis certaminum causis, cum, & omnes ejusdem gentis essent, & à cæteris sui quisque imperii regione discreti. Sed difficilè erat eo contentos esse, quod obtulerat occasio: quippe sordent prima, cùm majora sperantur. Itaque omnibus expeditius videbatur, augere regna, quam fuisset accipere.

C A P U T X I V.

Proceres septimo post die, quam Alexander obierat, versi ad curandum corpus Alexandri, reperium in corruptum, & tantum non spirans, ut polinctores vererentur manus admovere. Post purgatum, & inunctum, aromatisquerepletum, Regio insigni exor- nant, & in aureo solio, seu feretro collocant. Nar- ratur quoque genus mortis; & quam vim habeat Stygia aqua: demum ut tota stirps Alexandri sub- lata, corpusque in Ægyptum translatum sit.


SOptimus dies erat, ex quo corpus Regis jacebat in solio, curis omnium ad formadum publicum statum à tam solemini munere aversis, & non alias, quam Mesopotamiæ regioni servidior æstus existit. adeò, ut pleraque animalia, quæ in nudo solo deprehendit, extinguat. Tantus est vapor Solis, & Cœli, quo cuncta, velut igne, torrentur. Fontes aquarum, & rari sunt, & incolentium fraude ce-


lan-

Iantur. Ipsi susus patet, ignotus est advenis. Ut tandem curare corpus exanimum amicis vacavit, nulla tabe, ne minimo quidem livore corruptum videre, qui introverant. Vigor quoque, qui constat ex spiritu, non destituerat vultum. Itaque Ægyptii, Caldeique jussi corpus suo more curare, primò non sunt ausi admovere, velut spiranti manus: deinde precati, ut jus, fasque esset mortalibus attrahere eum, purgavere corpus: repletumque est odoribus aureum solium, & capiti adjecta fortunæ ejus insignia, *Veneno necatum esse credidere:* plerique, filium Antipatri inter ministros, Jollam nomine, patris jussu dedisse. Sepè certè audita erat vox Alexandri, Antiparrum Regium affectare fastigium, majoremque esse Præfecti opibus, ac titulo Spartanæ victoriæ inflatum, omnia à se data asserentem sibi. Credebant etiam, Craterum cum veterum militum manu ad interficiendum eum missum. Vim autem veneni, quod in Macedonia gignitur, tales constat, ut ferrum quoque exuvat, ungulæ jumenti duntaxat patiens. Stygem appellant fontem ex quo pestiferum virus emanat. Hos per Cassandrum allatum, traditumque fratri Jollæ, & ab eo supremæ Regis potionis inditum. Hæc, utcumque sunt tradita, eorum, quos rumor asperxerat, mox potentie extinxit. Regnum enim Macedoniæ Antipater, & Græciam quoque invasit. Sboles deinde exceptit, intersectis omnibus, quicumque Alexandrum etiam longinqua cognatione contingerent. Cæterum corpus ejus à Ptolomæo, cui Ægyptus cesserat, Memphin, & inde paucis post annis Alexandriam translatum est, omnisque memoriæ, ac nomini honos habetur.



UNED





UNED

F. A.

171

UNED